



5.6.7



I

GASPERIS SCIOPPII  
GRAMMATICA  
PHILOSOPHICA

*Primum à Viro Amplissimo*

PETRO SCAVENIO,

plurimis in locis e schedis ipsius Aucto-  
ris insigniter aucta, & Præfatione de Ve-  
teris ac Novæ Grammaticæ Latinæ, ori-  
ginæ, dignitate, & usu ornata, cui  
alia Marquardi Gudii præfixa.

*Jam autem multo commodior facta: quo Annota-  
tiones suis locis inseruit; lectionem intri-  
catam doctis restituit; atque ita*

SCHOLARUM USUI

*destinare voluit*

TOBIAS GUTBERLETH,

J. U. D. Bibliothecæ Academiæ  
Franckeranæ Præfectus,



FRANEKERÆ,

Excudit FRANCISCUS HALMA, Illustr.  
Frisiæ Ordd. atque Eorund. Acad. Typograph. Ordinar.

M D C C I V.





# TYPOGRAPHUS LECTORI

S.



*Q*uanta requiratur prudentia in arte Grammatica tradenda, nusquam, opinor, melius patet quam in scriptis veterum Grammaticorum. Qui cum multa coacervârint lectu prorsus injucunda, & intellectu difficilia, eorumque interpretes non multo saniora attulerint, inherentes passim eidem luto, incredibile dictu est, quantum id incommodi bonis literis attulerit. Ea res imprimis male habuit Bataviæ nostræ Ordines, qui videntes quantopere hinc fluctuarent studia adolescentiæ, Viro summo Gerardo Joanni Vossio id onus imposuerunt, ut multa intricata & aspera expediret & emolliret: sed ita imposuerunt, ut ratio illi esset habenda Ludolfi Lithocòmi, qui præ-

## TYPOGRAPHUS LECTORI.

*cepta linguae Latinae ediderat, & cum applausu satis magno omnium manibus terebatur. Sed & hac docendi ratio fuit operosa, & multorum jure merito querimonias concivit. Id secum reputans Vir Eruditissimus Tobias Gutberlethus consilium cepit Grammaticam Scioppii philosophicam in usum auditorum suorum & Gymnasii Franekerani denuo in lucem emittendi, sed ita ut quas annotationes Scioppius separatim operi subjunxerat, ipsi contextui subjicerentur, quo statim oculis legentium possent exponi, & cum regulis datis conferri. Dum in eo totus est Vir optimus, vivendi finem facit. Nos itaque, quod potuimus, executi sumus, quod ille animo praeceperat, & in commodum tuum, Lector benevole, evulgavimus.*

V A L E.

M A R.



MARQUARDI GUDII  
P R Æ F A T I O.

L E C T O R I .

**G**Asperem Scioppium virum  
fuisse multarum literarum, ab  
ipsa pueritia disciplinis insti-  
tutum liberalibus, assue-  
factumque accuratissimæ lectioni aucto-  
rum elegantium, non ignoras, Lector  
erudite, qui solutum liberumque ani-  
mum ad scripta ejus paulo studiosius  
cognoscenda applicasti. Potest fieri, ut  
fallant oculi, videmur nobis cœtero-  
quin in scriptis illis videre, non facile  
alium a multorum annorum memoria  
tantam rationem intelligentiamque an-  
tiquæ & urbanæ Latinitatis habuisse.  
Non opus est, ut scientiam eruditissi-  
mi hominis exquisitis verbis ornemus.  
Certe omnium, qui tradendæ linguæ  
\* 3 ope-

## MARQUARDI GUDII

operam profitentur, neminem prope unum invenias, quem in Latinis studiis anteponas Scioppio. Placent ipsa verba, ipse modus & in opinionibus examinandis eruendisque mira viri accuratio. Erat enim ingenium sagax, versutum, inquires, cultu præsertim literarum optimarum foecundissimum: easque naturæ dotes habebat inter laudes primarias. Quantum aliis abundarit sive vitiis animi sive virtutibus, nihil interesse nostra arbitramur. Non probamus tamen acerbitatem, qua viros maximos plerunque sine fronte, sine fide invalit, tanquam scurras de catasta. Raptus æmulatione atque invidia sæpenumero in ipso etiam doctrinæ atque humanitatis studio modestiam humanitatemque omnem solebat exuere: scilicet ea parte peccabat maxime, qua maxime aliis innumeris hominibus præstabat. Sed nulla est apicula absque aculeo; observatur tamen coliturque, quia impendio magis prodest quam lædit. Mittamus ista, quæ calumniose asperiusque scripta sunt: erunt alia, quæ doceant, quæ disciplinis atque artibus

## P R Æ F A T I O.

tibus elegantissimis informent: jam vero dictum est, eam partem eruditionis reconditæ, quæ Latini sermonis aut causam exigit aut munditiam observat, perfectissime omnium explicasse Scioppium. Nihil tamen nostra opinione delibabimus de laude Sanctii, divini hominis, proprio atque immortalis quodam beneficio suo satis commendati. Primus enim ille sincero gravissimoque judicio exercuit Grammaticos, quorum in doctrinis purgandis, tanquam in sordidissimo Augiæ stabulo alter Hispaniæ suæ Hercules immensam operam molestiamque devoravit. Tanti viri vestigiis inhærens Scioppius passim illuminat quæ acceperat, multa adhuc monstra conficit, multa somnia explodit, inveteratam plurimorum verborum peregrinitatem exterminat, plures alias veterum frustrationes, varia commenta ostendit, quæ ne Sanctius quidem potuit olfacere. Ita tandem desitum est in Grammaticis nugari! a multis annis vapulant boni homines & malum nomen est Grammaticus. Jactabatur olim in *conœnationibus* Athenæi:

## MARQUARDI GUDII

ὁ δὲν εἶναι τῶν γραμματικῶν μωρότερον. Videntur enim laboribus ærumnosissimis soli mortalium nihilo plus agere quam id operam dare, ut præceptis & rationibus insaniant. Quod ipsis quidem permittendum est, dummodo desipiant sibi. Sed hac labe inficiunt alios & virtutem prope omnem adolescentiæ nostræ extinguunt. Corrigant istum morbum, cedant occasionī & tandem sapiant. Sapient autem si confestim sese cum Prisciano suo tradant in disciplinam Sanctianam & patientissimo animo discant artem, quam frustra docent. Equidem morosa ea & difficillima institutio est. Nemo senescenti magistro facile persuadebit: ecquis autem tantis opinatoribus nugas sine turbis eripiet? Sunt plerumque pervicaci animo, obfirmant sese libenter & purissimæ aquæ sordidum lutum suum præferunt. Veremur certē, ne Scioppius excitet crabronum examina, aut plane ad insaniam adigat literatores istiusmodi gregarios, quos toties ignorantiae & inanitatis convincit. Sed jam libellus in mundo est quantivis pretii & ex parte caus-

P R Æ F A T I O.

causam auctoris sui dicet. Tenta, Lector, sententiam & argumenta! inspicere mysteria! feras, ut poteris; stomachum, commendabis profecto in homine perspicaciam: laudabis multa, quædam etiam exosculaberis; sed offendes aliquando, & forte aliquando dissenties. Neque enim unus omnia perspicere, neque omnibus omnia probare poterit. Nobis adhuc de integro est potestas ampliandi: testamur videlicet nonnulla esse, quæ parum liqueant, & de iis fortasse alio tempore disputabimus. Interea temporis hoc Catone contentus esto.

M. G.


AMSTELŒDAMI  
EID. JUNIIS MDCLIX.

\* 5

IN-

# INDEX LIBRORUM GASPERIS SCIOPPII,

Quos de Latinæ Linguæ, &  
Literarum præsertim humanio-  
rum studio conscripsit.

1.  *Rammatica Philosophica pro Lat. Linguae Magistris & Tironibus; ut scilicet Tirones Magistri, Magistri autem Tirones fiant. Mediolani, 1628. Et Amstelod. 1659. Nova ejus editio, beneficio V. Ampl. Petri Scavenii plurimis in locis insigniter aucta & recognita ex schedis ipsius Auctoris. Et quam hic damus, Annotationibus nunc primum suis locis repositis. Franekeræ; 1704.*
2. *Minerva Sanctiana, hoc est, Francisci Sanctii Brocensis de Linguae Latinæ causis, ipsi etiam Ciceroni, Varroni, Quintiliano ignotis,*



## GASP. SCIOPPII.

*tis, Commentarius: cum observationum Scioppianarum auctariò. Patavii, 1663. & multo correctius Amstelod. 1664. Et cum notis longe uberioribus Jac. Perizonii. Franekeræ, 1687. item ibid. 1693. Sed ibid. tertia editione multum auctæ. 1703.*

3. *Paradoxa literaria, in quibus multa de literis novè contra Ciceronis, Varronis, Quintilianii, aliorumque literatorum hominum, tam veterum, quam recentiorum sententiam disputantur, sub nomine Pasc. Grosippi. Mediol. 1628. & Amstelod. 1659.*

4. *Auctarium Grammaticæ Philosophicæ, in quò etiam de Lexicorum Latinorum virtutibus, ac vitiis, quæque ratio in conscribendò linguæ Latinæ thesaurò tenenda sit distinctè differtur. Mediolani, 1629. & Am-*

## INDEX LIBRORUM

*Amstel.* 1659. item *alicubi in Germania.*

5. *Rudimenta Grammaticæ Philosophicæ in usum Tironum.* Ibid. 1629. & *Amstelod.* 1686.
6. *Mercurius bilinguis, sive nova & compendiosa ratio Latine, aut Italicæ linguæ intra vertentem annum perdiscendæ, in eorum usum, qui alterutram linguam jam intelligunt.* Mediolani, 1628. & *alibi sæpe; ut Amst.* 1686. *una cum præced.*
7. *Septem rationes, quæ religionem seu scrupulum Episcopis injicere debent, ne veterem Grammaticam diutius in scholis tolerare, sed novam in eas inducere velint.* Una cum *Mercurio editæ: Item cum Grotii & alior. Dissertationib. de studiis instituend.*
8. *Editiones novæ aliquot auctorum, Cornelii Nepotis, Velleii Patriculi, & Dictys Cretensis, cum Indici-*

GASP. SCIOPPII.

*dicibus novis ad observandi & excerptendi rationem usui futuris.*

9. *Priapeia, sive diversorum Poëtarum in Priapum lusus, cum Commentariis Gasperis Scioppii Franci. Francofurti, 1601. Patav. 1664.*

10. *Propædia Rhetoricæ. Opus novum omnibus, non modò Rhetoricæ, & Poëticæ Studiofis, sed & auctores quæ sacros, quæ profanos cum studii sui pretiò legere cupientibus in primis conducibile. Cujus fragmentum de Exercitationibus Rhetoricis editum est Mediolani. 1629. Et quidem hoc titulo: De Rhetoricarum Exercitationum Generibus Dissertatio. Amstelod. 1660. & 1666.*

11. *Elementa Philosophiæ Stoicæ Moralis, quæ in Ciceronem, Senecam, Plutarchum, aliosque veteres Commentarii locò esse possunt.*

*Mo-*

## INDEX LIBRORUM

*Moguntiae*, anno 1606. in 8.

12. *Consultatio de studiorum ratione, deque Prudentiae & Eloquentiae paranda modis: Patavii, 1636. & Amstelod. 1660. 1665.*

13. *De Pædia Humanarum ac Divinarum Literarum. Amstelod. 1660.*

14. *De naturâ, & officiò Historiæ, deque virtutibus & vitiis styli Historici. Item*

15. *Infamia Famiani: sive castigationes Famiani Stradæ rerum Belgarum Scriptoris, Soræ Danorum. 1658. & Amstelod. 1663.*

16. *Miscellanea Latini sermonis, in usum eorum, qui interiores literas cognoscendi desiderio tenentur.*

17. *Observationes novæ Latini sermonis ex Plauto, Varrone, Vitruviò, veterum poëtarum fragmentis, Livio, Hyginò, Phædrò, Celsò, Asconio, Curtiò, Senecis, Quintilia-*

GASP. SCIOPPII.

*lianò declamatore, Justinò, aliisque auctõribus.*

18. *Observationes juveniles Lat. Linguae pro tironibus ad imitationem Ant. Schori. Helmstad. & alibi in Germania. (E Schoro excerptas scias)*
19. *Animadversiones in V. Cl. Ger. Jo. Vossii librò de Vitiis Sermonis. Patavii, 1646. Ravennæ, 1647. & Amstel. 1660. 1666.*
20. *Verisimilium libri quatuor. Norimbergæ, 1595. & Amstel. 1662.*
21. *Ars Critica, sive mendosos Latinorum auctorum locos ex ingenio emendandi ratio. Ibidem, 1596. vel Altodorsii, 1597. Amstelod. 1662.*
22. *Suspectarum lectionum libri quinque. Ibidem, 1597. & Amst. 1664.*
23. *Symbola Critica in L. Apuleii Opera. Ibid. & Amstelod. 1664.*
24. *Hercules Coprophorus, in quò virorum doctõrum, qui nostrâ, aut pa-*  
*trum*

## INDEX LIBRORUM

*trum nostrorum memoriâ maximè videntur Latine scripsisse, plurimæ corruptæ & vitiosæ locutiones notantur & castigantur. Laudat librum illum in Alexipharmacô suô, & aliquid ejus generis inter reliquias schedarum Patavii extât.*

25. *Thesaurus Scioppianus, sive Romanæ Eloquentiæ Promptuarium.* Auctores, quibus in hóc Promptuariô Sciopp. perpetuò usus est: M. TULLIUS CICERO; M. ACCIUS PLAUTUS, P. TERENTIUS. Quibus frequenter usus est: T. LUCRETIVS CARUS, CORNELIVS NEPOS, TITVS LIVIVS. Quibus rarius usus est: Omnes Philosophi, Medici, Oratores, Jurisconsulti, Historici & Poëtæ Latini: ex his enim nomina, & omnium ferè rerum appellationes excerptæ hîc leguntur. Cujus operis  
quia

## GASP. SCIOPPII.

quia summa est omnium literatorum hominum expectatio, ne nimis facili spe ducantur, monere visum est, hætenus nihil certò promitti posse, sed expectari & quotidianis votis expeti ab humanitate celeberrimi Viri Jo. Michaëlis Pierruccii antiquum jus Patavii magnâ cum laude publicè docentis.

26. *Philotheca Scioppiana, sive Gasp. Scioppii Narratio annis distincta de Benefactoribus, amicis & familiaribus suis, quos in omni vitâ habuit. Servatur Patavii inter ἀνecdόταις.*

27. *Symmartyria Scioppiana, hoc est, Pontificum, Imperatorum, Regum, Principum, & primariorum virorum CONTESTATIO de Gasperis Scioppii ingenio, studiis, moribus & consiliis. Accessit Catalogus librorum Scioppii, quos editioni paratos habet cum professione fidei suæ.*

\* \*

La-

## INDEX LIBRORUM

Latet eòdem locò. Cujus Specimina extant in Pædia superius memorata.

Cætera ejus *Theologica*, *Politica*, *Satyrica opuscula* parum moramur, & huc non pertinent, maligna partim, partim vana: excipimus tamen πολιτικότερα quædam, quæ typis aut commisit ipse, aut parata heredi reliquit: in quibus facile familiam ducunt *Machiavellica*, si-  
vè *Apologia duplex*, quarum priore *Rom. Ecclesiæ* de Nicol. Machiavelli libris decreta defenduntur: posteriore ejusdem *Machiavelli* innocentia propugnatur. Hoc opus *Patavii* privatis parietibus custoditur cum cæteris. Ejusdem *Pædia Politica* edita est *Romæ & Mediolani*, 1624.



GASPER SCIOPPIUS  
DE  
VETERIS,  
AC NOVÆ  
GRAMMATICÆ  
LATINÆ ORIGINE,  
*dignitate, & usu.*



**E**tsi nullam ipse in puerili  
ætate meâ Grammaticam  
Latinam didici, sed octo jam  
annos natus, post nominum  
verborumque declinationes  
memoriæ mandatas, ex quo-  
tidianâ Latinè loquentes audiendi, loquen-  
dique consuetudine, sex admodum men-  
sium intervallô unâ cum multis condiscipu-  
lis & convictoribus meis tantum profeci,  
ut quicquid ætatis illius usus posceret, non  
multô minore negotiô vernaculâ, quam  
Latinâ linguâ enunciare possem: etsi etiam  
precedente ætate assiduâ *Ciceronis, Caesaris,*  
*Livii, Plauti, Terentii, Nepotis, Virgilii,*  
*Lucretii, Horatii, Catulli, Tibulli, Proper-*  
*tii & Ovidii* lectione eam Latini sermonis  
non quidem facultatem, sed intelligentiam  
certè consecutus mihi videbar, ut, cur  
cognoscendis Grammaticorum præceptis  
quicquam operæ consumerem, ratio nulla  
esset:

## De V. ac N. GRAMMATICÆ

esset: postea tamen quam in *Hispaniâ* in *Francisci Sanctii Brocensis*, viri omnium divinarum & humanarum rerum scientia admirandi, *Minervam*, sive *Librum de linguae Latinae causis* incidi, in eoque aliquot errorum millia Grammaticis impingi, acriterque exagitari comperi, non ego jam me continere potui, quin per otium subinde Grammaticorum libros evolverem, ut quô jure, *Sanctio* vapulassent, exploratô judicare possem. Sic factum est, ut veteres omnes quotquot ante mille hos annos aliquid in eâ arte literis consignatum reliquerunt (qui quidem duobus voluminibus *Frankfurti*, anni M. DC. V. editis continentur) tum recentiorum complures, ut quisque in *Hispaniâ*, *Galliâ*, *Germaniâ* & *Italiâ* præter cæteros in eâ præstitisse visi sunt, cognitos haberem. Inter quos, ut verum fatear, *Emmannuëli Alvaro* primas deberi animadverti: nam & ipse longè cultius dicendi genus, quam non dico veterum quisquam (nam illi pessimè omnes Latinè scripserunt) sed quam recentiores plerique in arte tradendâ præstitit, & ea ex optimô quoque veterum auctorum exempla seligere curæ habuit, quibus regulæ artis plurimum stabiliri & sine negotiô à tironibus intelligi possent. Verum enim quoniam ille à veterum Grammaticorum præceptis, omnium præsertim consensu traditis, discedere religioni habuit, effugere non

*Origine, Dignitate & Usu.*

non potuit, quin eisdem ferè omnes errores, quos in aliis *Sanctius* agitavit, in ipsius quoque arte inveniamus. Hæc porrò res desiderium mihi injecit cognoscendi, cùm originem tam vitiosæ artis, tùm tantarum virium causam, quantas oportet eas fuisse, quæ mille quingentis annis amplius ipsam artem tueri potuerint. Oportune autem in manus meas *Suetonii* de illustribus Grammaticis libellus incidit, cujus secundò capite id quod quærebam, satis planè traditum inveni. Sic enim scribit ille:

*Primus quantum opinamur studium Grammaticæ in Urbem intulit Crates Mallotes Aristarchi aequalis, qui missus ad Senatum ab Attalò rege inter secundum actertium bellum Punicum, sub ipsam Ennii mortem, cum in regione Palatii prolapsus in Cloaca foramen crus fregisset, per omne legationis simul & valetudinis tempus plurimas Acroases (id est, prælectiones) subinde fecit, assidueque dissernit, ac nostris exemplo fuit ad imitandum.*

Hæc ergo ut legi, minimè jam mirandum mihi visum est, tanti flagitii erroribus inquinatam esse veterem Grammaticam, quæ omine tam malò ex *Cloaca foramine* unà cum claudò magistrò emerferit. Neque verò admirabile duxi ne illud quidem, *Cloacinam* istam Grammaticam inde ab eò, quò *Rome* primum exorta est, tempore ad hanc usque

## De V. ac N. GRAMMATICÆ

diem per ipsos M. DCC. XCVI. annos inconcussam perstitisse, & omnium non tironum modò, sed & ipsorum eloquentiæ Latinæ principum ingenia excarnificare potuisse. Jus quippe gentium violare sibi Romani videbantur, si hanc invectam à Regiô Legatò artem parum comiter habuissent, cum præsertim Regi *Attalo* tantum se devinctos agnoscerent, quippe qui regnum suum testamentò ipsis legasset, aditumque cò pactò ad *Asia* totius imperium mox armis vindicandum patefecisset.

Hòc locò exaudire jam videor, qui mihi dicat: Quæ (malum!) tua ergo est temeritas novam istam *Sanctii* Grammaticam orbi universo obtrudentis? tamquam fieri possit, ut eam locò moveas, quam tantà cum auctoritate Romæ ortam mille octingentis annis perdurasse tutemet confiteris? Accipe ergo benevole Lector, quæ res spem mihi afferant, fore ut *Cloacina* illa huic *Sanctiane* locum mox cedere necesse habeat. Longè major videlicet hanc, quam illam, commendat auctoritas, cumque primum novæ hujus utilitas fuerit cognita, nemo tam fatuus fore videtur, ut fruges divinò beneficiò inventas aspernatus victitare malit

*Glandibus, & pura rursus procumbere  
lympha.*

Nam quod ad auctoritatem attinet, tantum abest, ut hæc illi concedere debeat, ut ad hanc

*Origine, Dignitate & Usu.*

hanc illa ne comparanda quidem videatur.  
Illam scilicet *Attali* quidem Regis legatus,  
sed idem tamen homo Grammaticus ex clo-  
âca, in quam prolapsus fuerat, unâ cum fractâ  
tibiâ extulit. At *Sanctianam* \* ipse *Romam*

ex

\* In priorib. editionib. aliter legitur; a Scavenio certe,  
ex auctoris ipsius schedis ita mutata: hæc autem erant: At  
*Sanctianam* non Legatus modò regius, sed etiam regiz  
stirpis Princeps, nec Grammaticæ modò artis peritus,  
sed & Theologiæ ac Philosophiæ studiis excultissimus,  
nec ex cloaca, sed ex clarissima *Europæ* Academia, quæ  
*Salmantica* est, *Romam* secum detulit. Is est *Ferdinan-*  
*duſ* *Hemicides Dux Alcala* & *Tartessi Comarchus*, inter  
cujus majores, a quibus ipse perpetua generis serie de-  
ducitur, XXIX. Imperatores Augustos, CXXXIX.  
Reges, probatissimorum historicorum fide numerare  
possum. Quem omnes Christiani orbis Reges liberique  
Principes consanguineum habere sibi gloriæ merito du-  
cunt. Hic anno M. DC. XXV. *Philippi IV.* Catholici  
Regis missu *Romam* venit, tantoque cum splendore lega-  
tionem suam obiit, ut non modò Legatus regis *Attali*,  
sed ne ipse quidem Rex tantum dignitatis ac majestatis  
Romanorum oculis ingerere potuerit. Ille tamen, ut  
est inanium contemtor, veris ac solidis bonis se  
optimo ac maximo cuique probare semper studuit. Et  
jam quidem in vulgus quoque nota est ejus erga Deum  
pietas, in imperiis justitia, in congressibus comitas,  
erga egentes liberalitas, in literas earumque professores  
beneficentia, qui vero familiarius eo usi sunt, quorum  
numero me quoque accedere contigit, de prudentia ejus,  
de judicii acrimonia, de exacta Theologicarum ac Phi-  
losophicarum rerum cognitione, de Romanatum deni-  
que antiquitatum usu ac peritia testes esse possunt. Hic  
ergo tantus Princeps cum cæteris animi & ingenii orna-  
mentis *Sanctiane* quoque *Grammaticæ* scientiam *Romam*  
secum pertulit: cujus etiam in familiari sermone, specim-  
en subinde promere nihil dubitavit. Et quadam quidem

## De V. ac N. GRAMMATICÆ

ex *Clarissimâ Europa* Academiâ, quæ *Salmantica* est, attulisse me gloriôr, nihil prorsus veritus, ne cujus erga Ecclesiam & Remp. *Christianam* merita, Pontifices, Imperatores, Reges, Principes, & optimus ac doctissimus quisque, privatis publicisque tabulis, tam magnificè prædicant, & quisquam hominem *Grammaticum* ex *Cloacâ*, in quam prolapsus fuerat, cum fractâ tibiâ emersum, vel potiùs fune subductum, præferendum contendat, nam quod quis eundem

die cum orta illi esset nescio quæ de literis controversia, ipseque sententiam suam contra adversarium, qui minime illiteratus perhibebatur, *Sanctiana* auctoritate tureretur, convenit tandem, ut ego captus arbiter quid verum esset decernerem, meaque staretur sententia. Ego re ad me delata cum utra Ducis esset opinio nescirè, secundum illum pronunciaui, & quod illè ex *Sanctio* didicerat, rationi atque idoneorum scriptorum consuetudini consentaneum esse ostendi. Hæc res sic ejus mihi conciliavit animum, ut non ipse modo magna me munificentia prosequeretur, sed & a Catholico Rege civitatis *Hispanæ* jus ad capiendum ex Hispanicorum Sacerdotum fructibus mille aureorum vectigal annum mihi impetratum auferret: quod ipse Rex diplomate suo se mihi propter multa mea erga Ecclesiam & Remp. *Christianam* merita impetratio in eam rem publico regnorum suorum assensu impertisse prædicat. Itaque etsi nunc *Sanctiana* Grammatica inagno meo studio exulta & perpolita, multoque cum auctior, quam a *Sanctio* fuit edita, tum methodi legibus congruentior luci se committit, non tamen est, ut a me potius, etsi & ipso Principis nullo genere *Attalo* rege minoris legatione *Romæ* olim functo, quam a tanto Principe, cujus auspicio ac ductu, propeque dixero velut propitii & adspirantis numinis favore opus appareret, auctoritas ei accedat:

*Origine, Dignitate & Usu.*

dem *Attali Pergameni* Regis legatione apud *Romanos* functum fuisse dicat, nihilò vincibiliorem eâ re Artis ejus causam fecerit, cum & ipse *Roma* Principis *Attalò* haud paulò majoris, hodierni scilicet Imperatoris nostri Augustissimi Legationem apud *Paulum* V. obierim, & Catholici fœderis fundamenta jecerim, cui fœderi multorum Regnorum ac Provinciarum salutem, & Catholicæ fidei in universâ pœnè *Europâ* conservationem, omnium intelligentium consensus superioribus annis non dubitanter acceptam referebat, nec minùs hodiè quoque referret, nisi fidelium meorum monitorum contemptum Deus regnorum clade, & provinciarum excidiò, atque urbium & opidorum strage vindicandum censuisset \*. Quò minus dubito, quin illi saltem, qui tanti quidque pendere solent, quanti ejus auctorem & adstipulatorem faciunt, *Cloacianam* illam Grammaticam illuc tandem, unde emerfit, jubeant χαίροντες, ἐνΦιμῶντες ἐκπέμπειν δόμων, quod est *Cicerone* interprete, *Efferre latò prosequentes omine.*

Multò tamen magis de cæteris hoc mihi polliceor, qui utriusque veteris & novæ hujus Grammaticæ commoda, quæ inde peti possent, inter se contendere voluerint. Veterem enim nec magnopere discentibus prodesse, & non minimum etiam nocere deprehendent. Prioris argumentum est, quod

## De V. ac N. GRAMMATICÆ

nec ullum discendi compendium, nec (δύλω-  
ον) certitudinem præstet. Si enim in illis,  
qui artem meliore, quam cæteri, ordine &  
elegantia scripsisse judicantur, numerum ini-  
re velint, de solâ *Nominum, Verborum & Par-*  
*ticipiorum* Syntaxi plus quingentas regulas tra-  
ditas invenient, quibus ediscendis haud scio  
an quinquennium solidum fatis sit. Sed etiam  
cum quis eas memoriæ mandârit, tamen vel  
propter earum turbam, vel propter tot excep-  
tiones, quibus potestas earum restringitur,  
semper hæsitet animique incertus sit, necesse  
est, cum meritò vereatur, ne aliqua ei sive  
regula, sive exceptio, sive appendix efflu-  
xerit: quo accedit, quod ipsi quoque qui  
*Ciceronis* æquales, aut supparees fuerunt Gram-  
matici, apertè tulerunt regulas suas plerasque  
ab optimò quòque linguæ auctore parum ob-  
servari: id quod ipsis eorum verbis in me-  
dium allatis *Paradoxa nostra literaria* osten-  
dunt. Hinc porrò fieri nequit, quin sibi  
diffidant, qui regulas easdem didicere, ju-  
reque adeo metuant, ne cum maximè ex  
artis præscriptò fecerunt, bonorum aucto-  
rum multum dissimiles inveniantur. Damna  
porrò quæ id genus regulæ discentibus affe-  
runt, jacturâ cum temporis, tum rei fami-  
liaris, tum denique existimationis spectan-  
tur. Primum enim non ferè ante quintum  
vel sextum annum addiscuntur, cum inte-  
rea sine ullis præceptis vel usu solò (quem-  
ad-



*Origine, Dignitate & Usu.*

admodum de me meisque condiscipulis retuli) Latinæ linguæ notitia acquiri potuisset, adeoque tempus, quod gravioribus addiscendis impendi poterat, in primis elementis conteritur: quâ quidem haud scio an major fieri jactura possit. Simul tamen tot annorum impensis res plerorumque familiaris atteritur, ut primæ istæ literulæ majoris etiam constent, quam vel Philosophiæ, vel Theologiæ, aut Jurisprudentiæ studia. Tandem cum quis ætatem in literis omnem exegerit, magnumque nomen, & si forte Principatum multis & egregiis libris editis compararit, non erit nullô prorsus periculô, cum ei vel scriptorum à se rationem reddendi necessitas, vel judicii de alienis faciendi occasio in hominum doctorum congressu evenierit, ne regulis illis veteris Grammaticæ in errorem inductus aliquid flagitii faciat, ea respondendô, quæ vix quoquam literarum tirone satis digna videantur. Hoc ipsum certe viro sine controversiâ doctissimo & disertissimo usu venit, qui rogatus à me, cur Græcô more *latet me* potius, quam Latinô *latet mihi* scripsisset, se verò Latinè scripsisse *Plinii* auctoritate ab *Alvarô* relatâ contendit. Sed postquam ei reposui, minimè locupletem Latinitatis auctorem esse *Plinium*, neque nos verbis ejus aliter, quam ab inopiâ uti, quando scilicet Latinas rerum appellationes unde petamus alium habemus

ne-

## De V. ac N. GRAMMATICÆ

neminem: cum *Quintilianus* ætate illâ totum propemodum sermonem in deterius mutatum esse apertè tulerit. Sed rectius eum hõc *Virgili* exemplò usurum fuisse: *Nec latuere doli fratrem Junonis & ira.* Et si non idem aliis, quod in versu poëtis permittitur, ut liberius græcissent: nam *Varronem* aliàs pro consuetudine bene loquentium *latet mihi* dixisse (ut lib. 8. de linguâ Latinâ: *Similia non solum à facie dici, sed etiam ab aliquâ conjunctâ vi, qua & oculis & auribus latere soleat*) aliàs more suò extra *Latium* peregrinantem *latet me*, ut lib. 1. rei rust. cap. 40. *Unum genus seminis, quod latet sensum nostrum: alterum, quod apertum.* Sed nullò genere melius hoc ab eò dictum esse, quam quod ibidem sequitur: *Illud quod apparet ad agricolas, pro, agricolis apparet, aut patet, aut apertum est.* Meminisse eum debere, quid in *Brutò Tullius* monuerit, suâ scilicet ætate, linguam Latinam corrumpi ab iis cœptam, qui à peregrinis, qui in urbem confluxerant & inquinatè loquebantur, non satis cavissent: adeoque operam iis, qui diligenter loqui velint, dandam esse, ut antiquitatem imitentur, & rationem tanquam obrussam adhibentes à similitudine se Græcæ locutionis abstrahant, & consuetudinem vitiosam & corruptam purâ & incorruptâ consuetudine emendent. Cui *Ciceronis* monito si paruisset, facturum *Varronem* fuisse,

ut

*'Origine, Dignitate & Usu.*

ut ipsius Ciceronis, Lucretii & Plauti exemplô loqui mallet. Esse verò hoc Ciceronis post reditum in Senatu: *Ubi nobis hac auctoritas tam diu tanta latuit.* Ex Catil. 1. *Nihil moliris, quod mihi latere valeat.* Hoc autem Lucretii lib. 3. vers. 280. *Sic tibi nominis hac expers vis facta minutis corporibus latet.* Hoc denique Plauti Trin. act. 4. sc. 2. *Quid ergo ille mihi latitabat.* Ad has auctoritates & optimæ ætatis consuetudinem accedere rationem, quæ non magis patitur, ut dicas *latet me*, quam *patet me*, cùm utrumque eodem modô verbi substantivi vim in se contineat, nec aliam, quam internam actionem & foras non transeuntem significet. Est enim hoc apertum, illud occultum esse, ac propterea fieri non potest, ut aliud quam internum & (ut Logicorum linguâ utar) essentiæ ac formalem accusativum adsciscat, qui *Nomine verbi*, velut Grammatici vocant, hoc est verbô infinitô nominis vim habente significatur, *latere* puta & *patere*, quasi dictum sit: *Hac res latet mihi latere*, id est, *latebram* seu *latens abditumve negotium*, & *patet mihi patere*, id est, *patens*, seu *patulum* aut *propatulum negotium*: quô modô in hóc: *Fulminat illa oculis & quantum famina favit*, subauditur *favum*, hoc est, *favum negotium*, *rem favam*, ut Horat. *Fortuna favô lata negotiô*, id est, *que favitiâ latatur*: ex quô discamus licet, in  
Dul-

## De V. ac N. GRAMMATICÆ

*Dulce ridet, amarum renidet, turbidum latatur, lucidum fulgent oculi, subaudiri negotium, quod Latinis illud ipsum, quod res, Græcis πρᾶγμα aut χρῆμα significat. Sicut ergo vivere alium accusativum regere nequit, quam cognatum, sive apertum, sive tectum, cum interna sit ejus, quæ significatur, actio (ut Vivere vitam. Vivere bacchanalia, id est, vitam quæ bacchanaliorum tempore vivi solet) similiter nec latere aut patere: adeoque illud latet me, pariter rationi ac meliorum auctorum consuetudini adversatur. Sed quoniam Græcum λήθω, λανθάνω, unde lateo formatum videtur, actionem externam significat, non aliter, quam Latina fugio & praterco, hinc factum est, ut multi nativæ ac vernaculæ loquendi consuetudinis parum observantes, sicut fugit aut praterit me, similiter & latet me dicere cœperint; quomodo Græci, ἔμει λήθει, non me latet. Hæc talia cum ex me vir ille literatissimus audisset, ipsius mihi Ciceronis auctoritatem impegit, cujus oratione pro Syllâ perspicuè scriptum ajebat: Lex dies fuit proposita paucos, ferri cœpta nunquam, posita est in Senatu, populum Romanum latuit. Sed eâ re turpem antiquitatis ignorantiam prodidit, qui nesciret, nec Populus Romanus, nec Res publica ullô casu integrè à veteribus perscribi, sed notari tantum solitum, ut esset P. R. & R. P. id quod omnes illi, qui veterum monumentorum usum habent,*

*Origine, Dignitate & Usu.*

bent, verissimè à me dici fatebuntur. Itaque in veteribus *Ciceronis* libris fuit: *P. R. latuit*, quod jam vernaculæ & incorruptæ Latinitatis periti non accusandi, sed dandi casu legendum esse sciunt.

Paris flagitii est, quod tot disertissimi homines libris editis ab *Austrinus*, *Castrinus*, & id genus aliis vocandi casum formant in i exeuntem. Sic enim palam faciunt, se quid nomen proprium, quid appellativum seu commune sit, prorsus non intelligere. *Austrinus*, *Austria*, *Austrinum* nomen possessivum est, ab *Austrô* derivatum, quod nomen ejus provinciæ proprium est, quæ olim *Pannania* superior, hodie *Austria* vocatur: pro quô alii *Austriacum* dicere malunt exemplô *Homeriaci*, *Iliaci*, *Olympiaci*, *Corinthiaci*, *Hellepontiaci*, *Tiianiaci*, ac similium. *Castrinus*, *castrina*, *castrinum* nomen est similiter possessivum ab aliô communi nomine *Castrum* derivatum, pro quô alius *Castrensis* dixerit. Jam satis apparere arbitror, si quis *Joannes Princeps Austrinus* aut *Franciscus Comes Castrinus* vocetur, valde imperitè appellationes illas pro nominibus propriis haberi, quippe quæ tot aliis rebus sint communes. Sunt enim *Austrii* populi, *Austri* terra, *Austria* oppida; similiterque *Castrii* aut *Castrenses* homines, *Castria* ades, *Castria* tecta. Si quis autem hominum tali cognomine designetur, id per *Tropum* fieri nec pueri ignorant,

## De V. ac N. GRAMMATICÆ

rant, qui est *Synecdoche* totius pro parte, & quidem illa ejus species, quam *Antonomasiâ* Rethores vocant: quô pactô & *Apostolus*, pro *Paulô*, & *Philosophus*, pro *Aristotele*, & *Poëta*, pro *Virgiliô* dicitur. *Tropus* autem non naturam verbi, sed significationem modò mutat, adeoque nec *Austrinus*, nec *Castrinus* communia esse desinunt, etsi ad hunc vel illum ab *Austrô*, aut de *Castrô* hominem significandum adhibentur. Certè si quis Romanorum aut *Salamine* expugnatâ, aut *Rhodô* sub ditionem redactâ *Salamini* aut *Rhodii* cognomine insignitus fuisset, nemo ei bonâ cum *Orbilii* gratiâ, ô *Salamini*, ô *Rhodi* diceret, sed ô *Salaminie*, ô *Rhodie*, quemadmodum *Jovi Saturni* filio *Saturnie*, *Evandri Pallanti* *Evandrie*, *Telamonis Ajaci* *Telamonie* dicendum esse recte *Priscianus* monet: quâ de re tam perspicuâ me verbum facere piguisset, nisi maximi nominis viros in eô errasse, quosdam etiam, in quibus est *Hieronymus Aleander*, pertinaciter pro errore tam deformi propugnare animadverterem.

Non minus turpiter se dedit vir omnium confessione eruditissimus, *Antonius Quæren-  
gus*, qui versuum, quos scribit, latinitate atque cultu non temere cuiquam Augustæi ævi priores concedat, cum inelegiâ *Virginii* *Casarini*, herois illustrissimi, verèque literarum *Phœnicis*, quam de *Serenissimi Ba-*

*Origine, Dignitate & Usu.*

*varia Ducis victoriâ Bohemicâ conscripserat, solœcismi insimulavit, quod ibi legabatur:*

————— *privata filebo*

*Damna: queri nobis publica causa vetat.*

*Sic: licet me facere, & mihi facere. Cicer. 5. Verrin. Hodie Syracusanum in eâ parte habitare non licet. Virgil. non licet me exire servi-  
tiô. Sic: Suadet me facere. Lucr. l. 1. Sed tua  
me virtus tamen, & sperata voluptas Suavis  
amicitia quemvis perferre laborem Suadet. Te-  
rent. Hecyra a. 3. sc. 5. Me pietas matris com-  
modum suadet sequi. Sicut Virgil. Iturnam  
misero, fateor, succurrere fratri Suasi. Horat.  
Vetuit me tali voce Quirinus. Virg. Is me lan-  
dare qua vellem, calamô permisit agresti.*

Negabat enim Latine dici, *Vetat mihi queri*, sed *vetat me queri*: in quâ censurâ suâ quantum *Avius* à verâ longè ratione feratur, quivis ephebus, qui *Sanctiana* Grammaticæ præcepta teneat, sine negotiô demonstraverit. Dativus videlicet cuicumque orationi adjungi potest, in qua *acquisitio* vel *ademptio*, *commodum* aut *incommodum*, aut *finis*, quem in Scholis Logici *Finem cui* dicunt, significatur. Omne verò verbum infinitum pro suppositô habet accusativum sive expressum, sive per figuram *Ellipsin* suppressum. Omne denique verbum activum adsciscit accusandi casum sive expressum, sive suppressum, sive infinitô verbô aut aliâ

\* \* \*

ora-

## De V. ac N. GRAMMATICÆ

oratione commutatum. Per primam trium istarum regularum, quam *jubet mihi*, tam *vetat mihi*, recte dicitur. Cic. 9. Attic. 15. Dolabella *littera jubent mihi ad pristinas cogitationes reverti*: per secundam verò, *Queri & me queri*: per postremam denique, *jubet vel vetat mihi queri*, ut *querar*, *questum* vel *querelam*. Plaut. Capt. a. 1. s. 1. Non licet mihi *me loqui*? Per *Hellenismum* verò accusativô nominativi vice positô; *jubet vel vetat me ut querar*: quarum locutionum exempla in *Minervâ Sanctianâ* reddemus: nunc satis erit illud confirmasse, quod insolentius dictum videbitur, *vetat ut querar*. Habet ergo *Tibullum* auctorem lib. 2. eleg. 7. Illius *ut verbis sis mihi dura veto*, quod est, *ut nesis mihi dura*. Et *Persium*: *Hoc juvat, hic inquit, veto quisquam faxit oletum*, pro, *ut ne faxit*. Et *Plantum* Pseud. act. 1. sc. 2. *Amor amatoribus prohibet, faciant adversum lenones quod volunt*. Et *Mil.* act. 4. sc. 8. *Cave istuc feceris*, pro, *ut ne faciant, ut ne feceris*. Neque tamen acumen viri tam insignis, quem multiplicis doctrinæ nomine colo & suspicio, hæc in re tam facili & expeditâ delirasse mirandum est, cum ipsis etiam *Ciceroni*, *Varroni* & *Quintiliano* (nam *Agellinum* si cum eô comparem, sim injurius) istas veteris Grammaticæ regulas non semel fraudi fuisse videamus, ut quæ rectè, quæ perperam Latinè dicta essent, aut prorsus discernere non possent,



*Origine, Dignitate & Uſu.*

ſent, aut ita dijudicarent, ut eos conſuetudine potius, quam ullâ ratione aut ſcientiâ, bene loqui, aut ſcribere planum fieret: cujus rei quoniam ſatis multa *Paradoxis literariis* ſpecimina dedi, nihil me hic longiorem eſſe attinet.

Jam ex diverſo *Sanctiana* Grammaticæ eam facilitatem habet, quam prodigii ſimilem omnibus videri neceſſe ſit: nec enim quamvis ingeniô minus poſſit, qui ordine à nobis præſcriptô in diſcendô procedet, amplius trimetri in eâ probè percipiendâ conſumet. Jam enim *Mercurii bilinguis* magiſteriô Latinam linguam intelliget, & *Nomina* ac *Verba* per *caſus*, *numeros*, *tempora* & *perſonas* inflectere didicerit, ut vix ſex de Etymologiâ pagellas memoriæ mandandas habeat. Syntaxis poſtea pro quingentis amplius veteris Grammaticæ regulis, quibus *Nominum*, *Verborum* & *Participiorum* conſtructionem dirigi dixi, non niſi xv præſcribit, perſpicuas illas nulliusque exceptionis patientes: quas qui mediocri ſit ingeniô una die ludibundus edidicerit. Accedit regularum *certitudo*, certa ſatisque explorata firmitas, cùm ratione, tùm eorum conſuetudine nixa, quos aurê Latini ſermonis ætare, quam literatiſſimè, emendatiſſimèque loqui ac ſcribere ſolitos conſtat: ut jam minus etiam in auctorum lectione verſati omnium, quæ vel legunt, vel ipſi Latinè ſcribunt,

## De V. ac N. GRAMMATICÆ

certam rationem intelligant, nec ullum ad-  
cant periculum, ne qua regularum artis hu-  
jus, ubi semel eas memoriâ comprehende-  
rint, obliviscantur, ex cōque alicubi læsæ  
Latinitatis ad Grammaticum tribunal rei  
agantur. Quod quidem quantivis momenti  
commodum cū omnibus, tū vel præci-  
puè Theologiæ ac Philosophiæ studiosis vi-  
deri debet. His enim de planō polliceri pos-  
sum, eos cognitis nostræ artis præceptis unō,  
ut prædixi, trimestri tantum profecturos,  
ut etsi parem dictionis puritatem, cultum-  
que non afferant (nam ea res aut totam ho-  
minis ætatem, aut tale saltem subsidium  
requirit, quale in *Commentariis lingua Latina*  
jam olim præparamus) non minustamen  
Grammaticè præceptisque congruenter scri-  
bere queant, quam illi, qui omne vitæ tem-  
pus in Latinorum auctorum lectione scri-  
bendique exercitatione consumunt. Hunc  
quidem certè artis nostræ fructum huic æta-  
ti sententiâ suâ non dubiè despondebat *Sci-  
pio Paschalius Casalensis Episcopus*, vir He-  
braicè & Græcè non mediocriter, Latinè  
verò præcipuè doctus & cū primis *Italiae*  
luminibus numerandus, qui quoad vixit,  
mihi gratiam habere numquam destitit, quod  
operâ meâ se à timore illō vindicasset, quō  
prius manum sibi, quoties scribere Latinè  
aggressus erat, contremiscere sensisset. *Roma*  
autem is, quem dixi, omnis sapientiæ &  
eru-

*Origine, Dignitate & Usu.*

eruditionis princeps *Virginus Caesarinus* ὁ μα-  
κρίτης tantô gaudiô efferebatur ex eâdem  
arte nostrâ secum communicatâ, ut prope-  
modum eam vulgari à me nollet, quod se  
non aliâ magis re, quam causarum linguæ  
Latinæ tot sæculis, vel dicam perpetuô ig-  
noratarum scientiâ à literatorum turbâ se-  
cerni longèque cæteris anteire judicaret,  
quod Achaten ejus *Johannem Ciampolum*, vi-  
rum cujuscumque prædicatione majorem,  
adhuc satis meminisse libenterque testatu-  
rum confido. In eâdem urbe, rerum domi-  
nâ familiarissimè usus fui *Guilelmô Setoniô*,  
nobili Scotô, Juris Divini & humani, tum  
Philosophiæ & Sacrarum ac profanarum an-  
tiquitatum consultissimô, Græcisque ac La-  
tinis literis perpolitô. Is ingentis pretii the-  
saurô se à me donatum arbitrabatur, post-  
quam ei multis precibus à me contendenti,  
ut artis hujus cum maximè nascentis, ac  
necdum satis exactæ copiam describendi fa-  
cerem, assensu. Negabat etiam vereri se, ne  
quisquam quantocumque cum ingeniô aut  
literis tam parum humanus inveniatur, quin  
mihi maximô se devinctum beneficiô agno-  
scat pro tam luculentâ face, quam omnibus  
abditissima quæque Latinitatis mysteria pe-  
nitius perspicere aventibus præluceam. Nec  
alia *Manina* est sententia viri cum genere,  
tum libris Latinô & Hetruscô sermone sum-  
mâ cum doctissimi cujusque gratulatione

## De V. ac N. GRAMMATICÆ

editis, præterea rerum atque hominum usu  
domi militiæque partô illustriffimi *Balduini  
de Monte Simoncelli*: sicut nec ejus, quem  
ibidem non minus vitæ innocentia commen-  
dat, quam Ecclesiastica dignitas exornat,  
*Antonii Salmatia*, summi Theologi, nec eo-  
rum, qui Græcarum & Latinarum litera-  
rum laude hodiè florent, cuiquam secundi.  
Jam *Mediolani* nota est *Ludovici Septalii*,  
viri priscâ cum fide, tum nobilitate præcel-  
lentis, non Medicinæ tantum & Philosophiæ  
Peripateticæ, in quibus planè regnat, sed  
& humaniorum literarum scientiâ: nec etiam  
sua *Josephum Paulum Meronum* modestia us-  
que eo notitiæ hominum subducit, quin op-  
timum quemque ac doctissimum suæ piete-  
tis, sapientiæ, eloquentiæ & interioris lite-  
raturæ conscium, approbatorem testemque  
habeat. Uterque autem iis præconiis artem  
hanc nostram diligenter à se inspectam quo-  
tidie prosequitur, tantôque ejus cognoscen-  
di desiderio omnes inflammat, ut multos non  
mediocriter editionis ejus torqueat expecta-  
tio, eisque ego non nisi serò satisfactorus  
videar. Quid? quod ipsius Pontificis Maxi-  
mi URBANI VIII. judicium & optatum arti  
nostræ successum, nec dubiam ejus experi-  
mentum capturis utilitatem despondet. Is  
enim cum adhuc Cardinalis annis superiori-  
bus in rus suburbanum rebus prolatis con-  
cessisset, inibique per otium Syntagma meum

de

*Origine, Dignitate & Usu.*

*de Stili Historici virtutibus* \* diligentissime translegisset, non modò causam se nactum censuit, cur sibi & suis de amicitia meâ gratularetur, sed etiam cur magnum Latinis literis lumen operâ meâ allatum iri Princeps Græcè ac Latinè † minime indoctus confideret. Itaque cum Româ nuper discessurus, vale postremum ei dicerem, & de hâc arte meâ percunctanti distinctè rem omnem explicarem, magnopere se aliis gratulari ostendit, quibus posthac tantò cum temporis ac laboris compendiò literas discere liceret, quas sibi, præsertimque Græcas, quibus jam magnò natu dedisset operam, ingenti studiò ac labore constitissè recordaretur. Et quoniam Ecclesiæ ac Reipub. Christianæ plurimum in omnem partem interesse judicabat, me *Commentarios de linguâ Latinâ* jam olim à me coëptos ad umbilicum adducere, ne mihi aliena improbitas, injusto quæstui semper inhians, debitum speratumque ex multis lucubrationibus meis fructum interciperet, quò me ad operis vasti laboriosique impensas uti est æquius, denunciatio anathemate sancire ei visum est, ne quis quicquam ex officinâ

\* \* \* 4

meâ

\* Hic expuncti sunt fide Scavenii quinque versus: qui in aliis editionibus ita apparent: una cum lectissimo nec vulgariter Græcis & Latinis literis exulto juvene Francisco Barberino fratris filio (quem hodie non tam sanguinis commendatione, quam virtutum ejus merito purpuratum videmus)

† Pro minime indoctus legebatur pariter doctus.

## De V. ac N. GRAMMATICÆ

meâ profectum, non modò typis, nisi bonâ cum gratiâ meâ describere, sed nec ab aliô sine veniâ meâ descriptum vâno exponere animum inducat. Hoc amplius autem, ut in eandem rem Cæsaris Augusti, aliorumque Regum & Principum diplomatis mihi caveretur, impendiô annisus est.

Hæc ergo sunt, quorum causâ meritò mihi futurum pollicear, ut qui ratione utuntur *Sanctianam* hanc Grammaticam, velut à summô Philosophô primum inventam, tantô cum virorum clarissimorum plausu & acclamatione à me perpolitam, *Cloacina* illi posthabere nolint. Cæterum, ut quô ea ordine ac modô disci debeat nemini possit esse dubium, de Magistri prius, qui eam præcipere cupiet, tum de Discipuli officiô, quæ mea sit sententia, distinctè libet exponere.

Mediol. Calend. Febr. Anni M.DC.XXVIII.

*Origine, Dignitate & Usu.*

## MAGISTRI OFFICIUM.

I. Ipse omnium primum discet *XII* illas *Maximas* regulas totius Syntaxis Latinæ fundamentum continentes, una cum earum interpretatione, quam in Annotationibus ad Syntaxin, pag. 183. & seqq. inveniet.

II. Regulas omnes de *Nominum, Verborum & Participiorum* Syntaxi cum *Maximis* illis componet, tam *falsas*, quam *veras*, ut causas veritatis & falsitatis singularum probè intelligat.

III. Leget, quæ ad Etymologiam pertinent unâ cum Annotationibus.

IV. Consulēt *Paradoxa* nostra, ubi de multis accuratius disputatum inveniet. Sed omnia quæ ad rem pertinent, præcipuèque auctorum exempla, *Minerva* nostra repræsentabit.

## DISCIPULI OFFICIUM.

I. Discet partem generalem Grammaticæ, tum ea, quæ de *Nomine, Verbô, Participiô, Præpositione & Conjunctione* traduntur: quæ cum paucas pagellas impleant, minimè difficulter memoriæ mandabit. Quæ de *Adverbiis* traduntur, satis erit sæpius legisse.

II. Discet versus *Sanctii* de *Genere nominum*, deque *Declinationibus*, ut & probè eos intelligat & memoriâ contineat.

III. Ediscet *XII* illas *Maximas*, quæ Syntaxis fundamentum sunt.

\*\*\* 5

IV. E-

## De V. ac N. GRAMMATICÆ

IV. Ediscet omnes regulas de verâ *Concordiâ & Rectiōe Nominum, Verborum & Præpositionum*, quæ omnino sunt quindecim, sic tamen ut pleraque in duodecim illis *Maximis* contineantur. Regulas de falsâ *Rectiōe* aut *Concordiâ*, ut memoriæ mandet, nihil necesse est, modò sæpius eas relegat, causamque falsitatis rectè intelligat. Quot de *Conjunctionum & Adverbiorum Syntaxi* præcepta sunt, non tam Regulæ sunt, quam exemplorum observationes, quas sæpius legisse satis erit.

V. Ediscet *Definitiones Figurarum*, cum unô alterôque exemplô. *Ellipseos* tamen genera satis erit si Magistrô diligenter explanante probè intelligat. Si quis tamen ea quoque memoriæ mandare velit, tantô majus operæ fecerit pretium.

VI. Ediscet *Alvari* versus de *Verborum Præteritis & Supinis*.

VII. Ediscet ejusdem versus de *syllabarum quantitate*.



*Origine, Dignitate & Usu.*

**Comparatio Cloacinae & Sanctianae**  
Grammaticæ.

<i>Cloaci- na est</i>	{ <i>Turpis</i> , quia mendax, cum de sexcentis ejus regulis vix decima pars sit vera.	
	{ <i>Molesta</i> , quia impedita & difficilis, ob tot	{ <i>Regulas,</i> <i>Appendices,</i> <i>Observationes,</i> <i>Exceptiones.</i>
		{ <i>Rei familiaris,</i> <i>Temporis,</i> <i>Existimationis.</i>
<i>Sancti- ana est</i>	{ <i>Honestæ</i> , quia verax, cum omnes regulas ratione & incorruptâ consuetudine stabilitas habeat.	
	{ <i>Jucunda</i> , cum sit expedita & perfacilis, ob	{ <i>Regulas paucissimas,</i> <i>Nullas prorsus in</i> <i>Syntaxi exceptiones.</i>
		{ <i>Summum,</i> <i>Temporis</i> , quippe quæ tribus mensibus disci queat. <i>Existimationis</i> , quia regulis ejus instructus de Latinitate melius judicare potest, quam qui omnem in literis ætatem exegerit.

Magistri nunc est etiam atque etiam considerare, utra Grammatica discipulis præcipienda, ut viri boni officium custodire, majoremque Dei & hominum gratiam inire possit.

# SYNOPSIS

## SYNOPSIS ARTIS

### GRAMMATICÆ.

#### TABULA PRIMA.

Grammaticæ	Definitio, Finis, officium,	Dirigere locutionem vel sermonem:				
		Corrigere locutionis vitia				
	Subiectum, Partes orationis,	Prinæ, ut Litera, cujus	Definitio, Divisio, in	Vocalem Consonantem	Simplicem Compositam Simplicem Compositam	Diphth. Triphth. pag. 1. 2. Semivocalem & Liquidā, Mutam.
	Ex primis oratæ, ut	Syllaba, cujus	Definitio Divisio in	Brevem, Longam, Ancipitem.	Accentus. Figura, Species. pag. 3. 4.	
	Orthoepia, seu regulæ de litterarum pronunciatione. Prosodia, seu regulæ de Syllabarum quantitate.	Vox, cujus	Accidentia Divisio in Numeri	Participium Expletum	Nomen, Verbum, Participium. Præpositionem, Adverbium, Conjunctionem, Interjectionem.	
Instrumenta,	Etymologia de singularum vorum accidentibus & partibus	Nominis, Tab. II. Verbi, Tab. III. Participii. pag. 17. Præpositionis, pag. 19. Adverbii, pag. 31. Conjunctionis, pag. 51. Interjectionis. pag. 53.				
	Syntaxis, seu regulæ de vocum debita inter ipsas compositione, Tabul. IV.					

*T A B U L A I I.*

*Etymologia Nominis.*

Nominis	{ Definitio, pag. 6.		{ Commune cum verbò, Numerus.		
	Acci- den- tia	{	Casus	{ Masculinum. p. 7. Fæmininum. Neutrum,	
			Genus		
			Propria		
	{	{	Declinatio	Prima, Secunda, Tertia, Quarta, Quinta.	
	Divi- sio rati- one	{	Generis in	Substan- tivum	{ Proprium, pag. 9. Commune.
				Adjecti- vum	{ Absolutū, { Generale Relativū, { Recipro- cum.
		{	Speci- ci in	Primitivum, pag. 10.	
{ Possessivum. Diminutivū. Comparativū, Superlativū. pag. 11. Verbalc. p. 13.					
{		Derivativum			

# SYNOPSIS

## TABULA III.

### Etymologia Verbi.

Verbi	Definitio pag. 13.	
	Commune cum Nomine, Numerus.	
	Acci- dentia	Persona { Prima singul. & plur. Secunda singularis & plur. pag. 14. Tertia sing. & plur.
		Tempus { Præsens, Præteritum, { Imperfect. Plurquam perfectum.
	Propria	Futur. Conjugatio { Prima, Secunda, Tertia, Quarta.
		Divisio ratione { Personale seu Finitum. Personalæ in { Imperfonale sive In- { Verum, pag. 15. finitum vel { Falsum { Gerun- Substantivum, { dū, p. 16. Supinū.
	Significati in { Activum, Passivum. pag. 15. 16.	

*T A B U L A I V.*

Syntaxis in	{ Genere, est vel	{ Regularis, } Concordia, pag. 80.
		{ eaque vel } Rectio, pag. 81.
	{ Specie, est vel	{ Irregularis seu Figura, Tab. XI.
		{ Nominis, Tab. V.
		{ Verbi, Tab. VI.
		{ Participii, Tab. VII.
		{ Præpositionis, Tab. VIII.
		{ Adverbii, Tab. IX.
		{ Conjunctionis, Tab. X.

*T A B U L A V.*

Syntaxis Nominis, est vel	{ Concor- dia No- minis	{ Substantivi cum Adjectivò, pag. 81.
		{ Relativi generalis cum antecedente, pag. 82.
	{ Rectio	{ Reciproci cum antecedente,
		{ Cujuscumque cum verbò persona- li. pag. 83.
		{ Substantivi cujuscumque, pag. 85.
	{ Vera	{ Substantivi verbalis.
	{ No- minis	{ Adjectivi ex participiò activò facti, pag. 86.
		{ Adjectivi participio passivo si- milis, pag. 87.
	{ Falsa	{ Nominativi,
		{ Genitivi,
		{ Dativi. pag. 88.
		{ Accusativi, pag. 89.
		{ Vocativi,
		{ Ablativi. pag. 90.

# SYNOPSIS

## TABULA VI.

Syntaxis Verbi, est vel	{	Concor- dia Verbi	{	Finiti seu personalis, cujus duæ sunt regulæ, p. 93. 94.	
				Infiniti sive Impersonalis, cu- jus duæ sunt Regulæ, p. 95. 96.	
	{	Re- ctio	{	Vera in	Genere cujuscunque verbi, sivè Finiti, sivè In- finiti. pag. 97.
					Specie verbi activi Infiniti, pro nomine sub- stantivò positi, pag. 99.
					{ Substantivi, cu- jus duæ falsæ sunt regulæ, pag. 101.
				{	Finiti, ejus- que vel
					Activi, cujus tres falsæ sunt regu- læ, pag. 102.
			{	Falsa Verbi	Passivi, cujus quatuor falsæ sunt regulæ, pag. 103.
					Gerundi, cujus duæ falsæ sunt regulæ, pag. 105.
				{	Infiniti, ejusque vel
					Supini, cujus una falsa est re- gula, pag. 106.

## TABULA VII.

Syntaxis Par- ticipii, est vel	{	Concordia,	pag. 106.	
			{ Vera, pag. 107.	
		{	Rectio	Falsa, cujus duæ falsæ sunt regulæ, pag. 107. 108.

T A-

*T A B U L A V I I I.*

Syntaxis Præ-	{	Concordia, pag. 108.	{	
positionis,		Rectio Præpo-		Accusativò, p. 109.
est vel		sitionis cum		Ablativò, pag. 109.
				Utròque, pag. 109.

*T A B U L A I X.*

Syntaxis	{	Concordia, cujus novem sunt regulæ, p. III.		
Adver-	{		{	Nominativò, p. II 4.
bii, est	{	Rectio, sed falsa Ad-	{	Genitivò, pag. 115.
vel	{	verbiorum cum	{	Dativò, pag. 117.
			{	Accusativò, p. 117.
			{	Ablativò, pag. 117.

*T A B U L A X.*

Syntaxis	{	Concordia, cujus sex sunt regulæ,	
Conjunctio-	{	pag. 118.	
nis, est vel	{	Rectio, cujus una est regula, pag. 121.	

# SYNOPSIS

## TABULA IX.

Syn- taxis ir- regula- ris seu Figu- rata, est vel	{	Ver- nacula, vel	{	Sim- plex	{	Pleonaf- mus. Ellipsis. Zeugma. Syllepsis. Hyper- baton.	{	Cum ar- tis regu- la negli- guntur propter orationis	{	Exsuperanti- am, pag. 124. Defectum, Tab. XII. Defectum, Tab. XIII. Discordiam, Tab. XIV. Ordinem tur- batum, Tab. XV
						Composita, ut cum Ellipsis conjuncta est cum		Syllepsi Gracismo.		Generis, 174. Numeri, 175.
						Peregrina, id est, Gracismus, Tab. XVI.				



# TABULA XII.

## Artis Grammaticæ.

Elli- psis, in quâ deest vel	{	Nomen, sive	{ Idem, pag. 126.		
			{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{
{	{	{	{	{	{

*T A B U L A X I I I.*

Zcugma { Verum,  
          { Falsum, pag. 172.

*T A B U L A X I V.*

Syllepsis { Absoluta, vel { Generis, pag. 174.  
              { Numeri, pag. 175.  
              { Utriusque, pag. 176.  
              { Relativa, pag. 177.

*T A B U L A X V.*

Hyperbaton, est vel { Anastrophe, pag. 178.  
                          { Tmesis,  
                          { Parenthesis,  
                          { Synchysis,  
                          { Anacoluthon. pag. 179.

# SYNOPSIS

## TABULA XVI.

Græcismus, est vel	{ Generum , cum	{ Masculinum ponitur pro Neutrō, pag. 180.
		{ Fæmininum ponitur pro Neutrō, pag. 180.
		{ Neutrum ponitur pro Masculinō, pag. 180.
		{ Nominativus ponitur pro Accusativō, pag. 180.
	{ Casuum , cum	{ Genitivus { Accusati- ponitur { vō, p. 181. pro { Ablativō.
		{ Dativus ponitur pro Accusativō. pag. 181.
		{ Accusati- { Nominati- vus poni- { vō, p. 181. tur pro { Dativō, Ablativō.
		{ Ablativus ponitur pro Accusativō, p. 182.

# SYNOPSIS

## Duodecim Maxime,

seu

### Regule fundamentales Syntaxeos Latine.


- |  |   |                                |   |   |   |   |   |    |   |
|--|---|--------------------------------|---|---|---|---|---|----|---|
| Regu-<br>larum<br>aliarum<br>pertinent<br>ad | { | Oratio-<br>nem<br>totam,<br>ut | { | 1 | Omnis affirmatio & negatio Nomine & Verbo constat. vid. pag. 185.   |   |   |    |   |
|  |   |                                |   | 2 | Præter Nomen & Verbum sunt quædam particule certis significationibus assignatæ, quibus Nomen & Verbum aliaque minores orationis partes velut nervis colligantur: quæ particule secundum regulas exprimuntur, per figuram supprimuntur. vid. pag. 186. |   |   |    |   |
|  |   |                                |   | { | Species,<br>quæ<br>sunt   | 3 | Adjectivum. Omne nomen Adjectivum habet suum substantivum, vid. pag. 187.   |    |   |
|  |   |                                |   |   |   | 4 | Relativum. Omne nomen seu pronomen Relativum habet suum nomen Antecedens quod refert. vid. pag. 187.  |    |   |
|  |   |                                |   | { | Nomen<br>ejus-<br>que<br>vel  | 5 | Comparativum. Omne nomen Comparativum habet suum Positivum cum quo comparatur. vid. pag. 187.   |    |   |
|  |   |                                |   |   |   | 6 | Omnis Nominativus est Verbi finiti suppositum, aut ad suppositum pertinens, sive verbum illud sit expressum, sive suppressum. pag. 184. 188.                                |    |   |
|  |   |                                |   | { | Casus,<br>ut  | 7 | Omnis Genitivus Latinâ constructione à nomine substantivò expressò aut suppressò regitur, Gracâ verò constructione etiam à præpositione expressâ vel suppressâ. p. 87. 188. |    |   |
|  |   |                                |   |   |   | 8 | Omnis Accusativus à Verbo activò, aut à Nomine verbalì, aut à Præpositione regitur. vid. pag. 191.  |    |   |
|  |   |                                |   | { | Oratio-<br>nis partes,<br>id est, vel<br>ad   | { | Verbum,<br>ut   | 9  | Omnis Ablativus à Præpositione regitur. vid. p. 191.  |
|  |   |                                |   |   |   |   |   | 10 | Omne Verbum accidentale, aut activum est aut passivum, quorum illud semper accusativum expressum aut suppressum regit. vid. pag. 192.     |
|  |   |                                |   |   |   |   |   | 11 | Omne Verbum finitum habet pro supposito Nominativum expressum aut suppressum. vid. pag. 192.  |
|  |   |                                |   |   |   |   |   | 12 | Omne Verbum infinitum habet pro supposito Accusativum expressum aut suppressum Latinâ constructione, Gracâ verò sæpe Nominativum. p. 193. |

*Synopsis Nominum Verbalium,*

Verbi expertia, ut Doctor, Doctrina, Amor, Spectaculum.

Nomina verbalia sunt, vel

Participia, quæ aliquid verbi participant, ut	Rectio- nem casus & signifi- cationem motus, ea- que vel	Substan- tiva, sive	Natura, ut Spectatio spectato. Ufu, ut Amans uxoris.	
			Adjectiva, ut Lætabundus, Vitabundus, Moribundus.	
	Tempus & signifi- cationem, sive	Status, ut	Ens. Futurus.	
Acti- va, ut			Amans.	Amaturus.
			Motus, eaeque vel	Passi- va
Terminatione passiva, significatione activa, ut juratus, pransus, coenatus.				
Participia, quæ cum participiis communem habent	Originem, ut	Comparata: Amantior, Doctior, Comitator.		
		Composita: Indoctus, Indecens, Immeritus.		
		Terminationem: Laureatus, Ocreatus, Cristatus.		



# INSTITUTIONES

## GRAMMATICÆ

### LATINÆ.

*Quid est Grammatica?*

St ars rectè loquendi.

*Quis est finis Grammaticæ,  
cujus causâ discitur?*

Oratio congruens, id est,  
cujus nulla pars sit, quæ præ-  
ceptis artis non congruat.

*Circa quid versatur ars Grammatica?*

Circa partes orationis.

*Quotuplices seu quot generum sunt partes  
orationis?*

Duplices: Aliæ primæ, ut *Litera*: aliæ ex  
primis ortæ, ut *Syllaba* & *Voces* seu *vocabula*,  
quæ vulgo malè vocantur *Dictiones*.

*Quid est Litera?*

Est individui soni comprehensio.

*Quotuplex est Litera?*

Duplex: Aliæ *Vocalis*, alia *Consona* vel *Con-  
sonans*.

*Quid est Vocalis?*

Est litera, quæ per se syllabam efficit.

*Quot generum sunt Vocales?*

Duorum: Aliæ sunt *Simplices*, aliæ *Com-  
positæ*.

A

Qua

*Quæ sunt Vocales simplices?*

*A, e, i, o, u, & Græca γ.*

*Quot generum sunt Vocales compositæ?*

Duorum: Aliæ sunt *Diphthongi*, compositæ ex duabus simplicibus vocalibus: aliæ *Triphthongi*, compositæ ex tribus.

*Quot sunt Diphthongi?*

Viginti duæ. *Ac, ai, ao, au: Ea, ei, eo, eu: Ia, ie, ji, jo, ju: Oa, oe, oi, ou: Va, ve, vi, vo, vu.* Ex his quatuor magis cognitæ sunt, *Ac, oe, au, eu.*

*Quot sunt Triphthongi?*

Octo. *Vae, vai, van, vea, vei, vie, voa, & voi.*

*Quid est Consonans?*

Est litera, quæ sine vocali syllabam non efficit.

*Quotuplex est Consonans?*

Duplex. Alia *Simplex*, alia *composita*.

*Quot sunt consonantes simplices?*

Quatuordecim. *B, c, d, f, g, h, l, m, n, p, q, r, s, t.*

*Quot generum sunt consonantes simplices?*

Duorum. Aliæ sunt *Semivocales* eædemque *Liquida*, ut *L, m, n, r, s*: aliæ *Mute*, ut *B, c, d, f, g, h, p, q, t.*

*Quot sunt consonantes compositæ?*

Quinque, quarum tres apud Latinos propriam figuram, quâ scribantur, non habent, ut *CH, PH, & TH*. duæ verò suis characteribus depinguntur, ut *X & Z*. Sed etiam istis prisca carebant & posteriores carere poterant, cum *X*, sit *CS*, vel *GS*, *Z*, sit *DS*.

*Quid*



*Quid est Syllaba?*

Est integri ioni comprehensio, ut *Mons*,  
*nox*, *flos*.

*Quotuplex est Syllaba?*

Triplex. Alia *Brevis*, quæ unum tempus consumit: alia *Longa*, quæ duo tempora consumit, ac si eadem vocalis bis pronunciaretur, ut in *Felix*, quod pronunciatur & antiquitus scribebatur *Feelix*: alia *Anceps*, cujus pronunciatio indifferenter uno, aut duobus temporibus absolvitur, ut media in *Steterunt*, *Tenebra*.

*Quid est Vocabulum?*

Quo unumquodque vocatur. Aliter dicitur *Vox*.

*Quæ sunt quæ voci accidunt?*

Accentus, Figura & Species.

*Quid est Accentus?*

Est modulatio vocis eam in pronunciando vel attollens, vel deprimens.

*Quæ sunt Regule Accentus?*

- „ Vox ipsa accentum in sese monosyllaba ponit.
- „ Exacuit sedem dissyllabon omne priorem.
- „ Ex tribus extollit primam penultima curta.
- „ Extollit se ipsam quando est penultima longa.

*Quid significat Figura?*

Sit ne vox simplex, an composita, ut *justus*, est vox simplex: *Injustus*, est vox composita ex *in* & *justus*.

A 2

*Quid*

*Quid significat Species?*

Sit ne vox prima, an aliunde flexa, five, sit ne primitiva, an derivativa, ut *Pater* est vox primitiva, *paternus* & *patrus*, sunt voces derivativæ. *Sanctus* est vox primitiva, *sanctior*, *sanctissimus*, *sanctitas*, *sanctimonia* & *sanctè*, sunt voces derivativæ.

*Quot sunt genera vocum?*

Duo. Aliæ enim voces sunt participes numeri, aliæ expertes numeri.

*Quid est Numerus?*

Est differentia vocis secundum unitatem aut multitudinem.

*Quotuplex est Numerus?*

Duplex. *Singularis*, qui unum significat, ut *Homo vivit*. *Pluralis*, qui plura significat, ut *Homines vivunt*.

*Quot sunt voces numeri participes?*

Tres. *Nomen*, *Verbum*, & *Participium*.

*Quot sunt voces numeri expertes?*

Quatuor. *Præpositio*, *Adverbium*, *Conjunctio*, & *Interjectio*: quæ quatuor communi nomine vocantur, *Particula*.

*Quot sunt Instrumenta artis Grammatica?*

Quatuor. *Orthoepia*, five regulæ de recta literarum pronuntiatione. *Prosodia*, five regulæ de syllabarum quantitate. *Etymologia*, five regulæ de vocum singularum accidentibus & partibus, ut de nominum generibus & declinationibus, de verborum conjugationibus, &c. *Syntaxis*, five regulæ de vocum debita inter ipsas compositione.

De

DE Grammaticæ divisione sollicitum esse nihil attinet. Satis est *Subiectum* artis, quæ sunt orationis partes, *Literas* puta, *Syllabas*, & *Voces*; tum *Instrumenta*, quomodo ad subiectum adhibeantur, probè cognita habere. Atque hoc Grammatici est officium, præmonstrare scilicet, quomodo artis instrumentis exefficiatur congruens oratio, quæ artis opus & finis est, ad quem omnia, quæ in arte sunt, referuntur. Instrumenta porò omnino sunt quatuor, quorum primi usus est in literarum pronuntiatione, quam veteres *Orthoepejam* vocabant: alterum in syllabarum modulatione occupatur, diciturque *Profodia*: tertium *Etymologia*, vocis partes, *Nomen* puta, *Verbum*, *Participium* & *Particulus*, eorumque accidentia, ut *casus*, *genera*, *species*, *personae* & *tempora* exsequitur: postremum *Syntaxis* circa vocum inter se compositionem versatur. De *Orthoepeja* linguarum, quæ multis jam sæculis in usu esse desierunt, vani ac propemodum irriti laboris est, quicquam velle præcipere, cum nisi de suspitione vix quicquam in medium affer-

ri queat. Nihilominus ego quicquid de literarum Latinarum pronuntiatione apud veteres inveni, diligenter exscripsi ac digessi, ut non tam quò pactò pronuntiari, quam quomodo non pronuntiari fuerint solitæ, inde animadverti possit. Eam *ἐκλογὴν* his Annotationibus nostris subijciemus: ubi Lector, unde nobis tot *Diphthongi* & *Triphthongi* Latinæ natæ fuerint, de quibus nemo nec veterum, nec recentiorum commeminit, inveniet. De *Profodia* discipulos artis hujus ad Emmanuelis Alvari præcepta, versiculis satis feliciter comprehensa, rejecimus, adeoque nihil nos, quin ad *Etymologiam* propereamus, remorari debet, nisi quod Magistri prius admonendi videntur, ut versiculos de accentibus hòc modò explanandos meminerint.

1. Vocabulum unius syllabæ in pronuntians dō attollitur, ut *Mos*.
2. Vocabulum duarum syllabarum habet acutam priorem syllabam, ut *Mores*.
3. Vocabulum trium, aut plurium syllabarum habet acutam antepenultimam, si penul-

- |   |  |
|---|--|
| <p>tima sit brevis, ut<br/><i>Moribus illicitis.</i></p> <p>4. Vocabulum trium aut<br/>plurium syllabarum</p> | <p>habet penultimam ac-<br/>cutam, si ea sit lon-<br/>ga, ut <i>Moratus.</i></p> |
|---|--|

## ETYMOLOGIA.

### De Nomine.

#### *Quid est Nomen?*

Est vox particeps numeri casualis cum genere, id est, quæ numerum, casum & genus, aut saltem terminationem generi quadrantem habet.

#### *Quid est 1. Casus?*

Est specialis differentia numeri nominalis.

#### *Quot*

1. *Casus est specialis differentia numeri nominalis.* Ita Sanctio post alios definire visum est, quem in plerisque sequimur, velut primum & unicum artis hujus magistrum. *Specialis* (ait ille) *differentia dicitur illa, quæ cuique parti propria ac peculiaris est.* Jam verò numerus alius nominis est, alius verbi. Hinc ea, quæ sub eodem numero nominali inter se differunt, *Casus* vocantur, sicut *Personæ*, quæ inter se sub eodem verbali numerò discrepant. *Casus* autem à *cadendo* dicitur, quod aliter atque aliter desinat sive cadat, quod quidem in plerisque verum est: nam pauca nomina sunt

monoptota, quæ unum modo casum seu terminationem habent, ut *Genu*. Neutra etiam tribus tantum casibus variantur, ut *Templum*, *templi*, *templo*. *Opus*, *operis*, *operi*. Dativi etiam & ablativi omnes antiquitus tam apud Latinos, quam apud Græcos similiter cadebant, & hodie quoque in plurali numerò eodem fine terminantur. Etsi autem casus à terminatione nomen habet, numerus tamen casuum à significatione, non à terminatione pendet, adeoque sex omnino in omnibus linguis casus sunt, velut *Minerva nostra Sanctiana* demonstrat.<sup>2</sup>

*Quot sunt Casus?*

Sex. *Nominativus*, *Genitivus*, *Dativus*,  
*Accusativus*, *Vocativus*, & *Ablativus*.

*Quid est 1 Genus?*

Est differentia nominis secundum sexus  
notam.

*Quot sunt Genera?*

2 Tria. *Masculinum*, cujus nota est *hic*, ut  
*Hic dominus*. *Fæmininum*, cujus nota est *hec*,  
ut *Hec mensa*. *Neutrum*, cujus nota est *hoc*,  
ut *Hoc templum*.

A 4

*Quot*

1 *Genus est differentia nomi-*  
*nis secundum sexus notam.*

Nomina sexum non habent,  
adeoque Grammaticus ea  
non sexu, sed notâ sexus  
distinguit. Nota verò sexus  
masculini est *hic*, fæminini  
*hec*, neutri *hoc*. Itaque no-  
men pueri *Pegnum*, & me-  
rettrici *Glycerium*, sunt neu-  
tri generis, non quia sexu  
neutrum sint, sed quia notâ  
neutri generis afficiuntur  
propter terminationem: nam  
per terminationis regulam  
nomina in *um* exeuntia sunt  
neutri generis.

2 *Tria sunt Genera*] Fugit  
ratio Grammaticos, cum  
quædam nomina *Communis*  
generis, alia *Omnis* generis  
fecerunt, ut *hic* & *hec ho-*  
*mo*: *hic*, *hec* & *hoc felix*.  
Nec enim Latine dicitur,

*hec homo*: neque ulli nomi-  
ni adjectivo sexus nota præ-  
ponitur, propterea quod ad-  
jectiva genus non habeant,  
sed tantum terminationem  
accommodabilem, sive uni  
modò generi, ut *Bonus*, *bo-*  
*na*, *bonum*: sive duobus,  
ut *Fortis*, *forte*: sive tribus  
ut *Par*, *oriens*, *felix*. Itaque  
cum legis, *hic felix*, nota sexus  
non pertinet ad nomen ad-  
jectivum, sed ad substanti-  
vum, *homo*, quod per fi-  
guram *Ellipsin* suppressum  
est & subaudiri debet. Simi-  
liter cum audis, *hec homo*,  
subaudis aliud substantivum,  
nempe *famula*, ad quam il-  
la sexus nota pertinet, quæ  
Elliptica Syntaxis erit, si di-  
cas: *Helena fuit homo pulcher-*  
*rimum*; alia tamen res est in  
illo Sulpicii ad Cic. de Tul-  
lio

*Quot sunt Declinationes Nominum?*

Quinque: nam est vel *prima*, cujus genitivus singularis definit in *a*, ut *Mensa*, *mensæ*: vel *secunda*, cujus genitivus singularis exit in *i*, ut *Dominus*, *domini*: vel *tertia*, quæ facit genitivum singularem in *is*, ut *Sermo*, *sermonis*: vel *quarta*, cujus genitivus singularis terminatur in *ûs*, ut *Sensus*, *sensûs*: vel *quinta*,

liolâ. *Quoniam homo nata erat.* Ibi enim plena Syntaxis est. *Tulliola nata homo.* Sicut Just. l. 1. *Semiramis credita est puer.* Liv. 28. *Porcus natus erat fœmina.* Atque hoc ipsum in omnibus illis valet nominibus substantivis, quæ *Epicœna* dicuntur, id est, quæ sub unâ terminatione utrumque sexum, sed alterutrum præcipuè significant, quorum alia masculina sunt, ut *Homo*, *latro*, *vates*, *miles*, *agricola*, *custos*, *dux*, *elephantus*, *leo*, *bubo*, *milvius*, *mus*, *sus*, *grus*, *piscis*, *lupus*, *bos*, *porcus*, *anguis*, &c. alia fœminina, ut *Balana*, *aquila*, *vulpes*, *talpa*, *dama*, *musca*, *birundo*, *birundo*, *testudo*, *cornix*, *perdix*, *ovis*, *virgo*. Epicœna quoque masculina sunt nonnulla nomina verbalia in *tor* desinentia, ut *Pictor*, *auctor*, *auditor*, *scriptor*: alia Epicœna non sunt, cum eorum

fœminina in *trix* exstent, ut *Victor*, *ultor*, *altor*, *genitor*. *Victrix*, *ultrix*, *altrix*, *genitrix*: quorum etiam nonnulla in plurali neutrius generis terminationem invenire, ut *Victores*, *victrices*, *victricia*: *Ultores*, *ultrices*, *ultricia*. In Epicœnis verò substantiva nomina *mas* vel *fœmina* subaudiuntur, ut si dicas: *Penthesilea olim strenua miles erat*, pro, *strenua fœmina miles erat*. *Hortensia* fuit civis *disertissima*, pro, *civis fœmina disertissima*. *Gravissima* in *filium testis est mater sua*, pro, *gravissima testis fœmina*. *Elephantus gravis*, subaudi, *fœmina*. Vide in Syntaxi figuratâ Ellipsin. Latine secundum regulam dices: *Hæc mulier est miles strenuus, bonus vates, idoneus auctor audendi. Vinum est dux pessimus. Aurum repudiatum est abstinentie testis optimus.*

ta, cujus genitivus singularis exit in *ei*, ut *Dies, diei*.

*Quot modis dividuntur Nomina?*

Duobus: Ratione generis, & speciei.

*Quotuplex est nomen ratione generis?*

Duplex: *Substantivum* & *Adjectivum*.

*Quid est nomen Substantivum?*

Quod cum uno genere declinatur, ut *Pater, mater*.

*Quotuplex est nomen Substantivum?*

Duplex: *Proprium*, quod unius soli rei, personæve convenit, ut *Cicero, Roma, Tiberis, Ego, Tu, Sui*. Et *Commune* five *Appellativum*, quod multis convenit, ut *Homo, urbs, flumen*.

*Quid est nomen Adjectivum?*

Quod nullum genus habet, sed tantum generibus tribus quadrat, vel sub uno fine, ut *Felix, par, oriens*: vel sub duobus, ut *fortis* & *forte*: vel sub tribus, ut *Bonus, bona, bonum*. Italicè & Hispanicè ferè semper significat *cosa*, Gallicè *chose*, Germanicè *ding*.

*Quotuplex est nomen Adjectivum?*

Duplex: *Absolutum*, quod ad aliud non refertur: & *Relativum*, quod ad antecedens nomen refertur.

*Quotuplex est nomen Relativum?*

Duplex: Aliud *Generale*, quod ad antecedens sic refertur, ut in se ipsum non reflectatur, ut *Qui, hic, is, ille, ipse, iste, qualis, quantus, quotus*. Aliud *Speciale*, quod *Reciprocum* dicitur, & in se ipsum reflectitur, ut

*suus, sua, suum*; nam *sui* & *sibi* & *se* sunt substantiva.

*Quotplex est nomen ratione speciei?*

Duplex: *Primitivum*, seu primæ positionis, quod ipsum aliunde non formatur, ut *Beatus*. Et *Derivativum*, quod ab alio nomine habet originem, ut *Beatus*, *beatulus*, *beatior*, *beatissimus*.

*Quot sunt genera nominum Derivativorum?*

Sunt quidem plura, sed hæc quinque præcipua, *Possessiva*, *Deminutiva*, *Comparata*, *Superlata*, & *Verbalia*.

*Quid est nomen Possessivum?*

Quod idem significat, quod genitivus unde derivatur, ut *Paterneus*, *meus*, *tuns*, *suus*: nam *Paterneus amor* significat idem quod *Patris amor*.

*Quid est nomen Deminutivum seu Deminutivum?*

Quod minus significat, quam suum primum, cuius semper genus & significationem servat, ut <sup>1</sup> à *funne*, *funiculus*; à *rege*, *regulus*; à *pistrina*, *pistrilla*.

*Quid est nomen <sup>2</sup> Comparativum seu Comparativum?*

Quod fit à positivo, id est, nomine adjectivo,

ad-

<sup>1</sup> *A fune funiculus.*] Apud Lucretium quidem legitur: *Aurea de celo demisit funi in arva*. Et lectionem Agellius & Nonius agnoscunt. Sed cum Quintilianus perspicue affirmet, ex *funiculus* certo

constare de masculinò genere *funis*, facile mihi persuado poetam scripsisse *Aureu*, unde postea effectum *Aurea*.

<sup>2</sup> *Comparativum, quod fit à nomine adjectivo.*] Qualia susci-



addita syllaba *or*, ad primum casum in *i*, ut à *Doctus*, *docti*, *doctior*, & significat idem, quod positivum, addita voce *magis*: nam *Doctior* est *magis doctus*. *Prudentior* est *magis prudens*.

*Quid est nomen Superlatum seu Superlativum?*

Quod fit à positivo seu nomine adjectivo addita *ssimus* ad primum ejus casum in *i*, ut à *Doctus*, *docti*, *doctissimus*, à *Prudens*, *prudentis*, *prudenti*, *prudentissimus*, & significat idem quod positivum cum *valde*: nam *Doctissimus*

fusciunt magis & minus, substantiæ non item, ait Aristoteles, seu quisquis auctor est Categoriarum. Non ergo à nominibus substantivis comparativa derivari possunt. *Senex*, *juvenis*, *adolescens*, *insans*, adjectiva sunt, adeoque magis fusciunt, ut dicatur *Senior*, *juvenior* seu *junior*, *adulescentior*, *insantior*. A *penus*, Plautus finxit *penior*, quoniam *penus* et adjectivum est, pro, *astutus*: quò exemplò dices *Neronior*, ut *Nero* pro adjectivò *crudelis* sumatur. Nec à verbis (ait Sanctius) possunt creari comparativa, quia verbum est veluti forma orationis, nec recipit comparisonem, nisi additò adverbio, ut, *Currit*, *magis currit*. *Potior* igitur & *deterior*

non sunt derivata à verbis *potior* & *detero*, sed à nominibus *potis* & *deter*. Nec etiam à particulis comparata formantur. *Citer*, *exter*, *super*, *infer*, *ulter*, *sepius*, *propus*, apud priscos in usu erant. Inde formata, *Citerior*, *exterior*, *superior*, *inferior*, *ulterior*, *sepior* & *sepius* ac *sepiissimus*, *propior*. Fallum est, quod ajunt Grammatici, non posse formari comparativa à nominibus vocalem ante *is*, vel *us* habentibus. Bonos enim auctores habet *Tenuior* & *tenuissimus*: *assiduior*, *assiduiissimus*: *strenuior*, *strenuiissimus*: *exiguor*, *exiguissimus*: *egregior*, *egregiissimus*: *arduior*, *arduiissimus*: *perpetuior*, *perpetuiissimus*: *industrior*, *innoxior*.

*simus* significat *valde doctus*. Quædam tamen Superlativa in *llimus*, *rimus*, *timus*, aliterque exeunt, ut ab *Externus* fit *extimus* & *extremus*: à *Superus*, *summus* & *supremus*: à *Posterus*, *postumus*, sive *postimus* & *postremus*.

Hæc tria dant *llimus*, *similis*, *facilisque*, *humilisque*.

Cum rectus fit in *ER*, ternus gradus in *Rimus* exit:

Ut *veter* & *deter*, queis *1 matur* jungito *priscum*.

Sex *Timus* accipiunt, *dexter*, *citer* atque *sinister*,

*Internus* atque *ulter*, *extremus* & *extimus*, *exter*,

*Inferus infimum* habet, *superus* cum *posterus* *Emus*.

*Dic alia Comparativa & Superlativa Anomala.*

*Bonus*, *melior*, *optimus*.

*Malus*, *pejor*, *peffimus*.

*Magnus*, *major*, *maximus*.

*Parvus*, *minor*, *minimus*.

*Multum*, *plus*, *plurimum*.

*Maledicus*, *maledicentior*, *maledicentissimus*.

Be-

*1 Matur*] *Maturrimus* est *Cælaris*, *Ciceronis* & *Columellæ maturissimus*. *Plautus* ab ipse finxit *ipissimus*, à *patruo*, *patruissimus*. Se-

neca ab *imbecillis*, *imbecillimus* & *imbecillissimus*. *Infandissimum* dixit *Varius* in *Thyeste*,

Beneficus, beneficentior, beneficentissimus.  
Benevolus, benevolentior, benevolentissimus.

Pris, *antiquum*, prior, primus.

Sic Poster & postris, *priscum*, posterior.

Sicut Sacer & sacris.

Senex, senior.

Juvenis, Junior.

Propior, proximus.

Pius, piissimus.

Invitus, invitissimus.

Novus, novissimus.

Ocyor, ocyssimus, à Græco *ὀκυρς*, id est, *celer*.

*Quid est Nomen verbale?*

Quod ab aliquo verbô ducit originem.

*Quotuplex est Nomen Verbale?*

Triplex: Aliud est verbi expers: aliud verbi particeps, quod Participium vulgo dicitur; aliud participiale. *Vid. infra Annotationes, pag. 17. & seq.*

## D E V E R B O.

*Quid est Verbum?*

Est vox particeps numeri personalis cum tempore, id est, quæ numerum, personam & tempus habet.

*Quid est Persona, vel potius, Facies?*

Est specialis differentia numeri verbalis.

*Quotuplex est Persona?*

Triplex. Singularis prima, ut *Amo*. Singula-

gularis secunda, ut *Amas*. Singularis tertia, ut *Amat*. Pluralis prima, ut *Amamus*. Pluralis secunda, ut *Amatis*. Pluralis tertia, ut *Amant*.

*Quid est tempus?*

Est differentia verbi secundum præsens, præteritum, & futurum.

*Quot sunt Tempora Verbi?*

Quinque. *Præsens*, *Præteritum imperfectum*, *Præteritum perfectum*, *Præteritum plusquamperfectum*, & *Futurum*.

*Quot sunt verbi conjugationes?*

Quatuor: nam est vel *Prima*, cujus secunda persona primi præsentis exit in *as*, ut *Amo*, *amas*: vel *Secunda*, cujus secunda persona primi præsentis exit in *es*, ut *Docceo*, *doces*: vel *Tertia*, cujus secunda persona primi præsentis exit in *is*, & infinitum in *ere* breve, ut *Leggo*, *legis*, *legere*. Vel *Quarta*, cujus secunda persona primi præsentis exit in *is*, & infinitum in *ire* longum, ut *Audio*, *audis*, *audire*.

*Quot modis dividuntur verba?*

Duobus. Ratione accidentium suorum, & ratione significati.

*Quotplex est verbum ratione accidentium?*

Duplex: *Personale*, seu *Finitum*, & *Impersonale*, sive *Infinitum*.

*Quid est Verbum Personale seu Finitum?*

Quod certâ personâ, tum etiam numero & tempore certô finitur, seu determinatur, ut cujus personæ, numeri & temporis sit, di-

ci possit, ut *Amo*, *legisses*, *curritur*, *pluit*, *ningit*, *incest*.

*Quid est verbum Impersonale sive Infinitum?*

Quod certâ personâ non finitur, sed nec numerum aut tempus certum habet, ut *Amare*, *amavisse*. Plaut. Curc. a. 1. s. 1. *Ita conferto tuum amare*, pro *tuum amorem*. Vulgo vocant verbum *Infinitivi modi*, quod sæpe nominis substantivi vim habet, ut *Virtus est vitium fugere*, pro, *fuga vitii est virtus*. *Tempus est abire*, pro, *abitionis*. *Magis paratus servire, quam imperare*, pro, *magis paratus servituti, quam imperio*. *Non tanti emo pænitere*, pro, *pænitentiam*. *Ibo videre*, pro, *ad videre*, sive *ad visionem*. *Dignus legi*, pro, *lectu vel lectione*. *Dignus amari*, pro, *amore*. Tibul. *Causa perire*, pro, *interitus*. Plaut. Aul. a. 2. s. 5. *Ne operam perdas pascere*, i. e. *in pascendô*.

*Quotuplex est verbum ratione significati?*

1. *Triplex*: *Substantivum*, quod substantiam sive substantentiam significat, ut *Sum*, *sio*, & *priscum suo*. *Activum*, quod actionem significat, ut *Vivo*, *amo*, *curro*, *consolor*, *amplector*: nam ista in *Or*, deposuerunt passivam signi-

1. *Triplex est verbum ratione significati.*] Neutra verba (ait Sanctius) nullô pacto esse possunt, quia teste Aristotele, omnis motus, actio aut passio; nihil medium est. Communia verba, id est, simul activa & passiva,

fuerunt multa ante Ciceronis tempora, postea verò deposuerunt passivam significationem, unde dicta sunt *Deponentia*. Sed mera sunt activa: quid enim differant, *Prosequor te honore*, & *afficio te honore*.

significationem, ex eoque *Activa deponentia* dicuntur. *Passivum*, quod passionem significat, ut *Vivitur, amatur, curritur*.

*Nullumne est verbum Gerundum seu Gerundium?*

Nullum: nam *legendi & legendô*, quæ vulgo verba *Gerunda* dicuntur, non sunt verba, quoniam nec tempus, nec personam habent, sed sunt participia passiva cum genere, casu & número. Nam *legendi* est genitivus singularis neutri *legendum*: *legendo* autem est ablativus singularis neutri *legendum*, ac propterea præpositio ei præponi potest hoc modô: *In legendô fies doctus*: ubi subauditur verbum infinitum *legere*, quod nominis vim habet in ablativô, quasi dictum esset: *In legendô lectu*, sive *in legendâ lectione fies doctus*. *Tempus est legendi*, subauditur *legere*, quod vim habet nominis in genitivô, quasi esset: *Tempus est legendi lectus seu legenda lectionis*. *Nunc est legendum*, subauditur *legere*, quod vim habet nominis in nominativô. *Legere* autem valet idem quod *lectio*, nisi quod illud neutrum est, hoc fœmininum. Idem enim sunt, *Legere jucundum est*, & *lectio jucunda est*.

*Nullumne est verbum Supinum?*

Nullum: nam *lectum & lectu*, quæ vulgo *Verba supina* dicuntur, non sunt verba, quoniam in iis nec persona, nec tempus, nec numerus apparet, sed sunt nomina substantiva quartæ declinationis, accusativi & ablativi  
vel

vel dativi casus, adeoque cum præpositione inveniuntur, ut *Oves eunt pastum*, vel *adpastum*, sive *adpastionem*. *Redeunt pastu*, vel *èpastu*, sive *àpastione*. *Visu mirabile*, pro *visui*: nam dativus facit *visui* & *visu*. Similiter autem dictum est, ut *Oculis mirabile*. *Acerbus sensu* & *acerbus sensibus*.

## DE PARTICIPIO.

### *Quid est Participium?*

Est vox particeps numeri casualis, tempus & constructionem à verbò ducens, sive quod numerum, casum, tempus & verbi constructionem habet, ut *Amans*, *amaturus*, omnia tempora significat in activo, sicut *Amatus* & *amandus* in passivo. Dicimus enim: *Sum amans* & *amaturus*. *Sum amatus*, vel *amandus*. *Fui amans*, *amaturus*, *amatus*, *amandus*. *Ero amans*, *amaturus*, *amatus*, & *amandus*. Quare dicitur Participium *Vid. Annotationes*.

### B

Participia orationis partem feci à Nomine & Verbò diversam: quâ in re plus opinioni Grammaticorum, quam veritati dedisse me fateor. Verè enim nihil aliud participium est, quam verbale nomen, sed quod aliqujus verbi accidentis sit particeps, qualia sunt cum tempus, tum casus rectio, tum

denique statûs, aut morûs significatio. Substantiva quippe verba statum, seu substantiam, aut subsistentiam significant, reliqua inotum, id est, actionem, aut passionem. Rectè proinde nomina verbalia, id est, originem suam verbo debentia, vel à verbò derivata, trium generum fecerimus, ut eorum  
alia

alia sint *Expertia verbi*, cum quibus nullum verbi accidens communicatur, alia *Participia*, quæ aliquod verbi accidens participant, alia denique *Participialia*, quæ aliquid participii, etsi nihil verbi participant. Nominum participium alia casus rectionem & significationem motûs de verbi naturâ participant, eaque vel substantiva, vel adjectiva. Substantiva sunt, *Tactio*, *curatio*, & *tactus*, *curatus* quartæ declinationis, *Motio*, *motus*, *momentum*, *momentum*: cuius generis nomina cum actionem significant, tum priscò more accusativum, id est, verbi sui casum regunt. Dicebant enim, *Quid tibi me tactio est? Quid tibi hanc rem curatio est?* Retentum quoque fuit, *Venio ad spectatum ludos*, & per Ellipsin, *Venio spectatum ludos*. Adjectiva sunt, *Vitabundus*, *letabundus*, *ludibundus*, *moribundus*, quæ & actionis significationem & accusativi expressi, aut superpressi rectionem cum verbis suis participant. Dicitur enim *vitabundus hostes*, in cæteris sicut in *letare letitiam*, in *ludere ludum*, in *mori mortem*, subauditur. Alia parti-

cipium nominum, sive participiorum cum tempus, tum significationem, sive statum, sive motum à verbo ducunt. Nam *ens* & *futurus* substantiva sunt: activa verò *amans* & *amaturus*: passiva denique *amatus*, *amandus*. Nonnulla terminatione passiva, significatione autem activa, ut *Cautus*, *qui cavet*: *Juratus*, *qui juravit*: *Cænatus*, *qui cænavit*: *Pransus*, *qui prandit*: *Obitus*, *qui obiit*: *Occusus*, *qui occidit*. Participialia nomina vel originem cum participiis communem habent, vel terminationem. Prioris generis alia sunt comparata nomina, ut *Amantior*, *doctior*, *comitator*: alia composita, ut *Indecens*, *indiligens*, *indoctus*. Sic *Indecens* apud Terentium Adelphi. *qui non dixit*, act. 3. sc. 4. *Non me indicente hec fiunt*. Et Cic. *Insciente me discessit*. Terminationem participiorum cum illis communem habentia, sunt *Laureatus*, *ocreatus*, *cristatus*, eorumque similia. Verum enim cum ista spinosiora, quam ut tenera tironum ætas ea possit intelligentiâ comprehendere, Magistros de iis admoneri satis mihi visum fuit.



## DE PRÆPOSITIONE.

*Quid est Præpositio?*

Est vox expers numeri, quæ casibus præponitur, & in compositione reperitur.

*1 Quotuplex est Præpositio?*

Duplex: Alia *Casualis*, quæ casibus natura

B 2

sua

1 Præpositionibus Grammatici annumerant, *Circiter*, *prope*, *propius*, *proxime*, *pridie*, *postridie*, *procul*, *secus*, *usque*, *versum* & *versus*. Sed ea esse adverbia Sanctii *Minerva* docet, quâ de re nos quoque in adverbiorum *Syntaxi* attingimus. *Secus viam*, pro, *juxta*, *secundum*: Quintilianus ætate suâ vulgo usurpari solere significat, cum lib. 8. cap. 2. ita scribit: *Pessima sunt adiutoria, hoc est, quæ verbis aperta, occultos sensus habent, ut Conductus est cæcum secus viam stare. Sed non intelligo, cur id dicat adiutoriorum, cum satis planus ejus esse sensus videatur, nimirum, cæcum presidi fuisse conductum, ut flaret secus viam. In sacris quidem legimus Psal. 1. de Ligno secus decursus aquarum. Atque hinc nisi me animus fallit, Historiæ Indicæ conditor, lumen*

& ornamentum *Societatis Jesu* Maffejus errorem illum hausit, ut *secus* præpositionem crederet, in cæquetantum non delicias faceret, ut Epist. lib. 2. epist. de obitu *Silveriæ*: *Secus diversorium*. Et lib. 3. epist. *Ludovici Almeidae*: *Secus aream*. Et lib. 4. epist. 1. *Aream ad mare secus arcem optimò situ*. Atque hinc intelligi potest, quam parum tuta sit frequens eorum librorum lectio, qui minus bonâ Latini sermonis ætate scripti fuerent, si quis præsertim, quod *Italici* hominibus suâ ingeniorum felicitate fretis solemne est, omnes veteres auctores & Grammaticos cognoscendi laborem refugiat. Certè si *Charisium* *Sosipatrum* legisset *Maffejus*, nunquam ille, ut ista scriberet, animum induxisset. Ejus enim lib. 1. verba sunt: *Secus, adverbium, significat, aliter. Unde*

sua præponitur; alia *Compositiva*, quæ cum aliis vocibus composita unum vocabulum efficit, sive eæ voces sint nomina, sive verba, sive particulæ.

*Quotuplex est Casualis Præpositio?*

Triplex: Alia accusativo tantum præponitur, alia ablativo, alia promiscuè utrique.

*Quæ Præpositiones præponuntur Accusativo?*

Ad, apud, ante, adversus *vel* adversum, cis, citra, circa, circum, contra, erga, extra, intra, infra, juxta, ob, pone, per, propter, post, præter, penes, supra, secundum, trans, ultra.

*Quæ Præpositiones præponuntur Ablativo?*

A,

*de nascitur secius à majoribus.* Caterum id, quod vulgus usurpat, Secus illum sedi, hoc est, secundum illum, & fatuum & sordidum est. Neque tamen deterioris notæ est secus, quam amicus, pro, amiculum, quo idem Maffejus Histor. Ind. lib. 12. sic utitur: Tunica amiculum superinduunt breviorē, manicus non ultra cubitum eminentibus; quō etiam locō, satis imperitè eminentibus dixit, pro, pertinentibus, sive, ut posteriores maluerunt, pertinentibus, et si id alicubi sciolorum operā in unō Sallustii & Cæsaris locō subfedit: nam ut Servius notat, *eminere* dictum est, à

minis, sive pinnis murorum in altum editis. Et si ergo à *aves* hoc, Cubitus è manicis eminent, pro, exstat, bonis auctoribus defendi potest, longè tamen aliud est, *Manica* non ultra cubitum eminent. Ejusdem notæ est *caligæ*, pro, bracciis femoralibus, lib. 12. *Talarem gestant tunicam, hanc domi demittunt, prodituri autem in caligas infundunt ad inum equaliter laxas.* Sed de istis eorumque similibus, quibus dictionem Maffej cæterum cultissimam, iniquatam deprehendi, in *Syntagmate* nostrō *de Styli historici virtutibus*, uberius disputatum Lector inveniet.

A, ab, abs, absque, cum, coram, de, è, ex, <sup>1</sup> foras, pro, præ, palam, <sup>2</sup> sine (ex prisco *se* vel *sed*) tenus.

*Quæ Præpositiones utrique casui præponuntur?*

Clam, in, sub, subter, super.

*Quotuplex est Præpositio Compositiva?*

3 Duplex. Alia extra compositionem habet propriam significationem, alia nisi in compositione nihil significat.

*Quæ habent propriam significationem?*

4 Abhinc, 5 admodum, 6 antehac, 7 circum-

B 3

circa

1 Foras, Palam] Ista præpositionibus contribuere mihi visum est, quod ea sexto casui præposita comperissem, nec Ellipsi locum esse judicarem. Lucret. 6. de pestilentia: Spiritus ore foras tetrum voluebat odorem: Et supra: Atque aliud per signa, aliud transire per aurum, argentumque foras, aliud vitroque meare, id est, exire ex argento, seu transire per argentum. Liv. lib. 6. Creditori rem palam populo solvit. Horat. Epod. 11. Ubi hæc se verus te palam laudaveram, pro, coram te. Fallitur ergo Grammaticus vetustissimus Fl. Caper, cum scribit: Coram illò dicendum est, non palam illò: nam palam ad multos refertur.

2 Sine ex prisco *Se*, vel

*Sed*] Per vulgatum est veteres dixisse: *Se fraude*, pro, *sine fraude*, & *sedulo*, esse *sine dolo*. *Sed*, pro, *se*, notavit Festus. Ex *se* porro formatum est *sine*, ut ex *Prodit*, prodinit: ex *jecor*, jecinor. *Secors*, est *sine corde*. *Segnis*, *sine igni*, & velut frigidus ad agendum.

3 Præpositiones compositivas alias *Loquelares*, alias *Significativas* feci. Priorum nulla est Syntaxis præter illam, quam aperte ferunt. Posteriorum quis usus sit, jam exsequemur.

4 *Abhinc*] Significat tempus, quasi dicas, *ab hac die* (vel cum Cicerone *ex hac die*) *dies numerandò*, ac promiscuè de præterito & futuro tempore usurpatur. Cic. *Abhinc annis quindecim*, ubi subaudi

di

di præpositionem, in, à quâ ablativus regitur. Idem: *Ab-  
hinc duos & viginti annos est  
mortuus*, subaudi præposi-  
tionem ante. Terent. *Ab-  
hinc triennium hic commigra-  
vit*. Plautus eodem sensu *hinc*  
usurpat. Trucul. *Me nihil  
magis respiciet, quam si hinc  
ducentos annos fuerim mor-  
tuus*, subaudi ante: simili-  
terque Turpil. Lindia: *Fa-  
ctum esse diem hinc quartum  
hodie*. Plautus Casiu. *Annos  
abhinc factum est sexdecim,  
cum conspiciatus est puellam ex-  
poni*, pro quò dici poterat:  
*Annos est sedecim cum con-  
spiciatus est*: sicut idem Au-  
lul. *Hanc domum multo: an-  
nos est cum possideo & colo*,  
pro, ante multos abhinc an-  
nos factum est, cum possideo,  
seu quod possideo: nam quom  
& quod indifferenter Plau-  
tus, Terentius & Cicero hæc  
in re usurpant, eò quod  
quom sive quem aut cum  
sit accusativus omnibus ge-  
neribus congruens, à quis  
omnium generum, velut in  
Paradigmatæ annotavi. Quia  
verò quom & quod adjectiva  
sunt, eaque relata, nomen  
substantivum antecedens,  
quod referant, subaudiri ne-  
cesse est. Tale verò nomen  
est tempus, aut etiam nego-  
tium, quod Latinis idem est  
quod res, Italis & Hispanis

*cosa*, Germanis, *dīng*.  
Gallis *chose*. Jam satis con-  
stat recte Latine dici. Si est  
ut ille hanc domum possideat,  
pro, si ita est negotium, si  
ita est res ut ille domum pos-  
sideat. Rectè quoque dici-  
tur, Quom vales, gaudeo,  
& Quod vales gaudeo, pro,  
ad quom, sive ad quod nego-  
tium, id est, ad quod nego-  
tium quod attinet: Sensus er-  
go est: Quantum ad illud ne-  
gotium attinet, ad quod va-  
les, gaudeo. Quoniam est ut  
valeas, quoniam ita res est ut  
valeam, gaudeo. Vis itaque  
Plautinorum verborum hoc  
modò explanabitur: Nego-  
tium illud, ad quod ego hanc  
domum possideo, factum est  
abhinc ante multos annos. Si-  
milis est alter Plauti locus  
in Persâ: Nondum sex men-  
ses est quom leno hic commi-  
gravit, pro, nondum abhinc  
ante sex menses factum est ne-  
gotium, cum hic migravit. Si  
quis tempus subaudire malit,  
sensus erit: Nondum abhinc  
ante sex menses factum est  
tempus, sive fuit tempus. In-  
differenter enim dicitur: Fa-  
ctum est tempus cum, & fuit  
tempus cum. Ita Tempus erit  
cum, tempus veniet cum, tem-  
pus fiet cum, quod etiam sub-  
auditur, in est cum, erit cum.  
(Si cui insolentius videbitur,  
Factum est tempus, noverit  
Ci;

circa, 1 contraea, 2 dehinc, dein, deinde, 3 derepen-

B 4

te,

Ciceronem dixisse §. Att. 20. *Apamea quinque dies morati, Iconii decem fecimus.* Et Alfenius J. C. *Servus fugerat, & annum in fuga fecerat.* Et Senec. ep. 66. *Paucissimos unâ fecimus dies.* Cæterum abhinc de futurò usurpat Pacuvius; *Seque ad ludos jam inde abhinc exerceant.* Cicero pro Rosciò Com. *Reprimittis tu abhinc triennium Roscio?* Ubi subauditur, post.

§ *Admodum.*] Cum *Modus* Latinis & quantitatem & qualitatem significet, hinc fit, ut *admodum* aliàs idem significet, quod valde, aliàs quod *propemodum*, serè, quasi, *circiter*. Cicero: *Non admodum grandis natu.* Livius: *Exalto admodum mense Februario.* Idem: *Sex milia hostium cæsa, quinque admodum Romanorum.* Idem: *Vehicula mille admodum capta.* Cicero: *Curio literarum nihil admodum sciebat, id est, quasi nihil.* Columella: *Admodum exigui pulveris subijcimus.* Ubi subauditur *rem*: nam *res pulveris*, est *pulvis*. Ita Varro: *Apponendum est bene olentium barbarum: aut dictum putabimus, ad pulveris modum, sicut ad instar* dixit Senenus Septimius: cum

*instar* sit nomen substantivum effigiem vel similitudinem significans.

6 *Antebac.*] Significat *ante hac facta* aut *tempora*: nam veteres, *bac*, pro *hec* dicebant. Plaut. *Aflu. Ego illum antebac semper sum hominem frugiratus.* Idem *Mil. Ante hoc factum hunc sum arbitratus semper servum pessimum.*

7 *Circumcirca.*] Plaut. *Aul. a. 3 l. 4. Ubi capis scalpurre ungulis circumcirca.* Sicut Græci ἀμφίπερι κενῶν *circumcirca fontem.*

1 *Contraea.*] Unâ voce dixerunt, sicut *interca*, *præterea*, *postilla*, ubi ultima syllaba à poetis produciuntur, ut unum ex duobus vocabulum factum appareat. Exstat apud Cæsar. lib. 3. belli civilis, apud Sallust. Jugurth. apud Livium & Cor. Nepotem sæpius. Liv. 4. *Superbè ab Samnitibus legati prohibiti commercio sunt: contraea benigne à Siculorum tyrannis adjuti.* Nepos Agell. *Nullum in eo signum libidinis, nullum luxuria: contraea plurima patientia atque abstinentia.* Idem Epam. *Quod me Agamemnona emulari putat, falleris: namque ille cum uni-*

te, <sup>1</sup> defubito, <sup>2</sup> defuper, <sup>3</sup> è loco, extemplo, <sup>4</sup> ex-

an-

universâ Græciâ vix decem annis unam cepit urbem: ego contraea unâ urbe nostrâ, dieque uno totam Græciam liberavi. Sic ibi lego, pro, contra ex unâ. Terentius, Contra hæc, contra omnia, contra hæc omnia, eodẽ sensu usurpat.

<sup>2</sup> Debinc, dein, deinde.]

Dein per Apocopen, pro deinde dictum est. Inde verò siout & binc, motum à tempore aut loco significat. Usurpatur ergo deinde, pro postea, ratione loci. Terent. Accepit conditionem, dein questum occipit. Idem: Factum esse non negat, & deinde facturum autumat. Cicero: An ego tibi obviam non prodirem? primum Appio Claudio? deinde Imperatori? deinde more majorum? deinde (quod caput est) amico? Idem usus est præpositionis debinc. Virgil. Oscula libavit nate, debinc talia satur. Plaut. Si quidem ante mentitus sis, nunc jam debinc erit tibi verax.

<sup>3</sup> Derepente.] Cicero: Tu derepente irrupisses.

<sup>1</sup> Defubito] Plaut. Si apud te eveniat defubito prandium aut potatio.

<sup>2</sup> Defuper.] Significat idem

quod de supero aut superiore loco, quomodo Plautus loquitur Amph. Illuc sursum ascendero, inde optimè sic cispellam virum. De supero faciam, ut sis madidus. Virgil. His ego nigrantem commistâ grandine nimbum Desuper infundam. Lucretianum est: Ex supero.

<sup>3</sup> E loco, extemplo.] Significat, statim, è vestigio. Templum enim pro quovis locò undique apertò dicebant. Usum præpositionis hinc licet colligere. Plaut. Afin. act. 1. sc. 2. At malo cum tuo: nam jam ex hoc loco ibo ego ad tres viros, vestraque ibi nomina saxo erunt. Et Trucul. act. 2. sc. 4. Ego isti non munus mittam? Jam modo ex hoc loco jubeo ad istam quinque perferri minas. Liv. 36. Alii extemplo agendum, alii differendum in veris principium censebant. Plaut. Cap. Ne tu me ignores, cum extemplo è conspectu meo abscefferis. Vide mox in exadversum.

<sup>4</sup> Exante.] Liv. lib. 45. Supplicatio pro concione populo indicta est exante diem quintum Idus Octobris, id est, ex illo die in diem quintum, antequam dies quintus finem

ante, <sup>1</sup> exadversum, <sup>2</sup> examussum, <sup>3</sup> exhinc,  
<sup>4</sup> exin, exinde, <sup>5</sup> extraquam, <sup>6</sup> inante, <sup>7</sup> im-

## B 5

## præ-

finem haberet: sic enim intelligebant, cum dicerent, *Ante diem tertium, quartum, &c.*

<sup>1</sup> *Exadversum.*] Terent. Phor. *Modò vidi quandam virginem, suam lamentari matrem mortuam: ea sita exadversum, id est, mater mortua posita erat è regione virginis.* Ibid. *Exadversum ei loco tonsina erat quedam.* Ubi Donatus ait, pro eiloco, legi etiam, *illico.* Nimirum scripserat Terentius, *è loco.* Nepos Thrasyb. *Cecidit Critias, cum quo exadversus Thrasybulus fortissime pugnarat.* Ita est in veteri codice optimò. Cic. 1. Divin. *Ajo loquenti exadversus eum locum consecrata est.* Ubi duo illa verba, *eum locum*, ex glossâ videntur irreplisse: cû apud Nepotem quoque in Themist. legimus: *Factum est, ut ab Arthemiso discederent, & exadversum Athenas apud Salamina classem suam constituerent.*

<sup>2</sup> *Examussum.*] Significat exactè, perfectè, quasi *adamussum.* Plaut. Amph. *Na ista adepol examussum est opti-*

*ma.* Et Most. *Ædes facta examussum.* Et Menæc. *Us hanc rem vobis examussum disputem.*

<sup>3</sup> *Exhinc.*] Lucret. lib. 3. citante Prilcianò: *Anima cû animi vi percussa est, exhinc corpus propellit, id est, statim, ex hoc loco.* Sueton. Tiber. *Post hæc comatam Galliam rexit.* Exhinc Rbeticum Vindelicumque bellum. Cicero similiter *ex hæc die*, de præteritò & futurò usurpat, pro quo vulgo barbarè, *ex tunc* & *ex nunc*, quæ tamen sunt facta, ut *exhinc*, *exinde*, *inante*, *exante*, *præquam.* Plautus de futuro, Peril. act. 4. sc. 3. *Bonns volo jam ex hoc die esse, id est, posthæc.*

<sup>4</sup> *Exin, exinde.*] Virgil. *Quisque suos patimur manes, exinde per altum Mittimur Elysium.* Plautus Pseud. *Proinde ut quisque fortunâ utitur, exinde sapere eum dicimus.* Et Truc. *Postquam alium reperit, qui plus daret, me exinde annovis loco.* Varro 1. rust. 20. *Alii asellis, alii vaccis ac riuilis utuntur, exinde ut pavuli facultas est, pro perinde ut.* Just. Populum eodem ornatu vestiri jubet,

præsentiarum, 1 inibi, 2 in loco, 3 insuper, 4 interea, interim, interibi, 5 interdiu, 1 in-

bet, quem morem vestis exinde gens universa tenet, pro, inde ex eo tempore. Macer Jurisc. Annus exinde computandus est, ex quo ea annotatio publicè innotuit.

5 Extraquam.] Significat, præterquam, nisi. Cicet. Addat exceptionem hanc, extraquam si quis reip. causâ exercitum non tradiderit. Livius: Campanos omnes liberos esse jusserunt, extraquam qui eorum, aut ipsi, aut parentes eorum apud hostes essent.

6 Inante.] Cicero: Cadem te optatiam contulisse inante diem quintum Calendas Novembris, pro, in diem ante diem quintum, id est, in eum diem, qui incideret antequam dies quintus præterisset. Propert. Si quis vult sanâ tabulas anteire vetustas, Hic dominam exemplo ponat inante ueam.

7 Impræsentiarum.] Vix mihi persuadere possum, quin vocem hanc à posterioribus malefictam credam. Legitur etiam in Corneliô Nepote in vitâ Hannib. Cum Scipione, exhaustis jam patriæ facultatibus, cupivit impræsentiarum bellum componere, quo valentior postea congregaretur.

1 Inibi.] Significat ibidem. Cicero: Luxuries Annibalem Capuæ corripuit: superbia nata inibi esse ex Campanorum fastidio videtur. Idem: Quod sperare debemus aut inibi esse, aut jam esse confectum. Plaut. Pers. Marsupium habeat, inibi paulum præsidii.

2 In loco.] In locò, ex quò factum indicò & illiò, significat statim, e vestigiò. Dictys lib. 6. 12. Acastus ubi præter spem se liberatum animadvertit, spontè in locò cuncta regni Neoptolemo tradit.

3 Insuper.] Significat, præterea, vel super illa, quæ jam dicta sunt. Terent. An pœnitebat flagitii, ni miserum insuper etiam patri indicares? Livius: Si hoc non fuit est, insuper pœnas expetite. Idem: Humus insuper injiciebatur, pro, supra. Virgilius cum ablativò ponit, Insuper his, pro, præter hæc, his amplius. Lucretius cum accusativò: Insuper alienos rogos exstru-ctos consanguineorum cadavera locabant. Ita & Cæsar: Hanc insuper contignationem tantum adstruxerunt.

4 Interea, interim, interibi.]

Sig-



1 inter dum, 2 per inde, 3 postea, post hac, post hinc, post i-

Significat, *inter ea negotia, facta vel tempora*, id est, *per idem tempus, quo aliquid aliud negotii peragitur*. Cicero: *Hæc dum Romæ geruntur, Quintius interea, &c.* Terent. *Interea dum is venit, domi opprobriamur*. Livius: *Inter agenda hæc, pro, interea, ut videatur Ellipsis esse in voce interea, subaudiaturque agenda negotia, sicut Plaut. Stich Inter illud negotium meis amicis curavi, ut cæna esset cocta. Et Cistell. Inter rem istam agenda bene huic respondi, quod rogabat.* Idem Rudente: *Jam hic ero, tu interibi adorna, quod opus est.* Cicero: *Hoc interim spatio conclave illud concidit.* Uterque Seneca & uterque Quintilianus *interim*, pro, *interdum, nonnunquam, aliquando* ponunt, sed id degenerantis jam Latinæ spe- cimen existimari potest.

5 *Interdum.*] Significat, *de die, inter duos dies est*. Plautus etiam *interdum* usurpat. Cicero: *Noctu an interdum.* Ridiculè Quintilianus lib. 1. extremo cap. 4. *Noctu & diu* adverbis annumerat. Leguntur enim cum præpositionibus ablativum regentibus, & cum adjecti-

vis ablativi casus. Plaut. *Hæc noctu somniavi.* Ennius: *Hæc noctu filo pendebit Hetraria tota.* Terent. *Cras cum primo lucu.*

1 *Interdum.*] Significat, *aliquando, aliquo tempore*. Cicero: *Interdum, vel potius nimium sæpe.* Geminatio verborum habet interdum vim, leporem aliàs. Festus: *Interduatim dicebant antiqui, quod nunc interdum & interim.* Hinc apud Plaut. Truc. act. 4. sc. 4. ubi legitur: *Vale Phronesium. PH. jam me tam oculum non vocas? DI. Id quoque interim sutatim nomen commemorabitur.* Scribendum censeo: *Id quoque interduatim nomen commemorabitur.*

2 *Perinde.*] Significat, *similitudinem*. Plaut. *Omnes res perinde sunt, ut agas, ut eas magni facias.* Cic. *Habes à patre munusmodò quidem sententià magnam, sed perinde eris, ut reciperis.* Liv. 27. *Ut videret agros cultaque ab incultis notaret, & perinde dominos laudaret castigaretque.* Sallust. *Mitridates corpore ingenti, perinde armatus.*

3 *Postea, post hac, post hinc, postibi, postilla, postinde, postmo.*

postibi, postilla, postinde, postmodo, postidea,  
postidem, 1 præterea, præterhac, 2 præquam,  
3 præterquam, 4 præut, 5 proin, proinde,

1 pro-

modo, postidea, postidem.] Significat, post factum vel tempus aliquod, vel post tempora, sicut supra, antebac. Ovid. 1. Fast. Postea mirabar, quod non sine litibus esset. Ubi a breve arguit nomen esse. Ufustamen talia fecit particulas, ex eoque a sæpius produciuntur. Plaut. Merc. Nescio quid meo animo est agere: postea hæc nocte non quievi satis ex sententiâ, pro, tum verò, præterea autem. Idem Stich. Dejiciam telas aranearum. G. E. misera algebunt postea. Idem Curcul. Eum qui vendidit mihi puellam, nunquam postilla vidi. Catul. Nec sibi postilla metuebant talia verba. Cic. Id ne umquam posthac accidere possit, providendum est. Virgil. Posthinc ad navis graditur sociosque revisit. Plaut. Mil. Verberetur etiam, postibi amittendum censeo. Et Stich. Nunc intro ibo & sacrificabo, postibi jubebo nobis cœnam coqui. Lucret. In pedibus primum digitos livescere & unguis, Inde pedes & crura mori: postinde per artus Ire alios tractim gehidi vestigia leti. Livius, Si Ardeates arbitrium Senatui permittant,

fore ut postmodo gaudeant se ira moderatos. Plaut. Cist. Ubi id erit factum, ornamenta ponent, postidea loci qui deliquit, vapulabit. Idem Aul. act. 1. sc. 2. Nunc quo profectus sum ibo, postideu domum. Sic in optimis libris veteribus legitur. Varro lib. 8. de ling. Latina: Verbis, quæ non ad rationem sunt, oportet non uti. Sic enim obsolescent, ac postidem facilius corrigi poterunt. Sic ibi lego, pro, postea idem.

1 Præterea, præterbac.]

Significat propriè, præter vel ultra hæc, quæ jam dicta sunt, aut præter, sive post hæc tempora, aut facta. Cicero: Est philosophi nobilis filius, homo præterea festivus. Idem: Tibi uni concedo, præterea nemini. Idem: Non possumus hujus & præterea cuiusvis civitatis esse cives. Sallust. Nunquam Hispanos præterea tale facinus facere ausos, id est, præterquam illò tempore. Plaut. Rud. Si præterbac unum verbum faxis, ego tibi conminuam caput.

2 Præquam.] Significat idem quod in comparatione alicujus imparis, si cum alio

ma-

<sup>1</sup> pronuper, <sup>2</sup> propalam, <sup>3</sup> propemodum, <sup>4</sup> proporrò. <sup>5</sup> propterea, <sup>6</sup> proquam, prout, <sup>7</sup> protenus, <sup>8</sup> subinde, <sup>9</sup> superquam.

## Hu-

majori aut minori confertur. Plaut. Amph. *Parva res voluptatum est in vitâ, praequam quod molestum est.* Mostell. *Jam minoris omnia facio, praequam quibus modis me ludificatus est.* Aulular. *Nemo sine grandi malò, praequam res patitur, studuit elegantiae, id est, plus quam res familiaris patitur.* Nam prae comparationem inaequalium significat, sicut & ante.

<sup>3</sup> *Præterquam.*] Terent. *Verbum si mihi unum, præterquam quod te rogo, faxis.* Cicero: *Nullas iis præterquam ad te dedi literas.* Livius: *Multitudo coalescere in populi unius corpus nullâ re, præterquam legibus poterat.* Cor. Celsus: *Aqua frigida infusa præterquam capiti, etiam stomacho prodest, pro, non modò capiti.*

<sup>4</sup> *Præut.*] Significat idem, quod praequam. Plaut. Mil. *Nihil hoc quidem est, præut alia dicam, quæ tu numquam feceris.* Amph. Perii, ME. *parum etiam præut futurum est, prædicas.* Menæc. *Moderatior nunc est præut dudum fuit.* Ibid. *Folia nunc cadunt præut, si triduum hic erimus, sum arbores in te cadent.*

Turpil. Epiclero: *Præut solent, me cura somnò segregant, id est, plus solito, præ eo modo, quo solent.*

<sup>5</sup> *Proin, proinde.*] Significat idem quod ideo, propterea, itaque. Usurpantur etiam ad exprimendam similitudinem, sicut perinde. Terent. *Orationem sperat invenisse se, quare differat: proin fac apud te ut sis.* Cicero: *Proinde bono animo sis.* Plaut. Amph. *Scio isthæc facta proinde ut proloquor.* Pœnulus. *Proinde habet hic orationem, quasi ipse sit frangi bonæ.* Plaut. *Proinde ut quisque fortunâ utitur, ita præcelhit.* Petron. *Senex exercitati vultus, sed cultu non proinde speciosus.*

<sup>1</sup> *Pronuper.*] Significat, nuper admodum. Plautus Trin. *Quam sponsonem pronuper tu exactus es.*

<sup>2</sup> *Propalam.*] Plaut. Mil. *Metuo ne hoc tandem propalam fiat nimis.* Idem Epid. *Minus jam sum furtificus, quam antebac, rapio propalam.*

<sup>3</sup> *Propemodum.*] Significat idem, quod serè, penè. Terent. *Propemodum jam tibi habeo fidem.* Cicero. *Verba*

Hujus generis sunt omnes Præpositiones, quæ cum Nominibus aut Verbis sunt compositæ, ut *Adesse, adprobare, avocare, evocare, deducere, inimicus, inducere, obvius, obducere, perducere, praire, subire, transire, &c.*

*Quæ Præpositiones nihil significant extra compositionem?*

*Ambe, vel ambi, am, an, con, di, dis, re, se, ut in Ambecisus, ambio, amsanctus,*

*an-*

*componere & propemodum dinumerare.*

4 *Proporro.*] Lucret. Et sibi proporro quæ sint primordia querunt, id est, insuper, porro, præterea.

5 *Propterea.*] Terent. Haud propterea te rogo, ut hoc proferam.

6 *Proquam, prout.*] Significant comparisonem parium. Lucret. Igitur parvissima corpora proquam, & levissima sunt, ita mobilitata feruntur, pro, quanto minora & leviora sunt, tanto etiam mobilitiora. Idem: Nec satis est proquam largo se exestuat estu, unde queat tantum suboriri ac suppeditare. Symmachus: Non satis mihi videretur, proquam res postulat, fungi debitum meum. Cicero: Tuas literas, prout res postulat, expecto. Idem: Prout facultates ejus ferebant. Interdum per Ellipsin Pro reticetur: Liv. Ho-

*mo, non quam isti sunt, gloriosus.*

7 *Protenus seu protinus.*] Significat, Porro tenus, continuè tam temporis, quam loci ratione. Virgil. de Sicilia Italiae olim conjuncta: cum protinus utraque tellus una foret. Idem: Protinus acii mellis caelestia dona exsequar. Idem: en ipse capellas protenus ager ago.

8 *Subinde.*] Significat, deinde, paulo post. Horat. Si dicet rectè, primum gaudere: subinde præceptum auriculis hoc instillare memento. Petronius & posteriores eo utuntur, pro frequenter, identidem, per intervalla.

9 *Superquam.*] Significat idem: quod præterquam. Livius 22. 3. Primoribus superquam quod disenserant à consilio, territis etiam duplici prodigio.

*anquiro, concors, diversus, dispar, reliquus, separatus.* Et hæ præpositiones à priscis Grammaticis *Loquelaes* vocantur, quia extra compositionem loquelæ tantum, sed nullius significationis sunt.

## DE ADVERBIO.

*Quid est Adverbium?*

Est vox expers numeri, quæ aliis vocibus tamquam adjectivum adjungitur, ut *Valde bonus, Discit cito, Bene mane.*

*Quotuplex est Adverbium?*

Multiplex, ratione variarum significationum, ut interrogandi, respondendi, affirmandi, negandi, prohibendi, jurandi, quantitatis, qualitatis, similitudinis, comparandi, intendendi, remittendi, hortandi, congregandi, separandi, excludendi, eventus, moris, principii & originis, dubitandi, &c.

*Quotuplicia sunt Adverbia interrogandi & respondendi?*

Sextuplicia: Quærunto enim & respondent vel de *Facto*, sitne aliquid, nec ne: vel de *Causâ*: vel de *Tempore*: vel de *Loco*: vel promiscuè de *Tempore* & *Loco*: vel simul de *Tempore* & *Numero*.

*Quæ Adverbia quærunto de Facto?*

An, anne, ne: *enclitica*, num, numnam.

*Quæ Adverbia respondent de Facto?*

Ita, sic, etiam, quippeni. Respondetur etiam per verba *Licet* & *Censeo*.

*Quæ*

*Qua Adverbia querunt de Causâ?*

1 Cur, quin, quianam. Queritur etiam per nomina *Quare*, seu *quâ de re*, & *quam ob rem*.

*Qua Adverbia respondent de Causa?*

Quia & quoniam, quod factum est, ex *Quom jam* seu *Cum jam*. Respondetur etiam per

1 Cur, quin] Ista non sunt *nativa* adverbia, sed *reperia*, sive ut Grammaticè loquar, *usurpata*. A naturâ enim, sive primigeniâ significatione *cur*, est *cure*, sicut ex prisco *cume* factum est *cum*, ex *Sine*, pro, *Si non*, factum est *Sin*. *Cure* autem est *cui rei*, in ablativo casu, qui ut supra demonstravi, dativo erat similis: *i* porro in utrâque voce omissum fuit Græcorum imitatione, ut in *musâ* pro *musai*, supra contigisse dixi. Veteres scribebant *quor*, pro *quore*, id est, *quire*, seu *quare*: nam *quis*, ut dixi, omnium erat generum. Idem ergo prorsus sunt naturâ & significatione *cur* & *quare*, & utrobique subauditur præpositio *de* vel *in*. Plautus Pœn. act. 1. sc. 2. *Nimia nos secordia bodie tenuit*. AD. *quâ de re obsecro?* AN. *quia non dudum ante lucem venimus*. Nepos in Thymol. *Dixit se in eâ re maximas*

*diis gratias agere, quod se posissimum ducens esse voluissent*. Potest tamen *cur* pro *cui rei* in dativo accipi, quomodo apud Plautum Pœn. act. 2. sc. 1. *Viscum legioni dedi & fundas: eo præsternebam solia sarseri*. LY. *cui rei?* AN. *ne ad fundas viscus adhæresceret*; sicut *Sin*, est *Sine*. Jam *quin* est *qui ne*. Ubi *ne* significat *non*, ut *Ne recte loqui*. Nemo, pro, *ne homo*. *Nepurus*, pro, *non purus*. *Nescio*, pro, *non scio*. *Nequeo*, pro, *non queo*. *Qui* est ablativus, pro, *quâ vel quo*, ut subaudiatur, *re vel modo*. Est ergo *quin*, idem quod *quare non*, *quo modo non*, vel absolute *quo non*, ut *Nullus dies est, quin de te cogitem*. Sed quia *qui* & *quis* sunt omnium generum apud veteres, eo factum, ut *quin* significet etiam *que non*. Plaut. Persa: *Mulier nulla eris, quin sis mala, que reticet, si quid fieri perverse videt*.

per Nomina, *Eò quod*, *ideo*, *eàre*, *hacre*,

C

propter-

*I Ideo*] Duo sunt nomina, etſi uſus fecit unum & adverbium: nam & *quomodo* duo ſunt nomina. Cic. 12. ad Attic. 6. *Quomodo hoc ergo lues? uno ſcilicet, ſi mihi librum miſeris.* Plaut. Trin. act. 5. Sc. 1. *Quem ego magis amo, quam te. ST. quam me? quomodo? PH. hoc modo, ut moleſtus ne ſis.* Similia ſunt in Plauto plura. Nilominus uſu factum eſt, ut *quomodo*, adverbium fieret, adeoque ultimam ejus ſyllabam Horatius corripit 1. Sat. 11. *Cum Victore ſiquor. Mæcenas quomodo tecum.* Similiter poſtremo, cum naturâ & origine ſit nomen ablativi caſus, uſurpatione exiit adverbium, ut ex Juvenali diſcimus, qui poſtremam ejus literam corripit. Ita & *ſiquidem* dux ſunt particulae, uſu tamen in unam coaluerunt, ut ex hõc Ovidii verſiculõ apparet: *Que mihi ventura eſt, ſiquidem eſt ventura ſenectus.* In hanc ſententiam ſcribit Serv. in Æn. 9. *Jam uſus obtinuit, ut Haſtenus, pro una parte habeatur. Ergo adverbium eſt. Omnis enim pars orationis cum deſerit eſſe, quod eſt, in adverbium migrat.* Id. in Georg.

1. nomen *ſupellex* ait eſſe *uſurpatum*, quia ſcilicet uſu fuerit introductum contra regulas artis, per quas rectum eſt, *hac ſupelleſtilis*. Similiter in Georg. 3. *Lea* dicit eſſe *uſurpatum*: nam *Leena* eſſe *Græcum*, *Latine autem dici, hic & hac leo*, ut tamen, velut monui, in *hecko*, ſubaudiatur *ſemina*. Nimirum quod de verbis ait Cicero, alia eorum *nativa* eſſe, id eſt, quæ ſignificata ſunt primõ ſenſu, alia *reperita*, quæ ex his facta ſunt: idem in verborum ſignificationibus valet, ut alix ſint nativæ vel primigeniæ, alix repertæ vel uſurpatæ, quas uſus nonnihil à naturâ ſui primæque origine detorſit. Ita *quum* ſeu *cum* & *quod*, naturâ ſunt duo nomina relativa, cum quibus præpoſitio *ad* ſubauditur, velut in Annotationibus *Paradigmatum* monui. Uſus tamen fecit particulas, id eſt, vel adverbia, vel conjunctiones, quod ipſum in *magis*, *ſatis*, & *nimis* contigſſe dixi. Quemadmodum enim veteres indifferentes *potis* & *pote* de masculinis, femininis & neutris, tam pluralis, quam ſingularis numeri dicebant (quod in *Thesaurø* Sciop-

Scioppiano id est, in Commentariis de linguâ Latinâ multis auctorum exemplis confirmatum videbis) similiter nullô generis aut numeri discrimine *nimis*, *magis* & *mage*, *satis* & *sato*, vel per *Apocopen*, *sat*, cum substantivis conjungebant, vel expressis vel suppressis. Cic. *Nimis insidiarum adhiberi videtur*, subaudi, *negotium* vel *res*, quasi esset: *Nimia res*, vel *nimum negotium insidiarum*, hoc est, *nimia insidia*. Idem: *Non nimis me, sed alios admodum delectant literæ illius*. Ubi *nimis* est, ad *nimis negotium*, vel ad *nimum*, live in *nimum negotium*: nam *nimum* sicut in *plus*, plerumque præpositio κατὰ, id est, *in*, *ad*, vel *in* vel *circa*, vel *secundum*, subauditur, quod ipsum in *plurimum*, *multum*, *tantum*, *quantum* (ex quo per contractionem *tam* & *quam* fecerunt) similiterque in *id*, *quid*, *quicquid*, *aliquid*, *nil*, *melius*, *pejus*, *citius*, *parum* & *pauum* usu venit. Utrôvis ergo modô per præpositionis Ellipsin dicitur, *Tempus nimium longum*, & *nimio longum*. Valet enim illud, *ad nimium negotium*, hoc autem à *nimio negotio*: id est, *quod ad nimium negotium attinet*. Cicero: *Hoc*

*exiguum tempus, quod mihi tamen nimium longum videtur*. Plaut. *Nimum libenter edissermonem tuum*. Idem: *Vixisse nimio satius est, quam vivere*. Nævius Agitatore: *Nimio artē colligo*. De *plus* exempla sunt, Cic. *Plus annum obtinere provinciam, pro ad plus tempus*. Terent. *Ut cum matre plus esset una*. Similiter ut idem: *Ibi plurimum est*, pro, *ad plurimum*, vel per *plurimum tempus est*. In hoc Ciceronis, *Plus virium habet alius alio*, subauditur, *negotium*. Plaut. *Dii plus plusque sospitent istuc quod nunc habes*, pro *ad plus plusque tempus*: pro quo dici poterat eâdem Syntaxi, *magis magisque*. Sicut Catull. *Notescatque magis mortuus atque magis*. Cic. *Magis & magis de Graciâ cogito*, pro, *ad magis tempus*: nam *plus* & *magis* nihil differunt. Itaque sicut in nominativo rectè dicitur, *Plus est, quod gratuler tibi, quam quod te rogem*. Similiter dixit Cicero, *Magis est quod gratuler*. Ita minus minusque: Ter. Heaut. 2. 3. l. 3. *Nam mihi jam minus minusque obtemperat*. Eadem in *satis* & *sat* ratio est: quæ nihil aliud significant, quàm *sufficiens*. Cic. *Cesbeo de repub. satis suppedibat oratio*. Ubi *satis*, est nominativus femininus singula-



gularis, sicut masculinus accusativus singularis apud Virgil. *Ipsa satis tellus, cum dense recluditur unco, Sufficit humorem*: & nominativus neutralis singularis apud eundem Cic. *Ipse Romani venirem, si satis consilium esset*. Item: *Hoc facere satis est, pro, satis negotium*. Plaut. *Quicquid est domi, id sat est habendum*. Cor. Nepos Epam. *Abstinencia eris hoc satis testimonium*. Plurale masculinum est in hōc Plauti: *Quatuor homines sunt satis, pro, sunt satis homines, vel satis hominum*. Plurale neutrum apud eundem Plaut. *Ut satis consilia suppetant*. Et Propert. *Cum satis una tuis insomnia portet ocellis Famina*. Et Virgil. *neque enim responsa dabantur fida satis*: Si tamen *satis responsa dictum volumus*: nam si placeat *satis fida*, valebit, *ad satis negotium*: quod minus incredibile judicabit, qui *tantum & multum* eodem prorsus exemplō suppressā præpositione & nomine *negotium* usurpari noverit. Catull. *Nec tantum niveâ gavisa est ulla columbâ Compar*, pro, *in tantum negotium*, sicut Virgil. *Nec puer Iliacâ quisquam de gente Latinos, In tantum spe tollet avos, nec Romula tellus ullô se tantum tellus jacta-*

*bit alumnô*. Ubi *tantum & in tantum* indifferenter poni videmus. Liv. 22. 27. *In tantum suam virtutem enituisse*. Juvenal. *In quantum fitis atque fames & frigora poscunt*. Cicero: *Si me amas tantum, quantum profectô amas, pro, ad tantum sive in tantum, in quantum*. Plaut. *Multum amo illam*: pro, *in multum negotium*. Cæsar: *Neque multum frumento, sed maximam partem vivunt lacte*. Plin. 10. cap. 36. *Solutus columbarum volatus est in multum velocior*. Ubi etiam dici poterat, *à multo velocior*, & per Ellipsin præpositionum *multum & multo velocior*. Cic. *Multum omnibus gloriâ præstare*. *Multo magnus orator præstat minutis imperatoribus*. Sicut *paulum & paulo, aliquantum & aliquanto* indifferenter dicitur præpositionibus suppressis. Varro: *Nemini paulum modô humaniori ignotus*. Plaut. *Multum improbiore sunt, quam à primo credidi*. Fabius. 1. cap. 6. *Sed paulum superiores quod nos dicimus Jussi, dixerunt Jusi*. Sallust. Jug. *Cum vineæ paulô processerant, igni aut lapidibus corrumpébantur*. Terent. Heaut. *Paulô qui est homo tolerabilis, id est, etiam ille, qui est aliquanto tolerantior, commo-*

quantum iniquior erat. Livius: *Quantum magis patres plebi se insinuabant, eo acrius tribuni contra tendebant.* Idem: *Ad immensum augere aliquid*, pro quò dici poterat, *immensum*, ut Ovid. 5. Fast. de Orione: *Creverat immensum.* Et Tacit. *Eupbratem nullâ imbrium vi sponte & immensum attolli.* Rursum Livius: *Formam viri aliquantum humanâ ampliorem intuens.* Et lib. 42. *Dextra pars labæ terræ in aliquantum altitudinis diruta erat.* Dictys, seu quisquis optimis temporibus bellum Trojanum descripsit: *Nostris multorum dierum navigatione in aliquantum exbaustis.* Etiam in id, quid, aliquid, nihil, præpositionem subaudiri nemo, nisi indoctissimus, dubitaverit, ut in his Livii: *Militibus nihil rempub. committendameffe.* *Nihil ordinum memores.* *Magister equitum nihil consulto dictatore evectus.* Et Plaut. *Apæ amor, non places, nihil te moror.* Et Senec. *Pollio eos servos, qui se aliquid offenderant, in vivarium abjici jubebat.* Plaut. Curc. *Non est mirandum, melius si nihil sit tibi, pro, ad nihil, à nibilo, vel nibilo melius.* Ulpianus quidem præpositionem sic expressit leg. 1. §. 7. Dig. ne quid in flumine. *Si ea res cursum flu-*

*minis ad aliquid immutavit.* Eòdem nempe modò *ad nihil, ad multum, ad plus, ad magis, ad nimis vel nimum, ad satis* rectè dixeris, quod quidem ad artis regulas attinet: quibus tamen meminisse oportet potentiorum esse Romanorum usum, quem ex libris auctororum discimus. Ita quod Cicero dicit, *Oratio nostra magnam partem ex Jambis constat*: præpositionem *ad* vel *in* suppressam habere ex eò intelligitur, quod sæpius idem habet: *Quod mea multum, tua nullam in partem interest.* *Non sentientis nihil est, quod ullam in partem intersit.* *Mea omnem in partem interest.* *Hec neutram in partem effici possunt.* *Me tibi in omnes partes defendendum putes.* Pro quibus alibi, *Nullâ ex parte, omni ex parte, magnâ ex parte* dicere solet. Sic Ovid. 10. Met. de Mida: *Cetera sunt hominis, partem damnatur in unam, Induiturque aures lente gradientis aselli*: ubi præpositio per Ellipsin eleganter omitti poterat. Livius 42. 3. *Ædem Junonis ad partem dimidiam detegit*: pro quò dicere poterat, *ex parte dimidiâ.* Sed ad satis redeo, quod nomen esse vel comparativus *satius* fidem fecerit. Priscia-

nus

<sup>1</sup> propterea quod.

*Qua Adverbia quaerunt de Tempore?*

Quando, quamdiu & quantisper.

*Qua Adverbia respondent ad Quando?*

Hodie, heri, cras, pridie, postridie, perendie, nudius tertius, quartus, quintus, decimus, nunc, jam, nuper, tandem, aliquando, olim, pridem, dudum, tum, quum vel cum, interim, statim, protinus, illico, ex templo, actutum, repente. Respondetur etiam per Nomina, <sup>2</sup> Mane, sero, tempori, serius, temporius, ocyus.

C 3

*Qua*

nus lib. 15. Nimis, quod etiam nimium dicimus. Satis, quod etiam loco nominis recipit, satius. Et mox: Satis, quia pro sufficiens accipitur, ideo habuit comparationem, satius. Idem Cicero: Plato hominem id etatis in tam longo sermone diutius retinere noluit: multo ego satius hoc mihi faciendum putavi in Scævola. Sed & satior apud Plin. legitur lib. 17. cap. 5. Terra pulla eris optima, & operi satior, id est, melior, appositior. Porro in ideo, quod usu in unum vocabulum coaluisse dixi, Pleonasmus est: nam & id significat ob id, propter id, & eo significat ab eo, ex eo. Plautus. Et id huc reverti, ut me purgarem tibi. Idem: Non

es in senticeto, eo non sentis, pro, eo negotio vel nomine, sicut eâ re, eâ causâ. Varro: Heliotropia flores vocant ab eo, quod ad solem semper spectant.

<sup>1</sup> Propterea quod] dicitur per Syllepsin numeri; cum per regulam rectum sit, Propter id quod. Cui similis hæc Plauti: Amor amara dat tibi satis quod ægrè sit. Item: Ego te de aliâ re rescivisse censui, quod ad me attinet. Item: Potius quam istam a me operam impetres, quod postulas. Item: Si quid stultè fecit, ut ea misa facias omnia. Item: Quid negotii est, quamobrem mihi succenseas. Et Varronis: Deterrent à faciendo fscellis e junco, aliâve quâ re, quod alligant ad naturam.

<sup>2</sup> Mane, sero, tempori.]

Ista

*Quae Adverbia respondent ad Quamdiu, & Quantisper?*

Tantisper, paulisper, aliquantisper, parumper, usque pro assiduò, diu, olim, dudum.

*Quotuplicia sunt Adverbia, quae quarunt & respondent de Locò?*

Quintuplicia. Alia enim significant locum sine motu, alia motum ad locum, alia motum per locum, alia motum ex locò vel à locò, alia motum versus locum. *Plant. Merc. a. 5. l. 2. Quò ego scio, subaudi, locò. Sic, quo, pro,*

Ista naturà sunt nomina, usu verò adverbia: nam *manus* & *manis* priscis significat bonus, cui contrarium immanis, id est, minime bonus, adeoque *sevus* seu *crudelis*. *Dii manes*, hoc est, *boni defunctorum spiritus*. *Mane tempus*, quod *nox jam noctem pellit*. *Persius: Jam clarum mane fenestras intrat*. *Cic. Literas tuas Fesulanus multò manemibi dedit*: sicut, *Multà nocte*. *Plaut. Pœn. Amani ut ad portum proecessimus*, id est, *postquam jam mane tempus, seu matutinum fieri capit*. Idem: *Hæc pugna pugната est ab usque mane ad vespertum*. In *serò* subauditur *tempore diei*. Apud *Livium* quidem legimus: *Castrorum oppugnatione, quia serum erat diei, abstinuere*. Sed adverbialiter usurpatur, cum *legis, Serò est, pro, res est in*

*sero tempore*, sicut apud *Plautum: Nimis penè mane est*. Ex eòque posterior in *serò* sæpe à poëtis corripitur, sicut etiam in *quomodo, postremo, medicando, vigilando*, quamvis ablativi sint: nec aliter in *exemplar, & calcar postrema* faciunt brevem, licet nomina sint adjectiva, per *Apocopen* facta ex *calcare & exemplaare*, in quibus *negotium*, id est, *res* subauditur. *Tempori*, ablativus est pro *tempore*, ubi subauditur *in*. *Plaut. Alcuviene auxilium in tempore serami*. *Ter. In tempore ad eam veni*, id est, *tempestive, attemperatè, cum tempus ipsum esset*: ubi *Donat*. *In tempore, oportune, nos suo præpositione dicimus, tempore & temporis*. *Cicero: Ego renovabo commendationem, sed tempore*, id est, *in suo tempore, cum suum tempus advenerit*.

pro, *quâ in parte*, *propè*, *propius*, *proximè*, *quæ sunt adverbia*, non *præpositiones*.

*Quæ Adverbia querunt de locò sine motu?*

*Ubi & ut*, pro *ubi* positum.

*Quæ Adverbia respondent ad Ubi?*

Hic, *istic*, *illic*, *ibi*, *ibidem*, *inibi*, *intus*, *foris*, *utrobique*, *passim*, *supernè*, *infernè*, *infra*, *utrimque*, *undique*, *undiquaque*, *usquequaque*, *intus*, *subtus*, *necubi*, *ubi*, *ubi*, *alibi*, *neutrubi*, *ubivis*, *uspiam*, *usquam*, *nusquam* (*pro quò plebs Romana dicebat, nullibi*) *altrinfecus*, *utrinquesecus*, *extrinfecus*, *intrinfecus*. Respondetur etiam per nomina, ut *Roma*, *Toleti*, *Carthagini*, *Ægypti*, *Cypri*, *Cilicia*, *domi*, *belli*, *militia*, *humi*, *ruri* vel *rure*.

*Quæ Adverbia querunt de motu ad locum?*

*Quo*. Sed hoc adverbium non est *nativum* adverbium, sed *repertum*, sive *usurpatum*: nam ex natura sua seu prima impositione est nomen accusativi pluralis à *quod*. Dicebant enim veteres *quo*, pro, *quæ*, & supprimebant præpositionem *ad*. Itaque *quo* valet: *Ad quæ loca vel negotia*. *Quo mihi fortunam*, significat, *ad quid mihi fortunam*, sive *cui rei mihi fortunam?* nam *quo* dativus etiam est pro *quo*i, abjecto *i*, ut in *Paradigmatum* annotationibus monui.

*Quæ Adverbia querunt de motu versus Locum?*

*Quorsum*, quod formatum est, ex *quo* *versum*, pro, *versum ad quo*, seu *quæ loca*.

*Quæ Adverbia respondent ad Quo?*

Istuc, huc, eò, illò, intro, utròque, aliò, neutrò, versum, versum, *Liv.* Neutrò inclinatâ spe. Foras, quoquo, peregre, obviam, ultro, citro. Respondetur etiam per accusativos locorum præpositione expressâ aut suppressâ, ut *Eo Romam, in Romam. Venit Italiam. Ibo rus, domum, in domum, urbem, larem.* Nusquam. *Plaut. Capt. a. 1. s. 2.* Num quo foras vocatus es ad cœnam? R. nusquam. *Horat. 2. sat. 7.* Si nusquam es fortè vocatus ad cœnam.

*Quâ*, est in qua parte. Itaque propriè significat quietem seu statum, non motum.

*Quæ Adverbia quarunt de motu per locum?*

*Quâ.*

*Quæ Adverbia respondent ad Quâ?*

Hâc, istâc, illâc, quaquâ, quacumque, quavis, quaquaversus. Respondetur etiam per Ablativos locorum præpositione suppressâ, ut *Totâ vagatur Italiâ. Vehitur flumine vel per flumen.*

*Quæ Adverbia quarunt de motu ex locò?*

*Unde.*

*Quæ Adverbia respondent ad Unde?*

Hinc, istinc, illinc, indè, indidem, eminus, cominus, aliunde, necunde, foris,

un-

1 *Cominus*] Non nemo fortasse inter præpositiones utrumque casum regentes regulærit, propterea quod apud

Propert. lib. 2. eleg. 19. legatur: *Non tamen ut vastos ausim tentare leones, Aut celer agrestes comminus ire suos.*

Et

unde unde, undecumque, utrinque, nusquam.

C 5

Et lib. 3. eleg. 1. *Flumina-  
que Æmonio comminus isse  
viro.* Nam priore locô per  
*Ellipsin* suppressa est præpo-  
sitio *ad*, ut sit: *Ire suos*:  
sicut Virgil. *Sitientes ibimus  
Afros. Devenere locos letos.*  
In altero *ire viro* dictum est,  
quemadmodum *it clamor cæ-  
lo*, quô exemplô alibi Pro-  
pert. *Ut formosa novo que  
parat ire viro.* Cæterum Ser-  
vius in illud Virg. 1. Georg.  
*Quid dicam, jactô qui se-  
mine comminus arva Insequi-  
tur*: monet *comminus* non  
significare *ex propinquo*, sed  
*statim, sine Intermissione*,  
*qui significatus* (ait) *frequen-  
tissimus est in Cisalpina Gal-  
lia.* Vulgo enim dicunt: *Va-  
de ad eum, sed comminus.*  
*Unde Virgilius* *magis patriam  
consuetudinem videtur secutus.*  
*Veteres enim non in tempore,  
sed in loco comminus ponebant,*  
*id est, juxta, cui contrarium*  
*est eminus, id est, longè.* Nem-  
pe si Servio credimus, Vir-  
gilius Mantuanè potius, quam  
Romanè locutus est. Cujus  
eum culpæ idem reum agit  
in hóc versu: *Urgeri volu-  
crum raucarum ad littora nu-  
bem. Raucum* (ait) τῶν μίσων  
est, sicut *grave olens.* Scien-  
dum tamen Virgilium secun-

*dum movem provincie sue lo-  
cutum, in quâ bene canentes,  
cygni rauciores vocantur.* Sed  
in hóc quærat Grammati-  
cus, cui persuadeat. Ego  
quidem Luciano subscribo,  
qui *raucam & insuavem* cyg-  
nis ex æquô omnibus vocem  
tribuit. Iterum Servius in il-  
la Virgilit: *Latus hausit aper-  
tum.* Quidam (inquit) *Itali-  
cam elocutionem putant.* Cum  
enim à latere quis aliquem ad-  
ortus gladio occidit, *Hausit  
illum, dicunt.* Idem *Italicum*  
vulgare, non Latinum esse  
ait Zemas, quod significat  
*ollas areas*, pro quibus Vir-  
gilius Græcè *Lebetas* dixe-  
rit: Sicut etiam *Cyma*, pro,  
*vertice montis* Charisius vul-  
garis linguæ esse ait, non  
Latinæ, similiterque *Pastil-  
lus & Sylli.* *Cyma* vel *cuma*  
(sic enim veteres scribebant  
& pronunciabant.) Hispanis  
est *cume & cumbre*, sicut *bo-  
me & hombre, nome & nom-  
bre.* Itali hodie quoque *Ci-  
ma* vulgo dicunt. Ita *Ploxe-  
num* Catulli Transpadanum  
erat vocabulum, ut lib. 5.  
cap. 5. testis est Fabius, qui  
omnia Italica pro Romanis  
habere se testatur, còque  
ipsô advocationem Virgi-  
lio adversus Servium com-  
modat.

quam. Respondetur etiam per ablativos locorum præpositione expressâ aut suppressâ, ut *Lapsus cælô, de cælô. Venit Româ, à Româ, de Româ. Mercator Rhodo, vel de Rhodo. Vinum Chiô, vel de Chiô. Sargus Egypto, de Egypto, id est, Egyptius. Sic Joannes ab Austriâ, & de Austriâ, id est, Austrius, quod nequaquam est nomen proprium sed commune possessivum. Sic Cn. Magius Cremonâ, pro Cremonensis. Sed si ablativus sit personæ, præpositio exprimenda est, ut Unde emisisti? à mercatore, de mercatore. Unde didicisti? à te, de te, ex te.*

*Quæ Adverbia respondent ad Quorsum?*

Horsum, istorsum, sursum *vel* lûsum (priscè *sus*, ut in *sustineo*) deorsum, rursus, (*Rursum* & *rususum* dicebant, sublata R litera. Velius Longus.) prorsum, dextrorsum, lævorsum, sinistrorsum, aliorsum, retrorsus, introrsus, quoquò versus, <sup>1</sup> vœnum, <sup>2</sup> pefsum: quæ duo postrema naturâ sunt nomina,

*Quæ*

<sup>1</sup> *Venum*] Nomen esse accusandi castus, in quo præpositio *ad* subaudiatur, nulum mihi est dubium. Tacitus enim sine dubio veterum exemplò in dandi casu *veno* posuit. Annal. 14. 15. *Exstructa conventicula & caupone, & posita veno irritamenta luxus.* Et in ablativo, Annal. 13. 51. *Militibus immunitas servaretur, nisi in*

*iis, quæ vend exercerent.* Apulejus alios fortasse auctores secutus, *venui* dixit lib. 9. Asini: *Alterâ die productum me rursus voce preconis venui subjiciunt.* Hinc apparet, *vaneo* factum esse ex *venum eo*, quod est, *ad venum eo*, sicut *mercatum eo*, & *ad mercatum eo*. Plaut. Mercat. prolog. *Pater ad mercatum me meus misit Rbodum.*



*Qua Adverbia querunt promiscuè tam de Loco, quam de Tempore?*

Quousque: etsi hæ naturâ duæ sunt voces, deestque *ad loca vel tempora*, ut integra oratio sit: *Usque ad quo, vel, qua loca, aut tempora.*

*Qua Adverbia respondent ad Quousque?*

Hucusque, illucusque, eousque, hætenus, etsi in istis sunt nomina, pro *usque adhuc*, id est, *hoc temporis vel loci, usque ad illud temporis & loci, usque ad eo*, id est, *ea tempora vel loca, hac sine tenus temporis aut loci*. Sic *Romam usque* pro, *usque ad Romam*. Nusquam de locò: *Terent. Heaut. a. 2. sc. 3.* Hinc sciri potuit aut nusquam alibi, quò studio vitam te absente exegerit. *Cor. Nepos Miltiad.* Auxilium nusquam, nisi à Lacedæmoniis, petiverunt.

*Qua*

*dum. Dico esse iturum me mercatum, si velit. Ibid. act. 2. sc. 3. Illam trans mare hinc venum asportet. Ex venum dare factum est vendere.*

2. *Pessum*] Ex *parsus* factum fuit *passus*: nam *Agellius lib. 14. cap. 15. & 15. c. 13. & Servius in Æn. 1. mentiantur, dum à pando parsus dictum negant. Lucretius enim lib. 1. Dispanfus dixit: Vestes dispanse in sole ferescunt. Non aliter quam à scando, scansum, à tundo, tunsun dicebant. Plautus tamen dispessus dixit pro dispassus, similiterque Passò*

*velò, & Virgil. Crinibus passis, Ennius & Cæsar passis palmis, pro manibus expansis. Ad hoc exemplum à pendo factum fuit pensus, ex eoque pessus, quod est gravis, ponderosus. Plaut. Stich. Utra conditio est pensior, virginem an viduum habere? id est, utra plus pendit, utra pregravat, praponderat. Hinc pensum seu pessum ire, pro, deorsum, quia graviora pondere tuo deortum feruntur. Cicero, Verbis aliquem pessum dare dixit, Fabio teste, pro affligere, perdere. Plautus; Pessum premere.*

*Qua Adverbia quarunt de Tempore & Numero?*

Quoties.

*Qua Adverbia respondent ad Quoties?*

Sæpe, identidem, plerumque, quotidie, toties, nunquam, unquam, semel, bis, iterum, ter, quater, quinquies, sexies, septies, octies, novies, decies, vicies, tricies, quadragies, quinquagies, sexagies, septuagies, octogies, nonagies, centies, ducenties, milles. *Multoties* non dicitur, nec enim usquam apud auctores invenitur, nisi in Livii epitome incerti auctoris, ubi & alia non satis Latina leguntur.

*Qua sunt Adverbia Affirmandi?*

Næ, certè, nimirum, nempe, scilicet, videlicet, verè, sanè, profectò.

*Qua sunt Adverbia Negandi & Prohibendi?*

Non, ne, neque, nequaquam, haud, haudquaquam, neutiquam, minime.

*Qua sunt Adverbia Jurandi?*

Herculè, Herclè, meherclè, pol, ædepol, æcastor, medius fidius.

*Qua sunt Adverbia Qualitatis?*

Benè, pulchrè, eleganter, longè, latè, audacter, fortiter, celeriter, vicissim, amanter, dolenter, potenter, fraudulenter, arroganter, dissimulanter, obedienter, latenter, largiter, liberaliter.

*Qua*

*Quæ sunt Adverbia Quantitatis?*

Valde, oppidò, <sup>1</sup> oppidoquam, nimis, fatis, impense, <sup>2</sup> parum, affatim, abunde, perquam.

*Quæ sunt Adverbia Comparandi?*

Magis, <sup>3</sup> tam, quam, æquè, secus.

*Quæ*

<sup>1</sup> *Oppidoquam.*] Vitruvius lib. 8. cap. 3. *Fonticulus oppidoquam parvulus.* Utitur & Agellius, còque haud paulò doctior in Scoti duntaxat senticetis Theologus ille, cujus liber ita inscriptus exstat: *Oppidoquam Reverendi Patris, Fratris Johannis Thome Tomaceti Minorite Conventualis, Baccalauræi formati, Quæstiuncule & Expositiuncule in doctissimas & subtilissimas Formalitates Johannis Duns Scoti, Doctoris subtilis.*

<sup>2</sup> *Parum.*] Naturâ nomen est, in quò subauditur *ad*, sicut in *paulum*. Utrumque verò factum est ex Græcò *παῦρον*: nam extrita *o* exiit *parum*, & *e*, in *λ*, mutato *paulum*: transpositis verò literis, *parvum*. Cicero: *Parum est, quod homines sefelisti*, subaudi, *negotium*, Idem: *Parum meministi quid concesseris*, pro, *ad parum*. Idem: *Parum multi*, pro, *pauci*. *Parum sæpe*, pro, *ra-*

*rò*. Eadem Syntaxis est in *paulum humanior*, aliquantum *augustior*. Lucretius *parvum* dixit, pro *cò*, quod est *paucum* seu *paucillum*: neque enim umquam est *penu-ria parvi*: id est, *parum* seu *paulum* numquam *deest*: quò modò Livius 10. 45. *Ut parvo admodum plures caperentur*: pro, *paulo plures*, qui etiam lib. 35. 11. *equi hominesque paululi* dixit, pro, *parvuli, exigui*. Cicero: *Paulum novi allatum est. Paulum abesse*. Terent. *Parum inter-est*. Itaque *parum*, *parvum*, & *paulum* nec origine sui, nec significatione differunt.

<sup>3</sup> *Tam, Quam.*] Etiam ista primâ sui origine nomina sunt, sed usus fecit adverbia, vel conjunctiones: ex *tantum* compendiò fecerunt *tam*, ex *quantum* verò *quam*. Itaque significatione nihil inter se differebant, & in utroque præpositio *ad* vel *in* subaudiebatur. Cicero: *Hic tam imbecillus, quam vi-*  
da

*detis* : pro, in tantum, in quantum videtis. Alcon. Ped. in Divin. in Ver. Tantum mihi divinitas saveat, quantum verum est illud, quod dico tibi. Terent. Hec. Non verbis dici potest tantum, quam re ipsa navigare incommodum est. Ubi quam est quantum, sive in quantum. Plaut. Scio quam sit sevus, pro, in quantum sit sevus. Terent. Adel. Eamus, namque hic properat in Cyprum. S. A. ne tam quidem, quamvis etiam maneo otiosus hic. Ubi Donatus : Tam, pro tantum. Et quamvis, pro, in quantum vis. Integra ergo oratio est : Ne in tantum quidem negotium propero, in quantum tu me properare dicis. Cicer. Hic quam volet Epicurus jocetur, homo non apertissimus ad jocandum, pro, quantum, sive, in quantum voles. Sæpe apud Plautum & Terentium legitur, quantum potes vel potest, pro, cito, subito, quantâ maximâ fieri potest celeritate. Ubi Donatus citò subaudiri monet, ut sit, quantum potes, citò abi. Plaut. Perf. Ire hinc volo quantum potest : pro, quantum citò potest est : sed verius est subaudiri tantum. Plaut. Aul. Domum me quantum potero, tantum recipiam, pro, In tantum citò me recipiam, in

quantum potero. Idem Mil. Ego quantum citius possum, mihi navem paro, ubi nullo discrimine citò & citissimè dici poterat. Idem Most. Tu ut occepisti tantum quantum quis fugies. Liv. 37. 20. Ipse cum turmâ suâ quantum potuit effusissimis habenis stationem hostium invadit. Eodem sensu dicitur, quam potes. Plaut. Milit. act. 3. sc. 1. Quam potes, tam verba conser maxime ad compendium. Sic ex quantum magis, fecerunt quam magis. Livius 3. 15. Quantum juniores patrum plebi se magis insinuabant, eò acrius contra tribuni tendebant. Plaut. A. fin. act. 1. sc. 3. Quam magis te in altum capeßis, tam æstus te in portum refert. Livius sæpe cum superlativo quantus & quam ponit, nullo discrimine, ut lib. 28. 1. Quantis maximis potuit itineribus prægressus. Et lib. 22. 6. Sublatis raptim signis quam citatissimo poterant agmine se abriperunt. Ita quod Terentius dixit in Andr. Rejecit se in eum quam familiariter : potuisse aliter dici, Quantum familiariter, ex hoc Plautino patet Amph. act. 1. sc. 1. Nescio quantum tu familiaris sis. Hinc etiam ex quantum quantum factum est quamquam : ex tantum quantum, tamquam. Cic.

Quam.

*Qua sunt Adverbia Similitudinis?*

Ut, uti, velut, veluti, sic, sicut, sicuti, ita, item, itidem, quasi, ceu, quomodo.

*Qua sunt Adverbia Intendendi?*

Prorius, penitus, omnino, apprimè, non modò, nedum, immò, quin.

*Qua*

*Quamquam* abest culpa, suspitione tamen non caret, pro, in quantumcumque abest. Terent. *Quamquam* est sceleratus, non committet iterum ut vapulet, pro, quantumcumque sceleratus est. Cic. Ut istum *tamquam* si esset consul, salutare, pro, tantum salutare, quantum si esset consul. Idem: *Apud eum* sic fuit tamquam domi meae. Ubi sic per *Pleonasmum* abundat, quemadmodum in hoc ejusdem: Sicut aliis in locis parum virium veritas habet, sic in hoc loco falsa invidia imbecilla esse debet. Et ita in isto: Hae sicut exposui, ita gesta sunt, pro, sic gesta sunt, ut exposui. Neque verò quam quantum aliud est, ac quantum quantum, seu quantumcumque. Plaut. Oratio hujus pluris est, quam quanti emta est, pro, quanti quanti eris pretio empta est, tamen pluris est hujus oratio. Cicet. Sexies

tantum, quam quantum factum sit, ablatum esse, pro, quantumcumque factum sit, tamen sexies tantum ablatum esse. Idem: Majorem pecuniam Praetori pollicetur, quam quantam tu dedisti: pro, quantumcumque tu pecuniam dedisti, ille tamen majorem pollicetur. Ter. Phor. a. 5. l. 7. Heus quanta haec mea paupertas est, tamen adhuc unum hoc curavi, ut mihi esset fides, pro quantacumque.

1 *Quin.*] Aliàs interrogat, aliàs intendit sive augeat, aliàs hortatur, cum factum sit ex qui ne seu qui non. Plaut. *Quin* vocasti hominem ad carnem? pro, qui non, seu eur non? Terent. *Quid* stas lapis? *quin* accipis? Idem: *Quin* tu boe audi, pro, audi me tu, quid ni? Idem: *Quin* tu uno verbo dic quid est, pro, uno verbo (quid ni) dic quid est. Idem. *Quid* nunc agimus? GN. *quin* redeamus, jam haec tibi aderis supplicans.

Ubi

*Qua sunt Adverbia Remittendi?*

Sensim, paulatim, pedetentim, vix, ægrè, pænè, ferè, fermè,

*Qua sunt Adverbia Hortandi?*

Eia, age, agite, agedum, ehodum, quin.

*Qua sunt Adverbia Congregandi?*

Simul, <sup>1</sup> unà, pariter, conjunctim, generatim, universim, universaliter.

*Qua*

Ubi Donatus, *Quin*, pro immo, quasi esset: *Redeamus*, & *quid ni?* Idem: *Quin Pythias tu me servato*. Ubi Donatus: *Quin* pro immo. Cicero. *Credibile non est, quantum scribam die, quin etiam noctibus, nihil enim est somni: quasi dicat: Quid ni die multa scribam, cum scribam etiam noctibus?* Tandem *quin* relativum est, ita ut *qui* significet *quomodo*, ut: vel etiam absolute *quo* vel *qua*. Plaut. *Numquid cause est, quin te in pistrinum condam?* pro, *quâ causâ non te condam?* Cic. *Nullus dies est, quin domum meam veniat*, pro, *qui die non veniat*, ut Plaut. Men. *Vis conclamari auctionem fore qui die?* ME. *die Septimi*. Cic. *Prorsus nihil abest, quin sim miserri-mus*, pro, *ut non sim, quomodo non sim miserri-mus*. Idem: *Cause nihil dico quin ita sit*, pro, *qui ne, seu cur*

*non ita sit*. Idem: *Facere non possum, quin ad te mit-tam*. Terent. *Effice qui uxor detur tibi: ego id agam, mi-bi qui ne detur*. Ubi Dona-tus: *Qui*, pro, *quemadmo-dum, & ne, pro non*.

<sup>1</sup> Una] Ufus fecit adver-bium ex eò, quod fuit *unâ* operâ, vel eadem *unâ* operâ. Plaut. *Jubes ut te defraudem. Jubeas unâ operâ me piscari in aëre: pro quò, per El-lipsin dicere poterat, Jubeas una me piscari*. Idem: *Rogat te bera, ut hoc nunc unâ ope-râ ad aurificem deferas: pro, unâ cum pallâ*. Idem: *Quâ operâ credam tibi, unâ operâ alligem canem agninis lactibus*, pro, *si crederem tibi, simul canem intestinis alligare-m*. Livius 28. *Una & me traje-cisse audietis, & ardere bello Africam, & obsideri Cartha-ginem*, pro, *unâ operâ*. Cic. *Si mei consilii rationem cog-noverit, unâ & id, quon sa-*

*Quæ sunt Adverbia Separandi?*

Scorsum, seorsus, separatim, privatim, egregiè.

*Quæ sunt Adverbia Excludendi?*

Tantummodo, solummodo, modò, demum, duntaxat.

*Quæ sunt Adverbia Eventûs?*

- 1 Forte, fortuito, temerè.

*Quæ sunt Adverbia Moris?*

- 2 Meatum, tuatum, suatum, pro meo, tuo, suo

D

facio, probabit, & in hac causâ putabit; &c. Usu tamen, ut dixi, factum est adverbium, significatque simul. ut Cic. Cum essem unâ cum eo in turba. Terent. Filius cum illis unâ aderat.

1 Fortè, fortuitò.] Forte, est ablativus à fors, quæ est fortuna, idemque significat quod casu. Horat. Qui sit Mæcenâs, ut nemo, quam sibi fortem seu ratio dederit, seu fors objecerit, illi contentus vivat? Plaut. Men. Prolog. Rus ut ibat fortè, ut multum pluerat. Terent. Forte fortuna adsuit hic meus amicus. Cic. Aut casu, aut forte fortunâ fieri. Idem: Cum casu decedens è provinciâ Puteolos fortè venissem. In fortuito, subauditur casu. Livius 34. Ne quo casu intercepta litera palam facerent conata. Ubi dici po-

terat, Ne fortuito interceptæ literæ. Cic. Non repentinâ aliquâ voluntate, neque fortuito incidere ad aliquid agendum. Fortuito verò merum est adverbium. Cic. Casu & fortuito navis in portum incolumis delata est.

2 Meatum, tuatum.] Plautus Amph. act. 2. sc. 1. Jam tuatum facis, ut tuis nulla apud te sit fides. Sergius in Donat. Meatum nihil est aliud nisi meo more. Tuatum, tuo more. Nonius Marcellus: Canatum, suatum, bovatim, canum & suum & boum genere. Id quod Nigidii Figuli verbis probat. Idem Lucilii hunc versum laudat: Longior hic, quam grus, grue totâ cum volat olim. Ubi tamen fieri potest, ut Nonius fuerit more suo, aut suatum alucinat, scripseritque Lucilius 1

Gru-

*suò more.* Prisci canatim, suatim, bouatim dicebant, pro *canum, suum, bouum more.* Humanitus pro *hominum more.* Urbanatim, rusticatim, catervatim.

*Qua sunt Adverbia Principii & Originis?*

Radicitus, stirpitus, <sup>1</sup> funditus, divinitus, antiquitus, quasi sit incipiendo à radice, à stirpe, à fundò, à Deò, ab antiquò.

*Qua sunt Adverbia Dubitandi?*

Fortasse, fortassis, fors, forsean, fortassean, <sup>2</sup> forsit, forsitan, forsuat.

DE

*Gruvatim cum volat olim;* hoc est, ut grues solent. Ita *Luvit*, pro *luit*, Lucil. & *Pluverat* Plautus, pro *pluerat*.

<sup>1</sup> *Funditus*] Lucret. valet ad fundum, sed id est ex iis quæ dicuntur singularia.

<sup>2</sup> *Forsit, forsitan.*] Plures voces in unam concreverunt, quasi esset, *An fors sit vel suat.* Lucret. 6. *Forsit & Æthiopum penitus de montibus altis crescat:* pro *fors*, seu *fortuna sit ut crescat*, posset esse *fors* seu *casus talis ut crescat.* Propert. 2. eleg. 9. *Iste quod est, ego sepe sui, sed forsit in horâ, Hoc ipso ejectò carior alter erit.* Horat. Dissimile hoc illi quia non ut *forsit* honorem, Jure mihi invideat quivis. Virgil. *Forsit vota facit, cumulatque altaria donis.* Idem: *Forsan*

& hac olim meminisse juvabit. Idem: *Forsitan & Priami fuerint quæ sata requires.* Varro 3. rei rust. 6. *Discessit Fircellius, qui secus si quid diceret deiis, gentilitatis causâ fortasse an tecum duceret ferram.* Ita ibi legendum, cum in veteri codice sit *diceret.* Sensus est: *Si quid secus diceret de pavonibus, & presens esset amicus noster Fircellius Pavo, tum pro pavonibus, tamquam suis gentilibus & agnatis, fortasse tecum contenderet: quod alii commenti sunt, Tecum ferram duceret, id est, laboris esset particeps, prorsus est æquedivorus.* Idem Varro lib. 3. cap. 16. *De fructu hoc dico: quod fortasse antibi satis sit.* Terent. Hec. Quod faciendum sit post fortasse, idem



## DE CONJUNCTIONE.

*Quid est Conjunctio?*

Est vox expers numeri, quâ orationes conjunguntur, ut *Vir bonus & doctissimus. Homo prestantis ingenii & insigni virtute. Non ruri, sed Roma vivit.*

*Quot modis dividuntur Conjunctioes?*

Duobus. Ratione significationis seu potestatis, & ratione collocationis.

*Quotuplex est Conjunctio ratione significationis?*

Multiplex, ut *Copulativa, Disjunctiva, Conditionalis, Adversativa, Concessiva, Illativa, & Causalis.*

*Qua sunt Conjunctioes Copulativa?*

Et, que, ac, atque, quoque, etiam, quum, seu cum, tum.

*Qua sunt Conjunctioes Disjunctiva?*

Aut, vel, ve, sive, seu, an, necne, nec, neque.

*Qua sunt Conjunctioes Conditionales?*

Si, sin, ni, nisi, modò, dum, dumtaxat, siquidem, hactenus.

D 2

*Qua*

*idem hoc nunc si feceris. SO. fors suat pol. Ubi Donatus: Fortuna saveat, quasi & in-  
cipit & adversus triste dictum usa est: nam Fors, fortuna bona est. Et suat, significat si: quasi esset: Bona*

*fortuna sit per Pollucem. Ausonius veterum sine dubio imitatione in Epist. ad Probum: Fors suat, ut si mihi vita suppetet, aliquid rerum mearum expoliam.*

*Quæ sunt Conjunctiones Concessivæ?*

Quidem, equidem, sane, etsi, quamquam.

*Quæ sunt Conjunctiones Adversativæ?*

At, ast, sed, atqui, tamen, tamenetsi, tamenetsi, autem, attamen, verò.

*Quæ sunt Conjunctiones Illativæ, quas scilicet ratio precedit?*

¶ Ergo, igitur, itaque, idcirco.

*Quæ sunt Conjunctiones Causales, quas scilicet ratio sequitur?*

Nam, namque, enim, enimvero, etenim, quia, quoniam, siquidem, quippe, utpote.

*Quotplex est Conjectio ratione Collocationis?*

Triplex. Alia est *Præpositiva*, quæ in orationis principiò ponitur: alia *Postpositiva* seu *Subjectiva*, quæ uni aut pluribus vocabulis jam positis subjicitur: alia *Media* seu *Com-*  
*mu-*

¶ Ergo.] Naturâ nomen est ablativi casus à Græcò ἔργον, quod opus significat. Cicero: Donare aliquem virtutis ergò, pro, causâ, gratiâ. Virtutis hoc ἔργον sive opus, sive gratia est, quod donatur: virtutis opere fit, ut donetur. Virg. Illius ergò venimus, pro, illius causâ sive opere: illius opus est advenire noster: ille fecit ut veniremus. Festus: Ergo correptum, significat idem, quod apud Græcos ἔργον, id est, igitur: productè, idem quod χάρις,

boc est, gratiâ, cum scilicet gratiâ intelligitur pro causâ. Sed etiam igitur, pro, eâ gratiâ, eâ causâ, idè, poni solet. Plaut. Epid. Æquum fuit homines speculum habere igitur, perspicere ut possent cordis copiam. Idem Pœn. Agite, dicite mihi quæ vobis dixi igitur, ut sciam vos scire rem. Idem Afin. Abiisti ad forum igitur inveniundo argento, ut fingeres fallaciam. Idem Amphit. Certum est confidenter hominem contra colloqui igitur, qui possum videri huic fortis.

*munis*, quæ aliàs præponitur, aliàs subjicitur.

*Quæ sunt Conjunctiones Præpositivæ?*

Et, ac, atque, nec, si, etsi, quamquam, at, aut, aut, vel, nisi, seu, &c.

*Quæ sunt Conjunctiones Postpositivæ?*

Enim, autem, verò, que, quoque, quidem, ne, ve.

*Quæ sunt Conjunctiones Mediæ?*

Ergo, igitur, itaque; equidem, quia, quoniam, tamen.

## DE INTERJECTIONE.

*Quid est Interjectio?*

Est vox expers numeri, varios animi motus sive affectus exprimens.

*Quotuplex est Interjectio?*

Duplex: Alia uni tantum affectui præcipuè, alia pluribus exprimendis inservit.

*Quæ Interjectiones unum præcipuè affectum exprimunt?*

*Evax*, *eu*, *io*, *evohæ*, exprimunt gaudium.

*Ha*, *ha*, *he*, exprimit gaudii effectum, qui est *Risus*.

*Euge*, *eugepæ*, exprimit voluptatem gratulantis.

*Hui*, exprimit voluptatem insultantis, & irridentis.

*Papæ*, exprimit voluptatem admirantis.

*Heu*, *cheu*, *ah*, exprimunt dolorem.

D 3

Hoi,

Hoi, oh, oh, *exprimunt seu comitantur fletum, doloris effectum.*

Hem, chem, hau, *exprimunt stomachum sive indignationem.*

Utinam, *exprimit cupiditatem optantis.*

Heus, eho, *exprimunt cupiditatem vocantis.*

Eja, *exprimit cupiditatem blandientis.*

En, ecce, eccum, ellum, *exprimunt cupiditatem demonstrantis.*

Atat, *exprimit metum in genere.*

St, au, *exprimunt metum timentis ne ab alio audiatur.*

Phy, phuy, apage, *exprimunt metum aliquid fastidientis vel averfantis.*

*Quae Interjectiones pluribus affectibuserviunt?*

O, *servit gaudio, dolori, exclamationi & optationi, seu voto.*

Hei, *servit dolori & minis, seu diris aut imprecationibus.*

Vah, *servit voluptati admirantis & irridentis, tum dolori indignantis.*

Ohe, *servit stomacho seu tadio ob dictum aut factum alicujus, & cupiditati ejus, qui ab eo dicto aut facto cessari expetit.*

## DE GENERE NOMINUM

## Regulæ Generales.

*De Genere Significationis.*

2 FÆmina masque genus nullô monstrante docebunt.

D 4

Pro-

1 Illud inprimis acriter advertendum monet Sanctius & sæpe pueris inculcandum, propter sola adjectiva reperta esse in substantivis genera: nam si adjectiva non essent (ait) aut si omnia unius essent terminationis, ut *Felix, par, oriens*: nulla esset apud Grammaticos de genere præceptio. Grammaticus enim in substantivis solummodo quærit genera, propter adjectivorum terminationes. Cum enim dicimus, *Revercor patrem. Ne latus hominem. Abige canem*: non refert, cujus sit generis, donec addendum sit adjectivum. Huic consequens est, genus in illis nominibus non esse quærendum, quæ adjectivis adjungi non possunt, qualia sunt, *Ego, tu, sui, & Deorum ac hominum, urbium, insularum, montium, navium & fabularum nomi-*

na propria. Si enim dicas: *Tu es doctus, sed Cicero est doctior*, adjectiva *doctus & doctior* non conjunguntur cum substantivis *tu & Cicero*, sed cum nomine *homo*, quod subauditur. Sic *Cicero est disertus*, subaudi *homo*. *Roma est sancta*, subaudi, *urbs*. *Mediolanum est magna*, supple, *urbs*. *Argi aptum equis*, subaudi, *oppidum*. *Flavus Albula*, subaudi, *fluvius*. *Altus Ætna*, subaudi, *mons*. *Magna centauri vebitur*, subaudi, *nave*. *Tarentiana Eunuchus*, supple, *fabula*. Aristoteles in *Metaphyl. Singularia*, inquit, *non suscipiunt determinationem, quia de pluribus non affirmantur*. Et rursum: *Natura notius est, quod plurimum entis habet*, id est, *veritatis*. Itaque species notior genere, natura; & minus universale, magis universale; nam magis

Propria cuncta virum, fluviorum & nomina montium

Mascula censentur: nullum tamen est genus illis.

Insula, navis, avis, gemma, urbs, arborque, poema

1 Fæmincis dantur, sed causâ significati.

1 Non

gis universale in minus universali reperitur, & aliquid aliud. Est enim animalis substantia animata, sensibilis. Hominis verò substantia animata, sensibilis, rationis particeps. Hebræi præterea notant, ideo nomina propria non recipere articulos, quia satis per se declarentur. Si ergo articulos non recipiunt, ab eadem causâ nec adjectivis adhærebunt. Hanc propriorum rationem multa sequuntur appellativa: illa inquam, quæ sub aliquò genere continentur, ut arborum, avium, gemmarum, barbarum & literarum nomina, ut Oleaster dura, laburnum magna, subaudi, arbor, cum ex regulâ terminationis oleaster sit masculinum, laburnum neutrum. Sic sola bubo, subaudi, avis. Carbunculus ignita, subaudi, gemma. Pulegiæ odorata, subaudi, herba. O rotunda, subaudi, litera.

2 Fæmina masque genus.]

Hæc regula tantum ad hominum officia pertinet, latissimè sumtò officii nomine, ut Pater, mater, gener, soror, frater, avunculus, matertera, socer, socrus, dux, testis, scriba, eunuchus. Nomina verò cæterorum animalium, ut Equus, mula, aquila, mus, avies, ad terminationes sunt referenda, id est, ex regulis de terminatione discendum est, cujus sint generis.

1 Fæmincis dantur, sed causâ significati.] Si dicas, Delphica laurus, respicis ad significatum lauri, quod est arbor: nam laurus ex regulâ terminationis masculinum est, sicut Malus, Pomus, Pyrus, quia nomina in us secundæ declinationis sunt masculina. Itaque Priscianus lib. 5. veteres testatur dixisse, Hic cupressus, platanus, populus, laurus. Catullus ergo secundum regulam dixit, Ultimo marito. Plinius verò per figuram Ellipsin, Uhmos maritatus,

1 Non variata putes neutra, & pro nomine postea, &

*Hippomanes, cacoëthes, nat, giib, spintex & I. U.*

*Cape, ador & cete, tempe, Soraëte, melosque,*

*Gausape, eposque, chaos, nil & frit, fasque, nefasque.*

## 2 De Genere Dubio.

Hic aut hæc sit *adept, calx, cortex, clune, canalis;*

D 5

At-

*tas*, quia suppreſſit nomen arbores. Sic in *Picus Martia*, ſubauditur, *avis*, cum alioquin *picus* per terminationis regulam ſit maſculinum. *Clara Corinthus*, ſubaudi *urbs*: nam *Corinthus* per terminationis regulam maſculinum eſt. Vellejus lib. 1. *Haletes Corinthum*, qui antea fuerat *Ephyre*, in *Iſthmo* condidit. Propert. lib. 3. eleg. 4. *Nec miſer era paro clade Corinthæ tua*. (Voſſius putat miſerum dici, qui Corinthi clade quaſi gaudet. Sed quis dubitat, miſeriores eſſe Corinthum, quæ cladem patitur) Ovidius *Candidus Anxur* dixit per regulam. Horatius, *Impoſitum ſaxis Anxur*, per figuram *Ellipſin*, ſupprimendò *oppidum*. Sic Virgilius, *Altum Præneste*, per terminationis regu-

lam; *Præneste* ſub ipſâ, per *Ellipſin*, ſupprimendò *urbe*.

1 Non variata putes neutra, & pro nomine poſtea.] Nomina literarum non variantur caſuum terminationibus, adeoque neutra ſunt, ut *Hoc A, hujus A, huic A*. Nequam, non variatur, ſed eſt adjectivum factum per *Synopen* ex nequicquam, id eſt, *frustra*. Plaut. *Nequam eſt piſcis*, niſi recens: id eſt, *frustra eſt piſcis*, quia eſt inutilis veſcendo. Verbum infinitum pro nomine poſitum eſt neutrum, ut *Laborare moleſtum eſt*. Sunt etiam neutra nomina indeclinabilia in *i* & *u* exeuntia, ut *Zingiberi, piperi, gelu, pecu, genu, cornu*. Cicero in Aratò priſcè dixit *genus*, & Lucanus *Cornu ſiniſtri*.

2 Genus dubium (ait Sanctius)

- Atque *dies*, *finis*, *forceps*, tum *grossus* & *imbrex*,  
*Linter*, *margo*, & *onyx*, *pulvis*, *pumex*que  
*penus*que,  
*Scrobs*, *specus*, atque *silex*, *stirps* trunci, *tor-*  
*que varix*que,  
 Multaque quæ è Græcis *Oi* in *Us* vertère  
 Latini.

### 1 De Genere Terminationis.

Fæmineum *A* primæ est, veluti *panthera*,  
*sagitta*,

1 *Adria*,

Ætius) propriè vocamus, quò auctores usi sunt sinè discrimine, nunc masculinè, nunc fæmininè. Itaque *Vulgus*, *penus* & *specus* non numerantur inter dubia, cum neutra reperiantur. Multa erant olim ambigua, quæ nunc non sunt, ut *Callis*, *cinis*, *funis*, *alvius*, *aolus*, *acus*, *humus*. *Corvus*, *leo*, & *bubo*, sunt masculina epicœna, quæ tamen fæmininum sexum sub se continent, ut cum dicitur, *Corvus nigra*, *leo gravis*, subauditur, *femina*. *Aquila* & *dama* sunt fæminina epicœna, quæ tamen masculinum sexum sub se continent, ut cum dicitur, *Fortissimi aquile*, *timidi dame*: subauditur *mares*. *Cardo* masculinum est,

apud priscos etiam fæmininum. *Calx*, pro *lapide coctò*, Græcum semper fæmininum est, sed *chalx* scribi debet. *Penus*, secundæ vel quartæ declinationis est dubium. Sed *Penus penoris*, *penum peni* & *penu penu* neutrum. Idem dicendum de *specus*. Nomina Græca in *os*, quæ Latini vertunt in *us*, mire variant apud illos, nec certa regula constitui potest.

1 Multa nomina (ait Sanctius) mutant genus mutarâ terminatione, ut *Panther*, *crater*, *stater* masculina. *Panthera*, *cratera*, *statera*, fæminina. *Penus*, *i* & *penus*, *us* dubium. Sed *Penum*, *i*. *penus*, *oris*. *penu*, *u*, neutra. *Barbitos*, *i*, dubium. *Barbiton*,



1 *Adria*, sed sinus est mas, atque 2 *cometa*, planeta.

Nomen in *A* ternæ neutrum est, ut *stigma*, *poëma*.

*E* latiale puta neutrum esse, *cubile*, *monile*.  
Fæmineum est *aloë*, *Rhodoque* & cætera Græca.

*I*. neutris tribue, 3 *O*. maribus, ceu *pugio*, *gummi*.

Fæmineis 4 verbale in *IO*, *caro*, *talio*.  
5 *DO*, *GO*,

Hic

*bison*, *i*, neutrum. Sic *Costus*, *Ilios*, *tiaras*, masculina. *Costum*, *Ilium*, neutra. *Tiara*, fæminin. Hic *sal*, hoc *fale*. Hic *retis*, hoc *rete*. Hic *ador*, *adoris*, ut *decor*, *decoris*. Hoc *adus*, *adoris*, ut *decus*, *decoris*. Hæc *canes*, ut *vulpes*, & hic *canis*.

1 *Adria* sed sinus est mas.] Horat. *Dux inquieti turbidus Adriæ*, id est, sinus *Adriatici*. In Siliano illo lib. 8. *humectata Vomano Adriæ*, subauditur, *urbs*.

2 *Cometa*.] Cic. 2. *Nat. Deor.* *Comete magnarum calamitatum prænuntia fuerunt*, subaudi *stelle*: nam antea dixerat: *Stelle*, quas Græci *Cometas*, nostri *crinitas* vocant.

3 *O*, *maribus*,] Ut *Cento*, *carbo*, *titio*, *fernio*, *papilio*, *vespertilio*, *curculio*, *bo-*

*mo*, *latro*. *Unedo*, pro fructu masculin. Si inveniatur in fæminin. deest *arbor*. *Turbo*, *turbonis* semper: nam *turbinis* est à recto *turben*, teste Charisio. *Cudon*, *burdon*, *ligon*, *harpagon*, *mangon*, primæ fuerunt positionis. Legimus enim *Cudona* & *harpagonas*, ut *Plato*, *Brito*, *Agamemno*. *Nemo*, adjectivum est.

4 *Verbale in IO*.] Ut *Portio* à *parti*or, *ratio* à *reor*, *conditio*, *regio*, *ditio*, *natio*, *oblivio*, *possessio*, *actio*, *passio*. *Ternio*, *quaternio*, *senio*, sunt masculina.

5 *DO*. *GO*. *femineis*.] Ut *Acredo*, *dulcedo*, *cupedo*, *intercapedo*, *libido*, *crepido*, *solicitudo*, *testudo*, *fortitudo*, *solitudo*, *valetudo*. *Barbara* sunt *albedo* & *nigredo*. *Plautus* *albitudinem*, *Lucretius* *ni-*

gro-

Hic ordo, *udo*, *ligo*, *cudo*, *burdo*, *harpa-*  
*go*, *cardo*.

1 C. T. L. *UM*, neutrum: *sal*, *mugil*, *Sol-*  
*que virile*.

2 *N. mas*, 3 *MEN*, neutrum: *gluten* *si-*  
*mul*, *unguen* & *inguen*.

Atque 4 *ON*, non ternæ: *Hæc Sindon*,  
*icon*, *aëdon*.

Nomen in 5 *AR* neutrum: sed in 6 *ER* di-  
stingue virile: Hoc

*grorem* dixit. *Suffrago*, *cali-*  
*go*, *rubigo*, *fuligo*, *arugo*,  
*ferrugo*.

1 C. T. L. *UM* neutrum.] Ut *Lac*, olim *hoc lacte*, *ba-*  
*tec*, sed *halex* fæminin. *Caput*,  
*occiput*, *inciput*, *vestigal*, *tri-*  
*bunal*, *puteal*, *cervical*, *mel*,  
*fel*, *nil*, *scortum*, *mancipium*,  
*Glycerium*, *Dinacium*. Apud  
Terent. *Mea Glycerium*, *sub-*  
*audi*, *amica*, teste Priscianô.

2 *N. mas*.] Ut *Titan*, *Del-*  
*phin* vel *Delphis*, *Python*, *ca-*  
*non*, & illa superiora, *ligon*,  
*harpagon*, *cudon*, *mangon*.

3 *MEN*, neutrum.] Ut *Carmen*, *lîmen*, *kenimen*, *fla-*  
*men*, pro *ventô*: nam pro *Sa-*  
*cerdote*, masculinum est. *Hy-*  
*men*, proprium est nomen  
Dei nuptiarum. Si pro *car-*  
*mine nuptiali* aut *membranâ*  
*recens nati pueri* accipiat,ur,  
masculinum erit: quia *nomi-*  
*na Deorum*, si accipiantur pro  
rebus, quibus præsunt, ejus-

dem generis erunt, cujus de-  
beret esse *Deusille*, ut *Mars*,  
pro bello, masculinum est:  
Cum *Mars* adhuc esset dubius.  
*Tellus*, pro terra. *Ceres*, pro  
*frumento*, fæminin. *Lucil*. *De-*  
*ficit alma Ceres*, nec *plebes*  
*pane* potitur.

4 *ON*, non ternæ.] Si de-  
finitia in *on* sint tertiæ decli-  
nationis, sunt masculina: sed  
secundæ sunt neutra, ut *En-*  
*chiridion*, *encomion*, *sympo-*  
*son*, *barbiton*, *cryſtallon*, *Ca-*  
*ſton*, *Ilion*.

5 *AR*, neutrum.] Ut *Coch-*  
*lear*, *laquear*, *torcular*, *pul-*  
*vinar*, *calcar*, *exemplar*. *Hæc*  
tamen prius erant adjectiva  
in *are* definitia, sed usu post-  
ea facta sunt substantiva in  
*ar* breve exeuntia.

6 *ER*, virile.] Ut *Ager*,  
*agger*, *anser*, *asser*, *cancer*,  
*caper*, *carcer* (quod olim erat  
neutrum) *culter*, *imber*, *li-*  
*ber*, *passer*, *vesper*, *veper*,  
quô

Hoc iter, hoc tuber, laser, piper atque papaver.

1 OR, mas. Hæc arbor. neutrum cor, marmor & aquor.

2 UR, neutrale dabis. Mas, turtur, fursure, vultur.

3 AS, dic fæmineum. Hic elephas, adamasque tiaras,

Atque As cum turba. Neutrum vas, fasque, nefasque.

Esto nomen in 4 ES muliebre: at 5 mascula Græca,

Et gurgēs, poples, verres, pariesque, ariesque;  
Li-

quò usus est Columella lib. 11. c. 3. Sed usitatus est plurale, vepres. Multa in ter, ut Oleaster, pinafter. Et Græca, ut Pantber, clyster, præster, balter. Tres siferes dixit Plin. 20. cap. 5. sed locus videtur corruptus. Neutra sunt Tuber, suber, uber, verber, ver, cadaver, papaver, laver. Sed September, October, November, December, adjectiva sunt & subauditur mensis.

1 OR, mas.] Ut Candor, nigror, amor, fulgor, sopor, cruor, rumor, mæror, dolor, color, labor.

2 UR, neutrale.] Ut Guttur, sulfus, murmur, ebur, femur. Etiam fursus in singulari, Plin. 18. cap. 9. & 26. cap. 2. In plurali mas-

culinum est fursures. Anxur, urbis nomen, masculinum est.

3 AS, dic fæmineum.] Ut Æstas, pietas, potestas, paupertas. Sed masculina sunt As, assus, cum turbâ, id est, cum derivatis & compositis. Semis, semissus, decussus, centussus, sextans, triens, quadrans, quincunx, septunx, bes, dodrans, dextans, vel decunx.

4 ES, muliebre.] Ut Scæges, abies, sanies, vulpes, canes, priscum, res, spes, requies, quies. Composita à pes sunt adjectiva, ut Bipēs, tripēs, quadrupes.

5 Masculula Græca.] Ut Soractes, Boötes, Gagates, Sorites, cometes planetas, magnetes, tapes, lebes, acinaces.

*Limes, pes, fomes, termes, cum palmite trames,*

*Meridies, cespes, stipēs:* 1 pluraleque ut *antes*.  
Est quoque nomen in 2 *IS* muliebre: 3 *NIS*  
esto virile,

*Et retis, corbis, fascis quoque piscis & axis,*

*Et collis, vermis, tum callis, follis & ensis,*

*Mensis cum vecti, postis, glis, fustis & anguis,*

*Et torris, caulis, lapis, unguis, jungitur orbis,*  
Et

1 *Pluraleque ut antes.*

Pluralia in *es*, quæ scilicet in singulari numero Latinè non dicuntur, sunt masculina, ut *Penates, annales, pugillares, casses, sales, leniures, fursures, tuberes*, pro, quòdam fructu, *Proceres*, pro, capitibus tignorum exstantium, *sentes, vepres*. *Manes*, adjectivum est, pro, *mani*, id est, *boni*, sicut *porci sacres*, pro, *sacri*: *Matrimes*, & *Patrimes*, pro, *Matrimi* & *Patrimi*. Etiam *annales* adjectivum est, in quo subauditur *libri*, & in singulari rectè dicitur: *In Ennii sexto Annali*. Similis est ratio in *pugillares*, nam adjectivum est, in quò subauditur *codicilli* vel *tabella*. Catullus *pugillaria* dicit, ubi potes subaudire, *ligilla* vel *sebedaria*, vel quid simile. Putant aliquædam fæminina in *es*, esse pluralia, ut

*Alpes, opes, compedes, sordes, naves, lactes, grates, Gades*. Sed falluntur: nam in singulari dicitur, *Alpis, opis*, & *ope, compes, compedes, sordis, sorde, navis & Gadis*. *Lactes* masculinum est. *Grates* in nominativò & accusativò plurali factum est ex Græcò *χάριτες*, *Charites*, cujus singularis est, *χάρις*, hæc *Charis*.

2 *IS, Muliebre.*] Ut *Pollis, vallis, bilis, ovis, cuspis, navis, clavis, apis, securis*: adjectiva sunt *Ædilis, bipennis, aqualis*, & subauditur, *Homo, securis, arceus*.

3 *NIS, esto virile.*] Ut *Amnis, crinis, ignis, panis, penis, cinis*. Apud Veteres tamen *amnis* & *cinis* erant dubia. *Anguis* est masculinum epicœnum, sicut *piscis*, ut quando cum adjectivis fæmineis inven-

Et sanguis, cucumis, junges cum vomere pollis.

<sup>1</sup> OS, mas. Hæc dos, cos. Neutrum est os, oris & ossis.

<sup>2</sup> US, maribus jungas seu quartæ, sive secundæ,

Hæc humus, hæc alvus, vannus, domus & colus, idus,

Porticus atque tribus, cum ficus, acusque, manusque,

Hoc pelagus, pelagum, vulgus, vulgum: hoc quoque virus.

<sup>3</sup> US, ternæ neutrum. Mas, mus, grus, pons, lepus & sus. Hoc

veniuntur, subaudiri debeat *femina*.

<sup>1</sup> OS, mas.] Ut Lepus, bonos, flos, mos, ros, & prisca labos, colos, amos, pro labor, color, amor. Arbor, pro arbor, femininum est.

<sup>2</sup> US, maribus jungas.] Us secundæ declinationis, ut equus, asinus, mulus, agnus, corvus, laurus, cupressus, populus, platanus, alnus. Fluvius adjectivum est. Us quartæ, ut Sensus, Senatus, visus, auditus, gustus & gustatus: Item omnia, quæ vulgo dicuntur Verba Supina, etsi non nisi in dativô, accusativô, & ablativo usurpata inveniantur. Ficus secundæ & quartæ sive pro arbore aut fructu, sive pro morbo acci-

pias, femininum Sanctio videtur: mihi verò masculinum semper, cum pro arbore ponitur; femininum, cum pro fructu aut morbo: nam morbus à similitudine fructûs nomen invenit: Varro 2. rei Rust. 41. Ficos quas edimus Maturas. Genera ficorum, Cbia, Lydie, Africana. Apud Martial. Dicemus ficos Caciliane tuos. Sanctius tuos interpretatur, tuos domesticos, hos omnes dicemus ficos, id est, nihil nisi ficos, quia omnes sunt ficosi, ut alibi, Ficosa est mulier: Ficosus & ipse maritus. Filia ficosa est, & gener atque socer. Vulgus apud Sall. & Tacit. semper est masculin.

<sup>3</sup> US, ternæ neutrum.] Ut

Pt-

Hoc *Ars.* <sup>1</sup> Hæc capiunt variata per *Utis*  
& *Udis*.

<sup>2</sup> *S. muliebre.* Hic *fons, dens, pons, mons.*  
Græca quoque in *PS.*

<sup>3</sup> *X. dato fæmineis, pax, fax, fornaxque,*  
*suppellex,*  
*Carex, lex & halex, nix, pix, perdixque;*  
*filixque,*

Cum *lodice tomix, sandix, mastix* quoque  
*vibix,*

Et *spadix, nox, vox, nax, crux,* cum *lu-*  
*ce, calyxque,*

<sup>4</sup> *Calx mas atque corax, dropax, storax;*  
quoque *pollex,* *Index*

*Pecus; oris* (nam hæc *pecus,*  
*pecudis* non dicitur, videtur-  
que Sanctio rectius, *Hæc pe-*  
*cudes, pecudis*) *rus, rbus, thius,*  
*crus, jus, pus puris, corpus,*  
*decus, tempus, acus aceris,*  
*rudus.* Mascul. est *grus* apud  
Horat. *Membra gruis sparſe*  
*ſale multo.* Cum *grus* & *sus*  
leguntur cum adjectivis fæ-  
mineis, subauditur *femina.*  
Horat. *Amica luto ſus.* *Pous*  
ſeu *pus podos,* id eſt, *pes,*  
Græcum eſt, cujus compo-  
ſita masculina ſunt, *Tripus*  
*tripodis, apas, cbitropus, la-*  
*gopus, polypus, daſypus.*

<sup>1</sup> Hæc capiunt variata per  
*UTIS & UDIS*] Id eſt, quæ  
in genitivo deſinunt in *Utis,*  
& *Udis* habent hæc, notam  
fæminini generis, ut *Salus,*

*virtus, ſervitus, juventus, ſe-*  
*nectus, palus, ſubſcus, laus,*  
*fraus.*

<sup>2</sup> *S. muliebre.*] Ut *Ars,*  
*pars, lens lendis, lens lentis,*  
*glans, mors, ſors, ſeps.* Græ-  
ca & masculina ſunt *hydrops,*  
*ſeps,* animal venenolum,  
*trabs.* Antiquitus tamen nul-  
lus nominativus terminaba-  
tur in duas conſonantes, adeo-  
que dicebatur hæc *Artis, par-*  
*tis, lentis, lendis, mortis,*  
*ſortis, ſepis.*

<sup>3</sup> *X dato fæmineis.*] *Spa-*  
*dix & calyx* Græcis ſunt fæ-  
minina, *pharinæ & larinæ*  
dubia. *Volvox* in uſu non eſt,  
ſed *Convolutulus.* *Solox &*  
*celox* ſunt adjectiva.

<sup>4</sup> *Calx Mas.*] Quando  
*calculum* ſignificat. *Festus*  
*Cakes,*

*Index* atque *latex*, *ramex*, tum *grex*que  
*culex*que,

*Lynx*, *fornix* & *orix*, *rarus* cum *calice* *phœnix*. †

## DE NOMINUM

### † Declinatione.

#### *Ex Sanctiis.*

**I**N neutris primus, quartus, quintus similes sunt,

Tres iidem casus plurales *A* retinebunt:

E

Est

*Calces*, qui per diminutionem vocantur *calculi*. Plaut. Pœn. Prius disperibit, quam unum calcem civerit. Idem in *Casina*: *Cana culex* dixit, sed jocô, ut putat Sanctius, quasi senem amatorem, vetulam vocaret.

† De genere nominum in *ir* desinentium, nullam feci regulam, cum de *bir*, *biris*, quod volam manus significat, cujus generis sit, sciri non possit: nusquam enim legitur, nisi apud Cic. 2. de *Fin.* in *Lucilli* locô, & apud *Charisium* lib. 1. sed sine adjectivô. *Vir* autem cum compositis *levir* & *trévir*, masculinum esse constat ex significatione, tum quia

per *Apocopen* factum est, ex *priscô virus*, à quô *scēmina* *vira* dicebatur. *Festus*: *Querquetulana vira* putantur significari *nymphae* *presidentes querqueto* *virescenti*. *Feminas* quas dicimus, antiqui *Viras* appellabant; unde adhuc *permanens Virgines* & *Viragines*.

† In declinationum regulis (ait Sanctius) ea tantum tradimus, quæ à propositis *Paradigmatis* discrepant. *Ridiculi* enim sunt & morosi *examinatores* *puerorum*, qui regulas acriter exigunt, quare *Pœta* & *tabula* faciunt *genitivum* in *e*, & *accusativum* in *am*, cum ad manum sit *Mensa*, *mensa*, quod est para-

Est quintus recto similis, <sup>1</sup> S. tollito Græcis:

Tertius & sextus plurales assimilantur.

### Prima Declinatio.

<sup>2</sup> Prima dat *A* nostris, *AS, ES, E*, Græca dabuntur.

*E*, dabit *ES* patrio: quarto *EN*, atque *E*, dato sexto.

*Antas*, *antai* patrio dant sæpe poëtae.

<sup>1</sup> Se-

paradigma primæ declinationis.

<sup>1</sup> S. tollito Græcis.] *Orpheus* in vocativô *Orpheu*. *Panthus*, *Panthu*.

<sup>2</sup> Prima dat *A* nostris.] Latina primæ declinationis nomina desinunt in *a*: Græca in *as*, *es*, & *e*. Illa in *a*, *as*, & *e* exeuntia faciunt genitivum in *a*, ut *Musa*, *Musa*: *Æneas*, *Æneæ*: *Atrides*, *Atrideæ*. Sed quæ desinunt in *e*, in patrio seu genitivô habent *es*, ut *Epitome*, *epitomes*, in accusativô *epitomen*, in vocativô & ablativô *epitome*. Juvenalis: *Penelope melius*, *melius torquetis Arachne*. Unde etiam apparet, quantum fallantur, qui Græcos ablativum habere negant: nam *Penelope* sine ullo dubio est ablativus; non autem Latinus: nam is in primâ declinatio-

ne desinit in *a*. Est ergo Græcus.

In dativô & ablativô plurali antiquissimi dicebant ut *duabus* & *ambabus* (quæ in usu remanserunt) ita & *dextrabus*, *eabus*, *raptabus*, *paucaabus*, *puellabus*, *puclibus*, *portabus*, *oleabus*, *equabus*, *mulabus*, *filiabus*, &c. Sed ista posteriores repudiarunt. Cicero: *Terentia & Tullia duabus animis suis*. Varro sæpe de fæminis dicit *equis* & *mulis*. Et Plautus Stichô: *Gratulabor adventum vestrum filiis, non filiabus*. Cicero pro Rabirio dixit: *A Jove ceterisque diis deabusque pacem peto*: quia aliter *Deos* & *Deas* distinguere non poterat, ut Demosthenes, quem imitabatur, pro coronâ his verbis fecerat: *Θεοῖς ἡγοῦμαι πᾶσι καὶ γυναικῶσι*.



<sup>1</sup> *Secunda Declinatio.*

Altera *ER, US, UM*, virque *Saturque*  
*EUS* ponito Græcis.

<sup>2</sup> *Vir, puer* excrescunt: velut *R*, si *RUS*  
 dedit olim.

*US*, per *E*, mutabit quintus: *Doms* excipe  
 tantum:

<sup>3</sup> Sed proprium per *IUS*, dabit *I*. dic *mi*  
 quoque *filii*,

E 2

D2

<sup>1</sup> Hæc sex habet fines,  
 seu terminationes, *er, in,*  
*un, vir, ur, & eus* Græ-  
 cum, *Orpheus, Pentheus.*

<sup>2</sup> *Vir, puer* excrescunt.]  
 Multa per *Apocopen* inr nunc  
 desinunt: quæ olim desine-  
 bant in *rus*, adeoque in ge-  
 nitivô crescere videntur: ut  
*Vir* cum compositis *levir,*  
*trevir, puer, satur, gibber,*  
*adulter, socer, gener, liber,*  
*ceter, presbyter, & liber,*  
 composita à *gero & sero*, ut  
*Armiger, furcifer.*

<sup>3</sup> Sed proprium per *IUS*,  
 dabit *I*.] Fallitur Priscianus,  
 qui lib. 7. veteres contra  
 hanc regulam putat *Laër-  
 tie* dixisse, pro *Laërtii*, nec  
 enim proprium nomen est  
*Laërtius*, sed appellativum,  
 ut sit *Laërtius filius, Laër-  
 tiaprales, Laërtiumpradium,*  
 pro, *Laërta*. Accius, opi-

nor, in versu, quem à Ci-  
 cerone usurpatum Fabius  
 memorat: *Nisi quo Ulysses*  
*rate evasit Laërtius*. Rectè  
 igitur Jul. Cæsar *Stella* in  
 versu ad Franciscum à Ca-  
 stro, *Castrie* dixit: nam  
 Franciscus Comes *Castrius*,  
 est idem, quod *Castri Co-*  
*mes*, vel à *Castra*, aut *de*  
*Castro*, sive *Castrens*is *Co-*  
*mes*: qui *Stellam* eò nomi-  
 ne reprehendunt, etsi ridi-  
 cula res est elementarius se-  
 nex, cincticulô præcincti in  
 sellâ apud Grammatices ma-  
 gistrum rectè assederint,  
 Priscianum scil. condiscipu-  
 lum habebunt. Etsi is suâ  
 sponte respuit, ut ex libro  
 ejus xviii. apparet: ubi de  
*Possessorum* vocativis præ-  
 cipiens, rectè dici fatetur;  
*O genitor noster Saturnie,*  
*maxime divum.* Et, *Evandrie*  
*filii,*

*Dique deï, atque deis dis. Hic sed sæpe poëtæ*

<sup>1</sup> *Orpheos, Androgeo patrio, dantque Orphea quarto.*

### <sup>2</sup> *Tertia Declinatio.*

Tertia dat varios fines tamen *IS* 3 genitivo.

<sup>1</sup> *A, præ-*

*filii, & Telamonie Ajax.* Simili certè ratione *Delie* vocativus est à *Delius*, Apollo apud Statium in 3. Thebaid. *Julius & Pompejus* interdum sunt adjectiva, ut *Julius suus*, *Pompeja domus*, & tunc Vocat. eorum ab *ius* fit *ie*, ut *Ensis Julie*. Sed cum sunt nomina propria, Vocativus exit in *i*. ut *Julii*.

<sup>1</sup> *Orpheas, Androgeo.*] In genitivò poëtæ dicunt *Orpheos, Peleos, Pentheos*: & etiam *Androgeo*, pro *Androgei*, & in accusativò *Orphea, Pelea*. Sed hæc merè Græca sunt, & è suis fontibus haurienda.

<sup>2</sup> Genitivus singularis hujus declinationis (ait Sanctius) usu melius, quam regulis addiscitur: nihilominus tamen cum paucis carminibus perstrinximus. Et hæc notanda præterea duximus. Multa in hoc genitivò videntur irregularia, quæ non

sunt, si antiquam recti seu nominativi positionem consideres. Non quia rectus varius esse potest, debet declinatio mutari, ait Servius. Et Charisius lib. 1. Omnia (inquit) in declinatione vocabula non plus unâ syllaba crescunt: Rursus Ibidem: *Ancipes dixerunt veteres cum ratione, ne genitivò Ancipitis duabus videretur syllabis crescere.* Plaut. Rud. Post altrinsæus est securicula ancipes. Hæc igitur colligamus, quæ propter veterem positionem videntur nunc irregularia.

*Arpinas, atis*: olim *hic* & *hac Arpinatis* & *hoc Arpinatæ*.

Sic *Aletrinas, Macenas, Sutrinæ, nostras, vestras, cujas*.

*Anio & Nerio*; gen. *Anienis & Nerienis*, quia olim *Anien* & *Nerien*.

*Biceps*, & reliquæ à *caput* & *capio*, ut *municipes*, olim

- 1 *A*, præstabit *ATIS*. Non crescunt nomina per *E*.  
 2 *ONIS* ab *O*: *caro carnis, nemo, cardo, homo, Apollo.*  
 3 *DO, GO, fæmineum, margo, ordo, turbo* dat *INIS*.  
*Unedo fert ONIS: Anio, Nerioque dat ENIS.*  
 4 Crescit *Is, L, N, R, T. lac lactis, caput, itis.*

## E 3

olim *bicipes & municipes.*  
*Caro, carnis, quia olim hæc carnis.*  
*Ceres, Cereris, quia olim hæc Cereris.*  
*Glis, gliris, quia olim hic gliris.*  
*Hepar, hepatis, quia olim Hepas.*  
*Jecur, jecoris & jecinoris, quia olim jecor & jecinor.*  
*Iter, iteris & itineris, quia olim iter & itiner.*  
*Jupiter, Jovis & Jupitris, quia olim hic Jovis & Jupiter.*  
*Impuber, impuberis. Impubes impubis.*  
*Lac, lactis, olim hoc lacte lactis.*  
*Mel, mellis. Fel, fellis. Olim hoc melle, selle.*  
*Pollis, pollinis, quia olim pollen.*

## 1 MEN,

*Robur, roboris, quia olim robor. Sic ebur, senur, jecur.*

*Sanguis, sanguinis, quia olim sanguen.*

*Senex, senis, quia olim senex senicis.*

*Supellex, supellectilis, quia olim hæc supellectilis.*

*Turbo, turbonis semper: at Turben turbinis.*

1 *A, præstabit ATIS.*] Ut *Pœma, pœmatis.* In *e* desinentia in genitivò non plures habent syllabas, ut *Athare, altaris, monile, monilis.*

2 *ONIS* ab *O*.] Ut *Leclio, leclionis: pellio, pellionis: Phrygio, phrygionis: ardelio, ardelionis: cento, centonis: carbo, carbonis: latro, latronis.*

3 *DO, GO, fæmineum.*] *Libido, libidinis: caligo, caliginis: rubigo, rubiginis.*

4 Crescit, *IS, L, N, R, T.*] Ut

1 *MEN, CEN, pecten, INIS, jungas G-  
mul inguen & unguen.*

2 *ON, aliquando ONTIS Græcis: 3 cor  
nataque cordis.*

4 *E, perdant imber cum turbâ, acerque ala-  
cerque,*

*Et celeber. Latium in STER, TER, tol-  
lito later.*

*Robur, ebur, femur atque jecur mittuntur  
in Ois.*

*Postulat AS, ATIS, sed ADIS dat  
Græcus & ANTIS,*

*Vas, vadis & vasis, as, assis, mas, maris  
optat.*

5 *ES, dat ITIS, Cererisque, Ceros, E-  
TIS, ariete, perpes.*

*Pra-*

*Ut Sal, salis: vigil, vigils:  
sol, solis: consul, consulis:  
Casar, Caesaris: Gaspar,  
Gasparis (nam vervecum  
crassû sub aëre natorum est  
dicere, Caspaarus, Caspa-  
ri) Amilcar, Amilcaris: pas-  
ser, passeris: color, coloris:  
murmur, murmuris: Titan,  
Titanis: lien, lienis: Delpbin,  
Delpbinis: canon, canonis.*

1 *MEN, CEN.] Ag-  
men, agminis: numen, nu-  
minis: fidicen, fidicinis.*

2 *ON, ONTIS.] Laö-  
con, Laöconis.*

3 *Cer., nataque cordis.]  
Excors, vecors, secors (nou*

*focors) excordis, vecordis,  
secordis.*

4 *E, perdunt imber.] Id  
est, imber cum compositis,  
ut October non crescunt,  
sed faciunt genitivum in is  
abjecto e, ut Octobris, im-  
bris. Item nomina Latina  
in ter & ster, ut Pater, ma-  
ter, uter, venter, accipi-  
ter, pedester, equester. Græ-  
ca verò crescunt, ut Stater,  
panther, balter, chyster, ut  
& Latinum later, quod fa-  
cit lateris.*

5 *ES, dat ITIS.] Co-  
mas, comitis: finis, finitis:  
palmes, palmitis.*

*Præpes, hebes, paries, teres, indiges, interpretæque.*

*Inquies & locuples, magnes & cætera Græca.*

*EDIS, pes, merces, hæres, 1 IDIS, à sedeo ortum.*

2 Non crescit *vates, verres, proprium & muliebre;*

*Sed tegetes atque segetes, abiesque quiesque dat ETIS.*

3 *IS, non crescit: IDIS, fac Græca, lapidis quoque cuspis.*

*ITIS, dic Sæpnis, lis, Quiris: glis sed in IRIS.*

*Impubis, cucumis, pulvis, vomis, cinis ERIS.*

*Pollis, sanguis INIS: Simeo Pyroisque dat ENTIS.*

*OS, ORIS, ceu flos: OTIS, sed compos & impos.*

*Et Græca atque nepos, tum dos, cos atque sacerdos.*

*Quædam OIS, ut Minos, custodis, bosbovis, ossis.*

## E 4

1 US;

1 *IDIS, à sedeo ortum] Obses, obsidis. Sic reses, deses.*

2 *Non crescit proprium & muliebre] Ut Achilles, Achil- lis: Ulysses, Ulyssis: ambages, ambagis: clades, cladis: cautes, cautis: compages, compagis. Sic Dapes, sapes,*

*seses, insoles, labes, moles, nubes, proles, rupes, sepes, suboles (non soboles), strages, tabes, vulpes.*

3 *IS, non crescit.] Ut Avis, pelvis; messis, febris, clavis, turris, restis, navis, securis.*

<sup>1</sup> *US*, dat *ERIS*: sed *ORIS*, *lepus*, atque *decus*, *facinusque*,

Et *nemus*, & *tergus*, *pectus* cum *tempore*,  
*frigus*,

Hoc *pecus* & *littus*, *corpus*, cum *fenore*,  
*pignus*.

*UDIS*, dat *subscus*, *valus*, *incus*, dat *salus*  
*UTIS*,

*Intercus*, *virtus*, <sup>2</sup> *servitque juvenque senectus*.

*Grus* & *sus* dat *UIS*. *Tellus* <sup>3</sup> monosyllabaque *URIS*.

<sup>4</sup> *POUS* deducit *ODIS*, sed in *UNTIS* oppida quædam.

*Æs*, *aris*, *præs* *pradis* habent: *Laus*, *fraus* petit *AUDIS*.

*S*, sine vocali (ut *frons*, *lens*, *puls*) vertitur in *TIS*.

*Lens*, *frons*, *glans*, *nefrens*, *libripens* *DIS*:  
*aucepis* *anceps*.

<sup>6</sup> *I*. mediat cum *BS*, *PS*, syllaba finit,  
*hiemsque*.

*E*,

<sup>1</sup> *US*, dat *ERIS*.] Ut  
*Acus*, *fedus*, *funus*, *genus*,  
*glomus*, *latus*, *munus*, *olus*,  
*onus*, *opus*, *pondus*, *rudus*,  
*scelus*, *sidus*, *vellus*, *vetus*,  
*Venus*, *viscus*, *ulcus*, *vulnus*.

<sup>2</sup> *Servitque juvenque senectus*] id est, *servitus*, *juvenitus*.

<sup>3</sup> Monosyllabaque *URIS*.]

Ut *Pus* *puris*, *mus* *muris*,  
*crus*, *plus*, *rus*, *tus*.

<sup>4</sup> *Pous* deducit *ODIS*.] Ut  
*Tripus*, *tripodis*: *apus*, *apodis*.

<sup>5</sup> *UNTIS* oppida] *Trapezus*, *Trapezuntis*.

<sup>6</sup> *I*. mediat cum *BS*, *PS*,  
syllaba finit.] Ut *Trabs*, *plebs*,

*seps*, interposita litera *i* facitque

*E*, per *I*, mutabunt polysyllaba, *princeps*, *caelebs*.

*X*, in *CIS* verte, ut *fax*. *LECTILIS* edo *supellex*.

<sup>1</sup> (*Demtô halex*, *vervex*) *E* per *I*. polysyllaba vertunt.

In *GIS*, *lex*, *grex*, *rex*, *remex*, *Phryx*, *conjuges*, *mastryx*,

*Frugis* & *impetigis*, *Stryx*, *stryx* & pleraque Græca.

*CHIS* dat *Onyx*: *nox noctis* habet, *nivis* & *senis* ede.

<sup>2</sup> Fæmineum *IS*, non crescens *EM*, sive *IM*, dato quarto.

*IM*, *sitis* & *tussis*, *vis*, *buris*, *pelvis* habebunt.

<sup>3</sup> Græca in *IS*, *IM*, sive *IN* mittunt parisyllaba, ut *IRIS*.

## E 5

<sup>1</sup> Sex-

ciunt *trabis*, *plebis*, *sepis*. Sic *Hiems* *hiemis*. *Princeps*, *caelebs* mutato *e* in *i* faciunt *Principis*, *cœlibis*.

<sup>1</sup> *Demtô halex*.] Nomina plurium syllabarum in *ex* desinentia, faciunt genitivum in *icis*, *e* versa in *i*, ut *Pollex*, *pollicis*. Sic *Culex*, *latex*, *cimex*, *ramex*, *carex*, *codex*, *imbrex*, *index*, *judex*, *pelllex*, *podex*, *pumex*, *vertex*, *remex*, quod facit *remigis*. Excipe *Lalex balæcis*, *vervex* *vervecis*. Vi-

*bex*, non rectè scribitur, sed *Vibix*, *vibicis*. Græca *Hipponax* & *Astyanax* faciunt, *Hipponactis*, *Astyanactis*.

<sup>2</sup> *Fæmineum IS*, non crescens.] Id est, omnia nomina fæminina in *is* finita, non crescentia in genitivô, faciunt accusativum in *em* aut *im*, ut *Ovis*, *ovem* vel *ovim*. Sic *Pestis*, *messis*, *bilis*, *vallis*, *vestis*, *febris*, *clavis*, *turris*, *restis*, *sementis*, *pupis*, *navis*, *securis*, *partis* præcū *partim* & *partem*,

1 Sextus *E* vult semper; sed *E* aut *I*. postulat 2 *imber*,

Atque adjectiva, ut *pugil* & *TRIX*: adde *supellex*,

*Amne*, *ignis*, *postis*, *vectis*, *rus*, *anguis* & *unguis*.

Quartus in *EM*, sive *IM*, sexto *I*, semper dabit aut *E*.

3 *AL*, *AR*, *E*, neutrum *I*, dat; sed *E*, *far*, *nectar*, *jubar*, *hepar*.

*Plus*,

*sem*, ut *lentis* *lentim* & *lentem*,

3 *Græca* in *IS*.] Ut *poësis*, *heresis*, *genesis*, *syntaxis*, *metropolis*, *Alexis*, *Parvis*, *Tibris*, *Iris*.

1 *Sextus E* vult semper] Regula quidem talis est, sed veteres tamen promiscuè in *e* & *i* ablativum æquè ac dativum terminabant. Dativi exempla sunt Ovid. Fast. lib. 6. extremò: *In quâ par facies nobilitate fuit*. Lucil. *Esfuriante leoni ex ore exsculpere prædam*. Propert. *Et quoscumque meo fecisti nomine versus*, pro, *nomini meo*, id est, *mibi*. Idem: *Cum temere anguineo creditur ore manus*. Virg. *neo sospite dirum Optabis nato finis pater*. Ubi Servius: *Sospite pro sospiti*, qui etiam, *Alite* dativum putat apud Hor. *Scriberis Vario Meonii carminis*

*alite*. Jam in ablativo Plaut. Lucr. & Varro dicunt *parti*, pro, *parte*. Cato, *Segeti præ segete*. Virgilius *capiti*, pro, *capite*. Cato, *fini*, pro, *sine*. Lucret. & Cicero *collis* & *orbi*, pro, *colle* & *orbe*. Ovidius, Lucretius, & Catullus *Mare*, pro, *mari*. Ovidius *Fonte perenne*, pro, *perenni*: *Porcâ bimestre*, pro, *bimestri*: *Sagittâ cælesti*, pro, *cælesti*. Lucanus *Natale*, pro, *natali*. Varro *Collò breve*, pro, *brevi*. Cicero *Ab hamine Arpinate*. Ex municipio *Alétrinate*. Livius *In Capenate agro*. Sic in ablativo auctores indifferenter dicunt, *Carthagini* & *Carthagine*, *ruri* & *rure*, *luci* & *luce*, *mani* & *mane*, *vesperi* & *vespere*, *tempori* & *tempore*, *bili* & *bile*.

2 *Imber*, atque adjectiva.] Ut *Imber*, *imbre* vel *imbrî*.

Sic



*Plus, pluri melius*: 1 sic *IM* aut *IN* dantia quarto.

2 *ES*, recto & quarto: sed *IA*, cum sextus habet *I*.

Comparativa tamen per *A*, solum, *plusque* *vetusque*.

3 *UM*, patrius, sed *apis* dat *IUM*, *imber*, *uter*, *caro*, *linter*.

Quæque in *IA* mittunt rectum, queis addito *aplustra*.

4 *ES*, *IS*, non crescunt (*panis*, *juvenis*, *canis*, *UM* dant.)

1 Sed

Sic *October*, *December*, Adjectiva, ut *facilis*, *cælestis*, *natalis*, *perennis*, *prudens*, *diligens*, &c. Similiter ablativo in *e* & *i* desinunt. Sic *Vigil* & *pugil*, *victrix*, *genitrix*, *meretrix*, *suppellelex*, *suppellestile* & *suppellestili*.

3 *AL*, *AR*, *E*, neutrum *I* dat.] Ut *Animal* *animali*, *pulvinar* *pulvinari*, *monile* *monili*.

1 Sic *IM* aut *IN* dantia quarto.] Quæ in accusativo habent *im* vel *in*, eadem in ablativo habent *i*. ut *Pœsim*, *Pœssi*: *Syntaxin*, *Syntaxi*: *Alexin*, *Alexi*.

2 *ES*, recto & quarto.] Nomina tertie declinationis habent nominativum & accusativum pluralem in *es*,

ut *Sermones*, *laudes*, *homines*, *militēs*. Neutra in *a*, & in *ia*, si ablativus eorum singularis desinat in *i*, ut *Corpora*, *pecora*, *facilia*, *cælestia*. Comparativa tamen neutra in *a* tantum desinunt, ut *meliora*, *majora*. Sic *vetera* & *plura*, cæsi antiqui *pluria* dixerunt.

3 *UM*, patrius.] Genitivus pluralis in *um* exit; ut *hominum*. Veteres tamen etiam *hominum* dicebant, *civitatum*, *meretricium*, *carnificium*. *Mensum*, pro *mensum*, Ovid. 8. *Metam*.

4 *ES*, *IS*, non crescunt.] Ut *Cades* *cadium*. Sic *proles*, *moles*, *labes*, *clades*, *nubes*, *sedes*, *ovis*, *vestis*, *vallis*, *canalis*.

- 1 Sed monosyllaba *IUM*, præter, *dux*,  
*nux*, *sue*, *grus*, *frux*,  
*Ren*, *fur*, *flos*, *mos*, *Tros*, *grex*, *lex*, *rex*,  
*vox*, *laus*, *pes*, *prex*.  
 Atque *boum*, *bos*, *bubus*, *bobus* pone dativo.  
 Tertius est in *IBUS*, sed 2 *ATIS* magè  
 neutra *Pelasga*.  
 3 Tres casus Græcos retinent hic sæpe poëtæ,  
 Si crescat nomen, ceu *Paliados*, *Hectora*,  
*Troas*.

### Quarta Declinatio.

- 4 Quarta dat *US*, recto dat & *U* prius in-  
 variatum.

Dant

1 Sed monosyllaba *IUM*.]  
 Ut *As*, *as*, *ars*, *arx*, *bes*,  
*ear*, *calx*, *cor*, *cos*, *crux*, *crus*,  
*daps*, *dens*, *dis*, *dos*, *falx*,  
*fax*, *sex*, *faux*, *sons*, *frons*,  
*glans*, *glis*, *glos*, *gens*, *gryps*,  
*jus*, *lar*, *lanx*, *lens*, *lis*,  
*mas*, *mens*, *merx*, *mons*,  
*mus*, *nex*, *nix*, *nox*, *os*,  
*pax*, *pars*, *par*, *pres*, *plebs*,  
*pix*, *pons*, *puls*, *plus*, *pui*, *ros*,  
*rus*, *sal*, *seps*, *scobs*, *stirps*,  
*strix*, *sors*, *trabs*, *trux*,  
*uas*, *urbs*. Ista genitivum  
 pluralem habent in *ium*, de  
 Grammaticorum quidem  
 sententiâ, nec enim omnia  
 apud auctores inveniuntur.  
 2 *ATIS* magè neutra *Pe-*

*lasga*.] Poëma in dativô &  
 ablativô plurali facit poëma-  
 tis.

3 Tres Casus Græcos ] Di-  
 cunt Poëtæ in genitivô, *Pal-*  
*lados* à *Pallas*, in accusati-  
 vo, *Hectora* ab *Hector*, &  
*Troas* à *Tros*.

4 Quarta dat *US*.] Ter-  
 minationes quartæ declina-  
 tionis sunt *us*, & *u* indecli-  
 nabile: nam illud obsole-  
 tum est, quod Cicero in  
 Arato dixit *genus* in geniti-  
 vo à *genu*, & Lucanus *Corn-*  
*us* à *cornu*. Sicut etiam ob-  
 soluerunt Genitivi singulares  
 in *i*, ut *Senati*, *Questi*,  
*Adventi*. Plaut. *Cal. Egre-*  
*di*.

Dant *UBUS*, hæc quatuor, *portus*, *tribus*,  
*arcus* & *artus*.

### Quinta Declinatio.

1 *ES*, olim patrius: sed & *E*, *II*, sæpe  
poëtæ.

*ERUM*, *EBUS*que caret pluralis: tolle *dies*,  
*res*.

Non Cicero voluit *specierum*, nec *speciebus*.

### RE.

*ditur Senati columen præsidium  
populi. Aul. Nihil hic est quasi  
furibus. Ter. Phorm. Ubi Pa-  
tris adventi in mentem venit.*

1 *ES*, olim patrius.] *Vete-  
res* in genitivo dicebant *dies*  
& *die* & *dii*: in dativo *die*  
& *dii*: in ablativo etiam  
*diu*. Hinc *Diu noctuque*; nam  
*noctu* esse ablativum, sicut  
*lucū*, pro *luce*: apparet ex  
hoc Ennii; *Hæc noctu filio  
pendebit Etruria tota: &  
Quadrigarii: Senatus de noctu  
convenire, noctu multa do-  
mum dimitti. Priscianus lib. 8.  
Veteres frequentissimè inveni-  
untur similem ablativo protu-  
lisse in hac declinatione tam  
genitivum, quam dativum, ut  
Sallust. Dubitavit acie pars,*

*pro aciei. Virgil. Libra die  
somniaque pares ubi fecerit bo-  
ras, pro diei. Ovidius quo-  
que fide, pro fidei posuit.*  
6. *Metam. Usque fide pignus  
dextras utriusque poposcit.*  
Cic. pro S. Rolfio, *perniciis  
dixit, à perniciis. Pacuvius,  
progenii à progenies. Virgil.  
& Cælius historicus, Cha-  
risio teste, dii à dies. Plau-  
tus in Mercatoris prolog.  
Amatores, qui aut nocti, aut  
dii, aut soli, aut lune mis-  
erias narrant suas. Ita legit  
Servius; qui etiam *fames,  
famii*; veteribus dictum te-  
stat. Varro scilicet geniti-  
vo *fami* dixit, teste Cha-  
risio, in dativo similiter Plau-  
tus Stich. act. 2. sc. 1.*

## REGULÆ DE VERBORUM

## Præteritis &amp; Supinis.

**O**Mnes has Regulas centum & septuaginta versibus hexametris feliciter complexus est Emmanuel Alvarez è Societate Jesu, quos ex ejus Grammaticâ pueros petere, memoriæque mandare suadeo. Etsi enim dubium non habeo, quin ediscendis 1141. sententiis illis in *Mercurio bilingui* positis, verba pleraque omnia inflectere jam didicerint, minimè tamen disconducent, eos regulam certam habere, ad quam timentes memoriæ fidem ac dubitantes respiciant. De *Supinis* supra demonstravi, ea perperam pro verbis haberi, cum vera & germana sint nomina quartæ declinationis, ex participiis passivis in *TUS* formata: nihilominus tanti est, pueros versibus illis ediscendis certo scire, cum quæ singulorum verborum participia sint passiva, tum quæ quartæ declinationis nomina saltem in accusativo & ablativo casu ex participiis illis efficta extent: nam neque omnium verborum *Supina* sunt tradita, neque eorum ferè alii casus, quam in *UM* & *U* exeuntes, sunt inventi. Verbi gratia: *Promptu*, est ablativus è participiô factus, quod præpositio arguit, cum legitur, *In promptu est*. Si quis jam dicatur *Ivisse promptum ex arca pecuniam*, erit accusa-

cusativus suppressa præpositione *ad*, velut in *Syntaxi* planum fecimus. Sed *homo magnò natu*, *tantus natu*, *major natu* legimus, nec tamen *natum*. Similiter nec *Suppetias*, *inficias*, *instar*, *impete*, aliò casu inventa sunt, quæ tamen propterea ex nominum censu nemo exegerit. *Impetibus* tamen crebris dixit Lucretius, & Septimius Serenus *Ad instar*, sicut *ad modum*. Paulus verò Jurisconsultus, *Ire ad inficias*, pro *inficiatum*, quo modo *Ire ad suppetias*, est *ire ad suppetiatum* sive *auxiliatum*. *Suppetia* est apud Plautum *Amph. a. 5. s. 1.* *Non metuo quin mea uxori lata suppetia sint divinitus*. Sabin. *Epist. Demoph. Non equidem infiteor*, *multum clamavit uterque*.

## P R O S O D I A.

### Regulæ de Syllabarum Quantitate.

**O**Mnem Profodiæ Latinæ rationem versibus quasi centum sexaginta idem Álvarez ita explicuit, ut nihil præterea desiderandum videatur. Magister meus Sanctius, & alii, qui eadem de re versus contexuere, minus mihi satisfaciunt. Ad Alvari ergo Acroasin adolescentes mitto, nec eos modò, quibus ingenium ad poëticam factum sortito obligit, sed etiam quos sive inter legendum, sive in cædendo sermones ignoratâ syllabarum quantitate ludibrium aliis debere pudet.

DE

## DE SYNTAXI

seu Constructione.

*Quid est Syntaxis?*

Est debita partium orationis inter se compositio.

*Quotuplex est Syntaxis?*

Duplex: *Regularis & Irregularis* sive *Figurata*.

*Quid est Syntaxis Regularis?*

Est compositio inter se partium orationis consentanea regulis artis.

*Quotuplex est Syntaxis Regularis?*

Duplex. *Concordia & Rectio*.

*Quid est Concordia?*

Est partium orationis, sive ejusdem, sive diversi generis inter ipsas convenientia, ut in *Vir bonus*, conveniunt inter se partes ejusdem generis, quia utrumque nomen est. Sed in *Virtus laudatur*, est convenientia partium diversi generis, cum altera nomen sit, altera verbum. Hæc autem *Concordia* vel propriè, vel impropriè dicitur. Propriè quidem de nominibus, verbis & participiis, quæ aliquid tertium habent, in quo convenient: Impropriè verò de particulis, cum ex consensu hominum sive instituto unà ponuntur, ut *Ne dicas, Non dices, Ne dic, Utinam viveret*.

*Quid*

*Quid est Rectio?*

Est certi casus adsciscendi potestas. Ut in *Filius Dei*, nomen substantivum adsciscit sibi genitivum. In *posuit animam*, verbum activum adsciscit accusativum, *pro peccatoribus*, præpositio adsciscit ablativum.

## D E

## CONCORDIA NOMINIS.

*Quotuplex est Concordia nominis?*

Quadruplex: Alia enim est concordia nominis substantivi cum adjectivô, alia nominis relativi generalis cum nomine antecedente, alia nominis relativi specialis seu reciproci cum nomine antecedente, alia nominis cujuscunque cum verbo personali.

*Quæ est regula Concordia nominis Substantivi cum Adjectivô?*

Nomen substantivum sive expressum, sive suppressum, cum adjectivo consentit numerô & casu, † ut *Mali corvi malum ovum. De meo sumtus facio*, pro, *meo are. Delphica laurus*, pro, *Delphica arbor laurus. Triste lupus stabulis*, pro, *triste negotium*, id est, *tristis res lupus est stabulis*.

## F

*Quæ*

† Adjectiva nullum genus habere dixi. Itaque adjectivum in genere cum substantivô nomine convenire non potest. Illa quippe duo di-

cuntur convenire, quæ ali-  
quid tertium commune ha-  
bent. Itaque cum dicis *vir  
bonus*, non conveniunt ista  
duo nomina in genere, cum

*Quæ est regula Concordia nominis relativæ generalis cum nomine antecedente?*

Nomen relativum generalè semper collocatur inter duos casus unius nominis expressos aut suppressos, quorum antecedentem refert in genere & numerò, cum sequente convenit in numerò & casu, ut *Vidi hominem, qui homo sedebat*. Nihil autem refert sive casus sint expressi, sive suppressi ac subintelligendi: nam aliàs supprimitur antecedens casus, ut *Nemini credo, qui dives blanditur pauperi*, pro, *nemini diviti credo*: aliàs supprimitur sequens casus, ut *Odi sapientem, qui sibi non sapit*, pro, *qui sapiens*: aliàs uterque casus supprimitur, ut *Sunt quos arma delectant*, pro, *sunt homines, quos homines arma delectant*.

*Quæ sunt regula Concordia nominis reciproci cum nomine antecedente?*

*Prima.*

Ambiguitatis evitandæ causâ nomen reciprocum cum primò & præcipuò suppositò convenit, sed ubi nullum ambiguitatis est periculum,

*bonu*, velut adjectivum, nullum habeat genus, sed tantum terminationem generis masculino attributam. Potest ergo Magister, si sic eivideatur, regulam de *nominum Concordiâ* in puerilis ætatis gratiam sic formare: *Nomen substantivum sive expressum, sive suppressum cum*

*adjectivò consentit in numerò, casu & generis terminatione*. Ita *vinum* forte habent ejusdem generis, neutri puta, terminationem. Ex verbis enim de genere terminationis jam constitit, nomina in *um* esse generis neutri, similiterque in *e*.



lum, indifferenter reciprocum & quodvis aliud relativum cum supposito consentit, ut *Homines à Deo discedunt propter peccata sua*. Hic reciprocum *sua*, cum primo supposito *homines* relativè convenit. *Cepi passerem in nido suo*, vel *ejus* vel *ipsius*, promiscuè dicitur: nam ubi prima est vel secunda persona, ibi non est periculum ambiguitatis, sicut etiam in tertiis personis sæpe sermo dubius esse non potest, adeoque non refert reciproco, an quo alio relativo utaris, ut Cicero: *Camillus mihi scripsit te locutum esse cum eò*, pro, *secum*. *Ulciscuntur eum mores sui* vel *ipsius*. Plautus. *Suam rem sibi salvam sistam*, si illo advenerit, pro, *sistam ei rem ipsius salvam*.

### Secunda.

Nomen reciprocum & alia relativa indifferenter cum præpositione *inter* consentiunt, ut *Contentunt inter se docti*. *Contentio est doctorum inter se*, vel *inter ipsos*. Plautus, *Dicam cognatis*, ut *bona mea inter eos partiant*, pro, *inter se*.

### Tertia.

Nomen reciprocum cum nomine *quisque* consentit, ut *Iustitia suum cuique tribuit*. *Quisque suos patimur manes*.

*Qua est regula Concordia cujuscunque nominis cum verbò personali?*

Nomen cum verbò personali in solò nume-

rô convenit, ut *Probitas laudatur & alget*. In † personâ non potest convenire, cum omnia nomina sint tertiæ personæ, præter ego, quod est primæ, & *tu*, quod est secundæ, & relativa pleraque, quæ sunt omnium personarum, ut *Qui sciam, qui scias, qui sciat, uter sumus, uter estis, utri sunt*. Nominativus in oratione affirmante aut negante cum verbô sive expressio, sive suppressio in numerô convenit, ut *Triste lupus stabulis. Dulce bellum inexpertis*.

## D E RECTIONE NOMINIS.

*Quotuplex est Rectio Nominis?*  
*Duplex, Vera scilicet & Falsa.*

*Quo-*

† Dixi etiam, *Personam esse specialem numeri verbalis differentiam*. Nomina ergo personam nullam habent, adeoque in personâ cum verbis convenire non possunt. Habent tamen aptitudinem ad personam, ut ei accommodari possint. Et duobus quidem nominibus *ego & tu* exceptis, quorum illud primæ tantum; hoc secundæ personæ verbis aptum est; itemque relativis quibusdam, ut jam *secta Concordia nominis regulâ* monui; cætera nomi-

na omnia tertiæ verborum personæ accommodantur. Itaque cum regula nostra de *Concordiâ verbi finiti* dicit, *Omne verbum finitum habet pro supposito nominativum*, intelligendum est, nominativum personæ verbi accommodabilem sive habilem. Nam si dicas *ego docet*, convenit quidem verbum finitum cum nomine in numerô, sed nomen illud non est habile personæ verbi. Hæc ergo de re Magister discipulos monere poterit.

*Quotuplex est vera Rectio Nominis?*

Quadruplex: Alia enim est Rectio nominis substantivi cujuscumque: alia nominis substantivi verbalis, sive à verbô derivati: alia nominis adjectivi ex participiô activô facti: alia denique adjectivi participio passivo similis.

*Qua est regula Rectionis nominis Substantivi cujuscumque, sive in genere?*

Solum nomen substantivum sive expressum, sive suppressum regit, sive adsciscit casum genitivum, sive: Omnis genitivus à nomine substantivo expresso aut suppresso regitur, ut *Lectio librorum Ciceronis. Nummus auri. Accuso te furti, subaudi, crimine. Natus Roma, subaudi, in Urbe. Quanti emisisti? subaudi, arispretiô: nam integra oratio secundum regulas est: Pro quanti arispretiô emisisti? Lumborum tenuis mergitur, subaudi, sine, pro, usque ad finem lumborum.*

*Qua est regula Rectionis nominis Substantivi Verbalis?*

Nomen substantivum verbale plerumque genitivum, interdum verbi sui casum regit, ut *Lectio poetarum. Classi propinqua domum itio dabitur. Meus è foro domum reditus. Justitia est obtemperatio legibus. Quid tibi me tactio est, vel tactus est? pro, Quid metangis? Quid tibi ludos spectatio est, vel spectatus est, pro. Quid spectas ludos? Eo spectatum ludos, pro ad spectatum vel spectationem ludos seu ludorum:*

Nam *spectatum*, non est verbum supinum, sed nomen verbale quartæ declinationis. Plaut. Aul. *Hic eam rem vult mecum adire ad pactionem*, pro, *eius rei*. Vide Annotationes. †

*Quæ est regula Rectiōis nominis Adjectivi ex Participiō activō facti?*

Nomen adjectivum ex participiō activō factum regit genitivum; ut *Amans uxoris*, *appetens alieni*, *amantior* vel *amantissimus suorum*. Cujus regulæ causa est, quoniam talia adjectiva faciem tantum adjectivi habent, sed vim substantivi. Imò in participio subauditur substantivum, ut *homo amans*. Plaut. Pseud. a. 1. f. 3. vers. 88. Pœn. a. 3. f. 1. vers. 9. quia in eo

† *Victimam Sacerdotes maclatum eunt*, pro, *Sacerdotes eunt viam ad maclatum victimam*, pro, *victimæ*. Lucret. *Hostia concideret maclatu macta parentis*. Accusativus nempe *victimam*, regitur non ab *eunt*, sed à *maclatum*. Non ergo Latine dices: *Victima mox maclatura iri videtur*, sed, *victimam*, quoniam à *maclatum* regitur. Integra porro oratio secundum regulas talis est: *Videtur viam iri ad maclatum victimam*. Ubi *viam iri*, ponitur pro nominativo, quasi esset: *Isto seu profectio ad maclationem victimæ videtur*; sicut, *Viam istam iri mirum est, cum sit latronibus infesta*. Ita Cato dixit:

*Contumeliam mihi factum itur*, non *contumelia*: nam integra oratio est: *Via itur ad factum contumeliam*, sicut, *Ille it viam factum mihi contumeliam*: ubi perspicuum est, *contumeliam* regi à *factum*, non ab *it*. Ita si quærenti *quid agitur?* respondeat quis: *Ligna cesum itur*: quis non videat, *ligna* esse accusativum, & regi à *cesum*, perinde ac si dixisset, *Ligna cesum eo*, pro, *eo viam ad cesum ligna*. Porro *ire viam*, sive *ire iter*, metaphoricè dicitur pro *conari*, sicut & *viam affectare* usurpatur, & *tendere* aut *intendere viam* sive *iter*. Lucret. *Quod facere intendunt, nec adhuc sonata patrantur*, pro, *quod facere conantur*.

eo latet substantivum formale, ut *amans amorem uxoris*, *Appetens appetitum alieni*.

*Qua est regula Rectiōis nominis Adjectivi Participio passivo similis?*

Nomen adjectivum non nisi terminationem cum participiō passivō communem habens regit casum verbi sui, ut *Populabundus agros*, *Vitabundus castra hostium*.

*Quot sunt regula falsa Rectiōis nominis?*

Sex, nimirum de sex casibus, qui à nominibus regi falsò dicuntur.

*Qua est regula de falsa rectiōe Nominativi?*

Nominativus post verbum finitum, seu personale, à verbi ipsius supposito nomine regitur, ut *Cato scribit invitus*. Sed falsum est nominativum vel à nomine, vel à verbō regi, non enim hic *Rectio* est, sed *Concordia*, quia nominativus prior, qui est verbi suppositum, nempe *Cato*, convenit cum verbo *scribit* in numero: Sed posterior nominativus ad suppositum pertinens, nempe *invitus*, convenit partim cum suppositō in numerō & casu, partim cum verbō in numerō.

*Qua est regula de falsa Rectiōe Genitivi?*

Genitivus à variis nominibus adjectivis regitur, ut *Plenus vini*, *dives agri*, *peritus juris*, *consciens facti*, *ignarus omnium*, *miser animi*, *integer vite*. Sed falsum est istos genitivos regi ab adjectivis, cum regantur Græcò more

vel à præpositione suppressa *ἐκ* vel *ἐκκε* (quæ præpositiones significant Latinis, *De*, *Italis*, *Di*, ut *Plenus vini*, sit *plenus de vinô*, pieno di vino) vel à suppressis nominibus *causâ*, *ergô*, quasi dictum esset, *Dives agri* *ergô*, *peritus juris* *causâ*, *miser animi* *causâ*, pro, quod attinet ad agrum, jus, animum. Potest etiam subaudiri nomen substantivum cognatum Adjectivi, & formam ejus significans, ut *dives divitiis*, *peritus peritiâ*, *miser miseriâ*. De quo videatur Auctar. Rudiment.

*Qua est regula de falsâ Rectione Dativi?*

Dativus à nominibus similitudinem, utilitatem, facultatem, aut contrâ significantibus regitur. Sed revera dativus à nullô nec nomine, nec verbô, nec aliâ quâvis parte orationis regitur, sed aptè cuivis orationi jungitur, cum acquisitionem aut ultimum finem, commodum, vel incommodum, objectum vel subjectum significat, ut *Sum dominus* *his* *adibus*. *Iustitia est* *obtemperatio* *legibus*. *Abalienatio est* *rei* *transmissio* *alteri*. *Dura est* *servitus* *homini* *opulento*, id est, *qua* *servitur* *apud* *opulentum*. *Hic fur est* *mihi*, pro, à *me* *furatus est*. *Cupidus* *vino*. *Hoc* *mihi* *datur* *vitio*, pro, *hoc* *mihi* *additur* *ad* *meum* *vitium*. *Tibi* *deserit* *Hesperus* *Octam*, pro, *tuâ* *causâ*. *Deus* *omnibus* *curat*. *Meum* *tibi*. *Hoc* *vobis* *debet*. *Hoc* *mihi* *latet*. *Iussit* *mihi* *scribere*, id est, *scriptionem*. *Lucr. 6.* *Percolatur* *enim* *virus*, *retroque* *remanat* *Materies* *humoris*, & *ad* *caput*, *amnis*

*omnis Confluit: ad caput amnium. Ibid. Flamma tempestas Siculū dominata per agros Finitimis ad se convertit gentibus ora. Liv. 10. Bellum Samnitibus populo iussit. Et l. 9. Bellum Hernicis iussum erat. Plaut. Bacch. a. 2. f. 3. Exorta est mihi hac tela. Cist. a. 4. f. 2. Exorditur sibi orationem. Salust. Insidia Consuli non procedunt: quæ structæ erant Consuli. Plaut. Trinum. a. 3. f. 2. Cum mihi cassidem sumsero in caput. Idem Bacch. a. 4. f. 9. Pugnam conferui seni. Propert. l. 2. el. 28. vers. 10. Pra se formosis invidiosa Dea est. Plaut. Aul. a. 3. f. 6. Cui agnoscita in sole inspicere etiam vivo licet, pro, cuius exita. Asin. a. 1. f. 1. Neminem metuo mihi. Horat. Parum sepulta distat inertia celata virtus. Terent. Sapiens stulto quid interest. Cic. Quicquid apud Cæsarem valebo gratia, valebo tibi.*

*Qua est regula de falsa Rectione Accusativi?*

Accusativus à nominibus dimensionem aut partem aliquam totius significantibus regitur, ut *Vixit annos centum. Vitruv. Pila alta pedibus tribus, lata quaternis. Latus duas ulnas. Albus dentes.* Revera enim accusativus semper à præpositione expressa aut suppressa regitur, nisi sit vel infiniti verbi suppositum, ut *Volo scribere*, vel activi verbi appositum, ut *Rogo te. Cum ergo dicitur: Vixit annos centum*, subauditur præpositio *per*, quæ accusativum regit. *Latus duas ulnas*, subaudi *ad. Omnia Mer-*

*curio similis, subaudi per vel ad. Fractus membra. Albus dentes. Cetera laetus, sanctus alia, subaudi ad, pro quo barbarè vulgo dicunt quoad.*

*Qua est regula de falsa Rectione Vocativi?*

Vocativus à nominibus *tu & vos* regitur, ut *Lectule deliciis facte beate meis. O dolor atque decus magnum rediturre parenti. Huc venias hodiernae.* Revera enim vocativus à nulla orationis parte regitur, etsi saepe cum interjectione *O* conjungatur: sed tota composita oratio ad vocativum dirigitur, *Quid amice premiū erit, si hoc fecero. Esto tu Caesar amicus. Audi Jupiter, audi tu populus Albanus. Dardaniae stratus dextrā miserande jaceres. Nate mea vires, mea magna potentia solus: ubi subauditur ens, pro, tu, qui es mea vires.* Plaut. Asin. a. 3. f. 3. vers. 101. *O Libane, ocellus aureus, donum, decusque amoris, Da meus ocellus, da mea rosa, da mi anime.* Propert. l. 4. el. 10. vers. 17. *Herculis ite boves nostra labor ultime clava.*

*Qua est regula de falsa Rectione Ablativi?*

Ablativus à nominibus adjectivis gradum comparisonis, instrumentum, causam, modum aut similem circumstantiam significantibus regitur, ut *Doctior illō. Suō gladiō hunc jugulo.* Revera enim omnis ablativus à solā præpositione expressā aut suppressā regitur, *Indoctior illō, subaudi præpositionem pre, quæ ablativum regit. Suō gladiō hunc jugulo, sub-*

au-



audi *cum*. *Dignus laude*, subaudi, *pro*, Horat. *Dignum præstabo me etiam pro laude*. vel subaudi, *à*, *pro*, *quod ad laudem attinet*: nam *Dignus* est à δεινός, id est *monstro*, quasi δεικτέον dicas seu digitò monstrabile. Itaque etiam dicitur, *Dignus aliquid*, sive *ad aliquid*, similiter ut *Arte insignis*, *pro*, *ab arte*, ut ait Ovidius. Ter. Andr. a. 5. f. 3. *Dignus es cum tuâ religione odium*. Sic est in Bembi codice, & agnoscit Donatus, quamvis nesciat quâ hoc ratione dictum sit. Plaut. Afin. *Ne id quidem me esse dignum existimat*. Et Capt. a. 5. f. 2. *Non me censes scire, quid dignus sim*. Et Pseud. *Si tibi exoptem quantum dignus*. Et Mil. *Ad tuam formam illa sola digna est*. Similiter contentus aliquò & aliquid. Plaut. Capt. a. 1. f. 2. *Si pauxillum potes contentus esse*. *Ple-nus vinò*, subaudi, *de*. *Magnò emere*, subaudi, *pro pretiò*. *Numerò militum impar*, superior aliis, subaudi, *ab*, *pro*, *quod ad numerum*, *ad alia attinet*. Horat. *Viduus pharetrâ*, subaudi *à*. Virgil *Cur ego Ditis opacos Cogor adire lacus viduosque à lumine Phœbi*. Hortensius fuit multis rebus Cicerone inferior, *pro*, fuit *à multis rebus præ Cicerone inferior*. *Adolescens bonâ spe*, *magnò ingeniò*, *priscâ fide*, *prosequi odiò*, *afficere honore*, *pace tuâ*, subaudi, *cum*. *Dives nummis*, *Egeonummis*, subaudi, *à*, *pro*, *quod ad nummos attinet*. Sic *natione Græcus*, *genere nobilis*, *domò Italus*, subaudi *à*. *Pallens metu*, subaudi *à* vel *ex*. *Venit mane*, *luci*,  
ves-

*vesperi*, *tempori*, subaudi *cum* vel *in*: nam ista sunt ablativi casus, sicut etiam *Natus Carthagini*. *Ruri vivit*, subauditur *in*. *Auctore Aristotele*, *Nerone Imperatore*, *Ardente sole*, subaudi *sub*. *Hoste superato*, *lectis tuis literis*, subaudi *à*: quod significat *post*. *Horâ tertiâ*, subaudi *de* vel *in*. *More veteri*, subaudi *de* vel *ex*. *Cantando aliquem vincere*, subaudi *in*. *Glorior opibus*, subaudi *de*. *Privor potestate*, subaudi *à*. *Sacrificio vitulâ*, subaudi *cum*. *Fruor villâ*, *pro*, *fruur fructum ex villâ*. *Utor libris*, *pro*, *utor usum*, id est, *utilitatem capio ex libris*. *Potior pecuniâ*, *pro*, *potior potestatem à pecuniâ*. *Careo molestiâ*, *pro*, *careo carere* (id est, *caritatem*, sive ut vulgo dicunt, *carentiam*) *à molestiâ*. *Interdico tibi domo meâ*, *pro*, *interdico tibi interdictum à domo meâ*, id est, *quod ad meam domum attinet*. *Indigus omni auxilio*. *Lucr. 5. Cæsar 3. belli civil. Numero equitum multis partibus erat inferior. Amictus veste*, *pro*, *à veste*. *Ovid. 5. Metam. Ille sibi ablatu fulvis amicitur ab alis. Expers malo*, *pro*, *à malo*. *Inexpers mali*, subauditur *partem*.

## DE SYNTAXI VERBI.

### De Concordiâ Verbi.

*Quotuplex est Concordia Verbi?*

Duplex: alia est concordia verbi finiti seu personalis, alia verbi infiniti sive impersonalis, quod vulgo infinitivi modi dicitur.

*Quæ*

*Qua sunt Regulae de Concordia Verbi Finiti?**Prima.*

Omne verbum finitum, seu personale, habet suppositum, seu præcedentem nominativum, sive expressum, sive suppressum, sive infinitum verbo aut aliâ oratione commutatum, cumque illò nominativò suppositò in numerò consentit, ut *Tudoces, Nos discimus*. Hic suppositum verbi seu nominativus præcedens est expressus. *Legis, audimus, ajunt, ferunt, pluit, lucefcit*. In his suppositum verbi, seu nominativus præcedens est suppressus & subaudiendus, nimirum, *Tu, nos, homines, pluvia vel cælum, lux*. Sic in *Miseret, tadet, pudet, piget, pœnitet*, subaudiuntur nominativi, *Misericordia, tadium, pudor, pigritia, pœnitentia*. In *Vivitur, curritur, statur, sedetur, egetur*, subaudis *vivere* seu *vita*, *currere* seu *cursus*, *stare* seu *status*, *sedere* seu *sessio*, *egere* sive *egestas*. Plaut. Stich. a. 5. s. 4. *Haudentum est te vereri. Quid sit? Ligna casumitur, pro, Via itur ad casum ligna. Libet me epigrammata facere*. Hic oratio hæc, *Me epigrammata facere*, ponitur pro nominativo, quasi esset: *Mea factio aut factura epigrammatum libet*, id est, *jucunda est. Fugere vitium est virtus*. Hic suppositum verbi, *Fuga vitiorum*, commutatum est verbo infinitum, *Fugere vitia. Deprehendi miserum est*. Hic suppositum verbi,

*De-*

*Deprehensio*, commutatum est verbo infinito, *Deprehendi*. Plaut. Aul. *Certum est Silvanopotius credam, quam Fidei*, pro, *Ut credam Silvano, sive credere certum est*. Ubi nominativus *Creditus* vel *creditio* commutatus est hac oratione, *Ut credam*. Sic Capt. *Est miserorum ut malevolentes sint & invideant bonis*, pro, *Malevolentia & invidia est res miserorum*. Sic quaeritur, *quis naves primus invenerit?* Hic suppositum verbi seu nominativus præcedens, nempe *Primus inventor navium*, commutatus est hac oratione, *Quis naves primus invenerit?* Sic *Dicitur mulam peperisse*, nominativus præcedens, nempe *Partus mula*, commutatus est hac oratione, *Mulam peperisse*. *Maja peperisse dicitur*. Est Græcismus Nominativi pro Accusativo. Sic *Multos homines quotidie mori dicitur*, pro, *Mors quotidiana multorum dicitur*. In consilium iri videtur, subaudi, *Viam*: ubi *Viam iri* habet vim nominativi, quasi esset *Via itio*, sicut *Viam istam iri mirum est, cum sit latronibus infesta*. Sic, *Multos venturos esse creditur*, pro, *multorum adventus creditur*. Liv. 42. 28. *Mibi magistratus creare jussum est*, pro, *Creatio magistratus est negotium mihi jussum*.

### Secunda.

Verbum finitum seu personale sæpe habet appositum seu sequentem nominativum, ad suppositum verbi pertinentem, sive cum eo in numero consentiat, sive non, ut  
Ego

*Ego didici hoc puer. Ego vocor Marcus. Tu captus es arbiter. Deus est animus. Tu fili esto sobrius. Nos sumus docti. Propert. Nam cui non ego sum fallaci premia vati. Idem: Una sit & cujus femina multa mala. Sic possum dicere: Quivis concubitus meretrici est nuptia. Quadrige fuere nota argenti. Nominativus porro appositus censetur etiam oratio nominativi vim habens, quem Scholastici nominativum *Virtualem* dicerent, non *Formalem*, ut Plaut. *Ego videor me eam vidisse prius. Ubi hæc oratio, Me vidisse, vim habet nominativi, quasi esset, Ego videor ejus visor: sicut Me vidisse eam mihi dolet, pro, Visus aut conspectus ejus mihi dolet. Ita idem valent, Servus videtur cunctator, & Servus videtur eum cunctari: nam eum cunctari est nominativus, ut eum cunctari apparet vel molestum est.**

*Quæ sunt regulae de Concordia Verbi Infiniti?*  
*Prima.*

Omne verbum infinitum, sive impersonale, habet pro supposito Accusativum expressum aut suppressum, ut *Scio te amare vel amari. Cupio scire. Vereor facere. Opto videre diem illum. Malo manere quam abire. In his suppositum sive accusativus præcedens Me suppressitur, cum integra oratio sit, Cupio me scire, &c. Ita Lucretius secundum regulam dixit, Multa tibi me fingere possum. & Sallust. Omnes homines qui se student præstare cæteris ani-*

*animantibus.* Plaut. Epid. *Videor me vidisse eam prius*, pro quô figuratè dici solet: *Videor vidisse eam.* Idem Curcul. *Æsculapius mihi visus est cum ad me non adire*, pro quo ἑλλειπτικῶς dici solet: *Visus est ad me non adire*: Ita si dicam: *Servus videtur cunctari*, subauditur, *eum.* *Arbores videntur cadere*, subauditur, *eas*: ubi *eum cunctari*, valet idem quod nominativus *cunctator*: *eas cadere*, quod nominativus *Caduca* vel *Cadentes*, sicut ex secundâ regulâ paulô prius apparuit. Sed plerisque tamen figuratè, quam regulariter loqui magis placuit, maxime ubi infinitum substantivi nominis vim habet, ut *Sunt cantare pares*, pro, *à cantare* sive *à cantu*, quod ad *cantum* attinet. *Non mihi sunt vires inimicos pellerè*, pro, *expulsiōni inimicorum.* *Da mihi bibere*, pro, *potum.* *Disce tacere*, pro, *silentium.* *Eamus videre*, pro, *ad videre* seu *visum.* *Consilium cepit abire*, pro, *abitus.* *Cæptus est*, *desitus est*, idem est, quod *cæpit*, *desiit*. Hæc porrò Accusativum formalem aut virtualem regunt. *Cæptus est contemni*, vel, *cæpit contemni* valet, *capit contemptum sui*, *desiit videri*, sive *desitus est videri*, pro, *desiit visum* seu *opinionem.* Corn. Nepos Miltiad. *Hostes fore tardiores, si animadvertent audent adversus se tam exiguis copiis dimicare*, pro, *dimicationem audenti se intentari.*

#### Secunda.

Verbum infinitum sæpe habet nomen ap-  
po-

positum cum ejusdem verbi suppositô, id est, cum accusativô præcedente vel expressô, vel suppressô in casu consentiens, ut *Cupio me videri doctum*. Hic *doctum* appositum verbi infiniti *videri*, consentit in casu cum ejusdem verbi suppositô, id est, cum accusativô præcedente expressô, *me*. *Dixit daturum esse*. Hic *daturum*, appositum verbi *esse*, consentit in casu cum ejusdem verbi suppositô *se*, quod supprimitur. Sic *Licet vobis vos esse beatos*, vel *licet vobis esse beatos. Tibi expedit te esse bonum*, vel *tibi expedit esse bonum. Nocet mihi esse doctum*, vel *nocet mihi me esse doctum*. Sed Græcorum consuetudine dicitur: *Cupio videri doctus. Dixit daturus. Licet vobis esse beatis. Tibi expedit esse bono. Nocet mihi esse docto*.

## DE RECTIONE VERBI.

*Quotuplex est Rectio Verbi?*

Duplex: *Vera* scilicet & *Falsa*.

*Quotuplex est vera Rectio Verbi?*

Duplex: Alia enim in genere est Rectio verbi activi cujuscunque, sive finiti, sive infiniti: alia in specie est Rectio verbi activi infiniti præ nomine substantivô positi.

*Qua est regula vera Rectionis verbi activi cujuscunque?*

Omne verbum activum tam finitum, quam infinitum semper regit accusativum sive expressum, sive suppressum, sive verbô infinitô aut

aliâ oratione commutatum, ut *Disco literas. Veneror Deum* (nam verbum deponens est activum, quod priscam passivi significationem deposuit) *Vivo, dormio, gaudeo, jocor, curro*. In his subaudi accusativos *vitam, dormitionem, gaudium, jocum, cursum*. *Terra movit, nox cœlo præcipitat, illa jam lavit, nupsit viro, emersit ex malis, volventibus annis, annò vertente, res bene vertat, res bene habet*. In his omnibus supprimitur accusativus *se*. *Objecit mihi facere lenocinium, subaudi, me: & hæc oratio, Me facere lenocinium, vim habet accusativi. Desidero videre te, pro, desidero conspectum tuum. Cupio vivere, pro, vitam. Odi tuum vociferari, pro, tuum clamorem. Volo facere, pro, volo factum, quod ipsum in usu fuisse constat*. In his accusativus commutatus est verbò infinitò. Sic *volo obsecutum, pro, volo obsequi*. Af. n. a. i. f. i. *Dico tibi ne facias*. Hic verbum activum regit accusativum aliâ oratione commutatum, quomodo & in isto: *Hæc res facit me confidere, facit ut confidam, pro, facit me confidentem*. *Scio filium meum amare scorta, scio ut amet, quam amet, quod amet vel amat, pro, scio filii amorem scortorum*. Cic. *Ganymedem raptum, ut Jovi bibere ministraret, pro potum*. Sic *jussit mihi scribere, jussit mihi ut scriberem, pro, jussit mihi scriptionem*. *Vetas me queri, vetas mihi queri, vetas mihi ne querar, pro, vetas mihi questum seu querelam*. *Iter istud à tam multis celebrari miror, pro, Miror multorum cele-*



*celebrationem istius itineris. Cupio me videri doctum.* Hic oratio ista, *Me videri doctum*, posita est pro accusativô, quasi esset: *Cupio opinionem doctrina.* Terent. Adel. *Quod te purges, hujus non faciam*: Ubi Donatus, Figuratè, quod te purges, id est, purgationem tuam. Non necesse habeo me moneri. Hic *me moneri* positum est pro accusativô, quasi sit: *Non habeo monitum mei necesse*, sicut, *Non habeo auditores attentos*: nam *necesse* & *necessum* sunt adjectiva, quæ cum substantivô *monitum* vel *moneri* numerô & casu conveniunt. Vide Annotat. ad Syntaxin, ibique regulam secundam de Verbô.

*Qua est regula vera Rectionis verbi activi infiniti pro nomine substantivo positi?*

Verbum activum infinitum nominis locô positum, cumque participio in numero & casu consentiens, sive exprimatur, sive subaudiatur, aliàs genitivum regit, ut *nomen*, aliàs accusativum, ut *verbum*.

*Da exempla Genitivi, qui à verbô infinitô regitur.*

Cum dicimus, *Tempus est legendi*, subauditur *legere*, quod vim habet substantivi nominis in genitivo casu, quasi esset *lectus*, id est, *lectionis*, & hoc verbum infinitum suppressum cum participio convenit in numero & casu. Jam cum dicimus, *Tempus est legendi epistola*, genitivus *epistola*, regitur non à participiô *legendi*, sed à suppresso verbô infinitô *legere*, quod nominis vim habet: nam *Le-*

*gere bonum est*, idem significat ac *lectio bona est*. Similiter Latinè dicitur, *Tempus est legendi poetarum*, quia genitivus *poetarum*, regitur à suppressio verbo infinito *legere*, quasi dictum foret: *Tempus est legendi lectus Poetarum*, id est, *legenda lectionis poetarum*.

*Da exempla Accusativi, qui à Verbò Infinitò, pro nomine positò, regitur.*

Cum dicimus, *Nunc est bibendum*, subauditur *bibere*, quod vim habet substantivi nominis in nominativo casu & cum participiò convenit in numerò & casu. Jam cum dicimus, *Nunc est bibendum aquam*, accusativus *aquam* non regitur à participiò *bibendum*, sed à suppositò verbò *bibere*, quod nominis vim habet. Sic prisci dicebant, *pugnatum est pugnam*, subauditò verbò infinitò *pugnare*, quod regit accusativum *pugnam*. Sic *ardeo desiderio discendi literas*, suppressum est verbum infinitum *discere*, quod accusativum *literas* regit. *Tempus est legendi*, subauditur *legere*, quod vim habet nominis in genitivo casu. Ergo cum dicitur, *Tempus est legendi poetas*, accusativus *poetas* non regitur à participio *legendi*, sed à verbò infinitò suppressò *legere*. *Legendò fies doctus*, pro *in legendò legere*, id est, *in legendò lectu*, sive *in legendà lectione fies doctus*: Cum ergo dicitur, *Legendò libros fies doctus*: accusativus *libros* à suppressò verbò *legere* regitur. *Eo spectare ludos*, pro *ad spectare*, sive *ad spectatum vel spectationem*. Hic accusativus *ludos*

*dos* regitur à verbô infinito, quod nominis vim habet, cum ei præpositio addi possit, sicut Lucretius: *Ad sedare sitim fluvii fontesque vocabant.*

*Quotplex est falsa Rectio Verbi?*

Duplex: Alia est verbi finiti: ejusque vel substantivi, vel activi, vel passivi: alia verbi infiniti: ejusque vel gerundi, vel supini.

*Qua sunt regulae falsae Rectiois Verbi Substantivi?*

*Prima.*

Verbum substantivum significans idem, quod *pertinere*, genitivum regit, ut: *Quod medicorum est promittunt medici.* Sed falsum est hunc genitivum regi à verbo *est*, cum regatur à nomine substantivo suppresso, quod est *negotium*. Sic *Judicis est verum sequi*, subaudi, *officium*. *Vincere hostes laboris est.* *Hoc facere moris est*, subaudi *res*. Est autem apud Latinos & Græcos *res laboris*, idem quod *labor*, *res moris*, idem quod *mos*.

*Secunda.*

Verbum substantivum formam aut qualitatem alicui inesse significans, genitivum vel ablativum regit, ut: *Abrotanum est jucundi odoris.* *Homo est antiqua virtute.* Sed falsum est istos casus à verbo substantivo regi, cum genitivus semper à nomine substantivo, ablativus

vus semper à præpositione regatur. Ergo *Abrotanum* est jucundi odoris, subaudi, herba, à quo genitivus regitur. *Est* majoris animi quam consilii, subaudi, homo. *Est* honestâ facie, antiquâ virtute, subaudi, cum. *Vitium* est triste habitum, pro, ab habitu, id est, quod ad habitum attinet.

*Quæ sunt regulae de falsâ Rectione Verbi Activi?*

*Prima.*

Verbum activum regit duos accusativos, alterum personæ, alterum rei, ut: *Poscimus te pacem, doceo te artes, hoc te moneo, rogo, interrogo, condono te hoc argentum, sine te hoc exorem.* In his omnibus falsum est accusativum rei à verbo activo regi, cum regatur à præpositione Græca κατὰ, id est, ad, circa, juxta vel secundum, quæ tamen Græcorum imitatione supprimitur. Regit quidem sæpe verbum activum duos accusativos, sed ita, ut unius accusativi vim habeant cum verbo esse, quod subauditur. Tota oratio, *Te esse virum*, ponitur pro Accusativo, ut *Presta te virum, Deum vocamus patrem, Cepimus te arbitrum, Dedit agrum dotem.*

*Secunda.*

Verbum activum significans motum ad locum, nomina *urbium, domus & ruris* in accusativo regit, ut: *Scripti Romam, ibo Neapolim,*

*lim, rus se abdidit, domum tendo.* In his falsum est accusativum à verbo regi, cum regatur à suppressâ præpositione *ad* vel *in*.

*Tertia.*

Verbum activum regit accusativum nominum, quæ spatium loci aut temporis significant, ut : *Abest iter unius diei. Cælum patet tres ulnas. Ne transversum quidem unguem ab officiò discedere. Triennium hinc abest. Fuimus unà duas horas.* In his falsum est accusativum à verbo regi, cum regatur ab aliquâ præpositionum suppressâ, ut *ad, ante, circa, per.*

*Quæ sunt Regula de falsâ Rectione Verbi Passivi?*

*Prima.*

Verbum passivum regit accusativum rei ex duobus illis accusativis, qui ab activo reguntur, ut : *Doceris artes, moneris utilia, poscor pecuniam.* In his falsum est accusativum à verbo regi, cum à præpositione Græcorum more suppressâ regatur, ut in regulâ primâ de *Rectione activi* dictum est.

*Secunda.*

Verbum passivum regit ablativum cum præpositione à vel *ab*, rem agentem significante, ut : *amor à te, pro, tu amas me.* Sed falsum est ablativum à verbo regi, cum regatur à præpositione suâ : falsum quoque est, præ-

positione rem agentem significari, cum à vel ab, nihil hic aliud significet, quam *Ex parte, hinc, istinc, illinc. Amaris à me*, id est, *ex parte meâ amaris, hinc amorem habes, amaris quod ad me attinet.*

### Tertia.

Verbum passivum regit dativum, qui rem agentem significet, ut : *Non cernitur ulli, visus est mihi.* Sed falsum est, dativum ab ullo verbo aut nomine, aut particulâ regi, etsi cuivis orationi adjungi potest ad significandam acquisitionem, commodum aut incommodum. Itaque similiter per activum verbum dicemus. *Nullus enim sibi cernit, id est, nulli conspicuus est. Video illum mihi. Audivimus nobis sermonem illius. Hoc nobis non probas. Dixi te mihi. Non omnibus dormio.*

### Quarta.

Verbum passivum regit accusativum cum præpositione per rem agentem significante, ut : *Res agitur per illum, pro, ille rem agit.* Sed falsum est accusativum regi à verbo, cum regatur à præpositione : falsum etiam est præpositione significari rem agentem. Similiter enim in activo dici potest, *Ego per te rem agam.* Ubi per significat instrumentum, alibi significat idem quod Græcè *κατὰ*, ut *Per me quidem sint ista vera, pro, quod ad me attinet. Prodi per Domitium, pro, à Domitio, à parte*  
Do-

*Domitii, quod ad Domitium attinet. Per hanc cœnam tibi incœnato esse licet, id est, quod ad hanc cœnam attinet.*

*Quæ sunt regulae de falsa rectiōe Gerundi?*

*Prima.*

Verba gerunda in *di* vel in *do* exeuntia regunt accusativum expressum vel suppressum, ut: *Ardeo desiderio discendi literas. Defessus sum legendo libros. Teneor cupiditate vivendi, subaudi, vitam.* Sed hæc rectio falsa est, partim quia nulla sunt verba gerunda, cum nec tempus, nec personam habeant; partim quia isti accusativi reguntur à suppresso verbo infinito, nominis vim habente, quasi dictum foret: *Ardeo desiderio discendi discere literas. Defessus sum in legendo libros. Teneor cupiditate vivendi vivere.* Sicut in *Discitur*, subauditur, *discere*, in *Legitur*, *legere*, in *Vivitur*, *vivere*.

*Secunda.*

Verba gerunda in *dum* exeuntia regunt accusativum, ut: *Petendum est pacem. Bibendum est aquam. Legendum est poëtas.* Sed hæc rectio falsa est, cum ista in *dum* non sint verba, sed participia, cum quibus verbum infinitum suppressum, nominis vim habens, in casu & numero concordat, quasi dictum foret: *Petere*

*pacem petendum est. Bibere aquam bibendum est. Legere poëtas legendum est.*

*Qua est regula de falsa Rectione Verbi Supini?*

Verbum supinum cum verbis motum ad locum significantibus accusativum expressum aut suppressum regit, ut : *Eo visum ludos. Gratias actum nos Senatus misit. Dedit filiam nuptum*, subaudi, *se*, ut *se nubat*, sive *caput velet viro suo*. Sed falsum est ista esse verba, cum sint nomina quartæ declinationis accusativi casus, & regantur à præpositione *ad* suppressâ. Regunt autem nomina verbalia accusativum, velut verbi sui casum, ut supra de *Nominis Rectione* demonstratum est.

## DE

## SYNTAXI PARTICIPII.

*Qua est Regula de Concordiâ Participii?*

Omne participium cum substantivo nomine expresso, aut suppresso, aut verbô infinitô vel aliâ oratione commutatô, in generis terminatione, numerô & casu concordat, ut: *Hic homo vigilans somniat: Venturô Cesare Roma trepidat. Pausanias à suis mori coactus est. Legendô Virgiliô fies poëta. Credendum est Ciceronem fuisse virum optimum. Hic nomen substantivum commutatum est hac oratione. Ciceronem fuisse virum optimum. Nunc est bibendum*, subaudi, verbum infinitum *bibere*, quod substantan-



stantivi vim habet in nominativo. *Pugnatum est*, subaudi, *pugnare*, quod est locô substantivi. *Catoni fuit moriendum*, subaudi, *mori*. *Tempus est legendi*, subaudi, *legere*, sic *libertas loquendi*, subaudi *loqui*. Propert. *Sit modo libertas qua jubet ista loqui*. Ita *consilium cepit abeundi*, subaudi, *abire*. Quod pro genitivo substantivi nominis ponitur: *Charta inutilis scribendo*, subaudi, *scribere*, quod est locô nominis in dativo, quasi esset: *Inutilis scribende scriptura*. *Locus amplissimus ad agendum*, subaudi, *agere*, id est, *actionem*. *Legendô fies doctus*, subaudi, *legere*, quod vim habet nominis in ablativo.

*Quotuplex est Rectio Participii?*

Duplex; *Vera* scilicet & *Falsa*.

*Qua est regula vera Rectio Participii?*

Omne participium regit casum verbi, à quo derivatur, sive expressum, sive suppressum, sive verbo infinito aut aliâ oratione commutatum, ut: *Homerus sceptrâ poetarum potitus*: nam *Potior hanc rem veteres dicebant*. *Dona daturus regi occurrit*. *Adulantem omnibus*, & *adulantem omnes videmus*. Dicimus enim *Adulator tibi*, subaudi, *adulari*, vel *adulationem*.

*Qua sunt regula falsa Rectio Participii?*

*Prima.*

Participia in *Dus* desinentiâ genitivum singularem & pluralem regunt locô accusativi, quamvis ipsa sint singularis numeri, ut: *Qua fuit causa collocandi siderum*. Non est nunc tem-

pus

*pus videndi luna.* Hos genitivos falsum est regi a participio, cum regantur à suppresso verbo infinito nominis vim habente, quasi dictum foret: *Causa collocandi collocare siderum, sive collocandi collocamenti, vel collocanda collocationis siderum. Non est tempus videndi videre luna, sive videndi visus luna. Jesuitas tenet libido speculandi natium puerilium, cadendi puerorum.*

*Secunda.*

Participia quædam vel nullum casum, vel à verbi casu differentem regunt, ut: *Laureatus, Tunicatus, Ocreatus. Populabundus agros. Vitabundus hostes. Amans uxoris. Alieni appetens.* Sed falsum est ista esse participia, cum sint nomina participalia, quorum alia terminationem tantum cum participiis communem habent, alia ex participiis facta, sunt nomina aliud significantia, quod quidem fit aut *Constructione*, ut *Appetens alieni*: aut *Comparatione*, ut *Doctior, amantior, comitator*: aut *Compositione*, ut *Indoctus, indiligens.*

## D E S Y N T A X I PRÆPOSITIONIS.

*Qua est regula Concordia Præpositionis?*

Præpositiones compositivæ cum aliis præpositionibus, item cum adverbiiis, conjunctionibus, verbis & nominibus ita conveniunt,  
ut

ut in unam cum illis vocem coalescant. Et harum quidem octo sunt *Loquelaes*, quæ extra compositionem loquelæ tantum, sed nullius significationis sunt. *Significativa* verò quinquaginta quatuor, quæ extra compositionem habent propriam significationem, de quarum usu Annotationes videantur pag. 19. & seq.

*Quotuplex est Rectionis Præpositionis?*

*Triplex*: Alia scilicet earum præpositionum, quæ præponuntur accusativo, alia earum quæ ablativo, alia dubiarum, id est earum, quæ utrique.

*Qua est regula Rectionis Præpositionum cum Accusativo?*

Præpositiones sequentes viginti sex adsciscunt accusativum. *Ad*, *apud*, *ante*, *adversus* vel *adversum*, *cis*, *citra*, *circa*, *circum*, *contra*, *erga*, *extra*, *inter*, *intra*, *infra*, *juxta*, *ob*, *pone*, *penes*, *per*, *post*, *propter*, *preter*, *supra*, *secundum*, *trans*, *ultra*. *Supra* cum Ablat. Lucret. 6. *Multaque humi cum inhumata jacerent corpora supra Corporibus.*

*Qua est regula Rectionis Præpositionis cum Ablativo?*

Præpositiones quindecim sequentes adsciscunt sibi ablativum. *A*, *ab*, *abs*, *absque*, *coram*, *cum*, *de*, *e*, *ex*, *foras*, *pra*, *pro*, *palam*, *sine*, *tenus*.

*Qua est regula Rectionis Præpositionum dubiarum?*

Præpositiones quinque. *In*, *sub*, *super*, *subter*

ter & clam, aliàs accusativum, aliàs ablativum sibi adsciscunt.

*Quando In regit Accusativum?*

Primò, cum significat motum seu transitum, ut: *Via ducit in urbem. Hanc mihi dat in manum.* Deinde cum actio differtur, ut: *In diem est, quod minaris. Prasens in tempus rem hanc omitte. Precor ut in hunc & plures annos vivas.* Postremò cum accipitur pro erga vel contra, ut: *Pius in patrem, Ingratus in præceptorem.*

*Quando In regit Ablativum?*

Cum significat aliquid in loco fieri, ut: *In portu navigo.*

*Quando Sub regit Accusativum?*

Cum significat motum, vel idem quod post aut circa, ut: *Sub terras ibit imago. Sub galli cantum. Sub eas literas recitata sunt tua.*

*Quando Sub regit Ablativum?*

Cum quietem significat, ut: *Sub pedibus, sub arbore, sub iudice.*

*Quando Super regit Accusativum?*

Cum significat motum, ut: *Columnam super tumulum statui voluit.* Virgilius tamen in quiete significandâ utitur. *Famâ super aethera notus.* Et Propert. *Et gravis ipse super libera colla sedet.*

*Quando Super regit Ablativum?*

Cum significat quietem, vel idem quod de, ut: *Fronde super viridi. Hac super re ad eum scribam.*

Quan-

*Quando Subter regit Accusativum?*

Cum sive motum, sive quietem significat, ut: *Plato iram in pectore, cupiditatem subter precordia locavit*, pro, *sub precordiis*; *infra precordia*. *Subter pineta Galefi*, pro, *sub pinetis*. *Et subter captos arma sedere duces*. *Lucr. 6. de arboribus*. *Si quis eas subter jacuit, prostratus in herbas*.

*Quando Subter regit Ablativum?*

In oratione poetica tantum, ut: *Subter densa testudine*.

*Quando Clam regit Accusativum & Ablativum?*

Apud priscos magis accusativum regebat, ut *Clam uxorem*: apud recentiores ablativum, ut: *Clam patre*. Plautus eo ut adverbio utitur, eique dativum jungit. *Milit. Meretricem moneri quam magni referat, mihi clam est*, pro, *mihi occultum est*.

## D E

## SYNTAXI ADVERBII.

*Quæ sunt Regulae de Concordiâ Adverbii?**Prima.*

Adverbia interrogandi interrogativè posita primis verbi temporibus (quæ vulgo *Indicativi* modi dicuntur) magis consentiunt, indefinitè verò posita, magis secundis, sive *subjunctivi* modi temporibus, ut: *Ubi est? Dic ubi*

ubi sit. Unde venis, quo pergis, qua ibis, cur taces? Unde venias cedo, quo pergas nescio, qua iturus sis scire cupio, cur taceas intelligo.

### Secunda.

*Antequam & Priusquam* indifferenter primis & secundis temporibus consentiunt, ut *Antequam* pro illo dicere instituo, pro me pauca dicam. *Bibe priusquam* abis, vel abeas. *Antequam* moreretur, vel moriebatur, deliravit.

### Tertia.

*Ut*, tempus significans, *postquam*, primis temporibus consentit, ut: *Is ut me salutavit, statim profectus est.* Verum *Ut*, non minus hic, quam semper aliàs, similitudinem significare rectius dixeris. Itaque ei respondet sic, vel ita. Lucret. 3. *Tu quidem ut es letò sopitus, sic eris avi Quod superest cunctis privatu doloribus agris.* Livius 21. *Saguntini ut à praeliis quietem habuerunt per aliquot dies, ita non nocte, non die umquam cessaverant ab opere.*

### Quarta.

*Ut*, similitudinis pro *quomodo*, primis & secundis temporibus consentit, ubi tamen accedit causæ significatio, tantum secundis, ut: *Has ambas, ut dixi, ita oportet esse liberas. Ille ut erat lenà amictus, ita venit in concionem. Ei te commendavi, ut gravissimè potui. Hera rogat, ut ad se venias, id est, ita te rogat, ut venias,*

Et propter hanc causam te rogat, ut venias. Vereor ut placari possit, id est, quomodo possit. Ut illum Diiperdant, subaudi, ita precor. Hoc negotium, ut ego absim, confici potest, pro, esto ita, fac ita, da vel pone ita, ut ego absim. Antiqui tamen etiam ubi causa significabatur, Ut promittit primis & secundis temporibus adjungebant, ut: Jam faxo hic erit, & faxo hic sit. Ego faxo scies, pro, ita faxo, ut scies. Et faxe scias. Faciam cavebunt, qui audierint, pro, ut caveant, id est, ita faciam quomodo cavebunt.

## Quinta.

Ne, cum Ut sive expressio, sive suppressio, secundis temporibus semper consentit, idemque quod non significat, ut: Opera datur, ut iudicia ne fiant. Quid facias, prius cogita, ne mox facti te poeniteat, pro, ut ne, id est, ut non poeniteat. Vereor ne pater hoc resciscat, pro, ut ne. Timeo ne non impetrem, pro, timeo ut ne repulsam feram. Vereor ne me nolit dimittere, pro, ut non velit me dimittere, sive, ut ne velit me retinere.

## Sexta.

Ne, vetantis vel dissuadentis, semper consentit secundis & tertiis, sive subiectivi & imperativi temporibus, ut: Ne nega. Tu ne cede malis. Istuc ne dixeris. Nam solæcismus est, Non dixeris.

H

Septi.

## Septima.

*Non*, vetantis vel dissuadentis, tantum primo futuro consentit, ut: *Non negabis. Non dices.* Nam Solæcismus est, *Non nega. Non dic.*

## Octava.

*Quin*, jubentis vel hortantis, primis & tertiis temporibus consentit, secundis numquam, nisi pro immo ponatur, ut: *Quid stas, quin accipis? Quin tu hoc audi.* Solæcismus erit, si hortaturus dicat: *Quin tu me audias. Quin accipias.*

## Nona.

*Utinam* & *Si optantis*, semper secundis temporibus consentit, ut: *O si essem tecum. Utinam ita sit. Utinam viveret.*

*Qualis est Rectio Adverbii?*

Vera adverbii rectio nulla est, cum ab adverbio nullus casus regatur: Falsa tamen rectio est quintuplex secundum quinque casus, qui ab adverbio regi falsò putantur.

*Da exempla Adverbiorum, qua falsò putantur regere Nominativum.*

*En Priamus. En quatuor ara. Ecce homo. Ecce nova turba.* In his falsum est nominativum regi ab adverbio, cum pertineat ad verbum aliquod suppressum, verbi gratia, *Sum, es, adest, venit, exoritur.*

*Da*



*Da exempla Adverbiorum, quæ falsò putantur regere Genitivum.*

*Satis eloquentia. Sapientia parum. Terrorum & fraudis abundè est. Auxiliorum affatim erat.* Varro 1. c. 4. *Volucres minus habent terreni, minus humoris, caloris temperatè, & aëris multum.* In his genitivus non regitur ab adverbio, sed à suppresso nomine substantivo, quod est *res* vel *negotium*. Latinè enim dicitur, *Res auxiliorum*, pro, *auxilia*, *Res fraudis*, pro, *fraus*, *Res cibi*, pro, *cibus*.

*Unus Plato est instar omnium.* Hic verum est genitivum regi ab *instar*, sed falsum est *instar* esse adverbium, cum sit nomen substantivum, significetque similitudinem, imaginem.

*Virtutis ergò aliquem donare. Illius ergò hæc venit.* Hic ergò est nomen substantivum ablativi casus à Græco ἐργον, quod significat opus, vel id, *cujus vi aliquid factum est*. Ita *Virtutis ergò donatus*, significat *virtutis hoc opus esse, virtutis opere, seu propter virtutem factum esse ut donaretur*. *Illius ergò veni*, id est, *illius opere factum est, sive, ille fecit, aut causa fuit, ut venirem, propter illum veni*.

*Ille omnium oratorum elegantissimè loquitur.* Hic genitivus non ab adverbio, sed à nomine suppresso regitur, subauditur enim *Ex numero*.

*Partim eorum in pompa, partim in acie illustres esse voluerunt.* Hic *partim* non est adverbium, sed nomen accusativi casus, pro *par-*

tem, & subauditur præpositio Græca *κατά*, id est, *ad vel secundum*, quod barbarè dicitur *quoad*. Sic Oratio nostra magnam partim, seu partem, ex jambis constat, pro, *ad magnam partem*, à magnâ parte, quod ad magnam partem attinet. Versus partim jambis, partim trochæis constans, pro, *ad unam partem ex jambis, ad alteram partem ex trochæis*. Subaudiri quoque potest in, ut Plaut. Aſin. *Age tu nunc in partem hunc delude*, pro, *partim, quod ad tuam partem attinet: nam ego meam partem jam satis eum deluſi*.

*Eo consuetudinis adducta reſerât*. Hic eo non est adverbium, sed accusativus pluralis antiquus pro *ea*, sicut *duo, ambo*, & subauditur *negotia*. Est autem *Negotia consuetudinis*, idem quod *consuetudo*. Ita *Huc malorum ventum est*, pro *ad hoc* (prisce *huc*) *negotium malorum ventum est*. Val. Max. 3. c. 2. 11. 6. *Huc necessitatis deductus*. *Res mali vel Negotium mali*, idem est quod *malum*.

*Pridie ludorum. Poſtridie ejus diēi*. In his latent nomina, quia *pris* antiquis significabat præcedens. Unde *prior* & *primus*, *poſter* vel *poſternus* (unde *poſterior* & *poſtremus* seu *poſtumus* aut *poſtimus*, sicut *extremus* & *extimus*, vel *extimus*) idem valet, quod *ſucceſſor*: Ergo *Pridie ludorum*, est *in die præceſſore ludorum*. *Poſtridie ejus diēi*, valet *in die ſucceſſore ejus diēi*. Prisci dicebant, *Poſter* & *Poſtris*, sicut *Sacer* & *Sacris*.

*Fratrem nuſquam inveni gentium. Abest lon-*

*gè gentium. Ubi terrarum es. Tunc temporis.* In his genitivi non reguntur ab adverbio, quia ad orationem non pertinent, sed ad legitimam constructionem superant sive abundant. Est ergo hæc *Syntaxis Irregularis seu Figurata*, diciturque *Pleonasmus* aut *Parecon*, de quo infra.

*Da exempla Adverbiorum, quæ falsò putantur regere Dativum.*

*Natura convenienter vivere.* Sed hic dativus à nullò regitur, tantum jungitur cum verbò, ut sit *Vivere natura*, sicut *Vivere sibi & amicis*. Plaut. *Pœn.* *Patrem & matrem vellem viverent tibi.* Adverbium postea modum verbi significat, quomodo scilicet naturæ vivat, nempe convenienter.

*Da exempla Adverbiorum, quæ falsò putantur regere Accusativum.*

*Propius urbem castra movit.* Liv. 2. *Hoc propius fidem est.* & l. 4. *Hoc propius vero est. Proxime Italian.* Sed hi accusativi reguntur à suppressâ præpositione *ad*. Sic *Cum Brundisium versus ires, Aretium versus castra movit*: subaudi *ad*. *Pridie Nonas*, subaudi, *ante*. Sicut *pridie constitutum diem*. Justin. l. 2. *Postridie ludos*: subaudi, *post*. *Circiter meridiem, Tharsum usque profectus*, subaudi, *ad*.

*Da exempla Adverbiorum, quæ falsò putantur regere Ablativum.*

*Procul mari, procul patriâ, procul dubiò.* Sed hi ablativi reguntur à suppressâ præpositione *à*.

*Quantò doctior, tantò melior.* Hic subauditur à negotiò: nam eò, quò, tantò, quantò, multò, paulò, sunt nomina sexti casus. Sicut *Multis rebus te melior*, significat à multis rebus, quod ad multas res attinet, similiter à multò negotiò, vel multò negotiò, & per duplicem Ellipsin multò melior rectè dicitur: quò ipsò sensu dici potest, *Multum melior*, pro, in multum negotium, sicut Plinius: *Columbarum volatus in multum velocior*, pro, à multò, vel multò velocior. Et Livius: *Forma viri aliquantum amplior humanà*, pro, in aliquantum, ab aliquantò, aliquantò. Dictys 2. de bello Trojano: *Nostros multorum dierum navigatione in aliquantum exhaustos.* Versus naturà participium est, usurpatione Adverbium. Curtius extremo l. 7. *Duo oppida ad meridiem versa, quatuor spectantia orientem.* Cæsar 7. bell. Gall. *Castra movet in Arvernus versus.* Liv. 2. *In lapide ad meridiem versus confedit.*

## D E S Y N T A X I C O N J U N C T I O N I S.

*Quæ sunt Regula de Concordiâ Conjunctionis?  
Prima.*

*Et si, etiamsi, quamquam, ni, nisi, si & siquidem*, promiscuè cum primis & secundis verbi temporibus consentiunt, id est, cum Indicativo, Optativo, & Subjunctivo, ut *Et si*  
ve-

verror. *Quamquam* conspectus vester mihi est iunctissimus: Tamen si vicisse debeo, tamen de iure mea decedam. Præposteros habes tabellarios, etsi me quidem non offendunt, sed tamen, &c. *Quamquam* apertè Volcatio assentirentur. Quare velim, etsi (ut spero) te hac legente aliquantulum via proceßero, tamen obvias mihi literas mittas. Etiam si quod scribas, non habebis, scribito tamen. Omnia breviter tolerabilia esse debent, etiam si maxima sint. Nisi restituissem statuas, vehementer bis minatur. Ortum amicitie videtis, nisi quid adhuc fortè vultis. Nisi sequitur, pugnosingere. Palam beatus, nisi unum desit. Si illum relinquo, ejus vita timeo. Tu si hic sis, aliter sentias. Herus si redierit, molendum in pistrino. Qui istuc sois, nisi periculum feceris. Siquidem atrocius est patrie parentem, quam suum occidere. Siquidem mihi regnum detur, numquam id potius persequar. Plaut. Pœn. a. 1. s. 2. Siquidem ante mentitus sit, nunc autem dehinc erit tibi verax.

## Secunda.

*Quom* aut *quum* aut *cum*, tempus aut causam significans, primis & secundis temporibus convenit, ut *Cum* lego, *cum* legam: *cum* legebam, *cum* legerem: *cum* legi, *cum* legerim: *cum* legeram, *cum* legissem: *cum* legam, *cum* legero. Multa tibi dii dent bona, *cum* me salvum esse vis. Lauda te, *cum* id das operam, ut doctus evadas. Gratulor tibi, *cum* tantum valet apud Principem. *Cum* animum ejus à me alienum

num sentiam, cur ad eum accedam. Anniplures sunt, cum hoc accidit. Sciendum tamen quom naturâ suâ esse nomen accusativi casus à quis, velut in Annotationibus in Paradigmata monui.

### Tertia.

Quòd, si vè causam reddat, si vè cum reliqua oratione accusativi vim habeat, promiscuè primis & secundis temporibus convenit. Causam reddit in istis: Idcirco turpis hac culpa est, quod avarus sanctissimas res violat, id est, quoniam violat. Mihi quod defendissem ejus inimicum, leniter succensuit. Accusativi vè ò cum reliquâ oratione vim habet hoc modò. Plaut. Scio quòd filius meus amet, pro scio filium meum amare, scio amorem filii mei; Idem: Scio quòd dictura es hanc esse pauperem, pro: scio te dicturam esse. Cicero: Cum scripsisset quòd me cuperet ad se venire, pro: scripsisset se cupere me venire. Livius. Non ignoratis, quòd duo fulmina domum meam perculerint. Fuscus Arellius apud Senecam, Probabo, quòd non sit pudica, pro: non esse pudicam: quod loquendi genus velut lectius & elegantius veteres magis probarunt. Sciendum tamen est quòd ex natura sua semper nomen relativum esse, sicut & quom seu cum, in iisque prepositionem subaudiri, cum usu fiunt particulæ, quasi sit, Ad vel ob id nomen seu negotium quòd; Ab eo vel ex eo nomine, seu negotio quòd.

Quar-

## Quarta.

*Quia* primis & secundis temporibus convenit, ut: *Eo ferox es, quia imperium habes in belluas. Illum nunc amo, quia non adest. Nemo est, qui dolorem ipsum, quia dolor sit, amet.*

## Quinta.

*Quoniam*, primis & secundis temporibus convenit, ut: *Quoniam* quæ nos scribimus, te delectant. *Quoniam* id quod vis fieri non potest, velis id, quod possit. *Quoniam* ipse venire non posset, fratrem misit, pro, *quoniam* non poterat. Est autem *Quoniam*, usu factum unum vocabulum, cum prius essent duo: *Quom jam* sive, *Cum jam*.

## Sexta.

*Quin*, pro *ut non*, semper secundis temporibus convenit, ut: *Dies nullus est quin domum meam veniat. Facere non possum, quin ad te mitam. Numquid causa est, quin te in pistrinum condam. Factum est autem quin ex qui ne, pro, qui non, seu qua non, quò modò non, cur non.*

*Qua est regula Reclionis Conjunctionum?*

Conjunctiones copulantes & disjungentes, item *an*, *nisi*, *quam*, ad eandem vocem relationis, vi vocis illius adscitunt sibi casum præcedenti expressio aut suppressio similem.

*Da exempla Casus expressi.*

*Mittam vel Animum vel Circaos. Hic con-*

H 5

jun-

junctio disjungens relata ad vocem *ad*, vi illius vocis regit accusativum: nam integra oratio est: *Vel ad Antium, vel ad Circaos. Parum confidis aut liberalitati meae, aut amicitiae nostrae.* Hic conjunctio regit dativum vi verbi *confidis*, cui dativus jungitur, quasi esset: *aut confidis amicitia.* Et *decretis & responsis Caesaris interfuimus.* Hic conjunctio copulans regit casum vi verbi *Interfuimus*, quasi esset: *Interfuimus decretis & interfuimus responsis.* *Homo antiqua virtute & fide, pro, cum virtute & fide. A nullo probari malo, quam a te, pro, quam probari a te. Quem Senatus, nisi me, nationibus commendavit? Refert qui audiant, Senatus, an populus, an iudices.*

*Da exempla casus suppressi.*

*Malo Panormi, quam Syracusis esse, pro, in urbe Panormi, quam in Syracusis. Emi drachma & pluris, pro, emi pro drachma & pro pluris ariis pretio. Domi quam rure esse malo, pro, malo esse in adibus domi, quam in rure.*

## DE SYNTAXI INTERJECTIONIS.

*Qualis est Syntaxis Interjectionis?*

Interjectionis nulla est Syntaxis, id est, nec concordia ulla, nec rectio, quoniam cum cetera oratione non coheret, sed tantum ad significandum quemdam animi motum interponitur, qui motus facit, ut saepe verba ad  
ora-



orationis integritatem necessaria supprimantur, ut *O vir fortis*, pro, *O quam es vir fortis?* *O me miserum*, pro, *O quam miserum me sentio.* *Va tibi*, subaudi *sit.* *Va te*, subaudi, *maneant*: nisi tamen *te* pro *tibi*, sicut *me* pro *mihi* positum arbitrabimur, quod veteres consuevisse Festus & Donatus testantur, *Hei*, vel *Heu mihi!* subaudi, *est.* *Proh dolor*, id est, *proh quantus mihi ex eo dolor est!* *Proh Sancte Jupiter!* id est, *proh fidem tuam implero Jupiter!*

## D E

## SYNTAXI IRREGULARI

## Seu Figurata.

*Quid est Syntaxis Irregularis seu Figurata?*

Est compositio inter se partium orationis consentanea consuetudini bene loquentium, etsi à regulis Syntaxeos alienior.

*Quotuplex est Syntaxis figurata?*

Duplex: *Vernacula* scilicet seu *Domestica*, & *Peregrina*, seu *Transmarina*, aut *Græcanica*, quæ *Hellenismus*, vel *Gracismus* dicitur.

*Quid est Syntaxis Figurata Vernacula?*

Consentanea nativæ Romanorum consuetudini, quam penes arbitrium est, & jus, & norma loquendi. Itaque qui sequitur regulas neglectâ consuetudine, loquetur Grammaticè, sed non Latinè: qui verò sequitur consuetudinem neglectis licet regulis, loquetur Latinè.

Quod

*Quotuplex est Syntaxis Figurata Vernacula?*

Quadruplex: nam artis regulæ negliguntur vel per *Exsuperantiam*, cum aliquid in oratione superat vel superfluit, diciturque *Pleonasmus* aut *Parecon*: vel per *Defectum*, cum aliquid in oratione deest, diciturque partim *Ellipsis*, partim *Zeugma*: vel per *Discordiam*, cum in oratione dissensus est, diciturque *Syllepsis*: vel per *Ordinem inversum* seu *turbatum*, diciturque *Hyperbaton*.

## DE PLEONASMO.

*Quid est Pleonasmus vel Parecon?*

Est figura Latinæ consuetudinis, per quam aliquid ad legitimam constructionem additur, sive superest, vel abundat, ut: *Agedum, ageris, dictum, dictis, iteradum, pro, Age, dic, itera. Commigravit huc vicinia. Proxime vicinia habitat.* In his abundat vox *vicinia*. Ita supervacui & otiosi sunt genitivi in istis: *Interea loci, ubi locorum, longè gentium, nusquam gentium, minimè gentium, ubique terrarum, tunc temporis. Ejus, abundat in hoc, Quoad ejus fieri potest. Magis, parecon & otiosum est in istis: Magis beatior, magis major. Et potius cum malle. Cic. Casum potius, quam te laudari mavis. Tandem, supervacuum est in istis: Nimis iracundè hercle tandem, heus tibi dico in. Itane tandem uxorem duxit Antipho?*  
Pleo-

*Pleonasmus* etiam est cum simul in eâdem periodô ponuntur, *Sicut. sic, sicut, ita: similiter, iidem, ut: prius, antequam: postquam, post. praterquam, praterea. tamenetsi, seu tamenetsi, tamen. si, quando. ubi, quando. ergo, igitur. itaque, ergo. en, ecce. post, deinde. ex-templo, simul. saltem, modo. quia, enim. quippe, quia. quidem, certe. olim, quondam. totus, perpetuus. universi, omnes. ambo, duo. quod in idiotismo Italico hæsit. Plaut. Amph. act. 3. sc. 3. Jam hi ambo servus & herus frustra sunt duo. Etiam is abundat in hoc Pœn. act. 5. sc. 2. Pater tuus is erat frater patruelis meus, pro quo aliter recte dicas: *Pater tuus idem erat frater meus. Sin minus est Pleonasmus, nam Minus est non, & Sin est Si non. Ideo per Pleonasmum dicitur, cum eo per Ellipsin dicatur, pro eô nomine. Pleonasmus est Atque ut in comparatione parium. Plaut. Milit. Simile somnium somniavit, atque ut tu suspicatus es.**

## DE ELLIPSI.

*Quid est Ellipsis?*

Et figura Latinæ consuetudinis, per quam ad legitimam constructionem deest vocabulum unum aut plura.

*Quotplex est Ellipsis?*

Quadruplex: Alia scilicet est *Nominis*, alia *Verbi*, alia *Præpositionis*, alia *Adverbii & Conjunctionis*.

EL

## ELLIPSIS NOMINIS.

*Quotuplex est Ellipsis Nominis?*

Duplex: nam vel *Idem* nomen deest, vel *Aliud*.

*Qualis est Ellipsis cum deest Idem nomen?*

*Idem* nomen deest, si post verbum substantivum (*Sum, es, est,*) sequatur adjectivum aut genitivus, ut: *Hoc est pecus regium* vel *regis*. Deest *idem* nomen *pecus*, quod prius erat positum: integra enim oratio secundum regulas est, *Hoc pecus est pecus regis* vel *regium*.

*Quotuplex est Ellipsis cum deest aliud Nomen?*

Duplex: nam deest vel *Cognatum* nomen, vel *Alienum*.

*Quotuplex est Ellipsis Nominis Cognati?*

Duplex: nam deest vel *Nominativus cognatus*, vel *Accusativus cognatus*.

*Ubi deest Nominativus Cognatus?*

In verbis illis, quæ ineptè vulgo *Impersonalia* vocantur, ut: *Curritur, sedetur, statur, vivitur, evenit*: nam deest ac subauditur, *cursum, sessio, status, vita, eventus*. Sic *Pluit pluvia: Ningit nix: lucefcit lux: Miseret misertio: tadet tadium: pudet pudor: piget pigritia: pœnitet pœna*.

*Ubi deest Accusativus Cognatus?*

In verbis activis, quæ imperitè vulgo *Neu-*

*tra* aut *Absoluta* dicuntur, ut: *Vivo*, deest *vitam*: *curro*, *cursum*: *sedeo*, *sessionem*: *ambulo*, *ambulationem*: *servio*, *servitutem*: *certo*, *certainem*. *Eo iter* sive *itam*.

*Quotuplex est Ellipsis nominis Alieni?*

Duplex: *Solitarii* scilicet & *Confociati*: nam vel unum solum nomen deest, vel cum nomine aliæ simul voces.

*Quotuplex est Ellipsis nominis Solitarii?*

Duplex: *Suppositi* scilicet & *appositi*, sive *precedentis* & *consequentis*.

*Quotuplex est Ellipsis nominis Suppositi?*

Triplex: *Nominis* scilicet, *Verbi* & *Præpositionis*: nam nomen quod deest, vel nomini, vel verbo supponitur, vel præpositioni.

*Quotuplex est Ellipsis in quâ deest suppositum Nominis?*

Duplex: nam vel *nominis regentis suppositum* deest, hoc est, *Substantivi*, vel *nominis concordantis*, hoc est, *Adjectivi*.

*Qualis est Ellipsis in quâ deest suppositum Substantivi?*

*Ædes*, deest cum dicimus *domi*: nam hic genitivus *domi*, supponit nomen substantivum *ades*, à quô regitur. Plautus *Casin*. *Infectatur omnes per ades domi*. Nempe *domus* totum est, *ades* verò, pars *domi*, seu domus ædificata & conclavibus distincta. Igitur *est domi*, significat, *est in adibus domi*, sicut *jacet humi*, pro, *in terrâ humi*.

*Causâ* vel *gratiâ*, vel *ergô*, deest in hoc *Salu-*

*Iustitii: Exercitium opprimendæ libertatis habet. Ovid. Successorumque Minerva indoluit. Liv. Pestilentia aliarum rerum otium præbuit, id est, quod ad alias res attinet. Cicer. Sanè ceterarum rerum paterfamilias attentus. Sic Miser animi, integer vita, cupidus vini, peritus juris, subaudi causâ. Est autem Animi causâ, idem ac, quod ad animum attinet.*

*Copiâ, deest in his: Eges Medici. Abundans pecuniarum. Virgil. Non est te fallere cuiquam, subaudi, copia, à quo nomine regitur fallere, quod pro nomine genitivi catus ponitur.*

*Crimine vel actione deest in verbis accusandi, damnandi aut absolvendi, ut: Furti damnatus. Repetundarum postulatus. Cadis absque.*

*Memoria vel recordatio vel meminisse, deest in his: Memini illius rei. Venit mihi in mentem illius rei. Oblitus meorum, ubi subaudi, oblivionem.*

*Negotium, vel res, deest in hoc: Dedit mihi mille nummum. Unde velle nummum lucratus est decem millia, pro, uno negotio mille nummorum: nam Mille semper est adjectivum pluralis numeri, sicut decem & centum. Non est mihi opera, subaudi, res, pro, non est mihi opera, quam tibi dem, sum occupatus. Laboris est hoc præstare, subaudi res. Satis eloquentia, sapientia parum. Quid res, pro,*

pro, quid negotium rei. Compendi facere, lucrari facere, iubaudi, rem.

Officium, deest in istis: Pauperis est numerare pecus. Adolescentis est majores natu revereri.

Opus, deest in his: Hoc non solum laboris, verum etiam ingensi fuit.

Solum, deest in istis: Terra defigitur arbor. Procubuit terra. Arbores humi arenoso genita, pro, in solo humi arenoso.

Tempore, deest in Domi, bellique, nam hic domi significat pacis & otii.

Terra, deest in hoc: Jace: humi, pro, in terrâ humi: nam terra in aquam & humum dividitur à Varrone. Egypti occisus est, subaudi, in terrâ.

Urbs, deest in hoc: Natus Roma, pro, in urbe Roma, vel etiam in locô Roma. Virgil. Hic locus urbis erit, pro, hic urbs erit.

Uxor, deest in his: Terentia Ciceronis, Catonis Marcia.

Quotuplex est Ellipsis, in quâ deest Suppositum Adjectivi?

Duplex: nam deest suppositum adjectivi vel Absoluti, vel Relati.

Quotuplex est Ellipsis, in quâ deest Suppositum Adjectivi Absoluti?

Duplex: Apertior scilicet & Tectior. Apertior est, in quâ adjectivum nullum omnino substantivum expressum habet. Tectior, in quâ adjectivo suppositum quidem est nomen

substantivum; sed tale, cujus generi terminatio adjectivi minimè congruat.

*Ellipsis apertior, in quâ Adjectivum nulum omnino Substantivum expressum habet.*

*Es deest in istis: Parvi facio. De meo: nam integra oratio est: Parvi aris facio. De meo are. Sic Ratio accepti & expensi, subaudi, aris.*

*Amnis, vel aqua deest in confluent, torrens, fluvius & fluvia, quæ sunt adjectiva, sicut & in pluvia deest aqua.*

*Anguis, vel bestia, deest in serpens, quod est adjectivum.*

*Animi deest in hōc: Rogo te ut boni consulas, hoc est ut judices & statuas rem hanc esse boni animi, vel ab animo bono proficisci. Equi bonique facio, hoc est, facio hoc esse hominis, sive animi equi & boni.*

*Aqua, deest in piscina, quod est adjectivum, & in pluvia.*

*Ars, vel scientia deest in Medicina, Musica Dialectica, Rhetorica, Fabrica, &c. quæ sunt adjectiva.*

*Avis, deest in ales, prapes, volucris, quæ sunt adjectiva.*

*Bestia, deest in serpens, animans, quadrupes, fera.*

*Bos deest in Juvencus.*

*Canis, deest in Molossus, Læon, Melitæus.*



*Carcer*, priscè neutrum, deest in *Tullianum* & *Pistrinum*.

*Caro*, deest in *bubula*, *agnina*, *ferina*, *caprina*, *ovilla*, *suilla*.

*Castra*, deest in *stativa*, *hiberna*.

*Cervus*, deest in *ferus*. Virg.

*Cibus*, deest in *diurnus*, *diarius*, *demensus*.

*Cælum*, deest in *serenum* & *purum*.

*Corona*, deest in *laurea*, *civica*, *muralis*, *obsidionalis*. In *sertas*, *subaudi coronas*, in *serta*, *coronamenta*.

*Consilium*, deest in *propositum*, *arcanum*, *secretum*.

*Culmen*, deest in *tectum*, cum pro domo ponitur.

*Culpa* deest in *noxia*, quæ est adjectivum. *Noxa*, substantivum, pro nocumẽto seu damno.

*Dii*, deest in *Superi*, *Inferi*, *Manes*: nam *Manes* linguâ Sacrorum dictum est, pro *Mani*, id est, *Boni*, sicut *Porci Sacres*, pro *Sacri*.

*Dies*, deest in *Natalis*. *Perendinum*. Plaut.

*Trium*. vers. ult. *Tu in perendinum paratus sis ut ducas*.

*Domus*, deest in *Regia* & *Basilica*.

*Equus*, deest in *ferus*, *sonipes*, *quadrupes*.

*Fabula*, deest in *prætexta*, *togata*, *palliata*.

*Fasta*, *prores*; seu *negotia*, deest in hoc Plautino: *Mira sunt, te hic stare*.

*Fames*, deest in *milvina*. Plaut. *Menæch. a. 1.*

*l. 3. Qua mihi apposita milvinam suggerant.*

*Febris*, deest in *quartana*, *tertiana*, *quotidiana*.

*Finis*, deest in *hactenus*, *quatenus*: nam integra oratio est: *Hâc fine tenus*, pro, *usque ad hanc finem*, sive *ad hunc terminum*. *Lumborum tenus*, subaudi *sine*.

*Fodina*, deest in *Auraria*, *Argentaria*.

*Frater*, deest in *germanus*, *patruielis*, *uterinus*.

*Frenus* vel *frenum*, deest in *lupatus* & *lupatum*.

*Fructus*, deest in hoc Varronis 1. rust. 44.

*Ex eodem semine alicubi cum decimô redit, alibi cum centesimô*: id est, *decuplum*, *centesimum* nascitur.

*Frumenta*, deest in *sata*, & *fruges*, in *sata*.

*Funera*, deest in *iusta*, *suprema*, *solemnia*.

*Funis*, deest in *rudens*, quod est adjectivum seu participium à *rudere*. Et in *Stupea*.

*Homo*, deest in *nemo*, quod est adjectivum omnium generum. *Tu es miser*, pro *tu es homo miser*. Cicero est *Romanus*, pro, *homo Romanus*. Sic in *Amicus*, *familiaris*, *liber*, *servus*, *tabellarius*, *nuncius*, *socius*, *rivalis*, *maritus*, *adolescens*, *juvenis*, subaudi, *homo*. *Magnates*, *optimates*, *maiores*, *minores*, *ceteri*, *mortales*, *Itali*, *Galli*, subaudi *homines*.

*Hora*, deest in *quota*, *prima*, *tertia*.

*Horologium*, deest in *solarium*.

*Faculis*, deest in hoc Virgil. *Missilibus certant*.

*Ilia*

*Ilia*, deest in *intestina*.

*Judiciô* vel *jure* deest in *falso* & *meritô*, quæ sunt nomina adjectiva.

*Jus*, deest in *augurium*, quod est adjectivum ab *augur*.

*Lapis*, deest in *molaris*.

*Liber*, deest in *annalis* & *diurnus*.

*Libelli*, deest in *pugillares*, *eborei*, *duplices*, *triplices*.

*Lineas*, deest in isto: *Ad incitas redactus*, id est, *ad ultimas lineas* in ludô xii. scruporum, in quibus scrupi seu calculi porro moveri nequeunt, & ob hoc *inciti* dicuntur, id est, *immobiles*: nam *cicco* est *moveo*.

*Litera*, deest in *vocalis*, *consonans*, *muta*, *liquida*.

*Literas*, deest in hoc Cicer. *Triduo abste nullas acceperam*. Et Plaut. Merc. *Hodie in ludum occepi ire literarium: ternas scio jam, A, M, O*. Ubi verè ridiculè Emmanuel Alvarez ternas verborum conjugationes significari putat. Scilicet puer primâ die in ludô ternas conjugationes discet.

*Locus*, deest in istis: *Hic senex de proximô, ab humili ad summum, subaudi locô*. *In mediô*. *Convenerant in unum*. *Exilit in siccum*, subaudi, *Locum*, quod priscis neutrum erat, à quô *loca*, deest in *Æstiva*, *hiberna*, *rosaria*, *pomaria*, *supera*, *infera*, *inferna*, *secreta*, subaudi, *loca*. In illis, quæ male

pro adverbii habentur, *Primò, secundò, quartò, postremò*, deest locò.

*Ludi*, deest in *Circenses, Megalesii, saculares, funebres*.

*Lychnus*, deest in *Cereus, Funalis, Cebaceus*.

*Mare*, deest in his: *Terris jactatus & altò*. In *altò* perit. In *tranquillò* quilibet gubernator, esse potest. *Carula* verrunt.

*Mensa*, deest in *Delphica*.

*Mensis*, deest in *Januarius, Aprilis, Majus, October, December, &c.* quæ sunt adjectiva.

*Milites*, deest in *triarii, hastati, pilati, sagittarii, peltati, cetrati, velites*.

*Modò* deest in his: *compositò, vel Ex composito factum est. De compacto, vel Ex compacto res geritur*, id est, *eò modò, quem inter se composuerunt, vel compacti sunt*. Deest etiam in *perpetuò, certò, secretò & similibus*. Plautus enim eadem scenâ 1. act. 3. Mostel. promiscuè dicit: *Metuo ne perpetuò perierim*. Et, *Perii in perpetuum modum. Quò pactò istud fiet. Qui fieri potest: nam qui est quò. Cum eo, pro, cum eo modo, cum hac conditione, sic*.

*Modum*, deest in numerò per Præpositionem ad expressiò. Cæsar 2. bell. Gal. *Occisis ad hominum millibus quatuor, reliqui in oppidum reiecti sunt*.

*Morem vel ingenium, aut institutum*, deest in hoc Plauti: *Antiquum obtines hoc tuum, tardus ut sis*. Et Terent. *Non cognosco vestrum tam superbum*.

*More,*

*More*, deest in hôc Plauti Pseud. a. 4. f. 7.

*Uncti sunt hi senes, fricari se ex antiquo volunt.*

*Mulier*, deest in *meretrix*. Plaut. Stich. a. 5.

f. 5. *Nimioque sibi mulier meretrix repperit odium citius.* Merc. a. 4. f. 1. *Mulier meretrix est intus in adibus.*

*Navis* deest in *celox*, *liburnica*, *pratoria*, *rostrata*, *triremis*.

*Negotium*, id est, *res*, deest in omni adjectivo neutrali, cui nullum substantivum sit adjunctum, nec ullum aliud adjungi possit, ut: *Aliena curare. Triste lupus stabulis. Malum videtur esse mors. Strata viarum. Abditæ rerum. Opaca domorum. Pessima munerum. Beata Seraphim*, subauditur, *negotia*. Porro *Negotia viarum*, *rerum*, *domorum*, Græcô more significat, *vias*, *res*, *domos*. *Dulce ridet. Lucidum fulgent oculi. Turbidum latatur*, subaudi, *negotium*. *Mea interest*, pro, est inter mea *negotia*, pertinet ad mea *negotia*. *Refert mea*, pro, affert, importat, sive apportat ad mea *negotia*. *Omnia sunt hominum tenui pendentiâ filo*, pro, *omnia negotia, omnes res*. *Actum est*, subaudi *negotium*. Deest quoque *negotium* in illis, quæ vulgo adverbia putantur. *Multum*, *plurimum*, *plus*, *melius*, *pesus*, *brevius*, *doctius*, *cô*, *quô*, *tantô*, *quantô*, *multô*, *verô*, *falsô*, &c. in quibus præterea præpositio *a*, *ad*, *ex* vel *in* subauditur. *Paucis est quod te volo*, pro, est *negotium* propter quod paucis alloqui te volo.

*Non est quod vereare, pro, non est negotium propter quod vereare. Si est ut facturus sit officium, pro, si ita est negotium, si ita res se habet. Non est ut possit tibi plus dari, pro, non est ita negotium, res ita se non habet. Etiam in Hoc, id, quid, aliquid, nihil, subaudis, negotium. Nomen pro causa cum aliquâ præpositione dicitur in id, quid, eò, quò. Plaut. Amph. Id huc reverti ut me purgarem tibi, pro, ob id nomen, five eam causam. Ibid. Cur dixisti, inquit non quò te esse impudicam crederem, pro, non ab eo nomine, quò crederem, five non ob id nomen, ob quod crederem. Et Aul. Aurum me scit habere, cò me salutat blandius, pro, ab eo nomine. Cic. 14 fam. ep. 7. Ego eo nomine sum Dyrachii, ut quam celerrime quid agas, audiam. Terent. Eun. a. 5. s. 7. Nunc id prodeò, ut conveniam Parmenonem, pro, ad id modum, vel ob id nomen. †*

*Num-*

† *Negotium* idem significare quod *res*, *opus*, *factum* (Græcè *χρῆμα*, *πράγμα*) & in adjectivis plerisque neutralibus subaudiri, ut sit ex iis, quæ Logici *Transcendentia* vocant (tamquam *ens* & *aliquid*, quæ cum adjectiva sint, in iis *negotium* suppressum intelligitur) etsi factis in *Minervâ* planum factum est, non tamen ab re futurum videtur, pauculis hic demonstrari. Cic. lib. 2,

Ver. 4. *Fecerunt ut ego istum accusarem: à quò mea longissime ratio voluntasque abhorrebat.* Ubi notat Asconius: *A quò, à quâ re, à quò negotio, accusationis scilicet.* Terent. Adel. act. 3. sc. 4. *Utinam hoc sit modò defunctum.* Ubi Donatus: *Hoc, id est, negotium.* Plaut. Cal. act. 3. sc. 5. *Timeo hoc negotium quid est, pro cò quod aliter dicitur: Timeo quid hoc sit.* Sic pro cò, quod omnes dicunt

dicimus, *Quid mali est*, Plautus. *Ubi*: *Quid mali negotii est*. *Ibid.* act. 4. sc. 2. *Viden' egestas quid negotii dat* *hominis misero mali*: *Ubi in quid non minus subauditur negotium*, ut plena oratio sit: *Quid negotium mali negotii dat egestas homini misero*. Est autem negotium quid negotii perinde dictum, ut *que res rei sive rerum*, apud eundem Plaut. *Men.* act. 5. sc. 2. *Summum Jovem detestor*. *SE.* *quid de re rerum omnium*. *Terent.* *Heaut.* act. 1. sc. 1. *Tantumne ab tua re tibi est otii, aliena ut cures?* subaudi negotia, ut Horat. *Aliena negotia curo excussus propriis*. *Cicer.* 2. *Philip.* *Si tum occisus esset, cum tu illum stricto gladio insecutus es, negotiumque transgisses, nisi ille se sub scalas coniecisset, bisque oppilatis impetum tuum compressisset, id est, rem consecisset*. *Idem*: *Magnum negotium est navigare*. *Ubi per Ellipfin, negotium omitti poterat, sicut apud eundem: Quos enumerare magnum est, ita sunt multi. Magnum est iisdem uti sacris*. Ergo similiter in multum est, parum est, nimium, plus, tantum, quantum, subauditur negotium: pro quo aliæ res dici solet: *Cic.* *Experiar quidem, sed magna res est*: *Plaut.* *Aniph.* act. 2.

sc. 2. pro: *Parvum negotium voluptatum, seu parum voluptatum*, dixit *Parva res voluptatum est in vita*. *Idem* saepe pro, *Ita opus, seu usus est*, aliàs, *ita negotium est*, aliàs, *ita res est*, dicere solet. *Bacchid.* act. 4. sc. 4. *Cum amicâ suâ uterque accubitus eatis: ita negotium est*. *Ibid.* *Cur id exquiris?* *CH.* *res ita est, dici volo*. *Menæc.* act. 1. sc. 1. *Quere patrem meum, ut veniat ad me, ita rem mihi esse dicito*. *Mil.* act. 2. sc. 6. *Cito transcurro ad nos, ita negotium est*. *Terent.* *Eun.* act. 1. sc. 2. *Sed ita res erat, faciendum fuit, pro, ita opus erat*. Similiter autem indifferenter dicitur, *Ut res nata est, ut negotium natum est, pro re, & pro negotio*. *Scipio Africanus apud Festum: Ut negotium natum erat*. *Plaut.* *Truc.* *Ut rem natam video, accipiendum quod datur*. *Idem* *Aul.* *Pro re nitorem quibus habent*. *Lucret.* *Quisque suum pro re consortem mastus bumabat*. *Dictys lib. 4* *Armati instructique pro negotia pugnam aggrediuntur, id est, pro re natâ, ut res ferebat*. *Sed & factum, pro res dicitur, itaque subauditur*. *Plaut.* *Afin.* *Non te provideram, ita iracundia obstitit oculis*. *ME.* *non mirum factum est*. *Et Rul.* *Haud miranda*

*Nummus* vel *numerus*, deest in *quinaris*, *denarius*. Etiam in *Sestertii* subauditur *nummi*.

*Nux*, deest in *avellana*, *juglans*, *pinca*, *persica*, *castanea*.

*Oculus*, deest in *limis* adspicere.

*Officina*, deest in *fabrica*.

*Officium*, deest in *istis*: *Mentiri non est meum*.  
*Regium est benefacere*.

*Opera*, deest in *Bucolica*, *Georgica*, *Rhetorica*.

*Oratio*, deest in *Prosa* seu *Prorsa*, quod valet  
*Recta*, cui opponitur *Versa*.

*Ostium*, deest in *posticum*.

*Oves*, deest in *bidentes*, *faetas*.

*Pars*, deest in *antica*, *postica*, *decima*, *quadragesima*, pro *virili*, *primas* vel *priores* *alici* deferre. *Quâ*, subaudi *parte*. Horat.  
*Quâ parte debacchantur ignes, quâ nebula*.

Pe-

*facta dicis, si Deos decepit & homines*. Et Men. *Mibi mira videntur te hic stare foris*. Et Pseud. *Mira sunt, ni Pseudolus est*. Et Mil. *Ante hoc factum semper hunc sum arbitratus servum nequissimum*, id est, antebac, quod ponitur pro *ante hac*, subaudi *facta*, quod etiam in *postea*, *interea*, supprimitur. Eodem verò sensu dicitur, *Inter ea facta, inter ea negotia*, & *inter eam rem*. Plaut. Stich. *Inter illud negotium curavi, ut cœna esset co-*

*cta*. Et Cistel. *Inter rem istam huic respondi quod rogabat*. Rursum Stich. act. 1. sc. 1. *Nos ejus animum de nostris factis noscimus, id est, ex nostris rebus*. Et Merc. act. 5. sc. 4. *Eamus intro, non utilis hic locus factis tuis, pro, rebus tuis*. Et Most. a. 2. sc. 1. *Miserum est opus tum demum fodere puteum, ubi situs fauces tenet, pro, misera res*. Propert. *Vincere cum Vejors posse laboris erat, subaudi, opus seu res, ut* Ovid. *Hic erit artis opus*.



*Pecunia*, deest in *repetundarum* & *repetundis*.

*Pedatô*, vel *Pedatæ*, deest in *primô*, *secundô*, *tertiô*, quæ malè adverbia putantur. Significat autem primâ, secundâ, tertiâ vice.

*Pede*, deest in hóc: *Ædes quæ planô adeuntur*.

*Premium*, deest in *Corollarium*.

*Principium*, vel *primordium*, vel *initium*, vel *ortus* deest in *primum* & *primô*, ubi etiam præpositio *ad* vel *à* subauditur.

*Pretium*, deest in *magnô emere*. *Magni mihi sunt literæ tuæ. Hoc magni refert, parvi refert*.

*Puer*, aut *puella*, deest in *infans*, à *parvulo*, *exoletus*, subaudi, *puer qui olefcere*, id est, *crefcere defuit*.

*Rastrus*, deest in *bidens*, *tridens*, *quadridens*.

*Ratio*, deest in *expensa*, *impensa*, *summa*, *ad summam*.

*Res*, deest in *Esca*, quod est adjectivum ab *Effi*, fivè *Edi* factum, quasi, *Effica*, fivè *edilis*, aut *effibilis*, *comedibilis*. Hoc apparet ex composito ejus *vescus*, *a*, *um*. Similiter in *adulia*, subauditur *negotia*, pro quô veteres libri habent *Edilia*, quasi *comedibilia*. Etiam in istis: *Virtus est laudanda. Mors est bona. Satis salva?*

*Reliquia*, deest in *parietina*, quod est adjectivum à *paries*, ficut ab *aries*, *oraculum Arietinum*, id est, *Jovis Ammonis*, qui caput habebat cum cornibus arietis.

*Rus*,

*Rus*, deest in *pascuum*. *Lucr. Pascua rura*.

*Plaut. Truc. a. 1. f. 2. vers. 47. Non arvens hic, sed pascuus est ager. Ergo & Arvum est adjectivum in quô rus subauditur.*

*Sacra*, deest in *Saturnalia*, *Bacchanalia*, *Liberalia*.

*Seclura*, deest in *Ternaria*.

*Securis*, subauditur in *bipennis*.

*Servus*, deest in *Vicarius*, *ostiarus*, *mediastinus*.

*Sermo* vel *rumor*, deest in *nuncius*, quod est adjectivum, diciturque *nuncius homo*, *nuncia fama*, vel *vox*, *nuncium verbum* sive dictum.

In neutrô *sestertium* deest aliquod substantivum quod significet eandem drachmarum seu denariorum quantitatem, quæ est *Mina*, puta centum drachmarum: Ita *Mina Sestertia* rectè dicitur, *Mina pondus sestertium*, pro 25. drachmis auri, quasi esset, *Pondus semitertium*, id est. *mina dua & dimidia*. *Sestertius* Germanicè est ein drithalber. *Sestertia* ein drithalbe. *Sestertium* ein drithalbes) ut *Sestertium milliare*, id est, *duo milliaria & dimidium*. *Sestertium bipalium* apud Columel. de arbor. c. 1.

*Sinus*, deest in *Tarentinus*, *Puteolanus*.

*Sol*, deest in *Oriens*, *Occidens*. *Die crastini*, *die septimi*, subaudi, *solis*.

*Spatium*, deest in hoc *Virgil. In mediis mihi Casar erit*.

*Sponte*, deest in *Snapte*, apud *Catullum*.

*Stabulum*, deest in *bubile*, *equile*, *suile*, quæ sunt adjectiva, adeoque *bubilis*, *equilis*, *suilis*, dici potest subaudiendo, *caula*.

*Stipendia*, vel *ara*, vel *alimenta* deest in istis: *Ex schola quadringenta annua capit. Sunt qui tortoribus annua præsent.*

*Stridor*, deest in *sibilus*, quod est adjectivum.

*Stuprum*, vel *flagitium* deest in *incestum*, quod est adjectivum.

*Tabella*, deest in *eborea*, *citrea*, *duplices*, *triplices*, *laureata*, *pugillares*, pro quibus *Catullus*, *Pugillaria* dicit, subaudiendo *ligilla*, *schedia*, vel aliud quid.

*Taberna*, deest in *Medicina*, *Sutrina*, *Textrina*, *Tonstrina*, *Fabrica*, *Salina*, *Lanicina*, *Carnificina*. Sunt enim ista omnia adjectiva.

*Tegmen*, deest in *lacunar*.

*Tempus*, deest in istis, *Serum est. Ex illo. Ex quo. Hornô: Brevisenties*, subaudi, *tempore. Sic Scrô sapiunt Phryges. Optatô advenis. Non ignara futuri*, subaudi, *temporis, in perpetuum, in æternum, in posterum, in futurum. In præsens, per sudum, cum sudum erit, sub obscurum, adhuc*, subaudi, *tempus: nam prisci hoc & huc dicebant. Hoc noctis. Id ætatis*, subaudi, *tempus. Postea, præterea, antea, antehac, posthac*, subaudi, *tempora: nam hac pro hac dicebant.*

*Terra*, deest in *Patria*, *continens*.

*Toga*, deest in *prætexta*.

*Vacca*, deest in *juvenca*.

*Vada*, deest in hoc *Virgil*. In *brevia* & *syrtis* *urget*.

*Vasa*, deest in *fictilia*, *crystallina*, *vitrea*, *atramentaria*. In *Salinum* deest *vas*.

*Velum* deest in *linteum*. *Catull*. *Car*. 6. *Pha-*  
*selli* *laud*: *Sive palmulis opus foret volare*,  
*sive linteo*.

*Ventus*, deest in *Africus*, *Favonius* *Subsola-*  
*nus*.

*Verba*, deest in his: *Quid multa? Paucis te*  
*volo*. *Dictum sapienti sat est*.

*Vestes*, deest in *serica*, *bombycina*, *undulata*,  
*Coæ*.

*Via*, deest in istis: *Cur non rectâ introibas: Hac*  
*illac circumcursa*.

*Vicibus* deest in *Alternis*. *Seneca*: *Non sit mul-*  
*tiformis, alternis Vatinius, alternis Cato, sed*  
*perpetuo sui similis, Idem: Alterna inter cupi-*  
*ditatem & pœnitentiam nostram vices sunt*.

*Vinum* deest in *mustum*, *merum*, *Falernum*,  
*Massicum*, quæ sunt adjectiva.

*Vir* vel *uxor*, deest in *conjug*, *maritus*, *ma-*  
*rita*. In *Majores*, *optimates*, *magnates*, *pri-*  
*mates*, *subaudi viri* vel *fœmina*.

*Virga*, *subauditur* in *rudis*, ut *rudem accipe-*  
*re*, *rude donatus*.

*Urcus*, deest in *aqualis*.

*Usura*, deest in *centesima*, *dextantes*, *beses*,  
*semisbes*.

*Ellipsis Tectior, in quâ adjectivum habet quidem substantivum, sed genere discrepans.*

*Arbor*, deest in appellationibus arborum cum adjectivô fæmininô positarum, ut *Laurus*, *patula fagus*, *tarda morus*, *fructuosa malus*, *consita pomus*: nam ista omnia per regulam terminationis sunt generis masculini. Ergo in his est Syntaxis figurata, cum desit nomen substantivum *Arbor* cum adjectivô concordans. Sciendum est autem in his & multis aliis plus consuetudini, quam arti serviendum, & figuratâ, quam regulari syntaxi utendum esse.

*Fabula*, deest in Comœdiarum & Tragœdiarum titulis cum adjectivô fæmininô positis, ut *Terentiana Eunuchus*.

*Florem*, deest in hoc Virgilii: *Crocumquerubentem*: nam *Crocum* ex terminationis regulâ neutrum est.

*Famina*, deest in animalibus, quæ sunt sexus fæminini, sed nomen habent terminationis masculinæ, sicut *Mas*, deest in iis, quæ sunt sexus masculini, sed nomen habent terminationis fæmininæ. In *leo pro leana*, deest *famina*. Sic *Elephantus gravida*. *Porcus obesa*. Hæc *bos*, hæc *homo*, hæc *aquila*, hæc *anguis*, hæc *ovis*, hæc *canis*, hæc *testis*, hæc *civis*, hæc *sacerdos*, hæc *vates*, hæc *miles*; In his omnibus deest, *Famina*. Hic *bos*, hic *homo*, hic *aquila*,  
hic

hic *anguis*, hic *ovis*, hic *canis*, hic *testis*,  
hic *civis*, hic *sacerdos*, hic *vates*, hic *mi-*  
*les*; In his omnibus deest *Mas*.

*Herba*, deest in appellationibus herbarum cum  
adjectivô fæmininô positis, ut: *Dictamnus*  
*pota pellit sagittas*. *Centunculus trita in aceto*:  
nam per regulam illud neutrum, hoc maf-  
culinum est.

*Insula*, deest in nominibus propriis Insularum  
cum adjectivô fæmininô positis, ut: *Laro-*  
*nia Delus*, *Phæbeja Rhodus*.

*Mons*, deest in nominibus propriis montium  
cum adjectivô masculinô positis, ut: *Al-*  
*tus Ossa*, *praaltus Ida*, *ignivomus Aetna*.

*Oppidum*, deest in nominibus propriis urbium  
cum adjectivô neutrali positis, ut: *Argi-*  
*aptum equis*. *Altum Præneste*. *Tybur super-*  
*bum*.

*Sinus*, deest in nominibus propriis sinuum  
cum adjectivô masculinô positis, ut: *Sa-*  
*vus Hadria*.

*Urbs*, deest in nominibus propriis urbium cum  
adjectivô fæmininô positis, ut: *Barbara*  
*Narbo*, *magna Mediolanum*, *deleta Corin-*  
*thus*: nam ex regula terminationis *Narbo*  
& *Corinthus* sunt masculini, *Mediolanum*  
verò neutri generis.

*Qualis est Ellipsis, in qua deest Suppositum*  
*adjectivi Relati?*

*Homo aliquis*, deest in istis: *Est qui dicat*. *Sunt*  
*qui affirmant*. *Sunt quos arma delectant*.

*Idem;*

*Idem*, deest in hoc Plinii: *Equo fere*, qui homini, morbi: pro, *iidem ferè*. *Tarando magnitudo*, qua leoni, pro, *eadem qua*.

*Is*, quod significat *talis* aut *tantus*, deest in isto: *Homo improbus*, sed cui paucos ingenio pares invenias.

*Quotuplex est Ellipsis, in qua deest Suppositum Verbi?*

*Duplex*: nam vel *Finiti verbi*, vel *Infiniti Suppositum* deest.

*Qualis est Ellipsis, in qua deest Suppositum verbi Finiti?*

*Ego, tu, ille*, deest in verbis, *Amo, amas, amat*. Fert autem consuetudo eleganter loquentium, ut verborum primæ & secundæ personæ supposita per Ellipsin semper fere omittantur, nisi cum diversitas aliqua significanda est, ut: *Tu legis, ego audio*. Alioquin secundum regularem Syntaxin Grammaticè, sed minus Latinè dicitur: *Quid tu facis? Ego quiesco*. Virg. *Hunc & Nympha veneramur*: subaudi, *Nos entes, sive, nos qua sumus Nympha*.

*Homines*, deest in *ajunt, ferunt*. Lucr. *Nemo animi fallit*.

*Libido, vel cura, vel animus* deest in hoc Virgil. *Nec sit mihi credere*, pro, *nec mihi libeat credere*. Propert. *Nec tibi sit duros montes & frigida saxa adire*, pro, *ne velis adire*.

*Potestas*, deest in istis: *Videre erat Tityum*. *Fame necatur: aliter non est occidere*.

*Ratio, vel Mens, deest in hoc Catulli: Hoc falsum esse putas? fugit te inepte.*

*Res, deest in istis: Bene est. Male mihi est. Aegre mihi est, pro, Res bene vel male se mihi habet: Aegritudo mihi est. Sic, Sero est, mane est, pro, Res est in mane, in sero tempore.*

*Qualis est Ellipsis, in qua deest Suppositum verbi Infiniti?*

*Me, te, illum, deest in verbis infinitis cum aliàs, tum præcipuè post verbum passivum, ut Volo facere, pro, volo me facere. Non possum credere, pro, me credere. Non veretur mentiri, pro, se mentiri. Videor videre, pro, me videre. Putaris scire, pro, te scire. Paulus creditur fecisse, pro, illum fecisse. Multi dicuntur venire. Multi dicuntur venturos esse, pro, Eos venire, eos venturos esse: nam venturi esse, est Gracismus. Lucret. Quippe etenim quam multa tibi me fingere possum. Sallust. Qui se student prestare cateris. Plaut. Curcul. Æsculapius mihi visus est cum ad me non adire, neque me magni pendere. Idem Aul. Vocem loquentis modò me audire visus sum. Idem Milit. Vereor me istò ornatu incedere. Idem Epid. Videor me vidisse eam prius. Sic, Diceris fecisse, pro, te fecisse.*

*Qualis est Ellipsis, in qua deest suppositum Propositionis?*

*Commune, deest in hóc: Quid mihi tecum?*

*Illi*



*Illi genti nihil ad eam diem cum Romanis fuerat. Curt. 8. Regum Indorum luxuria super omnium gentium est, subaudi, luxuriam.*

*Homo servus, deest in istis: Esse alicui ad manum vel à manu, circum pedes, ab epistolis, à cubiculò, à pedibus, à poculis, à studiis, hoc est, servire alicui quod ad manum, ad epistolas, ad cubiculum, ad pedes, ad pocula, ad studia attinet. Cicero & Cor. Nepos dicunt, Habere aliquem ad manum. Talem servum Suetonius & posteriores minus Latinè dixerunt Amanuensem.*

*Quotuplex est Ellipsis nominis appositi?*

*Duplex; Nominis scilicet & Verbi, & Conjunctionis: nam nomen quod deest, vel nomini, vel verbo apponitur, vel conjunctioni.*

*Quotuplex est Ellipsis, in quâ deest appositum Nominis?*

*Duplex: nam vel Nomen rectum sive Substantivum est, quod deest, vel nomen Concordans sive Adjectivum.*

*Qualis est Ellipsis appositi Substantivi?*

*Ligni, deest in Materia. Cicero. Non saxum, non materies advecta est. Lintribus materiam, calcem, camenta atque arenam convexit.*

*Librarum, deest in Pondo, ut: Corona mille pondo: nam Libra Romanis alia erat mensuralis, alia ponderalis, cui addebant Pondo. Passuum, deest in hôc Horatii: Millia tunc pransi tria repsimus.*

*Rerum*, deest in hoc, *Esse in numero*.

*Vita*, deest in *Utu venire*, hoc mihi *usu venit*,  
pro, in *vita usu*, dum *vita utor*.

*Qualis est Ellipsis appositi Adjectivi?*

*Aureus*, *argenteus*, vel *Sestertius* sæpè deest in  
*Nummus*.

*Bona*, deest in hoc: *Fac sis frugi*. *Homofrugi*. Nam à *Frux* est genitivus *frugis*, unde extrito *s* fecerunt *Frugi*. Sicut *Fami profamis*, *Herculi* pro *Herculis*.

*Ens*, inusitatum participium deest in hoc *Virgil*. *Adsum Aeneas*, pro ego *ens Aeneas*, si-  
vè, qui sum *Aeneas*, *adsum*. *Liv*. Ego *Ani-  
bibal* peto pacem. *Plaut*. *Trin*. *Rebustis* bo-  
nis *meas res irrides* *malas*, subaudi, *entibus*,  
id est, cum *tua res sint bona*. *Livius*: *Celti-  
beri*, novus miles, diffugerunt, subaudi,  
*entes*. Sic in *procul dubio* subauditur, *ente*.

*Par* vel *aptus* deest in hoc: *Non sum solvendo  
ari alieno*.

*Qualis est Ellipsis, in quâ deest appositum  
Verbi?*

*Me*, *te*, *se*, deest in verbis agentibus, cum  
suppositum agit in se ipsum, ut *Terent*.  
*Move ocys mea nutrix*. *NU*. moveo, pro,  
*move te*, & moveo *me*. *Terra movit*. *Nox  
cælò* prapipitat. *Bene vertat*. *Res bene habet*.  
*Ira leniunt*. *Venti posuère*. *Aquilones multis  
diebus tenuère*: pro, *durarunt*. *Atrox pra-  
lium diu tenuit*, pro, *duravit*. *Annò ver-  
tente*. *Pallium maculat*. *Vestibulum pulverat*.

*Res*

*Res ita fert, vel tulit: in his subauditur, Se.*

*Te quoque vel vos, deest in amabo, quod pe-  
cus Grammaticum fecit adverbium mediâ,  
si Musis placet, correptâ. Plaut. Ite domum  
amabo. Amabo mi senex, eloquere: pro,  
Mi senex eloquere, & amabo te. Cic. Ex-  
pecta amabo te.*

*Bellum, deest in cernere, certare, militare.*

*Clitellam, deest in hoc: Imponere alicui. Sig-  
nificat enim habere aliquem pro asinô, &  
fallaciam ei tanquam clitellam vel farcinam  
imponere.*

*Domum, deest in hôc Plaut. Aul. Redi intrò,  
atque intus servi.*

*Facem, vel cerenum, deest in pralucere alicui.*

*Iter, vel viam, deest in his: Quo tendis? quo  
pergis? Nox appetit. Abit dies. Somnium mi-  
hi evasit. In me culpa illius expetet. Idem ti-  
bi eveniet.*

*Litem, deest in hoc Suetonii Claudio: Ab-  
sentibus secundum praesentes dabat.*

*Literas, deest in hoc Cicer. Quo mitterem;  
aut cui darem, nesciebam.*

*Laudem, deest in detrahere alicui.*

*Locum, deest in cedere, decedere, succedere alicui.*

*Malum, deest in his: Caveo tibi, timeo tibi, me-  
tuo à te, de te, pro te. In cavere malo, deest se,  
& est Hypallage, pro, cavere sibi malum.*

*Mortem, deest in obire, oppetere; & morte,  
in occumbere.*

*Navem*, deest in hoc: *Solvit è portu. Statim conscendit. Ad portum appulit.*

*Nuncium*, deest in hoc: *Renunciare vitæ; civilibus officiis, pro, valedicere.*

*Ova*, deest cum *Gallinæ aliæque aves incubare* dicuntur.

*Peccatum*, deest in *ignoscere.*

*Rationes*, deest in *conturbare*, quod est *Mensuriorum*, cum rationibus crediti paria facere desperant; *Vulgò Fallire.*

*Relativum nomen*, sæpe deest, ut: *Urbs antiqua fuit; Tyrii tenuère coloni: subaudi, quam, vel illam. Horat. 2. Sat. 8. Vidimus & merulas poni, & sine clunepalumbos, suavis res, si non causas narraret earum, subaudi, Quæ, & Esset: Quæ res suavis esset, nisi, &c.*

*Rem*, deest in *decoquere*: quod est *absumere rem familiarem.*

*Rogationem*, deest in hoc: *Ferre ad populum de aliquâ re. Cic. Tribunus tulit ad plebem, ut absentis ratio haberetur.*

*Principium*, deest in *capere & incipere. Virgil. Culice: Conformare locum capit impiger, pro, capit principium conformandi.*

*Sacra*, deest in *facere, bove, agnâ, vitulâ.*

*Viam* deest in *ire, inire, ingredi. Ineunte atate, vere; subaudi, viam.*

*Vitam*, deest in *agere, agitare, peragere.*

*Utile, vel commodum*, deest in *consulo tibi, prospicio mihi.*

*Vul-*

*Vultum*, deest in *nubere*: nam sponsæ faciem flammeô velô obnubebant seu velabant pudoris causâ.

*Qualis est Ellipsis, in quâ deest Appositum conjunctionis?*

*Is*, deest post conjunctionem in hoc Cor. Ne-  
potis in Pelopidâ: *Cujus belli cum ei summa  
esset data, eoque cum exercitu profectus esset,  
pro, eoque is cum exercitu.* Sic idem Thy-  
mol. *Cum frater ejus tyrannidem occupasset,  
particepsque regni posset esse, pro, particeps-  
que is regni.* Sic idem in Dione. *Id cum fa-  
ctum multi indignarentur, magnæque esset in-  
vidia tyranno, pro, magnæque id esset.* Plaut.  
Epid. act. 5. sc. 2. *Ain tu te illius invenisse  
filiam?* E. P. *inveni, & domi est: pro, &  
illa domi est.* Sallust. Jugurt. *Dum equites  
preliantur, Bocchus cum peditibus, quos filius  
ejus adduxerat, neque in priore pugna adfue-  
rant, postremam Romanorum aciem invadunt:  
pro, neque ii adfuerant, sive quique non ad-  
fuerant.* Plaut. Rud. a. 2. s. 1. *Quibus nec  
quaestus est, nec didicere artem ullam. pro qui-  
que non didicere, &c.* Liv. 4. *Inducia non pax  
facta, quarum & dies exierat, & ante diem  
rebellaverant.* Similiter sæpe Livius, Cæ-  
sar & Hirtius.

*Qualis est Ellipsis nominis Consociati, sive  
in quâ præter nomen, alia quoque voces  
desunt?*

*Ad id, vel ob id, vel propter id nomen, seu*

*negotium*, & ab eo, vel ex eo negotiô, seu nomine, sæpe deest in quod relativô, quæ conjunctio vulgo putatur. Terent. Eun. Sanè quod tibi vir videatur esse, hic nebulo magnus est. Ibi. Quòd dicat, alium querebam, iter hac habui, periisti. Et Heaut. Id quod est consimilis moribus, facile convincet ex te natum. Et Hec. Omnes lata exclamant, venit, id quod merепentè adspexerant. Ubi Donatus: Deest propter, ut sit, Propter id, ac per hoc, ideo. Cic. 3. ad Quint. frat. 2. Ab accusandô me teneo, id quod nolo cum Pompejo pugnare; id quod judices nullos habemus: pro, ob id quod, eo quod, ab eodem nomine quod, sive, eâ causâ quod.

*Ædes* cum præpositione in, deest in hoc: Est domi, pro, in adibus domi.

*Es*, cum alienum & par, deest in hoc: Non sum solvendo, pro, non sum par vel aptus solvendo ari alieno.

*Æris*, cum pretiô & pro, deest in hoc: Quanti emisti? nam integra oratio est: Pro quanti aris pretiô emisti?

*Affectus* seu pradius cum à, vel cum in istis: Homo infirmâ valetudine, summâ audaciâ, magnô ingeniô, nullô judiciô.

*Centena millia sestertium nummum*, deest in Decies, Vicies, Quadragies, Centies, Ducenties, Millies. Liv. 38. Scipionem librum rationis concerpsisse indignantem, quod cum bis millies in ararium intulisset, quadragies ratio ab se posce-

posceretur: pro, *quadrages centenorum millium ratio*. Cic. 2. Philip. *Syngrapha sestertium centies facta*: pro, *centies centenorum millium nummorum sestertiorum*: sic enim ipse Cicero act. 4. in Ver. loquendum docet, ut stupor eorum satis rideri nequeat, qui quoties nota *HS.* cum adverbio numerali legitur, pro eâ *sestertii*, vel *sestertio* reponere postulant, aut *sestertium* pro nominativo vel accusativo accipiunt. Capitolin. in Vero: *Omne autem convivium aestimatum dicitur sexages centenis millibus HS.* In illò Velleji: *Accepto centies sestertium*, est Syllepsis numeri, de quâ vide infra.

*Dictò*, cum *pra*, deest in hoc Virgil. *Ocyus incubnere omnes*; pro, *ocyus*, sive citius *dictò*, vel *pra dictò*.

*Die*, cum, *in*, & *ante*, deest in istis: *Quartò Idus, tertio Kalendas*, pro, *in die quarto ante Idus, in die tertio ante Kalendas*.

*Domum*, cum *ad* vel *in*, deest in *ducere uxorem*.

*Ego ens*, deest in hoc Virgil. *Adsum Trojus Aeneas. Hunc & Nympha veneramur*, pro, *Nos Entes seu quæsumus Nympha*.

*Ens* cum *A*, deest in hoc Cæs. Cn. *Magius Cremonâ præfectus fabrum*, pro, *Ens à Cremonâ*: id est, *Cremonensis*.

*Factum quod vis*, seu *velles*, deest in *volo tibi*, vel *cupio*. Sic in *benè* vel *malè* alicui *velle*, subaudi, *factum*. Plaut. Rud. *Quam-*

*quam vobis cupio qua vultis, subaudi, facta.*  
 Et Afin. *Non eo quin non tibi cupiam que velis.* Et Persf. *Nunquam tibi post hac quod nolis volam.* Et Mostel. *Vellem ut velles*  
*Tranio, subaudi, factum tibi.* Similiter *nolle alicui, subaudi, factum quod vellet.* Cic. *Plane volo his magistratibus. Valde ejus causâ volo.* Terent. *ipsi cupio Glycerio.* Idem: *Videote nostra familia ex animo factum velle.* Plaut.

Truc. *Cui ego melius dictum aut factum velim.*

*Locô, cum in, deest in Primô, secundo, tertio, quæ malè pro adverbis habentur.*

*Negotia, cum ad, deest in isto: Quid hoc mea refert, pro, quid hoc refert, sive affert, asportat, importat, conducit, confert ad mea negotia, id est, ad res meas, sive rebus meis.* Plaut.

Persa: *Quid id ad me aut ad meam rem refert, Persa quid rerum gerant.* Ibid. *Prius percunctari volo, qua ad rem referunt.* Idem

Trucul. *Cui rei retulit te assimilare.*

*Negotiô, cum à, deest in isto: Multô melior.*

*Est enim à multô negotiô, à multâ re, non ab unâ re melior.* Lucret. *Qui melior multis, quam tu, fuit inprobe rebus.*

*Numerô, cum ex, deest in istis: Primus omnium. Major fratrum. Unus illorum. Nemo amicorum. Græcorum doctissimus. Hominum alii boni, alii mali. Hostium trecentis interfectis. Lanarum nigra nullum colorem bibunt, pro, ex numero lanarum.*

*Nos duo, tres, quatuor, &c. Vos duo, hi, vel*



vel illi duo. *Ha dua, hac duo, tria, quatuor, sæpe defunt, ut Ego & Cicero valemus. Tu & filius valetis. Dum fata Deusque sinebant. Nox & prada hostem remorata sunt. Operam, studium, consilium, rem, fidem meam ad omnes res tibi velim parata putes. Pater mihi & mater sunt mortui. Ipse cum fratre adesse jussi sumus: pro, nos duo, nempe, ego cum fratre, jussi sumus. Achilles cum Patroclò ad Trojam profecti sunt. Herus & hera frustra sunt, pro, Hi duo, qui sunt herus & hera, frustra sunt. Plaut. Amph. act. 3. sc. 3. Jam hi ambo servus & hera frustra sunt duo. Nepos in Timoth. Huic in consilium dantur duo, Pater, & socer. Plaut. Bacch. a. 2. sc. 3. Vulcanus, Sol, Luna & dies, dii quatuor scelestiorem hòc nullum illuxere. Et Epid. a. 5. f. 1. Quem Apelles atque Zeuxis duo pingent pigmentis ulmeis: pro, quem duo pingent entes Apelles atque Zeuxis. Quisque suos patimur manes: pro, nos omnes patimur manes, quisque patitur suos. Populus superamur ab unò: pro, nos omnes qui sumus populus. Eamus omnis execrata civitas. Ovid. 2. Amor. 9. Nos tua sentimus, populus tibi deditus, arma. subaudi Entes. Nos, qui sumus populus tibi deditus, sentimus. Idem Ep. Hyperm. Cum sene nos inopi turba vagamur inops: subaudi, Entes turba inops, &c.*

*Ortus vel oriundus, vel natus, cum à vel ab vel de, deest in his: Turnus ab Aricià.*

*Pastor.*

*Pastor ab Amphrysô. Hospes Zacynthô. Vir claris natalibus. Homo obscurô locô. Adolescens de summo loco. Theseus ab Athenis, pro Atheniensis. Amphidamus de Arcadiâ, pro, Arcas.*

*Parte, cum Ex, deest in hoc Liv. 9. His sermonibus quâ cibi, quâ quietis immemor traducta nox est.*

*Pergere iter ad, subauditur in istô: Pergendum est nobis domum. nam Accusativus Domum regitur à præpositione. In pergendum subauditur pergere, quod cum sit Activum, regit accusativum iter.*

*Res cum ad, deest in alias, quod indocti habent pro adverbio. Plaut. Epid. Mens servus eam rem sobriè accuravit, ut alias res ille est impense improbus, pro, quod ad alias res temporis & loci attinet, id est, ad aliud tempus, ad alium locum: nam res temporis, valet tempus: res loci, locus. In hoc Cicer. Mulieres quibus cum iste consueverat, deest, rem habere.*

*Res, cum in tempore, deest in istis: Mane est, sero est. Vid. Annotat. in Grammat. de Adverb. in Manè, serò, tempori. pag. 38.*

*Scriptum, cum à vel cum, deest in his Cicer. In Pompeji epistola erat in extremô. Quod epistola librarii manu est. Tu si quid librarii meâ manu non intelligit, istic monstrabis, pro, scriptum à meâ manu.*

*Solô, cum in, deest in istis: Procubuit terra.*

*Ter-*

*Terra desigitur arbor. Arbores humi arenosò  
genita, pro, in solo arenosò humi.*

*Tempore, cum in, deest in istis: Brevisenties.*

*Optatò advenis. Serò sapiunt. Domi bellique  
optimus, pro, otii & belli tempore.*

*Tempus, cum circa, deest in istis: Homo id  
atatis. Hoc noctis domò exis.*

*Tribu, cum de vel ex, deest in istis: C. Sep-  
timus Quirinâ.*

*Terrâ, cum in, deest in hoc: Ægypti occisus  
est.*

*Verbis, cum alloqui, deest in hoc: Pancis te  
volo.*

*Urbe, cum in, deest in hoc: Natus Roma.*

*Vincula, cum in, deest in hoc: Duci illum  
jussit.*

## ELLIPSIS VERBI.

*Quotuplex est Ellipsis Verbi?*

*Duplex: Verbi scilicet infiniti & finiti. Ver-  
bum scilicet, quod deest, vel infinitum est,  
vel finitum.*

*Quotuplex est Ellipsis Verbi infiniti?*

*Duplex: Infiniti scilicet cognati & alieni: nam  
Verbum infinitum, quod deest, vel est cog-  
natum alicui verbo expresso, vel alienum.*

*Qualis est Ellipsis Verbi infiniti cognati?*

*Verbum infinitum cognatum, substantivi no-  
minis vim habens, deest in participiis pas-  
sivis singularibus cujuscumque casus, & in  
ver-*

verbis passivis nullum aliud suppositum habentibus, ut: *Nunc est bibendum*, deest verbum infinitum, *bibere*, quod est cognatum participio passivo, *bibendum*, & vim habet nominis substantivi. *Petendum est pacem*, subaudi, *petere*, quod est cognatum participio nominativi casûs. In *curritur*, deest *currere*, quod idem valet, ac *cursio* vel *cursus*. In *vivitur*, deest *vivere*, id est *vita*. In *sedetur*, deest *sedere*, id est, *sessio*. *Tempus est legendi*: subaudi, *legere*, quod vim habet nominis in genitivô, quasi esset, *lectûs*, id est, *lectionis*. *Charta inutilis scribendo*: subaudi, *scribere*, quod est locô nominis in dativo, quasi esset *scriptui*, id est, *scriptioni*. *Inter cœnandum*, subaudi, *cœnare*, id est, *inter cœnam*. *Perge quo cœpisti*, subaudi, *pergere*, id est, *perrectionem*. *Defessus sum legendô*, subaudi *legere*, quod est locô nominis in ablativô, quasi esset, *lectu*, pro, *defessus sum legendâ lectione*.

*Qualis est Ellipsis Verbi infiniti alieni?*

*Canere*, deest in hoc: *scit fidibus*.

*Dici*, deest in *malè audit*: nam integra oratio est: *Audit malè in se*, vel *de se*, vel *sibi dici*. *Malè* non coheret cum *audire*, sed cum *dici*: nam si cohereat cum *audire*, idem erit, *malè audire*, quod *parum audire*, si-  
ve ut Afranius dicit, *surdè audire*: Cicero, *surdastrum esse*. *Audit bonus, doctus*, subaudi,

di, dici, ut sit, *Audit dici esse bonus.* Græcô more, pro, *audit dici se esse bonum.*

*Esse vel fuisse, vel fore, deest in istis: Factum illi volo. Ne dicas tibi non pradiatum, promisi ultorem, subaudi, me fore.*

*Ire, deest in his: In Pompejanum cogito. Rhodum volo, inde Athenas.*

*Loqui, deest in scire Gracè, Latinè.*

*Qualis est Ellipsis Verbi finiti?*

*Adspicio, video, vel venit, deest in istis: En quatuor aras. Ecce homo. Ecce hominem. En Priamus.*

*Amet, vel adjuvet, deest in mehercules, mecastor, medius fidius.*

*Cæpit, deest in narrationibus: Ire prior Pallas. Populus ea mirari.*

*Dico, deest in istis, Bona verba queso, subaudi dic. Nugas, subaudi, dicis. Hachætēnus. De his hætēnus, subaudi, dixerimus, vel dictum sit. Quid multa? subaudi, verba dico.*

*Fac, vel da, vel pone, vel esto deest in istis: Hac negotia, ut ego absim, confici possunt, pro, positio vel dato, quod ego absim, quamvis ego absim. Bonis sis animis pro, fac ut sis bonis animis. Plaut. Bacch. a. 4. s. 4. Proin tu ab eis ut caveas tibi, subaudi, fac.*

*Facio, deest in istis: Dii melius vel meliora, subaudi, faciant. Studes, an piscaris, an venaris, an omnia simul? subaudi, facis? Illa nocte nihil praterquam vigilatum est in urbe: subaudi, factum est.*

*Ita*

*Ita dico, vel hoc eò dico, deest in istis: Satiari delectatione non possum, ut senectutis meae requiem noscatis. Hoc jam olim audivi, ne quid te novi attulisse mihi censeas.*

*Licet, deest in istis, Meam causam, queras vel in mediò mari, dum non sis quem te esse nolo, sis meam causam quid libet. Trahantur per me pedibus omnes rei. Vide infra Annotat. in Syntax. de Nominum casibus.*

*Loquor, deest in Affirmantis sermone. Plaut. Pseud. a. 4. s. 2. Herus tuus te misit? H. ita dico. B. miles? H. ita loquor. B. Macedonius? H. admodum.*

*Moneo, vel fac, deest in illis, quæ vulgo pro imperativis habent, ut Ames, legas, ametis, legatis, ament, legant. Istud ne dicas, cogites tecum. Nil mihi rescribas.*

*Obsecro vel imploro, vel nuncupo, deest in istis: Proh Deum atque hominum fidem! Hercules tuam fidem!*

*Oro vel precor, deest in precibus & diris, ut Diis meliora ferant. Utteperdat Jupiter. Qui illi Diis irati sint. Qui significat, quomodo, sive ut.*

*Paro, vel invenio, vel simile quid deest in istis: Quo mihi fortunam si non conceditur uti? Unde mihi lapidem? subaudi, parabo vel inveniam. Martis signum quo mihi pacis auctori? Ad quam rem nobis confluviū? ad quam urnarium?*

*Respondeo, deest in istis: Quod epistolam meam*

meam ad Brutum poscis, non habeo ejus exemplum.

*Sum, es, est, &c.* deest in istis: *Quid mihi tecum? Haud mora, festinant jussi. Hei mihi. Va mihi, subaudi, est. Quanam (malum) ista servitus voluntaria, pro, malum sit iis, qui servire volunt.*

*Timeo, vel cave, vel vide,* deest in istis: *Ah ne te frigora ledant. At ut satis contemplata sis. Verum ne quid illa titubet.*

*Volo ut,* deest in, *hac illis dicta sint.*

## E L L I P S I S PRÆPOSITIONIS.

*Qualis est Ellipsis præpositionis?*

*A, ab, ad, & in,* sæpe desunt in nominibus Urbium, Insularum, Provinciarum & aliorum locorum, ut: *Sardiniam cum classe venit. Lavina venit littora. Devenere locos latos. Nos hinc ibimus Afros aut Scythiam. Profectus est Siciliam. Romam eo. Romam venio. Rus eo. Ruri vel rure vivit. I malam crucem. Ivit exilium. Rediit exilio. Tollere humum.*

*A, & ab* sæpe desunt in iis, quæ significant vel causam efficientem, ut: *Palleo metu, horres frigore, corpus siccum sole & esuritione. Ager vel tardus vulnere. Arte insignis.*

L

Vel

Vel instrumentum, ut: *Gladiò percussus. Armis defendi.*

Vel tempus consecutum, ut significant idem, quod *post*, ut: *Rediit hoste superato. Lectis tuis literis obdormivi. Mane ut ad portum processi*, pro, à *mane*, id est, postquam jam mane fieri cœptum est.

Vel differentiam aut distantiam, ut: *Sensit intelligens quid interest. Absit virtute illius.*

Vel partem certam, cum oratio sic explicari potest: *Ex parte hujus rei, quod ad hanc partem attinet*, ut: *Animò otiosus*, pro, ab animo, id est, ex parte animi, quod attinet ad animum. *Ingeniò improbus. Armis, pecuniâ multum valere*, pro, ab armis, à pecunia. *Multis rebus melior*, pro, à multis, quod ad multas res attinet. *Multò & paulò melior*, pro, à multo vel paulò negotiò melior, à multa re melior. *Multò magnus orator minutis imperatoribus præstat. Locus frumentò copiosus*, pro, à frumento, quod ad frumentum attinet. *Metu vacare*, pro, vacuum esse à metu, quod ad metum attinet. *Nugis referti libri*, pro, à nugis. *Transitu iniqua loca*, pro, à transitu, sive, ut Livius lib. 8. dicit, ad transitum: nam eadem utriusque est significatio. Itaque *Facie alicui similis & faciem similis*, promiscuè dicitur, sed ibi deest, à, hic verò ad. Sic *Nuda pectore*, pro, à pectore & *nuda pectus*, pro, ad pectus. Sic nullâ significationis differentiâ, *Miser animi*,  
ani-



*animum* & *animò* dicitur, pro, *animi causâ*,  
ad *animum*, & *ab animo*, vel *ex animo*.

*Ad*, sæpe deest in verbis significantibus distantiam aut mensuram, ut: *Sex pedes altus. Latus quinque pedes.*

Vel finem propositum, ut: *Quid frustra laboramus?* pro, *ad quid*. *Mori me cogis*, pro, *ad mori*, seu *mortem*. *Eamus visum* vel *visere*, pro, *ad visum*, *ad visere*: nam hic verbum infinitum vim habet nominis in accusativô. *O faciles dare summa Deos, eademque tueri difficiles*, pro, *ad dare*, seu *dandum*, *ad tueri* seu *tuendum*. *Oves eunt pastum*.

Vel partem certam, cum orationis sensus est, quod ad hanc partem attinet, ut: *Albus dentes. Fractus membra*: pro, quod ad *dentes* & *membra* attinet. *Faciem illi similis*, pro, *ad faciem*, quod attinet ad *faciem*. Barbari dicunt, *quoad faciem*. Propert. de Taurô: *Cornua quam validis haerit in laqueis*, id est, à *cornibus*, vel *cornibus*. Turpilii Leucadiâ: *Videtur Phryx incesum*, pro, *ad incesum*, *ab incesu*, vel *incesu* *Phryx* videtur. *Sanctus alia*, pro, *ad alia*, *alioqui*. In hac refecit rectè, etsi *alias res* est *improbis*, pro, *alias*, quod ad *alias res* attinet, *alioquin*. *Cætera latas*, pro, *ad cætera*, *cateroqui*. Scis me orationes aut aliquid id genus solitum scribere: pro, *ad id genus*, quod ad id genus attinet. *Nihil te moror. Si quid te offendo.*

*Ante*, deest in verbis tempus significantibus, ut: *Pridie Kalendas. Multos abhinc annos. Sex menses est, cum huc veni, pro, factum est abhinc ante sex menses cum huc veni. Sexaginta annos natus sum. Ubi Priscianus subaudit, ante.*

*Circa*, deest in tempore significandô, ut: *Tu homo id atatis audes saltare? Hoc noctis sic solus ambulas, pro, circa tempus id atatis, noctis.*

*Cum*, deest in verbis instrumentum & modum, aut comitatum significantibus, ut: *Gladiô percussus. Sagittâ sancius. Lentô gradu. Hac lege. Pace tuâ. Maximâ voce inclamat. Magnâ curâ aliquid curare. Homo magnô ingenio. Afficio te honore. Prosequor odio. Arte tractare aliquem. Deô duce. Volente Deô. Nave proficisci. Templum clamore petebant. Equâ me, pro, aquâ cum me, vel mecum. Terent. Adelph. Quod jus vos cogit, hoc voluntate impetret, pro, cum voluntate.*

Vel tempus, ut *Cras primâ luce hinc abibo.*

*De*, sæpe deest in iis, quæ significant vel copiam & inopiam, aut objectum, ut: *Nugis referti libri. Mendaciis liber ejus plenus est. Plenus vinô. Equus lignô fabrefactus. Sacrificare taurô, agnô. Casa lutô composita.*

Vel tempus, ut: *Nocturnum vel nocte. Horâ primâ. Tertiâ vigiliâ.*

Vel causam & modum, ut: *Flere alicujus obitu. Quibus signis agnoscebas. More hominum facis.*

*Ami-*

*Amicorum consiliô feci. Meâ sententiâ. Meô judiciô. Meâ pecuniâ hoc faciendum curabo. Quâ causâ, quâ re, pro, qua de re. Accusare aliquem crimine aliquo, pro, de crimine. Visitare loliô, sicis aridis, subaudi, de, pro quô Hebræi dicunt in, ut: Non in solo pane vivit homo, ubi Panis vite causa est.*

*Vel locum, ut: Româ scribunt: pro, de Româ, id est, ex Româ, sicut Ovidius libros suos scripsit de Pontô, & Cicero de Pomptinô ait se scribere, & de Gyarô ad Atticum dedisse literas. Vinum Chiô, aut Lesbô, pro, de Chiô, Lesbô, id est, Lesbium. Sargus Egyptô, id est, Egyptius.*

*E, vel ex, deest in verbis significantibus vel causam efficientem, ut: Laboro dolore, pro, ex dolore. Amoris abundantîâ hoc feci. Morte alicujus voluptatem capere. Meritô aliquid pati, pro ex meritô. Virtute clarus.*

*Vel modum, ut: Ordine collocare vel dicere aliquid, pro, ex ordine, ordinatè. Vocare aliquem nomine, pro, ex nomine, ut Plautus loquitur. Lege agere cum aliquô, pro, litigare. Lege aliquâ condemnare aliquem, pro, ex lege.*

*Vel locum, ut: Cn. Magius Cremonâ, pro, ex Cremona.*

*Vel adjunctum, ut: Aurô bibere, pro, ex aurô. Juvenal. Vitreô bibit ille Priapô.*

*In, sæpe deest in verbis significantibus vel locum, ut: Ibam viâ sacrâ. Habitat Athenis. Vitis dominabitur Argis, pro, in Argis.*

*gis. Hôc locô queres ex me , pro , in hoo locô.*

*Vel tempus , ut : Sis multos annos superstes. Hunc annum mihi conduxi fabrorum operas. Fons diefrigidus , nocte fervens. Cœnabis apud me paucis diebus , pro , in paucis diebus , intra paucos dies.*

*Vel subjectum aut objectum , circa quod quis occupatur , ut : Opus est mihi libris , vel , opus habeo libris , pro , in libris : id est , meum opus , negotium , vel occupatio est in libris , seu circa libros , curandum est mihi ut habeam libros. Libri sunt mihi opus , vel meum opus.*

*Vel causam , propter quam aliquid fit , ut : Accusas me eô quod citò crediderim , pro , in eo. Felix es hac uxore , pro , in uxore. Perire amandô , pro , in amando.*

*Vel adjunctum sive comitatum , ut valeat idem ferè quod cum , ut : Bibulus admirabilis gloriâ est. Sum magnô timore. Annibalis nomen magnâ apud omnes gloriâ est. Lamia summâ gratiâ est. Spe sum maximâ. Magnô est periculô. De pace nec nullâ , nec magnâ spe sumus. Est summâ apud milites caritate. Cic. 6. Fam. ep. 4. Esse magnô dolore. Id. 4. ad Att. 6. quô dolore esse debeo.*

*Vel instrumentum , quô quid efficitur , ut : Libris me oblecto. Ludis delectari. Ovid. Epist. Ariad. Ibis Cecropios portus , pro , in portus , &c. IN etiam omissum in Plaut. Bacch.*

Bacch. 2. 4. f. 2. *Hæc dentifrangibula manibus meis gestiunt.*

Vel modum, quò quid fit, ut: *Ordine aliquid facere*, pro, *in ordine*, ut ait Virgil.

Vel partem certam, cum sensus est, quod ad hanc partem attinet, ut: *Hæc unâ re est illi similis, ceteris inferior. Non armis præstantior, quam togâ*, pro, *in armis, in toga*, quod ad arma & togam attinet. *Multum velocior. Multum improbior. Paulum doctior. Paulum intelligens. Multum alicui præstare.*

Deest etiam in ablativis, quos falsò *Absolutos* vocant Grammatici, ut: *Cantandò rumpitur anguis*, pro, *in carmine cantando*. *Bibendò perijt*, pro, *in bibendo bibere seu potu*. *Cur tantis præmiis virtutis nemo rectè facit*, pro, *in tantis præmiis*. *Rebus tuis bonis meas irrides malas*, pro, *in rebus tuis entibus bonis, cum tuæ res sint bonæ*.

*Ob* vel *propter*, sæpe deest in verbis infinitis accusativi vim habentibus, & causam, sive finem propositum significantibus, ut: *Gratulor illi filium ejus esse inventum*, pro, *propter esse inventum filium*, sive *ob inventionem filii*. *Mæstus est se hoc fecisse. Pudet dixisse*, pro, *ob fecisse, ob dixisse*. *Accipio dolorem mihi illum irasci*, id est, *ob irasci*, vel *iram illius*. *Flevit me discedere*, pro, *ob me discedere, ob meum discessum*. *Ibo videre*, pro, *ob videre, ut videam*. *Gaudeo me tibi probari*.

*Per*, sæpe deest in significandô tempore & parte certâ, ut: *Vixit centum annos*. Propert. *Io versa caput primos mugiverat annos*, id est, per primos annos, in primis annis. Idem: *I nunc & noctes disce manere domi*. Cic. *Totas noctes somniamus*. *Hirsutus brachia*, pro, per brachia, ut ait Virgil. id est quod ad brachia attinet.

Similiter in significandô locô & objectô, ut: *Mare navigavit*. *Terram*, mare, sidera juro. Propert. *Ino etiam primâ terras atate vagata est*, pro, per terras.

*Post*, deest in tempore significando. Vellejus 2. *Lepidus decimô annô, quam ad potentiam pervenerat à fortuna desertus est*, pro, postquam.

*Pra*, deest in comparisonibus, ut: *Doctior ceteris*, pro, pra ceteris, ante ceteros. *Illô minorem me fateor*, pro, pra illo. *Bona est mulier tacita, quam loquens*, pro, praquam loquens. *Confite cito, quam si objicias formicis papaverem*.

Similiter in significandâ causâ, ut: *Homini lacrima cadunt gaudiô*.

*Pro*, deest in significandô pretiô, aut quod pretii locô est, ut: *Emi magnô*, id est, pro magno pretio. *Quanti emisti*, id est, pro quanti aris pretiô emisti. *Pace bellum mutare*. *Par pari referre*. *Aureus unus valet decem argenteis*. Pro etiam omissum in comparandô. Plaut. Capt. a. 2. l. 3. *Haec centesimam partem*

*tem me laudat, quam ipse meritus est ut laudetur. i. e. pro quam ipse meritus, &c.*

Similiter deest in significandâ similitudine, ut in *Crebrò, citò, serò, certò, meritò*, quæ vulgo putantur adverbia; Plaut. *Pœn. a. 3. f. 5.* Idem *Afin. a. 3. f. 2.*

*Sub*, sæpe deest in ablativô, quem vulgo *absolutum* vocant, si præsertim imperium seu præfectura in pace, in bello, in literis significetur, ut: *Te consule. Marcô judice. Rege Numâ. Imperante Augustò. Teteſte. Aristole auctore. Sole ardente. Orpheô cantante.*

Deest etiam in significando instrumento, ut: *Querulâ voce mecum egit.*

## ELLIPSIS ADVERBII & Conjunctionis.

*Qualis est Ellipsis adverbii & conjunctionis?*

*An, vel ne*, deest in istis: *Melius, pejus, obſit, proſit, nihil curant. Studes, an piſcaris? pro, ſtudesne?*

*Aut, vel ſeu*, deest in istis: *Quem ſex ſeptem menſibus non vidi proximis. Quatuor, ad ſummum quinque ſunt inventi. Velis, nolis.*

*Enim, vel nam vel quia*, deest in istis: *Nimium ne crede colori, alba liſuſtra cadunt. Nec ſum adeo informis, nuper me in liſtore vidi.*

*Etiam*, deest in isto loquendi genere: *Non doctus modò, sed probus.*

*Ergo*, vel *igitur*, deest in hoc Terent. *Hac non successit, aliâ aggrediemur viâ.*

*Ita*, vel *sic*, sæpe deest, ut: *Faciam ut jubes. Rogo ut venias, seu qui venias, pro, ita rogo quemadmodum venias.*

*Magis* vel *potius*, deest in hoc Plauti: *Bona est mulier tacita, quam loquens.*

*Ne*, deest in istis: *Cave cadas, Cave faxis, pro, ut ne faxis, seu facias.*

*Nec* vel *neque* deest in isto: *Hoc mihi nec Cicero persuaserit: subaudi, nec quisquam alius.*

*Non*, sæpe deest post *non modò, non solum, non tantum*, quando scilicet oratio non est dubia, ut: *Regnum non modò Romano homini, sed ne Persæ quidem cuiquam tolerabile. Ut ista jam non modò homines, sed ne pecudes quidem passura videantur.*

*Post*, deest in illis: *Postridie intellexi, quam à vobis discessi. Alterâ die quam à Brundisiò solvit. Is duodecimò die, quam abierat, illuc pervenit.*

*Prius*, sæpe deest ante particulam *quam*, ut: *Gravidam illam reliqui, quam abeo.*

*Quam*, sæpe deest post comparativas voces, ut: *Plus quingentos colaphos impegit mihi. Plus millies audivi. Calefces plus satis. Amplius sunt sex menses. Triennium amplius. Major decem annorum. Faciam te certiore, subaudi,*



audi, quam antea. *Visus est mihi tristior subaudi, quam aliàs, vel præ solitò.*

*Quam pro*, deest in comparationibus, ut: *Vestis major corpore, pro, major quam pro corpore. Ditiore opinione, pro, quam pro opinione.* Ovid. Epist. Cydipp. *Cetera cura tua est, plus hoc quoque virgine factum. Non timuit secum quod mea charta loqui, pro, plusquam pro virgine.*

*Quamquam*, vel *etsi* deest sæpe, cum ei tamen adversatur, ut: *Sedulitatem mali poetæ aliquò tamen præmiò dignam duxit, pro, etsi mali poetæ.*

*Sivè*, deest in istis: *Leva sivè dextera vocaret auram. Tollere, seu ponere vult freta.*

*Sed*, sæpe deest, ut: *Multis ille quidem flebilis occidit, nulli flebilior, quam tibi, pro, sed nulli flebilior.*

*Si*, sæpe deest, ut: *Negat quis, nego; ait, ajo. Unum cognoveris, omnes noris. Utor tam bene, quam mihi pararim. Poscis, dandum: ejicit, abeundum.*

*Sicut*, vel *quasi*, sæpe deest, ut: *Nec verbum verbò curabis reddere fidus interpres, pro, sicut fidus interpres.*

*Tam*, deest in hoc Livii: *Homo non quam isti sunt, gloriosus.* Et Plaut. *Non pisces expeto, quam tui sermonis sum indigens.*

*Vel*, deest, quando aliud vel in oratione exprimitur, ut: *Vel Priamo misera manus, subaudi, vel cuicumque hosti. Vel*  
stul-

*stultus hoc intelligeret, subaudi, vel quivis alius.*

*Verò, vel antem, deest in istis: Propatre mori possum, coram patre non possum. Hac morum vitia sunt, non senectutis.*

*Ut, deest in istis: Nolo dicas. Velim desinas. Sine veniat. Cave cadas. Cave ne cadas, pro, ut ne cadas. Jam credo rediit, pro, ut credo.*

*Utinam, deest in istis, Tecum ludere, sicut ipsa, possem. Troum arma secutum obruerent Rutuli. Me quoque quâ fratrem mactasses improbe dextrâ.*

## DE ZEUGMATE.

*Quotuplex est Zeugma?*

*Duplex: Verum & Falsum.*

*Quid est verum Zeugma?*

*Est figura Latinæ consuetudinis, per quam plures sententiæ, seu membra orationis, ad unum verbum referuntur, quarum unaquæque desideraret illud verbum, si sola poneretur, ut: Sociis & rege recepto, pro, receptis sociis & recepto rege. Leges & plebiscita coacta, pro, leges coacta & plebiscita coacta. Ego populusque Romanus vobis bellum indico, pro, ego indico & populus indicit. Natura Gallis corpora animosque magis magna, quam firma dedit, pro, corpora magna & animos magnos. Vites à caulis brassicisque, si prope sati sint, refugiunt, pro,*

pro, si caules prope sati, brassicae prope satæ sint. O cæna, quibus ipse meique vescor, pro, in quibus ipse vescor, & in quibus mei vescuntur. Cic. 1. Attic. 6. Mater tua & soror à me diligitur. Virgil. Phrygii comites & laus Julus incedunt

*Quid est falsum Zeugma?*

Quando unum illud verbum, ad quod plures sententiæ videntur referri, non omnibus sententiis convenit, ut *Disce puer virtutem ex me verumque laborem, fortunam ex aliis*. Hic verbum *disce*, non rectè refertur ad sententiam istam, *fortunam ex aliis*: sed subauditur, *opta*. Non ergo Zeugma est, sed Ellipsis, Sic *Sacra manu victosque Deos, parvumque nepotem ipse trahit*. Hic verbum *trahit*, refertur tantum ad *nepotem*: *Sacra & Deos portat*, quod verbum subaudiri debet. Cicero, *Fortuna, quâ illi florentissimâ, nos durioris conflictu videmur*. Hic verbum *conflictu* convenit posteriori tantum orationis parti, in prior subaudiri debet verbum *usi*: quamvis de utrâque fortunâ Corn. Nepos dicat in Timol. *In his rebus non simplici fortunâ conflictatus est*.

## D E S Y L L E P S I.

*Quid est Syllepsis?*

Est figura Latinae consuetudinis, in qua concordia partium orationis turbatur, cum animus aliud concipiat, quam verbis profertur.

*Quotplex est Syllepsis?*

Duplex: *Absoluta & Relativa.*

*Quid est Syllepsis Absoluta?*

In qua generibus, aut numeris, aut utroque voces discrepant.

*Quotplex est Syllepsis Absoluta?*

Triplex: *Generis, Numeri & Utriusque.*

*Quid est Syllepsis Generis?*

Cum aliud genus proferimus, aliud mente concipimus, ut: *Pars arduus altis pulverulentus equis farit. Capita conjurationis virgis casti. Latium Capuaque agrò multati. Samnitium casti duo millia. Ubi iste scelus est, qui me perdidit. Cic. Hanc sibi rem praesidio sperant futurum. Plaut. Justam rem esse oratum a vobis volo. Plaut. Rud. a. 5. l. 3. Vidulum iste invenit, illud mancipium est meum. pro, Ille est mancipium, &c. Ufu autem venit, non parum saepe, ut Syllepsis generis cum Ellipsi sit conjuncta, si nimirum vel praedicatum, vel subjectum orationis Ellipsin patiat: tum enim non ejus, quod*

quod deest, sed alterius in oratione partis genus proferimus, ut si *adamantem* demonstrans dicam, *hæc est gemma*. In adjectivô *hæc*, deest substantivum *adamas*, quod est nomen masculinum, sed profertur genus prædicati, quod est *gemma*. Sic eleganter dices: *Hic error est, non scelus*: pro, *Hoc negotium error est*. *Hic est panis, qui de cælô descendit*, pro, *hoc*: subauditur enim *negotium*, quomodo etiam in illis: *Hic est sanguis meus*. *Hoc est corpus meum*. Eadem prædicati ellipticis positi est ratio, ut *Homo est creatus à Deo, est animalium divinissimus*: subauditur enim vel *negotium*, vel *res*, adeoque concipitur quidem mente neutrum aut fæmininum genus, sed profertur illud, quod subiecto est accommodabile. Atque hæc Syllepsis Generis in omnibus participiis passivis, quæ de subiecto prædicantur, locum habet, ut, *Cicero dictus est pater patriæ*.

*Quæ est Syllepsis Numeri?*

Cum aliud numerum proferimus, aliud mente concipimus, ut: *Pars in frustra secant. Pars volucres facta. Aperite aliquis. Cæperunt se quisque magis extollere. Etiam poëta suum quisque opus à vulgò considerari vult. Nec nostrum quisquam sensimus. Alius alium poscant. Uter meritis culpam. Uterque insanit. Te uterque ego atque hic oramus. Nobilissimus quisque. delecti Romam mittitur. Eunuchum velle te dixisti, quia sola his utuntur regine. Propterea quod,*

pro,

pro, propter id quod. Contentum esse suis rebus maxima sunt divitia. Amantium ira amoris integratio est. Dotis modus fuit quadraginta millia aris. Nobile erit Roma pascua nostrorum. Anxur fuit, quae nunc Terracina sunt. Gracchus: Credo ego inimicos meos hoc dicturum. In quò Ellipsin constituere licet, quasi esset, Inimicos esse negotium dicturum. Valerius Antias: Si res divina facta essent, omnia ex sententia processurum esse. Cic. act. 4. in Ver. Sestertium decies numeratum esse, pro, numerata esse; quod in libris quibusdam legitur: subauditur enim, ipso Cicerone ibidem docente, Centena millia. Vellejus lib. 2. de Curione: An acceptio centies sestertium fecerit: pro, acceptis centies centenis millibus sestertium. Plaut. Trin. Trapezita mille drachmarum sunt redditae, pro, res mille drachmarum est reddita. Idem Perf. Athena sunt fortunatae, pro, fortunatae; nam Syllepsis numeri est conjuncta cum Ellipsi vocis Urbs: nec enim sensus est: Athena sunt Athena fortunatae; sicut, Roma est sancta, pro, urbs Sancta, non Roma est Roma sancta. Singularia enim, ut Aristoteles docet, determinationem non suscipiunt, cum de pluribus non affirmantur.

*Qua est Syllepsis utriusque?*

Cum & genus & numerum aliter proferimus, quam mente concipimus, ut: Pars in flumen acti. Tunc omnis aetas currere obvii. Pars in ca. cerem acti, pars bestiis objecti.

*Quid*

*Quid est Syllepsis Relativa?*

In quâ nomine relativô sivè expressô, sivè subauditô totam orationem præcedentem pro casu concipimus, aut casum in voce aliquâ involutum referimus, ut: *Inter alia prodigia etiam carne pluit, quem imbrem aves feruntur rapuisse.* Hic relatio fit ad casum, *imber*, qui tamen non præcessit, sed oratio hæc, *carne pluit*, pro eô casu concipitur, quasi dictum foret, *Carnis imber fuit.* Sic, *Per literas me consolatus sum, quem librum ad te mittam.* Hic casus *liber* non præcessit, sed concipitur in hac oratione, *Per literas me consolatus sum.* Significat enim, *Per libri compositionem.* Sic, *De Prætianâ hereditate, qua quidem mihi magno dolori est (valde enim illum amavi) hoc velim cures.* Hic nomen *illum* refert *Prætium*, qui casus non fuit expressus, sed in voce *Prætiana* involutus, quasi dictum fuisset, *De Præti hereditate.* Catull. *Nam Sextianus dum volo esse conviva, Orationem in Attium petito-rem plenam veneni & pestilentie legit.* Subaudi, *ille*, nempe *Sextius*, qui casus illâ voce *Sextianus* est involutus, quasi fuisset: *Nam Sextii ipse dum volo esse conviva.*

M

D E

# D E H Y P E R B A T O.

*Quid est Hyperbaton.*

Est figura Latinae consuetudinis, per quam verba transponuntur, nec servatur ordo Grammaticae consentaneus.

*Quae sunt species Hyperbati?*

*Anastrophe, Tmesis, Parenthesis, Synchysis & Anacoluthon.*

*Quid est Anastrophe?*

Præpostera vocabulorum collocatio, ut: *Mecum, tecum, nobiscum, quibus de rebus, quam ob rem, quem ad modum, me penes, mea interest, pro, est inter mea negotia. Adigere arbitrum, pro, agere ad arbitrum; quapropter, ea propter.*

*Quid est Tmesis?*

Compositi vel conjuncti vocabuli divisio, ut: *Septemque triones. Quomcumque rapit tempestas.*

*Quid est Parenthesis?*

Sensus sermonis, antequam absolvatur; interjectio, ut: *Tityre dum redeo (brevis est via) pascere capellas. Nescis (opinor) quid evenierit.*

*Quid est Synchysis?*

Ordo vocum confusior, ut: *Nihil me tui invenisti penes. Saxa vocant Itali, mediis quae*



in fluctibus, aras: pro, Saxa, quæ in mediis fluctibus, vocant aras.

*Quid est Anacoluthon?*

Consequentium à superioribus discrepantia, cum scilicet nullò modò sequentia cum præcedentibus cohærent, ut Terent. *Nam omnes nos, quibus est alicunde aliquis objectus labor, omne quod est interea tempus, priusquam id rescitum est, lucro est.* Liv. 41. *Indicandum vobis est, quid omnes bonos in vobis aut offendant, aut certe mutatum velint.* Hirt. bello Alex. *Ligarius quem Cesar dimiserat, & postea se ad Pompejum contulerat.* Varro lib. 2. rei rustic. 4. *Me in Arcadiâ scio spectatum suum, quæ præ pinguetudine carnis non modò surgere non posset, sed etiam ut in ejus corpore forex nidum fecisset, & peperisset mures.* Pro, *scio me spectasse suum adeo pinguem, ut non modò surgere ipsa non posset, sed etiam ut forex nidum in eâ faceret.* Sed hæc Figura potius pro vitiò & quadam auctorum allucinatione vel oscitatione haberi debet; atque haud scio an Palæmon rectè Varronem, ut auctor est Suetonius, *Porcum* vocaverit, quippe qui de se ipsò memoriæ prodiderit, *se spectatum esse suum.*

## DE HELLENISMO feu Græcismô.

*Quid est Gracismus?*

Est Syntaxis consentanea Græcorum consuetudini, sed multis modis cùm à regulis Grammaticæ Latinæ, tùm à patriâ Romanorum consuetudine discrepans.

*Quæ sunt Gracismi genera?*

Multa quidem, sed præcipua sunt *Gracismi Generum & Casuum*.

*Quotuplex est Gracismus Generum?*

*Triplex*: Nam vel *Masculinum* ponitur pro *Neutrô*, ut *Saxum ingens, campô quis forte jacebat limes agro positus*: pro, quod jacebat. Vel *Fæmininum* pro *Neutrô*, ut *Mamma putres, equina quales ubera*: pro, qualia sunt ubera equina. Vel *Neutrum* pro *Masculino*, ut *Est locus in carcere, quod Tullianum appellatur*, pro, qui appellatur.

*Quotuplex est Gracismus Casuum?*

*Quintuplex*: *Nominativi, Genitivi, Dativi, Accusativi & Ablativi*.

*Qualis est Gracismus Nominativi?*

Cum nominativus ponitur pro accusativô, ut: *Parum habet consul creatus esse*: pro, consulem se creatum. *Vis videri doctus*: pro, doctum te esse. *Dixit daturus*, pro, se daturum. *Cesar dicitur venire*, pro, *Cesarem*. *Multi pu-*  
tan-

*tantur venturi esse, pro, eos venturos esse. Cic. Multa sunt, qua ego nescire malo, quam cum aliquo periculô fieri certior: pro, qua me nescire malo, quam fieri certiozem. Nam ego hic suppositum est verbi nescire, non verbi malo. Ovid. Hanc pias Aeneas eripuisse ferunt, pro pium Aeneam.*

*Qualis est Gracismus Genitivi?*

Cum genitivus ponitur vel pro accusativô, ut: *Cum aliquid agas eorum, quorum consuevisi, pro, qua. Apponendum est olentium herbarum, pro, olentes herbas. Vel pro ablativô, ut Desine querelarum, pro, à querelis. Lassus maris, pro, à mari. Plenus curarum, pro, de curis. Dives agri, pro, agrô.*

*Qualis est Gracismus Dativi?*

Cum dativus ponitur pro accusativô, ut: *Nobis non licet esse tam disertis, pro, disertos. Tibi expedit esse bono, pro, bonum.*

*Qualis est Gracismus Accusativi?*

Cum accusativus ponitur vel pro nominativô, ut Plaut. Merc. a. 2. s. 4, *Quô lethô censes me ut peream potissimum. pro, Censes ego ut peream. Illum ut vivat optant, pro, ille. Patrem vellem viveret tibi, pro, Pater. Jube famulum ad me ut veniat, pro, famulus. Ego te faciam ut miser sis, pro, tu. Vel pro dativô, ut: Non me latet, pro, mihi. Vel pro ablativô, ut: Occurrunt anima, quales nec candidiores terra tulit, pro, qualibus. Nec savis animum mitior anguibz, pro, animô. Albus dentes, pro, dentibus. Similis illi faciem, pro, facie.*

*Qualis est Gracismus Ablativi?*

Cum ablativus pro accusativo ponitur, ut: *Raptim quibus quisque poterat elatis*, pro, *quo quisque poterat*. Ablativô Græcos carere, ad reliquorum cumulum accedat, quæ Varro aliique Grammatici oscitantes allucinati sunt.



## ANNOTATIONES

I N

## S Y N T A X I N.



Rimum omnium ad rem pertinere & ex usu discentium fore arbitror, ut Magister de *Genere Syntaxeos* nostræ, qualis scilicet illa sit, & quid ab aliorum præceptionibus ea intersit, tum de *Uso* ejus breviter admoneatur.

Quod ad aliorum de Syntaxi præceptiones attinet, res in propatulo posita vociferatur, regulas & nimis multas esse, & confusas, nec certis generibus distinctas, nullò scilicet *Concordiæ* & *Reffionis* discrimine: quodque multò majoris est incommodi, tot *exceptionibus*, *appendicibus* & *observationibus* oneratas, ut discentem si minus ad insaniam, ad desperationem quidem certè possint redigere. Huc accedit, quod cum Philosophi judiciò limantur, non nisi paucissimæ veræ inveniuntur. Verbi gratiâ de nominibus adjectivis, itemque de verbis genitivum regentibus complures traduntur regulæ, quas omnes falsissimas esse ex nostra Syntaxi discitur, quia scilicet genitivus tam in Græcâ, quam in Latinâ linguâ à solo nomine substantivo, vel à Græcâ præpositione *ἐκ*, præterea verò à nullâ orationis parte regitur. Similiter multæ ab aliis afferuntur regulæ de verbis, & nominibus dativum adseiscuntibus: quod contra nostrâ hæc Syntaxis à nullâ prorsus orationis parte eum casum regi docet. Non paucæ etiam sunt aliorum regulæ de nominibus & verbis accusativum vel ablativum regentibus, sed omnes falsissimæ, demtâ unâ illâ de verbis activis, quæ accusativum adseiscunt. Cæterum & accusativum & ablativum

vum perpetuò à præpositione regi, nostra Syntaxis facie planissimum: ex quâ etiam dilucescit, quam ridiculè delirarint, imò totâ viâ erraverint vel doctissimi Grammaticorum, qui omnes casus ab adverbis regi docuerunt. Omnes igitur, quotquot jam inde à secundo bello Punico ad hanc usque diem Latinæ constructionis præcepta didicerunt (unam *Francisci Sanctii* Syntaxin excipio, quamvis ea nec perfectâ, nec satis ordinata, adhæc autem subobscura sit) labore se ipsi improbissimo eoque vano & irritò confecerunt, nec quisquam eorum existit, ne Cicero quidem ipse, aut Varro, aut Quintilianus, qui plerorumque quæ Grammaticè dixisset aut scripsisset, certam roganti rationem posset reddere, neque aut inepta, aut flagitiosa, aut palam falsa respondendo, ludibrium eruditis deberet: quod ego minimè vereor, ne cui audacius, quam verius, insimulare judicer, qui *Paradoxa* nostra *literaria* cognoscere dignum habuerit.

Nostra Syntaxis contra hæc omnia regulas habet numero paucissimas: Nam de *Nomine*, *Verbo* & *Participio*, quicquid dici potest, quindecim regulis complexi sumus, quas bonæ memoriæ & jam iudicii nonnullius adolescens vel unâ die edidicerit. Deinde eas, quæ *Concordiæ* inserviunt, ab aliis, quæ *casuum* rectiorem dirigunt, distinximus: quâ quidem re hoc præstamus, ut regulæ minori negotiò intelligi ac memoriæ mandari possint. Ubi tamen Lectorem velim monitum, *Concordiam* aliam *naturæ* esse, cum scilicet duæ res in aliquâ tertiâ conveniunt, cui propriè demum *Concordia* vel *Convenientia* appellatio debetur: Aliam *Arbitrii*, cum duo quædam nihil habent tertium, in quo consentiant, usu tamen hominum conjungi solent, cujusmodi est adverbii *utinam* concordia cum verbis secundorum temporum: quæ minus propriè *Concordia* dicitur. Adhæc ita regulas formavimus, ut non modò nullam patiantur *exceptionem* (id quod omnibus inconcessum adhuc, sive impossibile visum est) sed etiam ut ea, quæ regulis alioquin minimè serviunt, & ad *Irregularem Syntaxin*, sive *Figuras* pertinent, sub se comprehendant. In quo non doctrinæ, sed prudentiæ methodum custodivimus, discen-  
tium compendio servientes. Hoc quippe lucri inde facient, quod labore vel falsæ constructionis, vel *Ellipsos* regulas  
edq

ediscendi levantur. Qui enim (exempli gratiâ) primam hanc nostræ Syntaxis regulam didicit: *Nomen substantivum sive expressum, sive suppressum cum adjectivo consentit: is nihil necesse habet ea ediscere, quæ de Ellipsi nominis substantivi, deque falsâ gerundorum & participiorum rectione tradimus*, sed satis erit, si ea sæpius relegat, probèque intelligat: Similiter cognitâ quintâ nostrâ regulâ, quâ docetur: *Omne genitivum à nomine substantivo expresso aut suppresso regi*, cum nihil attinet in memoriæ mandandis vel *Ellipsis* substantivi, vel regulis de falsa verbi substantivi rectione, deque adverbii genitivum regentibus operam occupare. Tandem *Fundamenta* majoris Syntaxeos duodecim aliquibus *Maximis* sive *Regulis* complexi sumus, quas qui didicerit, multò minore negotiò tam falsas, quam veras regulas cum veritatis & falsitatis earum causis intelliget, neque semel perceptas facile memoriâ suâ delabi aut effluere sibi sentiet. Harum aliæ ad orationem, aliæ ad orationis partes, *Nomen* puta & *Verbum*, pertinent. Prioris generis duæ sunt: una:

*Omnis affirmatio & negatio nomine & verbo constat.*

Sivè iis vocibus, quæ nominis & verbi vim atque significationem habent, quia nimirum *affirmatio* est oratio, in qua alterum de altero affirmatur: *negatio*, in qua negatur. Illud, de quo alterum affirmatur aut negatur, *Nomen* est: *Verbum* verò, quod de altero affirmatur aut negatur. Itaque cum, quando dicitur *pluit*, aliquid affirmari certum sit, aliquid necesse est, de quo illud *pluit* affirmetur. Hinc regula Syntaxeos enâscitur: *Omne verbum finitum habet ante se nominativum, secum in numero consentientem*. Si quis ergo dicat, *Cælum pluit*, erit *Syntaxis regularis*, qua scilicet regula modò tradita custoditur. Sed si dicat, *pluit*, erit *Syntaxis irregularis* seu *figurata*, in qua per figuram *Ellipsin* nomen, verbi suppositum, supprimitur, adeoque subaudiri debet. Fecimus igitur regulam in Syntaxi nostrâ, quæ magis Philosophica esset quam Grammatica, & sub se figuram quoque comprehenderet hòc modò: *Omne verbum finitum habet ante se nominativum sive expressum, sive suppressum, secum in numero consentientem*.

Altera ad orationem pertinens *Maxima* est:

*Præter nomen & verbum sunt certa particula, quibus & illa dua, & alia minores orationis partes, veluti nervis colligantur, variis significationibus assignata, quæ cum exprimuntur, Regularis; cum subaudiuntur, figurata est Syntaxis.*

Exempli causa. Præpositionum aliarum usus est in significandò loco, à quo, in quo, & ad quem: aliarum in significandò tempore, ante quod, in quo, circa quod, & post quod: aliarum in causa vel efficiente, vel impellente, vel administrâ sive instrumentali (quo & modus pertinet) vel inficiente seu permittente, vel materiali, vel finali: aliarum in parte certâ: aliarum in adjuncto vel comitatu: aliarum in objecto: aliarum in comparatione: aliarum in pretio: aliarum in mensurâ, id quod ex illis intelligi potest exemplis, quibus præpositionum *Ellipses* in Syntaxi demonstravimus. Similiter reliquarum particularum, id est, conjunctionum & adverbiorum, alix copulationem partium orationis significant, alix disjunctionem, alix conditionem, alix concessionem, alix adversationem, alix comparationem, alix similitudinem, alix relationem, aut causam, alix tempus, alix votum & desiderium, velut in earum particularum *Ellipsis* distinctè exempla singularum afferendò planum fecimus. Cum ergo in hac oratione, *Gladiò percussus*, manifestum sit instrumentum significari: jam suâ sponte quisque intelligit, præpositionem aliquam in eâ considerari, quæ significando instrumento sit destinata, ut est *ab* & *cum*. Ita in hoc Virgiliano, *Devenêre locos letos*, motum ad locum significari constat. Deest ergo præpositio tali moriù significando inventa, ut est *ad* vel *in*. In hoc autem Terentiano, *Hæc non successit, aliâ aggrediemur viâ*, posteriorem orationis partem inferri ex priorè cuius appareret, adeoque particulam aliquam *illativam* subaudiri necesse est, quales sunt ergo, igitur, itaque. Hoc Magister legendis exemplis, quibus præpositionum, conjunctionum, & adverbiorum *Ellipses* declaravimus, cum ipse facillimè intelliget, tum discipulis explicare poterit, quos etiam ea me-



memoriæ mandare, priusquam ad reliquam Syntaxin admittantur, minimè ab re futurum videtur.

Iam *Maxima* ad nomen pertinentes, aliæ de *Nominum formis* seu *speciebus* agunt, aliæ de *casibus*. Prioris generis ttes sunt.

Prima:

*Omne nomen adjectivum habet suum substantivum.*

Sunt enim ista ex eorum genere, quæ *per se*, ad aliquid seu *relata* perhibentur, & quomodo *Dominus est servi dominus*, item adjectivum est substantivi adjectivum, sive quod substantivo adjungitur. In quâcunque ergo oratione nomen adjectivum invenitur, in ea substantivum cum adjectivo consentiens sive expressum, sive suppressum sit oportet. Si sit expressum, erit *Syntaxis Regularis*: Si autem sit suppressum, ac subaudiendum, *Syntaxis* erit *Irregularis*, seu *figurata*. Hujus regulæ probè intellectæ longè maximus est usus. Ex ea enim de *Participiorum concordia*, deque *falsa* cum *Participiorum*, tum *Gerundorum rectiōe* facillimè judicari potest. In auctorum quoque lectione minimum difficultatis legentibus objicietur, si exempla *Ellipticæ* adjectivorum prius sibi familiarissima reddiderint. Ea igitur pueris Magister multum ac sæpe prælegere, tum ex iis auctorum verbis, quæ *Minerva* nostra recitat, magis explanare meminerit.

Secunda:

*Omne nomen Relativum habet suum nomen antecedens, quod refert.*

Ut *Odi sapientem, qui sibi non sapit*. In hac oratione nomen relativum *qui*, refert sive repetit nomen antecedens, *sapientem*. Itaque in hoc Horatiano, *Sunt quos arma juvant*, necesse est suppressum fuisse ac subaudiri nomen, *homines*, quod à relativo *quos* refertur: Est ergo *Figurata Syntaxis*.

Tertia:

*Omne nomen Comparatum habet suum nomen positivum, cum quo comparatur.*

Cujus regulæ, ut & superioris proximè ratio ex Philoso-  
pho

phorum doctrinâ de relatione pendet: neque tamen necesse est, ut positivum sit conjugatum comparati nominis, cum satis sit id quôvis modò in comparatione intelligi, ut cum dico: *Visus est mihi tristior*, subaudis nomen positivum, *equò*, *justò*, aut *solitò*, quasi sit, *Tristior præ illo tristi, qui ex equo, justo, aut solitò tristis est*. Virgil. *Ocyus incubuere omnes*, subaudi, *dictò*, sicut alibi: Sic ait, & *dicto citius tumida equora placat*. Nempe, *Dictum ejus non tam citum est, quam cita est equoris placatio*.

De nominum casibus quatuor sunt Maxima.

Prima:

*Omnis nominativus est verbi finiti aut suppositum modò, aut simul appositum & suppositum, sive illud verbum sit expressum, sive suppressum.*

Si sit expressum, erit *Syntaxis regularis*: sin suppressum, *Irregularis*, & vel *Ellipsis*, vel *Zeugma*. Ratio hujus regulæ ex prima pendet, quia scilicet omnis oratio ex nomine & verbò constat. In hoc ergo Virgilii, *En Priamus*, quia aliquid affirmatur, necesse est verbum finitum subaudiri, nempe, *adest*. Atque hæc *Ellipsis* est. Sed in isto Horatii, *O noctes cœneque Deum*, quibus ipse meique vescor: nominativus *mei* est suppositum verbi, *vescuntur*, quod subauditur, quæ figura *Zeugma* dicitur. In hoc, *Deus est animus*, duorum nominativorum alter est suppositum, alter appositum.

Secunda.

*Omnis genitivus Latinâ constructione à nomine substantivò expressò aut suppressò: Gracâ vero etiam à prepositione ex expressâ aut suppressâ regitur.*

Latinæ constructionis hæc est ratio, quia genitivus perpetuò possessorem significat, sive activè, sive passivè capiat, ut *Pekias Achillis vulnere tardus est*, hoc est, *vulnere quod Achilles fecit: Paris Achillis vulnere letatur*, id est, *vulnere quod ipse Achilli fecit*. Utrobique autem *Achilles* est velut possessor, sive is, cujus res est. Jam *Possessor* & *res possessa* sunt nomina relata, quorum alterum sine altero non potest intelligi. Itaque cum audis, *Regis est debellare su-*  
per-

perbos, necessariò subaudis nomen substantivum, velut rem à rege possessam, quod est, *Munus, officium, opus, res, negotium*. Sic moris est, subaudis, *res*. *Roma vivit*, subaudis, *in loco*. *Domi est*, subaudis *in edibus*. *Accusatus furti*, subaudis, *crimine*. *Miseret me tui*, subaudis, *miseratio*. *Pudet me facti*, subaudis, *pudor*. *Omnium primus*. *Græcorum optimus*, subaudi, *ex numero*. *Integer vite, sceleris purus, juris peritus, cupidus vini, vir cæterarum rerum minimè malus*, subaudis, *causâ*: est autem vini causâ, cæterarum rerum causâ, idem ac si dicas, quod ad vinum, quod ad cæteras res attinet; ubi significatur causa non efficiens, sed inficiens, sive permittens, quæ quoque præpositione per significari solet, ut in hoc Cic. *Nunquam per Antonium quietus fui*. *Trabantur per me pedibus omnes rei, non laboro*. *Per me vel stertas licet*. Plaut. *Tu ægrota si lubet per me etatem*. *Per hanc cænam tibi incænato esse licet*. *Meam filiam hanc esse oportet*. GR. *Sit per me quidem*. Eodem sensu Plaut. Trin. *Dum ne ille sis, quem te esse nolo, sis meâ causâ quidlibet*. Epid. *Dum sine me queras, queras meâ causâ vel in medio mari*. Rud. *Meâ quidem causâ salvus sis licet*. Observandum porrò est etiam adjectiva nomina, ex participiis facta, genitivum regere, quoniam substantivorum vim habent, sive *δυναμις*, non *φωρη* substantiva sunt. Nam *Amans uxoris, appetens alieni*, nihil est aliud, quam *amator uxoris, appetitor alieni*. Scholastici dicerent esse substantiva virtualia, non formalia. Cur verò Græca Syntaxi genitivus ab *ἐν* regatur, nulla reddi potest ratio, nisi quod Græcum idioma sic ferat, quemadmodum Latinò idiotismò, seu propriâ consuetudine ablativum à præpositione *de* regi videmus, quoniam scilicet linguæ conditoribus ita visum fuit. Solent autem Græci præpositionem *ἐν* per Ellipsin maiorem partem suppressere, quam eorum consuetudinem imitantes Latini dicunt: *Implentur veteris Bacchi. Plenus vini. Participare aliquem sui consilii. Abstine irarum. Desine querelarum. Egere medici. Lassus maris*, &c. Vitruvius magis etiam græcissat, Latinis præpositionibus *ex* & *in* genitivum addendo, ut lib. 1. cap. 2. *Quantitas est modularum ex ipsius operis sumtio*, pro, *ex ipsa opere*. Et mox cap. 4. *Piscium nature plurimum ex aëris & ter-*

*et terreni sunt compositæ*, pro, *ex aëre et terreno*. Et cap. 8. *Cum ergo iis rationibus erit salubritatis in maxium collocandorum explicatio*, pro, *in manibus collocandis*. Et lib. 3. cap. 2. *Si ex imbrum aqua vis occupaverit*, pro, *ex imbris*. Et lib. 8. cap. ult. *Descriptio ex duodecim celestium signorum sic figurata*, pro, *ex duodecim celestibus signis*. Sed Vitruvium, ut mechanicum, ac de plebe hominem puritatis linguæ studiosus nihil morari volet. Cæterum de genitivi usu minimè ab re fuerit monere, eò aliàs significari causam, ut *Oratio Ciceronis*, cujus auctor est Cicero. *Nummus argenti*, cujus materia est argentum. *Talentum dotis*, quod in dotem datur. *Habet quinquaginta talenta vectigalis*, quæ ex vectigali ad eum redeunt. Aliàs *Subiectum* sive recipiens, sive occupans, quod Logici *Objectum* vocant, ut *Pudor patris*, quod subjectivè significat pudorem, quo pater afficitur; objectivè, quem pater inquit. *Metus hostis*, quo vel metuit, vel metuitur. *Parvi filii desiderium mei*, quò filius me desiderat. *Officii deliberatio me cruciat*, quâ de officio delibero. *Regis munus vel officium*. Aliàs *Adjunctum*, ut *Homo magni ingenii*, id est, cum magno ingenio, vel ingeniosus. *Homo multi cibi*, pro, vorax. *Pecus regis*, pro, regium. *Aulam auri inveni*, pro, ollam in quâ est aurum. *Cadus vini*. Aliàs *Totum*, ut *In adibus domi*. *Conclavia mearum adium*. Aliàs *Partem vel speciem*, ut *Res cibi*, pro, *cibus*. *Res voluptatum*, pro, voluptates. *Urbs Roma*, pro, Roma. *Flos violæ*, pro, viola. *Flumen Rheni*, pro, Rhenus. *Vitium arrogantia*, pro arrogantia. *Arbor fici*, pro ficus. *Premia palme*, pro palma quæ est premium. *Deliciæ pueri*. *Frustum pueri*, pro, puer qui est deliciæ, vel frustum. Virgil. *Hic tibi mortis erant meta*, pro, hic erat tibi mors meta. Idem. *Corinthe Tyrrhenâ à sede profectus*, pro ab urbe Corinthe quæ sedes ei erat. Curtius: *Libri arborum capiunt literarum notas*, pro, literas quæ sunt notæ. Propert. *Vel tibi Medorum pugnares ire per hostes*, pro, per Medos qui sunt hostes. Idem: *Jam negat Euphrates equitem post terga tueri Parthorum*, pro, Parthos qui sunt eques, sive equestris exercitus. Livius: *Lucus frequenti sitâ et proceris abietis arboribus septus*, pro, abietibus, quæ sunt arbores.

## Tertia:

*Omnis accusativus à verbo activo expresso, aut suppresso, vel à nomine substantivo verbali, vel à præpositione regitur,*

Ut, *Tendimus iter in Latium. Æternas pœnas timendum est. Eo spectatum ludos.* Priorum ratio est, quia omne verbum activum significat actionis sive formam, sive materiam, circa quam occupatur, hoc est, objectum, sive effectum: quibus quidem significandis quartus casus fuit inventus. Postremum ab idiomate Latino pendet, quoniam scilicet linguæ effectoribus placuit præpositiones certi usus significationem habentes cum quarto casu jungere. Verbi gratiâ placuit, ut in significando *loco ad quem*, & in *tempore ante & circa quod*, certarum præpositionum accusativo junctarum usus esset, quæ quidem secundum regulas exprimuntur, per *Figuram* verò supprimuntur. Hinc fit, ut in *Pridie Calendæ. Multos abhinc annos*, subauditur *ante*; in *homo id ætatis, hoc noctis*, subauditur *ad* vel *circa*. Plura hujus rei exempla in *Syntaxi de præpositionum Ellipsi* videri poterunt, unde facile quivis intelligat, ubicunque inveniat *accusativus*, qui à verbo activo, aut à verbali nomine non regitur, cum necessariò à præpositione per *Ellipsin* suppressa regi, ut *Albus dentes. Fractus membra. Catena latus. Alias, pro, aliqui. Proficiscor Romam. Eo domum, rus. Docebo te artem. Moneris utilia. Hoc sine te exorem, &c.* In illò *Pœnas timendum est*: accusativus *pœnas* regitur ab activo verbo *timere*, quod subauditur, ut in *Ellipsi verbi cognati* demonstratum est. In hòc *Eo spectatum ludos*, duo sunt accusativi, quorum posterior *ludos* regitur à nomine substantivo verbali *spectatum*, quod ipsum quoque accusativi casus est, & à præpositione *ad* suppressa regitur, de quò vide *Rectionem nominis verbalis*.

## Quarta.

*Omnis ablativus à præpositione regitur.*

Cujus regulæ ratio etiam ipsa ab idiomate Latino, eorumque, qui linguam condiderunt, institutò pendet. Itaque pro exploratò haberi potest; ubicunque ablativus inveniat, ibi præpositionem aliquam desiderari per *Ellip-*

*Ellipsin*, cujus rei exempla in *propositionum Ellipsisibus* alata, facile cuivis fidem fecerint.

Postremò tres sunt ad verba pertinentes *Maxime*.

Prima.

*Omne verbum accidentale* (id est, quod non sit substantivum) *aut activum est, aut passivum; quorum illud semper accusativum expressum, aut suppressum regit.*

Hujus ratio est, quia inter agere & pati nihil est medium, omnisque motus aut actio est aut passio. *Neutræ* ergo verba nihil sunt, nisi indoctorum Grammaticorum commenta, qui non animadverterunt verborum activorum alia varios habere accusativos materiales, ut *Facere verba, fidem, finem, insidias*: alia non nisi unicum eumque formalem & cognatum, ut *Vivere vitam, mori mortem, furere furorem, egere egestatem, currere cursum, sedere sessionem, ambulare ambulationem, servire servitutem, certare certamen*. Illis, quæ plures accusativos regunt, necesse est certum semper accusativum adjungere, quoniam aliter, quid agant, incertum erit. Sed his, quæ unum tantum regunt, inane, otiosum ac supervacuum fuerit accusativum adjungi, quoniam nemini de eò, tanquam essentiali seu formali, dubium esse potest. Ubi tamen modum verborum illorum, quò agunt, exprimere volumus, rectè & locupletium auctorum mori convenienter dicemus: *Vivo vitam bilarem, mortuus est mortem lentam, furis gravissimum furorem, eget acerrimam egestatem, currit cursum percelerem, sedet sessionem commodam, ambulat ambulationem solitam, servit servitutem publicam & laboriosissimam, certat anceps certamen*. Sed etiam prioris generis verba non pauca sic absolutè sine accusativis poni solent, quoniam ex quotidianò loquendi scribendique usu satis scilicet noti erant, quorum exempla inter *Ellipses* recensuimus.

Secunda:

*Omne verbum finitum habet pro supposito nominativum expressum, aut suppressum, aut etiam verbò infinitò, Aut aliâ oratione commutatum.*

Cujus

Cujus rationem jam reddidimus, quoniam scilicet omnis oratio ex verbô & nomine constat. Itaque in *Amo*, *amas*, subaudiuntur nominativi suppositi *ego*, *tu*. In *Ajunt*, *seunt*, subauditur nominativus *homines*. In *Curritur*, *seder*, *stat*, *vivitur*, *evenit*, desiderantur nominativi *usus*, *sessio*, *status*, *vita*, *eventus*. In *Itur* subauditur *istio* *el via*. Sic *Ningit*, *nix*: *Lucescit*, *Advesperascit*, *Pluit*, *upiter* vel *ether*: *Miseret*, *miseratio*: *Tadet*, *tadium*: *Pu*, *t*, *pudor*: *Piget*, *pigritia*: *Pœnitet*, *pœna*. *Urbem* quam *statuo* *vestra* est, *pro*, *Urbs*, quam *urbem* *statuo*, est *vestra*. *Licet* *vobis* esse *beatis*, *pro*, *beatitudo* *vobis* *licet*. *Expedit* esse *divitem*, *pro*, *divitie* *expediunt*. *Deprendi* *miserum* est, *pro*, *deprehenso* *miser* *res* est. *Moneri* *me* non est *nece*se, *pro*, *monitum* *mei* non est *ne-esse* vel *necessum* sive *necessarium*: nam sicut *imbecillus*, *a*, *um* & *imbecillis*, *imbecille*, similiter *necessus*, *a*, *um* & *necessis*, *necesse* *priscis* in usu fuit, *pro*, *necessarius*, *a*, *um*: quam rem si *Famianus Strada* cognoscendis *Grammaticis* didicisset, *solœcismum* illum, *vix* in *puerô* *ferendum*, *effugisset*: *Nos* *monitore* *necesse* non *habemus*. *Ratio* certè & *doctrina* *puerilis* *postulabat*: *Moneri* *necesse* non *habemus*. *Ubi* *moneri* *vim* *accusativi* *habet*, sicut *nominativi* in *hœc*, *Moneri* non est *necesse*. *Priscô* *more* *dici* *poterat*: *Monitor* *nobis* non est *necessus*, vel *necessis*. *Monitorem* non *habemus* *necessum* vel *necessem*. In *posterum* *verô* *nullum* *Stradæ*, *ejusque* *similibus*, *magnis* *illis* *literarum* *institutoribus*, *solœcismi* *tam* *deformis* *erit* *periculum*, *ubi* *eos* *artis* *hujus* *nostræ* *præcepta* *perdiscere* non *piguerit*. *Donati* in *Ter. Eunuch. act. 5. sc. 5.* *verba* *sunt*: *Necesse* est *nomen*: nam *necessus*, *necessis*, & *necessum* *lectum* est. *Eugraphius* in *prolog. Heauton. Nece*se *babeo* *silentium*. *Ut* *docerem* *rectè* *dici*, *Nece*se *aliquid* *babeo*, *oblitus* *fui* *ad* *dere* *hunc* *Senecæ* *patris* *locum* *6. Controvers. 3.* *Sic à* *ta* *alligatus* *est*, *ut* *necesse* *haberet*, *quod* *non* *expediebat*.

Tertia:

*Omne* *verbum* *infinitum* *habet* *pro* *supposito* *accusativum* *expressum*, *aut* *suppressum*.

*Ut* *Volo* *me* *facere*. *Possum* *me* *ingere*. *Studet* *se* *placere*: vel *per* *Figuram*: *Volo* *facere*. *Possum* *ingere*. *Studet* *placere*.

N

Dixit

*Dixit se dare, vel, se esse daturum: vel per Ellipsin Dixit dare & dixit daturum esse. Videor me videre, & per Ellipsin, videor videre. Diceris te fecisse, vel per Ellipsin, diceris fecisse. Videtur eum nos odisse, vel per Ellipsin, videtur nos odisse. Ratio hujus regulæ pendet ex idiomate Latin quoniam scilicet hic suus Latinis mos est: nam Græcum more dicendum est: Diceris tu fecisse, dicunt t fecisse, dicunt ille fecisse. Ita Græcanica & transmarina Syntaxis est in hoc Ovidii Fast. 6. Seu pius Æneas eripuisse servum Et in hōc Catulli, Phaselus ait fuisse navium celerrimum pro quō Latinè, secundum regulam dixisset: Ait fui, se celerrimum: secundum consuetudinem verò per Figuram: Ait fuisse celerrimum. Hor. Vir bonus & sapiens dignis ait esse paratus. Ita legit Charisius. Catull. Quin Diis iratis desinus esse miser, pro, te esse miserum, quomodo vetus Inscriptio apud Brissonium in formulis: Quando me esse desiero. Plautus: Viginti minas adolescens daturus dixit, pro, daturus esse. Virgil. Sensit medios delapsus in hostes, subaudi, esse, quod Græcò, non Latinò more dictum est: sicut Multi dicuntur venturi esse: nam secundum Latinæ artis regulam dicendum: Multi dicuntur eos venturos esse, eos venire, & per Ellipsin Latinam: Multi dicuntur venire, aut venturos esse. Perpetuò enim verbi infiniti suppositum est accusativus, nisi verbum substantivi nominis vim habeat.*



D E  
**ORTHOEPEIA**  
 S E U  
**RECTA LITERARUM**  
 Latinarum pronunciatione.



Eram Latini sermonis *Orthoepeiam* (quam Quintilianus interpretatur *emendatam cum suâ virtute vocum explanationem*) explicare, nec multum habet utilitatis, & est vel doctissimis in omnique antiquitate versatissimis inconcessum. Jam scilicet unusquisque persuasum habet, suæ nationis homines optimè, rectius quidem certè, quam aliarum, linguam Latinam pronunciare, nec ullâ vel auctoritate, vel ratione adduci potest, ut eam pronunciandi rationem, cui jam adsuevit, mutare velit. Et qui peregrinas linguas earumque dialectos non didicere, sunt ad iudicium hæc de re ferendum ineptissimi. Non longè abiero. Itali homines literam *H* pronunciare non possunt, adeoque literam non esse facilè sibi persuadent: ex quo fit, ut non modò Hispanicum, Gallicum, & Germanicum sermonem

ægrè addiscant, sed neque Latinum epigramma Catulli in Arrium sine justò aliarum nationum irrisu legere possint. Sinenses *R* non habent, sed ejus loco *L* proferunt, quod contra fit à Japanis. Galli non possunt efferre Germanicum *Ch*, nec Germani Italorum *Gn* & *Gl*, quæ sunt Hispanorum *Nn* & *Ll*. Accedit deinde, quod talis est ipsarum literarum, vocalium maximè, & diphthongorum conditio, ut vivam hominis vocem requirant, nec scriptò exponi possint. Sed potissima omnis hâc in re difficultatis causa est interitus linguæ Latinæ: quæ quoniam abhinc mille annis amplius depravari cœpit, atque in usu esse desit, Germaniæ populis Gothis, Francis, Burgundionibus, Suevis, Alanis, Vandalis & Langobardis ex suâ vernaculâ & ex vulgari Latinâ nova illa linguarum genera constantibus, quibus Itali, Galli & Hispani hodie quoque utuntur, nisi quod multa Hispanicæ Arabes intulerunt: cò factum est, ut quæ literarum pronunciandi ratio apud Romanos fuerit, ne suspicari quidem possimus. Hoc nemini non facillimè probavero, qui sciat, quam irritum capiat laborem, si quis hodie exoticas linguas sine vivâ magistri voce discat. Ut enim Hispanus quispiam, aut Germanus, aut Gallus totum Boccacium & Petrarcham memoriæ mandârit, & Hetruscè elegantissimè scribere didicerit, si tamen numquam Italum hominem loquentem audierit,  
nec

nec aliò præmonstrante prononciationem Italo-  
rum didicerit, certissimum est, vix decimam  
quamque vocem ejus ore prolatam ab  
Italīs intellectum iri, adeoque nullum eicum  
Italīs sermonis commercium esse posse. Itaque  
pro exploratissimo habeo, si Cicero in terris  
hodie existat, & non modò Gallos, Ger-  
manos, aut Hispanos, sed & illum ipsum  
florem illibatum Italiæ, Hetruscam dico Sire-  
na *Johannem Ciampolum* Latinè loquentem au-  
diat, fore ut ne unum quidem verbum satis  
percipiat: sicut neque nostrum quemquam  
declamante Cicerone plus, quam si Arabicè  
peroraret, intellecturum arbitror. Ut autem  
hoc fiat planissimum, eademque operâ com-  
plurium nationum homines errore suo libe-  
rentur, & quam ridiculè sibi linguæ Latinæ  
rectè prononciatæ palmam asserant, intelli-  
gere possint, distinctè ac singulatim de iis,  
quæ rem explicatu adeò reddunt difficilem;  
ea in medium asseram, quæ inter legendum  
veteres scriptores, præcipuèque Grammati-  
cos, observavi; quæ quidem ad sex omnino  
capita revocari possunt: Nempe vel ad *Voca-  
lium* cùm *simplicium*, tùm *compositarum*, id  
est, *Diphthongorum* & *Triphthongorum*: vel ad  
*Consonantium* cùm *simplicium*, tùm *duplicium*  
*prononciationem*: vel ad *Accentum*: vel denique  
ad *Euphonia rationem*.

## DE VOCALIBUS SIMPLICIBUS.

*A*, duplicem sonum habere, vix quemquam tam illiteratum inveniri arbitror, quin suâ sponte intelligat. In *Anna*, *Arra*, prius *a* perspicuè aliter sonat, quam posterius. Sed & tertium ejus sonum fuisse, qui ad *o* propius accederet, ex Festo discimus. Ait enim: *Fovii*, qui nunc *Fabii* dicuntur: & vicissim *horreum*, antiquis *farreum*. Sic hodie in Germanis Vestphali & Bavari, *Poter da mihi ponem*, pro, *pater panem*. Quartus ejusdem sonus affinis fuit Græco η, sive eta; quam litteram vox ovium exprimit, quæ est *bee*, *bee*: ex quo Latinis prius *beclare*, post *balare*, sicut Græcum μήτηρ *meeter*, Latini extulerunt *maater*; & ex *ma*, quò Græci adjurantes utebantur, ut μὰ τὸν ἀπόλλωνα, fecerunt *me*, ut *Mecastor*, quod Donatus monet, Hec. act. 1. sc. 2. Hinc suspicari licet, in *facio* fuisse *a* pronunciatum more Bononiensium, ut ab *e*, in *feci*, minimum interesset.

*E*, similiter duplici sonò effertur in *esse*, *peste*: testaturque Victorinus aliter *e* longum, aliter breve sonare. Tertius ejus sonus apud veteres ad *i* accedebat, velut ex iis, quæ subjiciam, testimoniis discimus. Quintilian. lib. 1. c. 4. & 7. *E quoque I loco fuit, ut Mener-*

*nerva & Leber & Magester & Dijove & Veijove, pro, Dijovi & Veijovi: Livius & Peditanus, Sibe & Quase scribebant. In Here neque E plane, neque I auditur. Nos nunc E literam terminamus, at veterum Comicorum adhuc libris invenio: Heri ad me venit, quod idem in epistolis Augusti, quas sua manu scripsit aut emendavit deprehenditur. Varro 1. rust. 1. Rustici veam dicebant, pro viam, & vellam pro villam. Festus: Me pro mi, sen mihi dicebant antiqui, & ameci per E literam efferebant. Donat. in Phorm. act. 1. sc. 1. Propter cognationem E & I literarum, non dubitaverunt antiqui heri & here dicere, & mane & mani, & vespere & vesperi. Servius in Æn. 2. Veteres Pennas dicebant, non Pinna.*

Sed & cum O, quandam literæ E, cognationem fuisse, frequens alterius pro alterâ commutatio arguit. Festus: *Helus & Helesa antiqui dicebant, quod nunc Holus & Holera. Hemonem, hominem. Quintil. 1. c. 7. Vortices & Vorsus ceteraque ad eundem modum Scipio Africanus in E literam secundam vertisse dicitur. Cassiodor. de Orthographiâ: Vostra olim ita per O, hodie per E, ut Advorsum, adversum: Pervorsum, perversum: Votare, vetare: Vortex, vertex: Convallere, convellere: Amplocti, amplecti. Priscianus lib. 1. Antiquè Amplocti pro amplecti dicebant, & Animadvorti pro animadverti.*

*I, quoque duplici sonû exauditur in ipsi,*

*irriti. Testantur autem Grammatici ; alium I longæ sonum fuisse, alium I brevis; ac ne breve quidem unô eodem sonô pronunciarî solitum. Quintil. 1. c. 4. Medius est quidam U, & I, litera sonus: non enim sic optimum dicimus, sicut opimum. Et cap. 7. optimus, maximus, ut mediam I, literam, qua veteribus U, fuerat, acciperent, Caji primum Cæsaris inscriptione traditur factum. Festus: Plisima veteres pro plurima. Velius Longus de Orthographiâ: I, litera interdum exilis est, interdum pinguis, ut in eô quod est prodit, vincit, condit, exilius volo sonare. In eô verò, quod significatur prodire, vincere, condire, aque usque pinguescit, ut jam in ambiguitatem cadat utrum per I, quadam habeant dici, an per U, ut est optimus, maxumus. In quibus annotandum, antiquum sermonem plenioris soni fuisse, & ut ait Cicero, rusticanum, atque illis fere placuisse per U talia scribere & enunciare. Manet eadem quaestio, manubiæ, an manibiæ, libido an lubido. Nos verò postquam exilitas sermonis delectare cœpit usque I, literâ castigavimus illam pinguitudinem, non tamen ut plenè I, literam enunciareremus. Idem: In virô & virtute, I, scribitur, & panè U, enunciat. In contumaci melius puto I, servari. Venit enim à Contemnendo: etsi Nisus & contumaci per U, putat posse dici à tumore. Varie etiam scriptitatum est, mancupium, aucupium, manubiæ: siquidem C. Cæsar per I, scripsit, ut apparet ex titu-*

tiulis ipsius: at Augustus per U, ut testes sunt ejus inscriptiones.

O Similiter duplici sonô proferri ex opto; porro, apparet; Sed in Pono, poto, bis idem sonus auditur. Victorinus etiam aliô sonô O, productum, aliô correptum enunciarî his verbis docet: O, ut E, *geminum vocis sonum pro conditione temporis promit. Qui O, correptum enunciat, nec magnô hiatus labra reserabit, & retrorsum actam linguam tenebit. Longum autem productis labiis, rectâ tereti lingua arcu oris pendula sonum Tragicum dabit: cujus observationis & in E litera similis panè ratio est.*

Tertius O, sonus fuit, sono U, affinis: quâ de re verba sunt Fabii lib. 1. cap. 4. O, & U, *permutata invicem, ut Hecoba & no-trix, Culchides & Pulyxena scriberetur, & dederont ac probaveront. Sic Odysseus, quem Udyssæa fecerunt Æoles, ad Ulyxem deductus est. Nostri praeceptores cervom, servomque scripserunt: nunc U, gemina scribuntur: sed neutrô modô vox, quam sentimus, efficitur. Festus: Quatenos antiqui dicebant pro quatenus. Velius Longus: Antiqui confusas O, & U, literas habuere; nam consul scribebant per O, cum legeretur per U, consul. Unde in multis etiam nominibus varia sunt scriptura, ut fontes, futes: frondes, frundes. Victorinus: Augustus mecom per O, non ut nos per U, literam scripsit. Nam O, non solum pro brevi & longâ, sed etiam pro U, ponitur, ut populus,*

piacolum, hoic pro huic, fonus pro funus, item alia multa. Cassiodorus: Praesto, nos per O, scribimus: antiqui per U, qui & O, pro U, nisi sunt. Publicum enim quod nos publicum, & quod nos culpam, illi colpam dixerunt, & exsoles, quod nos exsules, quod ex solò eant. Prisc. lib. 1. O, aliquot Italia civitates, teste Plinio, non habebant, sed locò ejus ponebant U, & maximè Umbri & Thusci. O, convertitur in U. Huc, illuc, pro hoc, illoc, Virgil. Hoc tunc ignipotens cælò descendit ab altò. Et pleraque quae apud Gracos nominativum in OS terminant, O, in U, convertunt apud nos. Vetustissimi etiam huminem, pro hominem proferebant. Funtès, pro fontes. Frundes, pro frondes. Fretu, pro fretò. Acherunte, pro Acheronte: quae tamen à junioribus repudiata sunt, quasi rusticò more dicta. U, quoque multis Italia populis in usu non erat, sed e contrario utebantur O, unde Romanorum quoque vetustissimi in multis dictionibus locò ejus, O, posuisse inveniuntur, publicum, polchrum, colpam, Hercolem dicentes. Sed si vè longa, si vè brevis est O, affinis est cum U, ut ebur, robur, ßàs, pro ebor, robor, bos. Servius in Æn. 8. Hoc tunc ignipotens cælò descendit ab altò, id est, Huc tùm: nam ante, hoc, adverbium loci fuit, quod nunc abolevit: nam crebrò in antiquis lectionibus invenitur, sicut in epistolis probat Verrius Flaccus exemplis, auctoritate, ratione: dicens in adverbii pro U, O ple-



plerumque majores ponere consuetos: & sic pro huc, hoc veteres dicere solebant, sicut pro illuc, illo dicimus. Unde etiam hoc, longum esse apparet, sicut illo, quod pro illuc ponitur.

U, geminô sonô in fructu exaudimus, quamvis utrobique longum sit, adeoque more veteri fructum scribi possit. Plautus ejus sonum noctua voci tribuit, quam ait *tu tu usque dicere*. Et Terentianus non aliud sonare testatur, quam *OR*, diphthongum Græcam. Tertius ejus sonus cum *I*, quartus cum *O*, affinitatem habet. Et de hoc postremô jam veterum testimonia audivimus. De tertio nunc nonnulla subjiciam. Velius Longus: *Variè scriptitatum est mancupium, aucupium, manubiæ: siquidem C. Caesar per I, scripsit; at Augustus per U. Mihi videtur nimis rusticana enuntiatio futura, si artubus per U, extulerimus: ita tamen existimo enunciandum, ut nec nimis I, littera exilis sit, nec U, litteram scripseris enunciationis sonô cum nimis plenô, ac meminerimus artis Orthoepeja esse, ut sive hanc, sive illâ litterâ scripseris, enunciationis sonum temperet. Idem puto & in clipeô, per I scriptô observandum.* Victorinus: *C. Caesar optimus, maximus scripsit, non ut nos per U litteram. Messala, Brutus, Agrippa pro fumus, scripserunt fimus. Cassiodorus: Lacrumæ an lacrimæ, maxumus an maximus, & si qua similia sunt, scribi debeat, quaesitum est. Varro tradidit, Casarem per I, ejusmodi verba solitum esse enunciare & scribere:*  
indo

inde propter auctoritatem tanti viri consuetudinem factam. Servius in Æn. 1. *In navibus stupa interponitur vasis, quam stipam dicunt.* Et Æn. 5. *Stuppa secundum antiquam orthographiam: nam stipa dicta est à stipando. Abusivè etiam linum dicimus.*

Y, Græcam esse vocalem omnes norunt. Eam Latini per U, efferebant, sed tertiô ejus sonô, qui ad similitudinem I, accedit, quomodo hodie U, Galli & Itali Alpibus finitimi pronunciant. Velius Longus: *Verrio Flacco videtur eandem esse apud nos U, litteram, quæ apud Græcos Y, namque his exemplis argumentatur: quod illi dicunt cyminum, nos cuminum, quam illi cyparisson, nos cupressum, illi kyberneten, nos gubernatorem, nec non ex ejusmodi Theseus, Peleus, & similibus affirmant.* Donatus in Hec. act. 1. sc. 2. *Pro Syra, Sura veteres legerunt, U, pro Y, ponentes, ut Musia, Suria.*

Scaurus de Orthogr. Y, litteram supervacuum Latino sermoni putaverunt, quoniam pro illâ U, cederet: sed cum quedam in nostrum sermonem Græca nomina admissa sint, in quibus evidenter sonus hujus literæ exprimitur, ut Hyperbaton & Hymnus & Hyacinthus & similia, in eisdem hâc literâ necessario utimur. Cassiodorus de Orthog. Y, literâ antiqui non semper usi sunt, sed aliquando locô illius, U, ponebant. Itaque in illorum quoque libris hanc scripturam observandam censeo, Suriam, Suracusas, Sumbola, Sucophantas. De

## De Vocalibus Compositis, id est, Diphthongis & Triphthongis.

Diphthongus est sonus ex duarum vocalium sonô in unum conflatus, sic ut utriusque sonus exaudiatur, etsi non pari tempore. Aliàs enim prior vocalis integrum tempus, aut etiam duo tempora habet, posterior dimidium modò tempus, aut etiam tertiam partem temporis, ut in *ae*, *ai*, *ao*, *au* & *eu* usu venit: nam harum priores plenè efferuntur, nisi quod Germani inter *Ai*, *Ei*, & *Eu*, vix quicquam faciunt discriminis: posteriorum sonus ad aures ferè perit, adcò ut certò constitui non possit ultima in *musae*, *e* sit, an *i*, in *aure* & *euro*, *o*, an *u*; ex quò factum, ut veteres indiscriminatim *musae* & *musai*, *Kaisar* & *Kaesar* scriberent. Sic *Aurelius* (quomodo in veteri saxò scriptum visitur) & *Aurelius* sonò vix discernuntur. Aliàs contra evenit, ut posterior vocalis habeat tempus unum, vel duo, integrèque efferatur, prior verò semissem aut tertiam modò partem temporis consumat, adcòque mutilatè, seu raptim pronuncietur, ut in *eitur*, quod est tertiæ personæ verbum ab *eor*. Hic enim *i*, longa est, ac duorum temporum, sed *e*, propemodum absorbetur, ac vix tertiâ ex parte effertur, ut *e*, an *e* sit, dubium maneat: eòque factum est,

est, ut pro tali diphthongô solum *i* scriberetur, sed *pingue*, ut à Grammaticis vocatur, cujus sonum Velius ad sonum *u*, proprius ait accedere. Bavari hodie, nisi fallor, omnium optimè eam efferunt in **wei**/ quod Latine significat *quei* vel *qui*, id est *quò modò*: nec ipsum *quei* aliter Romanis pronunciatum, adeoque si in *quei*, prima demta sit litera, nihil prorsus eam vocem nec significatione, nec sonô à Bavaricâ **wei** interesse arbitror. Plauti Comœdia exstat, quæ *Capteivei* inscribitur, quam vocem hodie nemo, quam Bavarus, rectius pronunciaverit. Sextus Empiricus, *ai* & *ei* apud Græcos simplicem sonum habere ait, quia scilicet unius vocalium *sonus* *ferè perit ad aures* (quomodo in *Vir*, de *V* litera monet Velius) hoc est, minima tantum ejus pars effertur, ut propemodum nihil ejus ad aures perveniat: nec tamen prorsus intercidit, quod aliter vocalis simplex, non diphthongus foret. Itaque non solum *a* in *u*al proferitur, sed etiam aliquid literæ Jota, etsi tam obscurè, ut sit ne *i*, an *e*, aures vix dijudicent. Similis est *ei* diphthongi ratio. Græci posteriorem vocalem integram, priorem ex tertiâ tantum parte pronunciabant. Latini non eandem in eâ efferendâ rationem tenuerunt. Elegantiores imitabantur Græcos, & *Binei* seu *Bini* eodem prorsus modò, quò illi suum *Bivei* efferebant, quod epistolâ ad Pætum Cicero testatur. Sed rustici ac mēssores, quique  
urba-

urbanorum peregrinitatem effugere studebant, ut Græcorum dissimillimi essent, ex *ei* priorem plenè, posteriorem ex tertiâ tantum parte pronunciabant, ut vix Jota animadverteretur, velut ex Ciceronis tertiô de Oratore discimus. Similiter autem Varro 1. rei rust. cap. 2. *Villam*, quæ ex *vehillam* & *veillam* facta vox est, à rusticis *Vellam* efferri solitam auctor est, quô modô dubium non est, quin & antiquissimi Romanorum pronunciare fuerint soliti: nam *liber* posteriores fecerunt ex *leiber*, priore vocali suppressâ, quod contra veteres dixerant *leber*, posteriorem vocalem supprimentes. Hinc porrò intelligimus multis aliis diphthongis idem ipsum usufenisse, ut duplex earum esset pronuntiatio, cum aliàs prior, aliàs posterior ejusdem diphthongi vocalis plenè sonaret: cujus rei insigne Germanicus sermo exemplum suppeditat. Vox *Feder* / Germanis significat *unusquisque*. Prior ejus syllaba diphthongo *fe* constat. Hanc qui elegantius loquuntur, sic pronunciant, ut *f*, audiatur plenum & duo tempora consumat, *e* verò tertiam modò temporis partem habeat ac vix sentiatur. Ripuarienses Germani contra *e* plenum efferunt duobus temporibus, sed *i*, non nisi ex tertiâ parte temporis, ut ferè ad aures pereat, quô modô prior in *jesus* pronunciatur. Sic Hispani in *nuestro*, *n* plenum efferunt, sed *e* sic supprimunt, ut non nisi minima ejus pars

au-

audiatur: quod contra Itali in *unguento* ex *ue* posteriorem integrè pronunciant, priorem *u* tantâ celeritate, ut rectè Terentianus dicat, *eam parte tantum fungi temporis*: Velius verò, *eam ad aures ferè perire*. Sic in *fuisse* Lucillius facit *u*, *i*, in diphthongum coalescere hóc versu: *Compernem aut varam fuisse Amphitruonis anortiv*. Sed ejus diphthongi prior plenè effertur, altera vix tertiâ ex parte. Contra in hóc Horatii versu: *Precipue sanum, nisi cum pituita molesta est*: *u*, in *pituita* sicut in *vita* vix auditur, sed *i*, tamquam longa duobus temporibus effertur. Idem in *qui* seu *cui* usu venit: nam sive *c*, sive *q* scribas, nihil ad pronunciationem interessè infra demonstrabitur. In *cui*, integrè sonat prior vocalis, in *qui* posterior, ita ut multi priorem (*u* puta) prorsus extriverint, sic ut *qi* seu *ki*, Hispanicè & Gallicè *qui*, Hetruscè *chi* pronunciant. Atque hoc discrimen in efferendis diphthongorum vocalibus non observatum Grammaticis Latinis turpissimum errorem objecit, ut *i* & *u*, sequentibus eas vocalibus, non diphthongi partes, sed consonantes esse crederent, alii tam vocalium, quam consonantium vim amittere putarent. Sed qui cum diversarum nationum hominibus versati sunt, variasque eorum diphthongos observârunt, quantum Grammaticos ratio fugerit minimè laboriosè intelligunt. Certè in *jam* & *jus*, primam literam ita raptim efferri fatendum est,

est, ut vix tertiam temporis partem absolvat : neque tamen suô prorsus sonô caret, quod fieri in his necesse est, quæ consonantes dicuntur. Similiter in *Qua, quem, quis, quid, quod, lingua, sanguen, sanguis, juadeo, succus*, & vocalis est, quia suum proprium sonum habet, etsi is ad aures ferè perit, quod in quâvis diphthongô alterutri vocalium usuvenire necesse est, ne non una, sed duæ sint syllabæ. Hinc consequens est, ut in *Va, ve, vi, vo*, & *vu* non aliter *V* efferatur, quam in *lingua, sanguen, sanguis*, sine ullâ scilicet etiam minimâ adspiratione, quod ratio nulla afferri possit, cur eadem syllaba ex iisdem elementis composita, aliter atque aliter proferri debeat. Itaque rectè Germani suâ linguâ *vin* / sive ut ipsi perperam scribunt, *win* / ita proferunt, quô modô à Rômanis, qui vinum eis intulerunt, pronunciari majores eorum audierant, quomodo hodie scilicet ipsi quoque Itali mediam syllabam in *Sang—ui—nis* efferunt : ubi *u* non est consonans, cum sine ullâ spiritûs vel afflatûs parte pronuncietur, secus quam iidem Itali in pronunciandô *Vinô* faciunt, ubi adspiratio aliqua seu flatus debilis percipitur, etsi non ita plenè, ut fit cùm Germanus *fino* profert. In quô etsi meritò ridetur, non tamen Italus culpâ vacat. & Germano Priscianus totidem verbis patrocinator lib. 1. *Apud antiquos Romanorum F litera, habebat hunc sonum, quem nunc habet V, locô*

*consonantis posita.* Verum ego dubium non habeo, quin Priscianus allucinetur perinde ut cæteri, qui *V*, sequente vocali non in diphthongum concrefcere, sed consonantem esse crediderunt: & sonum ejus non *F*, sed *J* digammate Claudianô efferri solitum certus sum. Quod autem de *ei* diphthongô dixi, priorem ejus vocalem tam correptô temporis momentô pronunciari solitam, ut vix perciperetur, nec decerni satis posset, *e* esset, *ano*, id hæc Festi verba certius nobis faciunt: *Ab oloes dicebant antiqui, pro ab illis: nam literam non geminabant. Pilumnoe poploe in carmine Saliari sunt Romani, velut pilis uti assueti.* Nimirum *oe* efferebatur prorsus ut Græcum *oi*, Terentianô & Victorinô testibus: unde in veteribus Terentii libris *Adelphoe*, & in prologô Casinæ Plautinæ, *Clerumenoe* legimus. In Gracâ verò diphthongô *oi*, litera *o* vix percipi poterat, nec ab *e* distingui, cum *i* pingue efferretur sonô literæ *u*, sive *y* proximô, quem ipsum literæ *i*, in diphthongô *ei*, sonum esse, supra ex Veliô Longô didicimus. Monet quoque Maximus Victorinus *Hoelas* & *Hylas* sonô haud ferè quicquam differre, quod Inscriptionum veterum mos confirmat, in quibus *Oiti*, *Oeti* & *Uti*, similiterque *coera* & *cura*, *poenire* & *punire*, *loidos* & *ludos* passim legimus. Sed & Servius in principiô *Æneid.* 10. ad hæc Virgilii. *Quin intraportas atque ipsis praelia miscet Aggeribus moerorum---*



ita commentatur: *Moerorum*, antiqui pro murorum: nam veteres pleraque eorum, quae nos per u dicimus, per œ diphthongon pronuntiabant: & contra punio, pro pœnio, quod verbum à pœna venit: hinc est, Punica regna vides: cum Pœnos ubique legerimus. Festus denique *Loebesum*, inquit, & loebertatem antiqui dicebant, liberum & libertatem, ita Græci λοιβῆ & λείβω. Nimirum Latini aliàs *leiber* (quod in C. Cassii denario Ant. Augustinus invenit) aliàs *loiber* nullâ pronounciationis differentiâ scribebant, cum utrumque *liber* sonaret, sed i pingui, quod inter u & i exile medium sonum obtinere supra demonstratum est: idemque ipsum apud Græcos obtinebat, ut λείβω, λοιβω & λίβω, quod Latinis est *libo*, indifferenter scriberent & pronunciarent, ita scilicet, ut in λοιβω & λείβω. Jota plenè duobus temporibus efferretur, sed prior vocalis ob pronounciationis celeritatem relinqueretur in ambiguo. Nihil ergo jam mirum est animi dubios fuisse Athenienses, λοιμὸν ne, id est, *pestilentiam*, an λιμὸν, id est, *famem*, versùs hic Delphis ex oraculo redditus minaretur: ἡξεὶ δωριακὸς πόλεμος καὶ λοιμὸς ἀπ' αὐτῶ. siquidem fieri facile potuit, ut surdè audientes Jota longum seu pingue ab exili non distinguerent. Est autem in λιμὸς, Jota breve sive exile, in λοιμὸς verò longum ac pingue. Neque tamen non idem ipsum in οἰ & οε fieri potuit, quod in αἰ, αὐ & εἰ, supra diximus factum, ut prior

o, in aliquibus vocibus plenè efferretur, posterior e vel i, tam correptè, ut distinctus & certus ejus sonus ad aures non accederet, quod Suevi & Bavari faciunt in verbo *Moine* / quod est *plorat*. Sic certè nihil impedit, quin proinde pronunciatur in hòc Maronis versu: *Proinde tona eloquiò, solitum tibi, meque timoris*. Si quis tamen sonò literæ o suppressiò, i pingue ibi efferre malit, cum eò nec verbum commutatum volo, qui cum maximè hoc nunc agam, ut de veteri Linguae Latinae pronunciatione nihil prorsùs explorati haberi posse demonstrarem. Nunc de Diphthongis quædam veterum testimonia recitari operæ pretium fuerit.

Quinct. lib. i. cap. 7. AI; *syllaba, cujus secundam nunc E, literam ponimus, variè per A & I, efferebant: quidam semper, ut Græci: quidam singulariter tantum, cum in dativum, vel genitivum casum incidissent, id est, quidam semper Musai pro Musæ dicunt, quidam tantum in genitivò & dativò singulari.*

Velius Longus: *Ea quæ nos per AE, antiqui per AI, scriptitaverunt, Juliai, Claudiaï. Et nihil obstat, quò minus hòc aut illò modò scribamus in utròque numero.*

Terentianus: *Alpha semper atque jota quem parant Græcis sonum, A & E nobis ministrant: sic enim nos scribimus.*

Scaurus de Orthograph. *Apud antiquos I litera, pro E, scribebatur, ut testantur metaplas-*  
mi

mi in quibus est ejusmodi syllabarum deductio, ut Pictai vestis, & Aulai in mediô, pro pictæ & aulæ: sed magis in illis E novissima sonat, & præterea quoque antiqui Græcorum hanc syllabam per AE scripsisse traduntur.

Festus: Aulas antiqui dicebant, quas nos dicimus Ollas, quia nullam literam geminabant. Auxilla, olla parvula. Ausculari, pro Osculari, quod est os cum ore conferre. Aurum rustici orum dicebant, & auriculas, oriculas. Atque ex hõc formavit Catullus oricillam.

Priscianus lib. 1. AU, videtur quasi pati divisionem, cum I, post U, addita, transit eadem U in consonantium potestatem, ut Gaudeo, gavisus. Ναύτης, navita, & ναῦς, navis. Contra fit à Labor, lautus: faveo, fautor: avis, auceps, augurium, augustus. Transit quoque AU, in O, productam more antiquo, ut lotus, pro lautus: plostrum, pro plaustrum: cotes, pro cautes: sicut etiam contra pro O, AU, ut Austrum, pro ostrum: ausculum, pro osculum, frequentissimeque hoc faciebant antiqui.

Hic non satis scio tutone Prisciano de omnibus credamus, quoniam & ratio & auctoritas suadere nobis videtur, ut inter nauta & navita nihil credamus fuisse discriminis, nisi quod i, in navita, propter pronunciationis celeritatem extrita fuerit, sicut in fautor, quò Plautus utitur primâ correptâ. Et Cicero inter Cauneas & cave ne eas perpusillum interfuisse significat, ita, ut qui audiret Canne

*as*, sibi cave ne eas dictum putare posset, quasi esset: *Can-en' eas*, ut *n* simul cum *a*, non cum *e* efferretur: quod si verum esset, etiam *nan--ita*, non *na--vita* pronunciandum foret: quid hic veri sit, ab aliis doceri aveo.

Lucretius lib. 2. *Aut nulla inter se duo sunt ex omnibus eadem*. Hic *EA*, diphthongum habemus, sicut etiam in hōc versu Terentii prolog. Adel. *Eam commorientes Plantus fecit fabulam*. Et in hōc Virgil. *Nec tantum Rhodope miratur & Ismarus Orphea*. In hāc porrò diphthongō, *e* plenè efferri arbitror, *a* verò non nisi ex semisse aut tertiā parte.

Lucillius: *Uni se atque eidem studio omnes dedere & arti*. Hic diphthongus est, de cuius pronuntiatione diximus, Latinos scilicet & Græcos semper posteriorem plenè extulisse pingui quōdam sonō, qualis ferè est tertius *n* literæ, sive *y*. Vetusiores tamen Romani & rustici, *e* plenum pronunciabant, ut *i* ferè tollerent: quos imitati posteriores, dixerunt *Calliopeā* & *Chorea*, cum in Græco esset *ei*, teste Priscianō, qui & ista monet: *In vocatibus sunt affines E correptā, sive productā cum EI diphthongō, quā veteres Latini utebantur ubique locō I longa, more antiquō Græcorum*.

Virgilius: *Rege sub Eurystheō satis Junonis iniqua*. Idem: *simul accipit alveō*. Idem: *Unō eodemque igni sic nostrō Daphnis amore*. Lucret. *Omnia jam seorsum carnes ancisa recenti*. Hic est diphthongus, in quā *e* plene efferendum pu-

puto; ut *o* minimam partem temporis consumat, ex eoque *o*, an *u* sit, satis distinctè sciri non possit.

Virgilius: *Praferimus manibus vittas ac verba precantia*. Idem: *Bis patria cecidere manus, quin protinus omnia*. Hic *IA*, diphthongum habemus, in quâ prior vocalis plenè effertur, quod Vittembergenses rusticos facere animadverti, pro quô cæteri Germani posteriorem *a*, duobus temporibus pronunciant suppressâ priore *i*, quod ipsum faciunt omnes in *Jam* & *Allelu--ja*. Grammatici hic suas *Synareses* & *Synalæphas* obtrudere conantur, sed nihil afferunt, cur Latini non æquè atque alii populi diphthongum credantur extulisse.

Virgil. *Immortale jecur tundens facundaque pænis*. Hic *IE* diphthongum habemus, in quâ posterior *e* plenè pronunciatur, priore *i* ad aures quasi pereunte. Germani tamen, ut dixi, alteram præterea ejus effèrendi rationem servant, in voce *Jeder* / ut *i* plenum effèrant, *e* verò non nisi tertiâ ex parte.

Sed hîc locò contradici potest, *facet*, *jecur*, *Jovem*, *juvat*, propterea non esse diphthongum, quia *i* sit consonans, cujus rei causa sit, quoniam non sit vocalis, ut quæ syllabam non faciat longam, quod omnes diphthongi faciunt, & quoniam consonanti brevi subiecta, syllabam naturâ brevem faciat positione longam, quod consonantis proprium esse nemo ambigit. Cum enim *ad* sit brevis,

tamen in *adjuvat* fieri longam positione, & *in* brevis est, cum unaquæque vocalis unum tempus habeat, adeoque diphthongus nisi δι-  
 κρονος, seu duorum temporum intelligi non possit. Ad hoc respondetur, Grammaticorum regulas de syllabarum dimensione ex positione & diphthongô nonnullâ correctione indigere. Positione enim non modò syllaba, naturâ brevis, fit longa, sed etiam naturâ longa fit brevis. Est autem *Positio* vel *Vocalium*, vel *Consonantium*. *Credimus, an qui amant ipsi sibi somnia fingunt.* Hic qui naturâ longum, fit breve positione vocalis, quia nimirum ante vocalem posita est: Et *Insula Ioniô in magnô, quas dira Celeno. Stipitibus duris agitur sudibus-ve prauſtis.* Hic *AE* diphthongus ex longâ fit brevis positione vocalis consequentis, quia scilicet posterior diphthongi vocalis minimam modò temporis partem habet, quæ sequenti vocali quodammodo accrescit, quod tamen semper fieri nihil necesse est. *Ad in adjuvat* longum fit, non ex positu consonantis, sed ejus vocalis, quæ propter moram, quam pronunciationi affert, consonanti fit similis: nec enim tam celeriter, ac sine impedimento decurrit pronunciatio, quam in *adipe, aditu*: atque ab hâc causâ Lucretius, *aqua & liquidus*, nonnumquam primâ productâ extulit. Sed hæc mora in *pluvia* vocalem ante se positam propterea non retardat, quia brevissima temporis pars, quæ est in priore diphthongi  
 lite-

literâ, utrique vocalium, hoc est, antecedenti & consequenti velut contribuitur, quod præcedente consonante, tamquam soni experte, fieri non potest. Similiter in *Favitor*, prima quamvis longa à Plautô corripitur in prologô Amph. *Si cui favitores delegatos viderint. Virtute ambire oportet, non favitoribus.* Nimirum *Av* fit brevis positione, quia ponitur ante vocalem *i*. quô exemplô nihil peccabit, qui *Gavisus* primâ brevi dixerit, ut fit *Gav--isus*, non *Ga-visus*.

Quintilianus lib. 1. cap. 4. *Litera I, sibi insidit.* Conjicit enim est ab illo jacet. Hæc *fi*, diphthongus est, in quâ prior *i*, minimam temporis partem absolvit, eoque factum est, ut eam veteres sæpè extererent, & *Conicit*, *obicit*, *subicit*, mediâ brevi efferrent. Virgil. *Tityre pascentes à flumine reice capellas.* Hinc porrò intelligi potest, nullam fuisse rationem, cur negarent veteres, *v* similiter sibi insidere in *Vulnus*, *servus*, ut in *conjicit*, *subjicit*. Par enim utrobique est ratio.

Lucretius lib. 2. *Quoad licet ac possis reperire inolentis olivi.* Hic Triphthongum, in eâque *OA*, diphthongum habemus, quâ & rustici in Germaniâ alicubi utuntur, cum unô sonô *Ioa* pro *Ia* efferunt, quæ est affirmandi particula: quos si Terentianus audisset, de Diphthongo *oa* minimè dubitasset, quemadmodum nec de *ou*, quâ Horatius utitur: *Pasco libatis dapibus prout cuique libido est.*

Hanc Bavari in appellandâ vaccâ exprimunt, cum dicunt *Hou* / ut prior vocalis *o*, vix exaudiat, quomodo & Latini *loumen*, *loucem*, & similia videntur extulisse, qualia Inscriptiones veteres exhibent, *Cowrato*, *joussit*, *joudicare*, &c.

Velius Longus: *V*, literam digamma esse interdum, non tantum in his debemus animadvertere, in quibus sonat cum aliquâ adspiratione, ut in valente & vitulo: sed etiam in his, quibus confusa hac litera est in eò quod est quis: nam si omnino hac vocalis est *V*, procul dubiò hac syllaba longa esset, quoniam numquam due vocales coeunt, ut non longam syllabam faciant.

Hoc verum est de vocalibus, quæ paribus temporibus efferuntur, ut unaquæque tempus unum habeat. Tum enim duo sunt tempora, quæ syllabam longam faciunt. Sed dispar est ratio in diphthongò *Va*, *ve*, *vi*, *vo*, cum posteriores vocales plenè efferuntur, prior verò vix tertiam temporis justæ partem consumit, ac vix sensibilem pronunciationi moram affert, propterea quæ sæpè cum scribendò, tum pronunciandò exterebatur, ut esset *Qis*, *god*, *gotidie*, velut infra de consonantibus docebitur. Hoc loco illud observandum moneo, Velii Longi ætate (quæquæ illa fuerit) *V*, literæ vocalibus præpositæ duplicem sonum fuisse, alterum sine ullâ adspiratione in *Qua*, *que*, *qui*, *lingua*, *suadeo*, *suctus*, alterum



rum cum adspiratione nonnullâ, vel potius flatu, prorsus ut hodie quoque Itali in *Vado*, *vento*, *vino*, *volo* & *vulgo* pronunciant. Sed veteres Romanos satis exploratum est, ad quemcunque flatum, seu fortem, seu debilem, nullâ aliâ notâ, quam *F* literâ usos fuisse, sicut *H* litera ad halitum, seu spiritum, vel adspirationem. Non igitur Æolicum digamma *ɣ*, sed *F*, dimidiatum Itali hodie in *Vini* voce efferunt, adeoque Germanos *F*, plenum efflantes irridere non debebant. Illud tamen minimè negaverim, jam tum Theodosio imperante digamma cum flatu aliquo pronunciari fuisse solitum. Servius enim ejus ætatis Grammaticus propter affinitatem ex *Henetis Venetos*, ex *Heliâ Veliam* exiisse credidit. Verba ejus sunt in *Æn.* 6. *Velia dicta est à paludibus quibus cingitur, quas Græci ἑλν dicunt. Fuit ergo Heliâ: sed accepit digammon, & facta est Velia, ut Henetus Venetus.* Sed de digamma ejusque usu plura qui volet, apud Priscianum librò primò videre poterit.

## TRIPTHONGI.

Quintilianus lib. 1. cap. 4. *Aut unam longam vocalem faciunt, ut veteres scripsere, qui geminatione earum velut apice utebantur (ut maater, feelix, abiire) aut duas (ut Musæ) nisi quis putat etiam ex tribus vocalibus syllabam effi-*

*effici, quod nequit, si non aliqua consonantium officio fungantur.*

Terentianus: *Syllabam nec invenimus ex tribus vocalibus.*

Annæus Cornutus: *Tres vocales quibusdam videntur esse sub unâ syllabâ VAE: errant, si ita putant, nam nusquam neque apud Græcos, neque apud Latinos ex tribus vocalibus syllaba constat: quare hic Digamma erit, & duæ vocales.*

Charisius lib. 1. *Syllaba naturâ longæ, cum singula vocis litera producuntur, ut A aut E (in maater, felix) aut cum duæ, ut VA (in vado) aut cum tres, ut VAE (in aquæ.)*

Sic habemus, veterum alios Triphthongis locum dedisse, alios easdem repudiasse, propterea quod ex tribus temporibus syllabam longam constare non posse, rectè judicarent. Sed illos cogitare æquum fuit, diphthongos per se non habere duo tempora, sed unum modò tempus & semis; imò ne semis quidem, sed tantum tertiam partem temporis propterea, quod semper altera vocalium ea celeritate effertur, ut ferè ad aures pereat. Itaque sequente vocali diphthongi corripuntur, si prior earum vocalis plenè pronunciatur. Sed per accidens seu fortuitò & ex eventu producuntur, quoniam scilicet consonans eas excipit, quæ nullum habet sonum, cum quò vocalis diphthongi posterior, quæ vix exauditur, coalescere queat. Atque hæc demum vera est productionis ratio, non illa, quam Priscia-

scianus reddit, quod scilicet consonans dimidium tempus habeat, adeoque cum vocali diphthongi antecedente tempus integrum absolvat. Consonans enim nullum omnino sonum proprium habet, proptereaque nec minimum temporis momentum facere potest. Accipio tamen, quod dat Priscianus, diphthongos sequente vocali duo tempora non habere. Verba ejus lib. 1. sunt.

*Invenitur hac diphthongus AE vel AI in mediâ dictione correpta tunc, quando composita dictionis antecedentis in fine est sequente vocali, ut præuſtis. Virgil. Stipitibus duris agitur fudibusve præuſtis: Homerus: — ἀνιπτόποδες χαμοιεύναι. Oc quoque vel Oi idem patitur apud Græcos. Æschylus: ἔσρος τοιαύτας παρθένου λοχεύεται. Unde quidam non sine ratione unum tempus & semis singulas eas habere dicunt. Ideoque si consequatur consonans, quæ dimidium tempus habent, omni modo produciuntur.*

Jam quod *V*, in *VAE*, digamma vocant, & cum quodam flatu proferri volunt, eoque nomine consonantibus accensent, vel vox Italica *GVAI* (ex Latino *Va* facta, quam Suevi **WAI** efferunt) & priscum *aquai*, errorem eis eripere debebat: nam neque vel minimum illius flatus, sive adspirationis hic est vestigium, neque aut *g*, aut *q*, cum flatûs notâ consequente pronunciari potest, nisi quis tamen Romanos, Sarmatarum more *Qsamqſam*, pro *quamquam*, enunciaſſe putet.

Triphthongi *VAU* aliud exemplum non ha-

habeo, nisi quod Varro ipsum *V*, digamma *VAU* appellandum putavit. Bavari *WAO* seu *WAO* / quod *ubi* significat, ita efferunt, ut *o* plenum sit, priores duæ vocales vix exaudiantur, adeoque triphthongus non nisi duorum est temporum, quomodo apud Græcos *uv*, & *wv*, non sunt trium temporum, etsi *u* & *w*, velut longæ, duo absolvunt tempora: eò quod *v* insigni labiorum pressu comprimatur. Unam verò syllabam duo tempora & semis habere posse, ipse quoque Priscianus & alii agnoscunt, tamquam in *Juno*, ubi *u* longa duorum est temporum, *i* verò vix dimidium tempus, atque adeò non nisi tertiam temporis partem conficit.

Virgilius: *Seu lentò fuerint alvearia vimine texta*. Hic *VEA* triphthongum habemus. Ubi si quis *v*, consonantem esse & cum adspiratione aliquâ proferendam contendat, cum docere velim, cur ergo in *laquearia*, *u* nihil habeat flatulenti.

In *Qui*, quò veteres utebantur pro *qui*, triphthongum esse satis jam planum est.

Horat. *Quis sudor vietis aut quam malus undique membris*. Hic in *vietis* (quæ vox est dissyllaba) prior syllaba ex Triphthongo duorum temporum constat: nam *v* & *i*, vix unum tempus consumunt. *V* verò sine omni flatu proferendum, ex voce *quietis* disci potest.

Lucretius lib. 2. *Quoad licet ac possis reperire inolentis olivi*. Hic triphthongum *VOA* ha-

habemus, cujus media vocalis plenè effertur, prima & ultima ferè ad aures pereunt.

Catullus: *Quoi dono lepidum novum libellum*. Hic triphthongus *VOI*, mediam vocalem habet plenam ac duorum temporum, cum extremæ duæ propter pronunciationis celeritatem vix simul unum tempus conficiant.

## D E CONSONANTIBUS SIMPLICIBUS.

### B.

*B*, Romani sic efferebant, ut à *p*, quam minimum differret: quæ causa est, cur in faxis inscriptum videamus, *Appsolutus*, *apsens*, *opses*, *optinere*.

Quintilianus lib. 1. cap. 7. *Cum dico obtinuit: secundam B litteram ratio poscit, aures magis audiunt P.*

Scaurus de Orthographiâ: *B*, cum *P* consentit, quoniam origo eorum non sine labore conjunctione revelli à quòquampotest. Græci *πυρρίαν*, nostri *Byrriam*, & quem *Purrum*, antiqui *Burum*: *Balatium*, *Palatium*: item *Poplicolam*, *Publicolam*: *Scapillum*, alii *Scabillum* dicunt.

Hanc pronunciandi rationem qui Germanis hodie in usu esse prædicat, quos ille Germanos

nos dicat nescio. Ego quidem numquam ejus nationis quemquam audire memini, qui *Ponum* pro *Bono* efferret. Sed plerosque scio pro *B*, efferre digamma sive *V* consonantem quam dicunt, sed sine adspiratione ullâ, ut in *Bene* perinde sonet, atque *U* in *Quane*, sive *W*, quomodo ipsi scribunt. Maximè verò omnium in eò sunt ridiculi, qui Bavaricâ dialecto utuntur. *Wacchus* enim dicunt, pro *Bacchus*. *Wuarca*, pro *Barca*. *Wonus*, pro *Bonus*, sicut *U* in *Quoniam*.

Nec tamen tolerabilius peccant Hispani & Vascones, qui *B*, & *V*, adspiratam inter se commutant: nam inter *bibere* & *vivere* nihil faciunt discriminis, nec inter *Baro* & *Varo*, *bellum* & *vellum*. Et in re divinâ faciendâ Sacerdotes sic loqui audiuntur: *Per Christum Dominum nostrum, qui tecum bibit & regnat in sacula seculorum*. Est autem error iste per vetus, ut in saxorum veterum Inscriptionibus passim videre est: nam ibi *Bibus*, pro *vivus* sæpius legas, *Vase*, pro *basse*: *plevi*, pro *plebi*: *Vene*, pro *bene*: *Abe*, pro *ave*: *Bale*, pro *vale*.

## C.

C ante *A*, *O* & *V*, rectè hodie ab omnibus pronunciatur. Sed ante *E*, *I* & *Y*, aliæ nationes aliter efferunt, malè tamen omnes: Hispani, Galli & Cisalpinæ Galliæ Itali, *Ci-*

*cero*

*cero* sic pronunciant, ac si esset *Dsfidsero*, Germani *Esitsero*. Maximè ridiculi & odiosi sunt Hetrusci, inprimisque Florentini, qui in *Cicero* aliter primam, aliter mediam syllabam efferunt, utrobique scil. strepitum, sive *S* densum aut pingue, sed ei in priore syllabâ, & præmittunt. *Strepitum* voco, quem Germani per *Scha* / *Sche* / *Schi* / scribunt: Galli per *Cha*, *Che*, *Chi*: Hetrusci per *Scia*, *Scie*, *Scio*: Hispani per *Xa*, *Xe*, *Xi*, aut *Ge*, *Gi*, aut *Je*, *Ji*, etsi ab annis non ita multis morem hunc Hispanæ mulieres mutarunt, ita ut ista cum adspiratione efferant, ut  $\chi$  Græcum, vel *Ch* Germanicum, vel gutturale *Ca* Hetruscorum, quod ipsi *La gorga* vocant, cum *Duca* pronunciant, ut Germani *Ducha*, Hispanæ fæminæ *Duxa* vel *Duja*. Galli id efferre non possunt. Hetrusci ergo *Cicero* sic pronunciant ac si Germanus legeret *Eschi-schero* / Hispanus veteriore modò, *T--xixero*. Itaque si nihil aliud inter hodiernam & veterem Romanorum pronunciationem esset discriminis, vel hujus solius literæ pronunciatio omne inter nos linguæ commercium impedire posset. Illi enim *KIKERO* efferebant, sive ut Italus scriberet, *Chichero*, ut Gallus & Hispanus *Quiquero*.

Fest. *Prisci pro acipenser dicebant* aquipenser, *pro sexdecim, sexdequim*. Ex *Gracò*  $\nu\alpha\pi\eta\epsilon\rho\alpha$  fecerunt *febrim* querqueram & *carcerem*; quia scilicet  $\nu\alpha\pi\eta\epsilon\rho$  efferebant.

P

Quin-

Quinctilian. 1. c. 7. *Quidam K necessariam credunt quoties A sequatur, cum sit Clitera, qua ad omnes vocales vim suam perferat.* Ergo nulla prorsus inter *ka* & *ca*, inter *ke*, & *ce*, inter *ki* & *ci*, fuit pronunciationis differentia: proindeque Cato pro *dicam*, scribebat *dicem*, & *faciem* pro *faciam*, ut eodem capite Fabius auctor est. Et Livius lib. 21. *Saguntum* à *Zacyntho* nomen duxisse monet, quoniam scilicet *cy* Græcorum, à *Gu* Latinorum sonô vix quicquam interesset.

Julius Hyginus apud Servium Æn. 8. *Cum Romani euntes per Tusciam interrogarent Agyllinos, qua diceretur civitas, illi utpote Græci quid audirent ignorantes, & optimum ducentes, si eos prius salutarent, dixerunt χαῖρε: quam salutationem Romani nomen civitatis esse putaverunt, & detractâ adspiratione eam Cære nominaverunt.*

Ergo inter Latinum *Cere* & Græcum χαῖρε nullum aliud soni discrimen fuit, quam quod in Græcô esset adspiratio: ex quô planum fit *Cesar* Romanis itidem ut Germanis hodie pronunciari solitum, nempe *Itaisar* / quomodo & Græci scribebant. In compluribus quidem Claudii Imp. Inscriptionibus *CAISAR* discretim perscriptum visitur, ut mirari satis non possim, quâ ratione barbarum nostrate *Zesar* vel *Tschesar* aut *Tsciesar* aut *T--chesar* (quomodo Germani & Galli Hetruscum *Cesar* scriberent) subrepere potuerit. Similiter autem  
aliàs



aliàs *pulcher*, aliàs *pulcer*, nullô ferè pronun-  
ciationis discrimine scribi solitum ex Gram-  
maticis discimus.

## D.

Quintilianus lib 1. cap. 4. *T litera cum D, quadam cognatio est: quare minus mirum, si in vetustis operibus urbis nostra & celebribus templis legantur Alexanter & Cassantra.* Et cap. 7. *Il- la quoque servata est à multis differentia, ut AD, cum esset prepositio, D literam, cum autem con- junctio, T acciperet.* Multi ergo ad & at in- differenter pronunciabant.

Festus: *Apot antiquis erat, quod postea apud.*

Idem: *Odefacit veteres dicebant pro olfacit, & dacrimas pro lacrimas, item dautia pro lau- tia, impelimenta pro impedimenta.*

Scaurus de Orthograph. *Seddam antiqui dicebant, quam nos Sellam.*

Victorinus: *Kadamitatem veteres & scribe- bant & dicebant pro calamitatem. Communio- nem enim habuerunt litera hæ apud antiquos, ut dingnam & linguam: dacrimis & lacrimis: ca- pitodium & capitolium: & sella à sede: olere ab odore.*

Terentius Phorm. act. 2. sc. 2. *Rete accipi- tri tenditur.* Ubi Donatus: *Legitur & ten- nitur. Habet enim N litera, cum D commu- nionem.*

Servius in Georgic. 2. DI; *in Media, sine sibilô proferenda est: Gracum enim nomen est, & Media provincia est.* Hinc apparet in Latinô vocabulô *medio*, D cum sibilô proferri solitum. At enim D cum sibilô est consona duplex Z. Dicebant ergo *Mezo*, quomodo hodie quoque Itali suâ linguâ pronunciant. Sed & hoc ab eâdem pronuntiatione ortum video, ut *Zabolus* dicerent, pro *Diabolus*, *Zata* pro *Diata*.

Antiquissimi vocalibus D adjiciebant, ut in columnâ rostratâ Duilii: *In altod mariâ pugnandod cepet*: pro *In altô mari pugnandô cepit*. Alii vocalibus duabus hiatus vitandi causâ interponebant, sicut in *Redeo*, *redambulo*, *redigo*, *redarguo*, *prodest*, adhuc apparet. Hinc Plautinum *antidhac*, pro *antehac*. *Antideo*, pro *ante eo*. Horat. *Omnem crede diem tibiâ illuxisse supremum*. Idem: *Maled ominatis parate verbis*. Vide Muret. 14. Var. lect. 19.

## F.

Hæc nota flatûs est, quam Priscianus monet *non tam fixis labris esse pronunciandam quam PH*. Cicero pro Fundaniô (ait Fabius) testem irridet, qui primam Fundanii literam dicere non posset, nimirum Græculus ille *Bfundanium* proferebat, qui literæ Græcæ φ sonus erat. Similiter Græcorum & Latinorum interjectionem *Phui* vel *Phy* (quæ est aspernantis ali-

aliquid, ut spurcum aut foetidum) Germani hodie **B**fui vel **P**fui pronunciant.

Priscianus lib. 1. *Apud antiquos F littera hunc habebat sonum, quem nunc habet V, loco consonantis posita. Unde antiqui AF pro AB, scribere solebant, & sifilum pro sibilum dicebant.*

## G.

Festus: *Antiqui per C littera formam nihilominus G usurpabant. Acetare dicebant, pro agitare. Prodigia, quod prodicunt futura, permutatione G littera: nam quae nunc G appellatur, ab antiquis C vocabatur. Quincentum per C litteram usurpabant antiqui. Negotium, quod non sit otium. Neglegens dictus est, non legens, neque delectum habens quid facere debeat, omissa ratione officii sui.*

Quinctilianus lib. 1. c. 4. *Quaedam scribuntur aliter, quam enunciantur: nam & Gajus, C littera notatur: nec Cneus eam litteram in prae-nominis nota accipit, quam sonat.*

Servius Geor. 1. *Amurca per C scribitur & per G pronunciat, ut C Gajus, CN Gneus.*

Victorinus Artis Grammat. lib. 1. *Pro agro Gabinô dicebant Cabinô: pro Lege, lece: Acna pro agna. Auctio certè ab augendô dicta est: & numeri cum C habeant, ut Ducenti, trecenti, sexcenti; G reliqui habent, ut Quadringenti, nongenti. Et infra: C & nomen habuit & usum prae-buit littera G. : :*

Scaurus de Orthogr. *Camelum* alii dicunt, alii *Game'um*. *Negotium dictum est, quia nec otium*. Nec porro significat non, ut *Nec rectè loqui*, pro, non rectè, seu malè.

Ex omnibus istis apparet: Romanos *legio*, *legere* pronunciaſſe, quomodo hodie effertur ab Italis & Germanis *legbio*, *leghere*, ab Hispanis & Gallis *legnio*, *leguere*: nam cæteræ omnes literæ, G, pronunciationes, quæ hodie in usu sunt iisdem nationibus, à Romanis nullò pacto intelligerentur. GA etiam GO & GU, Romani sic efferebant, ut à CA, CO, CU, perpaulum interesset. Testatur Fabius, G, in fine quoque vocabuli lectum, ut in *Vesperug*. Eò utuntur Germani in *Sing* / cano: *Gefang* / cantus: habentque hunc morem ut in *Singen* / G, priori syllabæ attribuant, ut sit *Sing-en*: quod haud scio, an & Romani fecerint in *longa*, *longa*, *longis*: sicut nec illud possum decernere, quam rectè veteres Grammatici *unguem* admittant, *ungo* vero & *ungentum*, sine u scribi postulent.

## H.

Festus Longus: De Ha literâ queritur, quæ inservit his Vocibus, Vehemens, Reprehendit: cum elegantiores & Vemens dicant & Reprendit, secundum primam positionem: Prendo enim dicimus, non Prehendo. Idem: Alia est syllaba Ha,

Ha, alia Ah. Idem: H adeò litera est, ut possit videri etiam vicem duarum consonantium implere.

Scaurus de Orthogr. Respondemus H & esse literam, & apud Gracos quoque fuisse, qui ἐνα-  
τόν, id est, centum, H litera notant Et sicut  
As, & Sa, aliam vocem & aliam efficiunt po-  
testatem, & Ad & Da, ita Ha & Ah. Et lite-  
rarum proprium est propinquitate sociari & invi-  
cem succedere, ut quam nos Fabam dicimus, an-  
tiqui Habam dixerint, &c.

Priscianus initiò libri quinti: In A, neutra  
non inveniuntur Latina, nisi tria monosyllaba  
literarum nomina indeclinabilia, A, ka, ha.

Quintilianus lib. 1. c. 6. irridet eum, qui  
dixerat *Avete* sine adspiratione. Et subjicit:  
*Recta est hac via, quis negat? Sed adjacet &  
mollior & magis trita.*

Velius Longus: *Harena*, ut testis est Varro,  
à Sabinis *Fasena* dicitur, & sicut S familiariter  
in R transit, ita F, in vicinam adspirationem  
mutatur. Similiter ergo & *Hædos*, dicimus  
cum adspiratione, quoniam *Fædi* dicebantur  
apud antiquos: item *Hircos*, quoniam eosdem  
aquè *Fircos* vocabant: nam & è contrariò quam  
antiqui *Habam* dicebant, nos *Fabam* dicimus.

Festus: *Fædum* antiqui dicebant, pro *hæ-  
dum*: *Folus*, pro *holus*: *Fostis*, pro *hostis*: *For-  
stia*, pro *hostia*. *Formia* ex Gracò *hormia*. *Ha-  
nula*, parva delubra & quasi fanula. *Horreum*  
prisci dicebant *farreum*, à *farre*.

Donatus in Phorm. act. 4. sc. 4. *Hariolus est, qui divinâ mente vaticinatur, quasi Fariolus, à faris & à fando, cum F pro H, & item H pro F, in multis locutionibus ponatur, an quod imitantur adspirationem in exhalandò? nam habitu solent excludere velut mortalem animam, ut divinam recipiant: unde & vocem ejusmodi dabant, quæ est OE, quod OE sonus exhalandi vim præstat. Ubi scribendum videtur OH vel HO aut HOE.*

Servius in Æn. 7. *Halisci immutato H in F, Falisci dicti sunt, sicut Febris dicitur, quæ ante hebris dicebatur. Formia, quæ hormia fuerunt.*

Varro lib. 3. rei rust. cap. 1. *Colles vocant Tebas sine afflatu, id est sine H literâ.*

Scaurus iterum de Orthogr. *Nec minus consonantes inter se mutuis vicibus funguntur, ut F & H. Utraque enim flatus est, quare quem antiqui Fircum, nos Hircum, & quam Falisci Habam, nos Fabam appellamus, & quem antiqui Fariolum, nos Hariolum.*

Quintilianus lib. 1. c. 4. & 7. *Illâ vitia non nisi aure exiguntur, quæ fiunt per sonos: quamquam per adspirationem, sive adjicitur vitiose, sive detrahatur, apud nos potest quæri, an in scripto sit vitium, si H litera est, non nota. Cujus quidem ratio cum temporibus mutata est sapius. Parcissime eâ veteres usi etiam in vocalibus, cum Oedos Ircosque dicebant. Diu dein servatum, ne consonantibus adspiraretur, ut in Grac-*  
cis

cis & Triumphis. Erupit brevi tempore nimius  
 usus, ut Choronæ, Chenturiones, Præcho-  
 nes, adhuc quibusdam inscriptionibus maneat:  
 quâ de re Catulli nobile epigramma est. Inde du-  
 rat ad nos usque vehementer & comprehen-  
 dere & mihi: nam me quoque pro me, apud  
 antiquos Tragicarum præcipue scriptores in ve-  
 teribus libris invenimus. Fortasse sicut scribebant,  
 etiam ita loquebantur. Hic enim usus est litera-  
 rum, ut custodiant voces, & velut depositum  
 reddant legentibus. Itaque id exprimere debent,  
 quod dicturi sumus. In quam sententiam Papy-  
 rianus: *Aliter scribere, aliter pronunciare ve-*  
*cordis est Galli.*

Ex istis primum discimus, nomen *H* literæ  
 fuisse *H*, ut à Germanis pronunciatur, non  
*ACA* Italogum, neque *ACHE* Hispanorum,  
 quod illi perinde pronunciant, ac si Hetruscè  
*ACIE*, Germanicè *Ätsche*, Gallicè *At--che*  
 scriptum foret. Nimirum ex *Ha* primum fa-  
 ctum fuerat *Ab*, quod alii pronunciarunt, ut  
*Ach*, sicut ex *mihi* fecerunt *michi*. Inde por-  
 rò natum est Italicum *Acha* vel *Aca*: undè  
 postea Hispani & Galli plus etiam literæ ap-  
 pellationem corruerunt.

Deinde discimus, *H* esse literam consonan-  
 tem, nequicquam reclamantibus Varrone &  
 Nigidiô Figulô, maximis Romanorum lite-  
 ratoribus, quorum plurimis aliis, quæ ridiculè,  
 atque admodum stolidè censuerunt, hoc addamus  
 licet, quod *H*, non esse literam statuerunt,

eò quod sit adspirationis nota. At enim non propterea *F*, litera esse disinit, quod sit flatûs nota, neque *S*, quod sit nota sibili, neque *R*, quod sit nota rictûs.

Præterea discimus, Romanos solitos *H* pronunciare, sive eam in scribendô vocalibus præmitterent, sive consonantibus subjicerent. Itaque aliter efferebant *Ave*, aliter *Have*, sic aliter *commoda*, aliter *chommoda*: nec dubium est aliter *Tebas*, aliter *Thebas* efferrî solitum; hoc scilicet cum afflatu, ut Varro vocat, illud sine eò. *Afflatum* verò Varro improprie vocat *adspirationem* sive *exhalationem*. Aliud quippe *flare* est, aliud *halare* seu *spirare*, sive *halitum* emittere. *Flat*, qui *F* pronunciat: *Halat*, qui *H*. Arrius Catullianus consonantibus & vocalibus pariter adspirabat, sive *H* proferebat etiam, ubi minimè opus erat, ut *Chommoda*, *hinsidias*, *mather*, *havus*, *havunculus*. Assentior enim iis, qui partim veteris scripturæ vestigia persecuti, partim conjecturâ ducti, sic legunt Catulli epigramma:

*Chommoda dicebat, si quando Commoda vellet*

*Dicere, & Hinsidias Arrius Insidias:*

*Et tum mirificè sperabat se esse locutum,*

*Cum quantum poterat, diceret Hinsidias.*

*Credo, sic Mather, sic liber Havunculus eij  
est,*

*Sic Mathernus, Havus dixerit, atque  
Havia.*

Hos versus multi Italorum non si capitis res  
aga-



agatur pronunciare sciunt, sed neque quomodo pronuncientur, suspicari possunt, nisi Arbitri Eumolpum illum cum maxime nequam facientem capere magistrum velint, de quò rivalis ejus verba sunt: *Unus, & senex non erit gravis. Etiam cum voluerit aliquid sumere, opus anhelitu prodest:* aut illum, ad quem poëtæ versus est: *Quod lateri parcas, nec quantum jussit, anheles.* Hispani non ferè *H* pronunciant, nisi cum pro *F* positum est, ut in *Haba*, pro *Faba*, in *Hacer*, quod est *facere*: in quò Romanos imitantur. *Ave* tamen dicunt, cum Fabius ætate suâ molliorem magisque tritam viam fuisse testetur adspirandi, id est *Ha-*ve pronunciandi.

## K.

Priscianus lib. i. *K & Q, quamvis figuræ & nomine videantur aliquam habere differentiam cum C, tamen eandem tam in sonò vocum, quam in metrò continent potestatem. Et K quidem penitus supervacua est: nulla enim ratio videtur, cur A, sequente K, scribi debeat.*

Scaurus de Orthogr. *Antiqui in connexionè syllabarum, ibi tantum K utebantur, ubi A littera subjungenda erat: quoniam multis vocalibus instantibus quoties id verbum scribendum erat, in quò retinere hæc littera nomen suum possent, singula pro syllabâ scribebantur, tamquam satis eam ipsò nomine explerent, ut puta Decimus, D, per*

*per se in dicimus (lego D, per se in Dcimus) item cera, C simplex & ra: & Bene, B & ne: ita & quoties Kanus & Karus scribendum erat, quia singulis literis prima syllaba notabantur, K prima ponebatur, quæ suò nomen A continebat: quia si C posuissent, Cenus & Cerus futurum erat, non Canus & Carus.*

Sententia est, veterum morem fuisse, ut *DCEM* vel *DCM* esset *Decem*, quia *E* continetur in *D* & *C*. *BNE* sonaret *Bene*. *CRA*, *Cera*. *KNUS*, *Canus*. *KRUS*, *Carus*. *CNUS*, *Cenus*. *CRUS*, *Cerus*.

## L.

Priscianus lib. i. *L* triplicem, ut Plinio videtur, sonum habet. *Exilem*, quando geminatur secundò locò posita, ut *Ille*, *Metellus*: *Plenum*, quando finit nomina vel syllabas, & quando habet ante se in eadem syllabâ aliquam consonantem, ut *Sol*, *filva*, *flavus*, *clarus*. *Medium* in aliis, ut *lectus*, *lecta*, *lectum*.

Hanc sonorum ejusdem literæ varietatem nemo est hodiè qui dijudicare possit, nisi quod suspicari licet, hodiernam literam, quam Itali per *GL*, Hispani per *LL*, exprimunt in *Capegli* & *Cabellos*, aliquam cum exili sonò illò affinitatem habere, de cujus pronuntiatione mox agemus, ubi ad duplices consonantes perventum fuerit.

Quin-

## M.

Quintilianus lib. 9. cap. 4. *M* litera, quoties ultima est & vocalem verbi sequentis ita contingit, ut in eam transire possit, etiamsi scribitur, tamen parum exprimitur, ut malum ille & quantum erat: adeo ut pane cuiusdam nova litera sonum reddat, neque enim eximitur, sed obscuratur, & tantum aliqua inter duas vocales velut nota est, ne ipsæ coeant.

Priscianus lib. 1. *M* obscurum in extremitate dictionum sonat, ut templum: Apertum in principio, ut magnus: Mediocre in mediis, ut umbra. Transiit in *N*, & maximè *D* vel *T* vel *C* vel *Q* sequentibus, ut Tam, tandem: tantum, tantundem: idem, identidem: num, nuncubi: & ut Plinio placet, nunquis, nunquam. Anceps pro Ambiceps. *AM* enim prepositio, *F* vel *C* vel *Q* sequentibus, in *N* mutat *M*, ut Anfractus, ancisus, anquiro: vocali verò sequente intercipit *B*, ut Ambitus, ambesus, ambustus, ambages: nec non etiam in comburo, combustus idem fit. Immò verò comburo formatum fuit ad exemplum verbi amburo, quod fuit compositum ex *ambi* sive *ambe* (sicut *heri* & *here*) & *ur*. *Ambe* porro factum est *am*, & ex hoc *an*, sicut *a* ex *ab*, & hoc ex *abs*. *Ambi* autem est à Græco ἀμφί, & significat circum. Festus: *AM* prepositio loquelaris significat circum, unde servum ambactus;  
id

*id est circumactus dicitur. AM ex Gracâ præpositione sumtum, quæ est ἀμφι, significat circum. Hinc Ambegni bos & vervex appellabantur, cum ad earum utraque latera agni in sacrificium ducebantur. Varro de linguâ Lat. lib. 6. Ambages profectum est à verbo ambe, quod est in ambitu. Ambustum, quod circumustum est, ut Ambiegna bos apud augures, quam circum alia hostia constituuntur. Ancilia dicta ab Ambecisu, quod ea arma ab utrâque parte incisa. Et lib. 4. Amictus est dictus amjectus, id est, circumjectus. Amnis id flumen est, quod circuit aliquid: nam ab Ambitu amnis. Sed fieri potest, ut comburo, ex con & buro factum fuerit, cum à buro profectum videatur bustum seu bustar, id est usti cadaveris locus, sicque buro esset ex Græco πυρῶν. Πῦρ verò ignem significat.*

Annæus Cornutus de Enunciatione: *Si duo verba jungantur, quorum prius M consonantem novissimam habeat, posterius à vocalibus incipiat, M consonans perscribitur quidem, cæterum in enunciandò durum & barbarum sonat. At si posterius verbum quamlibet consonantem habuerit, vel vocalem positam locò consonantis, servat M literæ sonum. Par enim atque idem est vitium, ita cum vocali, sicut cum consonante M literam exprimere. Tamtus & quamtus, in mediò M habere debent: quam enim & tam est: unde quamtitas, quamtus, tamtus: nec quosdam moveat, si M non sonat: Jam enim do-*

docui, non sonare debere, tametsi in scriptura M posita sit.

Velius Longus: Ipsa N litera in locum M cedit, ut cum dicimus, clandestinum, cum ab eò trahatur, quod est clam. Item sinciput, quod est semicaput: ex eò scilicet factum, semcaput, semciput, sinciput.

Idem: Cum dico, Etiam nunc, quamvis per M scribam, nescio quomodo tamen exprimere non possim. Nonnulli Synalæphas quoque observandas circa talem scriptionem existimaverunt, sicut Verrius Flaccus, ut ubicumque prima vox M litera finiretur, sequens à vocali inciperet: M non tota, sed pars illius prior tantum scriberetur, ut appareat exprimi non debere.

Cicero in oratore: Quid? illud non olet unde sit, quod dicitur cum illis, cum autem nobis, non dicitur, sed nobiscum? quia si ita diceretur, obscœnius concurrerent litera, ut etiam modò, nisi autem interposuissim, concurrissent. Ex eò est mecum & tecum, non cum me & cum te, ut esset simile illis: vobiscum atque nobiscum.

Quinctilianus lib. 8. cap. 3. Vitanda est junctura deformiter sonans, ut si cum hominibus notis loqui nos dicimus, nisi hoc ipsum hominibus medium sit, in καὶ ὅπως videmur incidere: quia ultima prioris syllabæ litera (M puta in Cum) que exprimi nisi labris coëuntibus non potest, aut ut interficere nos indecentissimè cogit, aut continuata cum (N) insequente in naturam ejus corrumpitur.

Sententia horum Tullii & Fabii verborum est, *At* sequente *N*, pronūciari ut *N*. Itaque *cum nobis*, sonat *cun nobis*, ubi auditur ob-scœna vox *cunno*, quam deformitatem seu turpitudinem ut vitarent, dixerunt pro *conobiscum*, posteaque ad idem exemplum *vobiscum*, *mecum*, *tecum*. Idem hodiè fit ab Italis, qui omnia dicunt pro *omnia*.

Victorinus Artis Gram. lib. 1. *Clari in studiis viri*, qui aliquid de Orthographiâ scripsêre, omnes ferè ajunt, inter *M* & *N* literas mediam vocem, quæ non abhorreat ab utrâque literâ, sed neutram propriè exprimat, tam nobis deesse, quam Gracis: cum illi Sambyx scribant, nec *M* exprimere, nec *N*.

## N.

Priscianus lib. 1. *N* plenior in primis sonat, & in ultimis partibus syllabarum, ut nomen, stamen: exilior in mediis, ut amnis, damnum. Transit in *G*, ut ignosco, ignarus, cognosco, cognatus. Et sequente *G*, vel *C*, pro eâ *G* scribunt Graci: & quidam tamen vetustissimi auctores Romanorum Euphonia causâ bene hoc facientes, ut Agchises, ageps, aggulus, aggens: quod ostendit Varro primò de origine lingue Latine his verbis: Aggulus, aggens, agguilla, iggerunt. In ejusmodi Graci & Actius noster binam *G*, scribunt, alii *N* & *G*, quod in hõc veritatem facile videre non est. Similiter ageps & agcora. Hæc Priscianus.

Ni-

Nigidius Figulus in Commentariis Grammaticis: *Inter literam N & G, est alia vis, ut in nomine anguis, & angaria & ancora & increpat & incurrit & ingenuus. In omnibus enim his non verum N, sed adulterinum ponitur: nam N non esse lingua indicio est: nam si ea litera esset, lingua palatum tangeret. Cum enim nos dicimus, neque projectis labris pronunciamus, neque profuso, intentoque flatu vocis, sed & spiritum & labias quasi intra nosmet ipsos coercemus.*

## Q.

Quintilianus lib. 12. cap. 10. *Duras facit syllabas Q, quæ ad conjungendas demum subjectas sibi vocales est utilis, alias supervacua, ut equos ac equum scribimus, cum ipsa etiam hæ vocales duæ efficiant sonum, qualis apud Græcos nullus est, ideoque scribi illorum literis non potest.*

Idem lib. 6. cap. 3. *Cum is candidatus, qui coqui filius habebatur, coram Cicerone suffragium ab aliò peteret: Ego quoque, Cicero inquit, tibi jure favebo; pro ego coque.*

Donatus in Adelph. act. 3. sc. 3. *Ciceronis dictum refertur in eum, qui coqui filius secum causas agebat: Tu quoque aderas huic causæ: nam apud veteres coquus non per C, literam, sed per Q, scribebatur.*

Velius Longus: *Cocum, nonnulli in utrâque syllabâ per Q, scribunt, nonnulli & insertâ U.*

## Q

In

In verbō etiam coquere; pro quoquere: Nisus censet ubique C, literam ponendam tam in nomine, quam in verbō.

Idem: De Q litera quasitam est, & multis illam excluserunt; quoniam nihil aliud sit, quam C & U, & non minus possit scribi quis per C, & U, & I, & S: Idcirco nonnulli quis & quæ & quid; scripserunt quis, quæ, quid; quoniam scilicet in Q, esset C & U.

Idem: Quor est cui rei, quod significat ob quam rem. Ex hoc retinuit consuetudo hodierna; ut diceremus quare: Quod unā syllabā castigatum sit cur, quod nos contenti sumus per C scribere.

Festus: Quando & Cuando ab Ennio scriptum inuenitur: Quaxare, pro coaxare; tana dicuntur, cum vocem mutant. Quæquera à Græco ἀπέχετο certum est dici; unde & carcere Quæquerum, pro quæretum.

Priscianus hb. i. Apud antiquos frequentissime loco EU syllabæ, QUU ponebatur; & è contrariis; ut Arguus; cognus; oquulus; quum; quur.

Donatus in Andr. act. i. sc. r. Cui, per Q veteres scripsere. Nimirum nihil inter qui & cui interest; nisi quod diphthongus aliter atque aliter effertur; ut scilicet modo U; modo I integrum tempus consumat.

Scaurus de Orthogr. Quis, quidam per cui scribunt; quoniam supervacuum esse Q literam putant. Sed nos C in dativo ponemus; ut sit deferen-



ferentia cui & qui, quamquam secundum analogiam omnes partes orationis, quæ per casus declinantur, eandem litteram in primâ parte omnis casus servent, quam in nominativo habuerint. Cum quidam, nonnulli quom scribunt, quidam etiam esse differentiam putant, quod præpositio quidem per C, adverbium autem per Q debeat scribi, ut Cum Claudio, quom legissem: quoniam antiqui pro hoc adverbio cum dicebant, ut Numa in Saliari carmine.

Annæus Cornutus de Orthograph. Quotidie, sunt qui per CO, cotidie scribunt, quibus peccare licet desinerent, si scirent inde tractum esse à quot diebus, hoc est, omnibus diebus.

Papyrianus: Reliquia & Reliqui per C, scribebantur: Cotidie per C & O dicitur & scribitur per Q, quia non à Quota die, sed à continenti die dictum est.

Victorinus Artis Grammat. lib. 1. Licinius Calvus Q, littera non est usus. Antiqui cum adverbium, scribebant quatuor literis quom, sed pronunciabant tamen perinde, ac si cum scriptum esset.

## R.

R, omnes hodie, nisi quibus blæsa est lingua, rectè pronunciant, inprimisque Hispani, qui eam geminant, ut in *Honrra*; sicut Romani fecerunt in *narrare*, pro, *narare*, id est, *narum* vel *gnarum* seu scientem facere.

**Papyrianus:** *Narare, per unum R, scribitur, ut Varroni placet. Secutus est enim etymologiam nominis ejus, quâ gnarus dicitur, qui scit & accipit quod loqui debeat. Denique compositio verbi ita scribitur, ignorare, quæ non per duo R, sed per unum scribitur, idè & narratio unum R, habere debet.*

**Festus:** *Torum, ut significat torridum, aridum, per unum quidem R, antiquâ consuetudine scribitur, sed quasi per duo R, scribatur, pronuntiari oportet: quoniam antiqui nec mutas, nec semivocales literas geminabant, puta in scriptione.*

**Priscianus lib. 1.** *Antiquissimi pro ad, frequentissime ar ponebant, ut in arvenas, arventores, arvocos, arfines, arvolare, arfari, arcio, unde arcesso. Ager pro agger, qui dictus ab adgerendô.*

**Festus:** *Antiqui dixerunt malosibus, ex quo factum, majoribus, meliosibus, lasibus, feliis: ex quibus facta, melioribus, laribus, feriis. Sic furni factum ex priscô fusui. Dicebant veteres similiter Labos, colos, odos, arbos: pro labor, color, odor, arbor. Dasi, pro dari, & plissima pro plurima.*

**Servius in Æn. 4.** *Veteres Asas dicebant, postea immutata litera S, in R, Aras dixerunt, sicut Valesios, Valerios: Fusios, Furios. Ita Cicero ad Pætum Papyrios prius dictos ait Papyssios.*

## S.

S, nota sibili est, sed ex illis, non illius densi aut pinguis, qui *strepitus* rectius dicatur, quem Germani tribus literis exprimunt **SCHN / SCHE / SCHJ** / Hetrusci verò sic SCIA, SCIE, SCIO, Galli hoc modo CHA, CHE, CHI, Hispani veteriore pronunciandi ratione per XA, XE, XI, aut per j oblongum, quod illi Jota vocant, ja, je, ji, aut per g, sequentibus dumtaxat e aut i, ge, gi. Itaque *Oxeare* (quod Hispanis est gallinas aliasque aves vocis strepitu abigere à voce Ox, Ox,) Germani scribunt **Œscheare** / Galli *Ocheare*, Hetrusci *Oscieare*. Sed proprium ei sono characterem inventum oportuit, qualis esse poterat illa Jurisconsultorum Paragraphi nota §. Verùm ego Romanos nullo strepitu in pronunciandò usos puto, contra quam hodiè faciunt non modò Galli *ge & je & che* pronunciantes, aut Germani, qui *ſtatum* seu *ſchtatum*, *ſponte* seu *ſchponte*, *ſcamnum* seu *ſchamnum*, *ſuavis* seu *ſchnavis* molestissimò strepitùs genere eſſerunt, sed ipsi etiam Hetrusci in *Scipio*, *ſcire*, *diſcere*, & ſimilibus, quæ Romanis erant *Skipio*, *skire*, *diſkere*, exili illò ſibilò, quem omnium optimè Hispani edere ſolent, adeò ut *cassus* & *diviſſio* dicant, pro *caſus* & *diviſio*, quod & Romanos factitaſſe ſcimus.

Quinctilianus lib. 1. cap. 7. Cicero, & Virgilius scribebant caussa, cassus, divissiones, quod manus eorum docent. Sed paulum superiores etiam illud, quod nos gemina S dicimus iussi, una dixerunt iussi.

Festus: Dufmoso in loco apud Livium significat dumosum locum. Antiqui enim interserebant S litteram, & dicebant colmittere, pro committere, & casmoenae, pro camoenae. Sic poefnas, pro poenis, & coefnas, pro coenis. Dicebant quoque stlocum, pro locum, flitem, pro litem, stlatam, pro latam, strenam, pro trenam, stritavum, pro tritavum.

Id. Serpentes dicimus ex Graco, quod illi epeteta nos pro adspiratione eorum S littera posita, ut est sex, extra septem.

Priscianus lib. 1. saepe pro adspiratione ponitur in his dictionibus, quas a Gracis sumimus. Semis, sex, septem, se, si, sal. Et Baoti in quibusdam dictionibus pro S, solebant H scribere, muha, pro musa dicentes, propter cognationem littera S cum H.

Maximus Victorinus: Antiqui S litteram quasi pro liquenti utebantur, inexcusata adhuc novitate, quod posteriores poeta non ferunt. Lucilius: Tum lateralis dolor certissimus nuntius mortis: pro, Tum laterale dolor certissimu nuntiu mortis.

Agretius de Orthogr. Apud Latium, unde Latinitas orta est, major populus & magis egregiis artibus pollentes Tusci fuerunt, qui quidem

dem naturâ lingua sua, S, literam raro exprimunt. Hac res fecit haberi liquidam.

Cledonius in Arte: Quia S, superflua invenitur, interdum & ipsa liquefcit in metrô, quia sibilus magis est, quam consonans.

Virgil. *Æn* i. Troas reliquias Danaum atque immitis Achilli. Ubi Servius: Propter hoc mæcoteleutôn detraxit S, literam, quæ plerumque pro sibilô habeatur, non solum necessitatis, sed etiâ Euphonia causâ, ut Sallust. A principio Urbis ad bellum Persi Macedonicum. Detrahitur autem S, tertiâ declinationis genitîvo.

Charisius lib. i. Varro genitîvo hujus fami dixit, cum famis sit rationis. Herculi, pro Herculis, & Ulyxi, pro hujus Ulyxis dici cœptum est, inquit Plinius, ut fortis Aechati, acris Oronti.

Prisc. lib. 6. Sciendum in nominibus tertiâ declinationis frequentissimè veteres dativum protulisse pro genitîvo, Aristoteli, Demostheni, Euripidi, pro Aristotelis, Demosthenis, Euripidis ponentes, ut Virg. Cic. Terent.

Victorinus lib. i. Artis: Nemo & nullus, quorum genitîvum aliter, quam nos, veteres extulerunt: Nemini enim & nulli dixerunt: item bonæ frugis quoque, nos omissâ parte ejus solum frugi scribimus.

## T.

T, rectè hodie pronunciatur ab omnibus, nisi ubi *I* cum aliâ vocali eam consequitur. Tum enim addito ei sibilo, perinde eam efferunt, ut *z*: nam *litium* dicunt *lizium* seu *lisium*, quod quidem satis scio, Romanorum nemo intelligeret. Maximè tamen in eâ effrendâ ridiculi sunt Galli, quos cum *intentio* dicentes audias, *intentio* an *intensio* illa sit, discernere haud quaquam possis. Hispani in linguæ suæ vocabulis, *t* sine ullô sibilô efferunt: adeoque Sacerdotem, ego in Hispaniâ ad altare canentem audiui: *Et ne nos inducas in tentathionem*: quô modô & Itali *Malatia* dicunt, quasi esset *Malathia*. Non potest vocalis post *i* posita eam habere vim, ut sonum illum, qui *t* literæ suus ac proprius est, immutet. Nam, ut ait Fabius, *hic est usus literarum, ut custodiant voces, & velut depositum reddant legentibus*. Itaque si in *justi*, sonus literæ *t*, est affinis sono *d*, ac sine ullô sibilô, non potest ille alius atque alius esse *injustitia*.

D E  
CONSONANTIBUS  
DUPLICIBUS.

X.

Quintilianus lib. 1. cap. 4. *X literâ carere potuimus, si non quasssemus.*

Annæus Cornutus de Orthogr. Varro *X literam esse negat: in quô quid viderit, nondum apprehendi.*

Victorinus Artis Gram. lib. 1. *Latini voces, quæ in X literam incidunt, si in declinatione earum apparebat G, scribebant G & S, ut conjugs, legs. Nigidius in libris suis, X literâ non est usus, antiquitatem sequens.*

Priscianus lib. 1. *X duplicem locò C & S, vel G & S, postea à Græcis inventam, assumsimus, ut Dux ducis, Rex regis.*

Charisius lib. 1. *Merx, Sallustius merces dixit. Sic faces antiqui pro fax, teste Festo: quomodo etiam hodiè Italos dicentes audias: Pacēs (seu paches, pakes, paques) huic domui, pro pax.*

Servius in Æn. 1. *Adnexus antiquum est, ut connexus, quibus hodiè non utimur. Dicimus enim adnissus & connissus. Et in Æn. 8. Galli Senones dicti sunt, quod Liberum patrem*  
hospiti-

accipitur, veteres inveniuntur vel S, vel D  
posuisse, ut Saguntum, pro Saguntos. Massa,  
pro Maza. Setus, pro Sibus. Odor ἀὐτὸ τῷ ὀσφύ,  
Mendenius, pro Mezentius dicentes.

Annæus Cornutus de enunciatione: Z, in  
antiquis libris modo scripta est, modo non, sed  
pro illa dua SS, ponebantur, ut Crotalizo, crot-  
talisso, Malacizo, malacisso, & his similia.

Velius Longus: Sciat Mezentium solum  
scribi per duo SS, & sic enunciari.

CH. *CH.*

Hæc consonans duplex est χ, Græcorum,  
id est c vel k cum spiritu, quam soli hodie  
Germani rectè pronunciant: proximè acce-  
dunt Hetrusci cum anserinò seu gutturali suo  
CA, CO, QUA, ut cum dicunt Duca,  
Quaranta, pro quibus Germanus scriberet,  
Ducha, Chvuaranta: similiterque Hispani cum  
recentiore pronunciatione à fæminis inductâ,  
dicunt Muger, Baxo, quod Germanis est  
Mucher, Bacho. Galli enunciare non possunt,  
& in Galliâ Cisalpinâ pauci. Cæterum che  
hodie Itali efferunt, ac si esset Germanicum  
ke, Gallicum & Hispanicum que. Pro che,  
Galli dicunt Italicum scie, Germanicum sche /  
cum strepitu scilicet, de quò supra cum de  
S, ageretur, dictum satis est. Hispanis au-  
tem che est Italicum ce, Germanicum tsche /  
quod Galli efferunt, si t, ante che exprimant.

Sed



Sed Romani sine dubiô per *c* gutturale effectebant, velut ex Catulli epigrammate supra patuit.

Quinctilianus lib. 1. cap. 5. *Diu servatum, ne consonantibus adspiraretur, ut in Graccis & Triumphis. Erupit brevi tempore nimius usus, ut Chorona, Chenturiones, Prachones adhuc quibusdam inscriptionibus maneat, quâ de re Catulli nobile epigramma est.*

Servius in Geor. 3. *Tria veteres habebant nomina, in quibus C, literam sequeretur adspiratio, Sepulchrum, Orchus, pulcher: c quibus pulcher tantum hodie recipit adspirationem.*

Idem in Æn. 6. *Thus & Orchus veteres dicebant & Lurcho, id est vorax: quibus sequens ætas detraxit adspirationem.*

Scaurus de Orth. *Negat Varro Gracchus adspirandum, quoniam à gerendô sit cognominatus. Matrem enim ejus, qui primus Gracchus sit dictus, duodecim menses uterum gessisse. Et pulchrum quamvis in consuetudine adspiraretur, nihilominus tamen ratio exiliter C, enunciantum & scribendum esse persuadet, ne una omnino dictio adversus Latini sermonis naturam in mediô adspiraretur: quamvis S antea à Gracis putet esse translatum, quasi πολυχρῶν.*

Victorinus Artis Gram. lib. 1. *Legistis præceptum antiquorum, qui ajunt scribi omnibus literis oportere chorona, anchora, sepulchrum, brachium, pulcher: in enunciantum autem H elidere.*

## PH.

Priscianus lib. 1. *Eum prope sonum, quem nunc habet F, significabat P, cum adspiratione, sicut etiam apud veteres Græcos pro Φ, π & H. Unde nunc quoque in Græcis nominibus antiquam scripturam servamus, pro Φ, P & H ponentes, ut Orpheus, Phaeton: postea verò in Latinis tacuit verbis, pro P & H, F scribi, ut fama, filius, facio. Hoc tamen scire debemus, quod non tam fixis labris est pronuncianda F, quomodo PH. Atque hoc solum interest inter F & PH.*

## TH.

Hujus in Græcis modò vocibus usus est; eamque omnes hodie exiliter, ut t pronunciamus, sed sine dubiò vitiosè. Hodierni quidem Græci Θεός longè aliter efferunt, quam nos Theos, sed id nisi vivâ voce declarari non potest. Adspirationem aliquam, sive ut Varro vocat *afflatum*, in eâ audiri oportere certum est.

## PS.

Priscianus lib. 1. *Litera S, preponitur P, & locò ψ Græca fungitur, pro qua Claudius Caesar antisigma hanc figurâ ΨC scribi voluit, sed nulli*  
*ausi*

*ausi sunt antiquam scripturam mutare: quamvis non sine ratione hæc quæquæ duplex à Græcis addita videatur: nam multo molliorem & volubiliorem sonitum habet Ψ, quam PS, vel BS.*

## CONSONANTES

### Duplices Novitiæ.

#### GL. LL.

Itali & Hispani hanc consonantem duplicem usurpant, quam Latini ignorarunt, & Germani hodie difficillimè pronunciant. Qui Latinis sunt *capilli*, Italis dicuntur *capegli*, Hispanis *cabellos*: ubi eodem modò *gl* & *ll* pronunciatur: Hispani etiam in vocum principibus eâ consonante utuntur, ut in *Llano*, *Lleno*, *Llorar*, *Lluvia*. Sed revera hic sonus suum proprium characterem desiderat, cum nec *gl*, nec *l* duplex cum exprimat. Germani, ut cum efferre discant, scriptum putent *capelii*, *cabelios*, sic tamen, ut prior vocalis *i*, cum sequenti *i* vel *o*, in unam velut diphthongum coalescat, fiatque *i* consonans, quam vulgo vocant: aut fingant scriptum *capejsli*, *cabejslos*, sic ut illud prius *i*, velut consonans, alterò *i*, velut absorptio efferatur.

GN.

## GN. NN. sive N cum apice.

Ex Latino, *Senior*, quo Gothi pro *Dominō* usi fuerunt, Hispani in *n* conversō, fecerunt *Sennor*, sive ut ipsi scribunt *Scñdr*, ex eō postea Itali *Signor*, Galli *Seigneur*; unde portō nata sunt *Seor*, *Ser*, *Misses*, *Sire*, *Monsieur*; quod contra Latinos olim in *scil*, converso in *s*, ex Græcis *Ἀπείων*, *ἀπείων*, *Μελίνος*, *mellus*, *melior*, ex *ἄλλος*, *alius*, ex *ἀλάλησις* *fulio*; ex *φύλλον* *folium* formasse Festi emendator observavit; qui tamen fallitur, cum id semper eos fecitasse censeret. Ex *ἐρπύλλον* enim eos non *serpillum*, sed *serpillum* fecisse constat. Cæterum & huic sonō suū ac propriū characterē effectū oportebat, cum eum nec *gn*, nec *n* duplex efficiant. Romani, *g* nondum inventō, *pugnare* scribebant; *a*, cuius vocis sonō sive Italicū *pugnare*, sive Hispanicū *punnare* dissidet longissime: quem quidem Germani multū sūdant, ut efferre discant, eoque id magis, quod *n*, ante *g* pronūciant. *Magnus* enim dicunt pro *magis*. Oportet ergo ut prius *n*, in *Senior*, vel *g*, in *Signor*, illud ipsū *n* esse meminere, quod Nigidius supra *adulterinū* esse dixerat, quale in *Ancus*, *angor*, *incus*, *angram* traditur; posterius autē *n*, velut consonantem exprimant, quæ cum sequente voca frinē phthongum coeat, quasi esset *Spn* idē

D E

# D E A C C E N T U.

Cicero in Oratore : *Quid hoc elegantius, quod non sit naturâ, sed quôdam institutô? Inclitus dicimus brevî primâ literâ, insanus productâ, inhumanus brevî, infelix longâ, & ne multis, quibus in verbis ea prima litera sunt, quæ in sapiente atque felice, productè dicitur, in cæteris omnibus breviter, itemque, composuit, consuevit, concrepuit, confecit. Consule veritatem, reprehendet: refer ad aures, probabunt, quare, cur? Ita se dicent juvari. Voluptati autem aurium morigerari debet oratio.*

Putant viri docti, qui priores de pronunciatione linguæ Latinæ commentati sunt, Ciceronem non de syllabæ, sed de literæ quantitate loqui. At nos mox dabimus, qui perspicuè idem de syllabis dicant. Sed esto: quî tandem fit, quod nostræ aures non hîc magis sonô, quàm illô juvantur?

Maximus Victorinus: In & Con, præpositiones aliquando corripuntur: sequentibus S, vel F, literis producuntur, ut instare, infidus: & cæteris omnibus corripuntur, ut inconstans, imprudens.

Varro lib.8. de linguâ Latinâ: *Quidam reprehendunt, quod pluit & luit dicamus in præsentî tempore. Falluntur: nam est, ac putant ali-*

aliter: quod in prateritis U, dicimus longum, in presenti breve. Ideoque in venditionis lege fundi, ruta cæsa ita dicimus, ut U, producamus.

At enim in præsentī non minus Luu--it, U, longâ dixit Lucillius: Tantalus qui pœnas ob facta nefantia luit, quomodo in veteri librô Gifanīus se legissē testatur. Etruria, u brevi habemus apud Virgil. Aut Idâ in magnâ radicibus eruta pinus.

Asconius Pedianus in Verrin. 3. Poscunt maioribus poculis. Sunt qui productâ scilicet O, literâ, poscunt legunt, quasi sæpe potant.

Consentius: Accentus ostendit diversam significationem unius dictionis. Pone, si verbum est, gravis est ultima: si adverbium, circumflexa.

Maximus Victorinus: Adverbium ponē, posteriore acutum recipit accentum, ne sit verbum.

Velius Longus: Multa nomina & contractâ syllabâ aliud significant, & productâ: quomodo aliud sit producas Pila, & corripias Pila. Et locô rursus transmutatus accentus partes quoque orationis immutat, ut aliud est Circum, aliud Circum: aliud Ergo, aliud Ergò.

Servius in Æneid. 1. Maria omnia circum. In fine accentum posimus contra morem Latinum: sed correptio hoc facit; nam præpositio postposita correpta est sine dubio.

Festus: Ergo correptum significat idem, quod apud Græcos οὐν (igitur) producte idem quod χα-

per, hoc est, gratiâ, seu causâ. Hic de productione non vocalis, sed syllabæ loquitur.

Quintilianus lib. 1. c. 5. *Si Cethegus primâ acutâ pronuncias, media mutatur. Ultima nunquam acuitur, in dissyllabis prior.*

Idem cap. 6. cum irridet, qui salutans amicos, *Avete* sine adspiratione & productâ secundâ syllabâ dixerat. *Recta est* (addit) *hæc via: quis negat? sed adjacet & mollior & magis trita.*

Ergo ætate illâ *Havete* mediâ syllabâ (non literâ) correptâ dicebant, idque mollius pronuntiâtu, auditûque judicabant, quod nobis nihilô secius videtur, quam insomnia.

Agell. Noctium Attic. lib. 7. c. 7. *Probus Grammaticus & Anianus poëta, affatim, admodum, primâ acutâ pronuntiabant. Causam esse huic accentui Anianus dicebat, quod affatim non essent due partes orationis, sed utraque pars in unam coaluisset, sicut in exadversum, secundam syllabam debere acui existimabat, quoniam una, non due essent orationis partes. Addebat, quod ad, præverbium, tum ferme acueretur, cum significaret extracui sive intentionem, sicut affabre & admodum & approbè dicuntur. Sed id non perpetuum videtur: nam & appotus cum dicimus & apprimus & apprimè, intentio demonstratur, neque tamen ad particula, satis commodè accentu acutò pronuntiatur. Approbus tamen, quod significat valde probus, non inficias eo quin primâ syllabâ acui debeat. Igitur in istis vocibus,*  
que

qua non acuiuntur, ea causa est, quod syllaba sequitur naturâ longior, qua non fermè patitur acui priorem in vocabulis syllabarum plurium quam duarum. In præmodum prima syllaba acuitur.

Ita discimus cæteros plerosque in affatim & admodum mediam syllabam acutò accentu proferre solitos: nec locum habet doctissimi viri commentum de A brevi & longò. Similiter enim Agellius præmodum & admodum primâ syllabâ acui affirmat.

Idem lib. 9. cap. 6. Ab eò, quod est ago & egi, sunt verba frequentativa actito & actitavi: qua quosdam sanè non indoctos viros audio ita pronunciare, ut primam in his literam corripiant, quoniam in verbò principali, quod est ago, prima litera breviter pronunciatur. Cur igitur ab edo & ungo, in quibus verbis prima litera breviter dicitur, esito & unctito, primâ literâ longâ promimus? & contra dictito à dico, correptè dicimus? num ergo potius actito & actitavi producenda sunt? quoniam frequentativa fermè omnia eòdem modò in primâ syllabâ dicuntur, quò participia præteriti temporis ex his verbis, unde ea profecta sunt, in eadem syllabâ pronunciantur; sicut lego, lectus, lectito, facit, &c. Sic igitur actito productè in primâ syllabâ pronunciandum, quoniam ex eò fit, quod est ago & actus.

Hic perspicuè habemus, in actus & actito, non primam modò literam, sed & syllabam



productè pronuciari debere, etsi alii docti homines eadem corripere.

Terentianus *au*, in *Aurunci* breve esse ait, adeoque barbarè produci, & *eu* semper esse breve, propterea quod *e* Græcum breve sit. Hoc quale sit, quis hodie vel suspicetur? Verba ejus sunt:

*Aut age, inquit ille vates: sape dixit aut ubi*

*Dixit Aurunci, quod aque barbarum est producere.*

*Pes ubique lege constat prima cùm correpta sit:*

*Au, tamen capere videtur sape productum sonum,*

*Auspices cùm dico & Aurum, sive Græcus aurion.*

*Mira nec putanda nobis talis alternatio est.*

*Dichronon quod alpha notum est, sicut à nostratibus*

*Indè communem ministrat sola diphthongus sonum.*

*Eu, manet correpta, semper est quod E Græcum breve.*

*Literis sed E, latinis sape cum sit dichronos, Facta diphthongos nequibit esse producti soni.*

Charisius lib. 1. Calumnia primâ syllabâ correptâ effertur. Venit enim à verbò calvor, hoc est, frustror. Plinius Os, oris, productè effereendum censuit: Os, ossis, correptè.

Donatus in Andr. act. 1. sc. 1. Filium perduxit.

*duxere ut unà esset. Si productè legatur esset, significat cibum caperet, sive ederet. Et Eunuch. act. 3. sc. 4. Ut de symbolis essemus. Melius essemus, productâ E, literâ.*

Servius in *Æn.* 5. *Edo habet & rectam, sed antiquam declinationem, ut Edo, edis, edit: & anomalam, ut Edo., es, est: quarum secunda & tertia persona longa sunt propter differentiam, Sum, es, est.*

Idem in *Æn.* 1. *Ibidem & ubinam, multi dubitant, ubi debeat esse accentus, quia ubi & ibi naturaliter breves sunt, sed ratione finalitatis plerumque producuntur in versu; nescientes hanc esse rationem, quia pronuntiationis causâ contra usum Latinum syllabis ultimis, quibus particula adjunguntur, accentus tribuitur, ut musâque, illène, hujúsce. Sic ergo & Ibidem. Et infra: Ut, cum est quemadmodum, in pronuntiatione extenditur; quando temporis non est.*

*Ibidem: Sarpedon, ubi tot Simois correpta sub undis. In Sarpedon & in ultimâ syllabâ & in penultimâ possumus accentum ponere: nam Homerus & Sarpedonis declinavit & Sarpedontis: unde & varius accentus est: nam si Sarpedonis, in antepenultimâ erit: si Sarpedontis, penultima habebit circumflexum, qui est in ultimâ syllabâ nominativi. Simois, hoc nomen integrum ad nos transiit, unde suò accentu profertur: nam si esset Latinum, in antepenultima haberet accentum, quia secunda à fine brevis est. Vult*

scilicet *Simois* in hoc versu pronunciari cum accentu in mediâ syllabâ, quamvis correptâ.

Idem in *Æn.* 2. *Unâ ingens Periphas & equorum agitator Achilles.* Ultima in *Periphas* accentum non habet, ne femininum sit, nec tertia à fine, quia novissima longa est. Ergo *RI*, habebit accentum. Quid hoc locô dicent, qui inter vocalem longam & syllabam longam distinguunt?

Idem in *Æn.* 6. *Exinde una pars orationis est, & in tertiâ à fine accentum habet, licet panultima longa sit.*

Idem in *Æn.* 7. *In Asia cum paludem significamus, A, longa est: cum de provinciâ dicimus, A, brevis est.*

Idem in *Æn.* 10. *Dum texit Imaona Halesus, id est, dum spoliat, nam tempus præsens est, non præteritum. Et texit, te primam syllabam corripuit, ut tantum positione longa sit. Et infra: Trophaum, declinatio Latina est: unde panultima habebit accentum. In numerô verò plurali, quia tropæa dicimus, sicut Græci, nec aliquid inde mutilamus, erit Græcus accentus, sicut apud Græcos, scilicet tertia syllaba à fine.*

Donatus in *Eunuch.* act. 5. sc. 1. *Si quando & prima syllaba acui potest & media. Tamen variat sententiam.*

Festus: *Quando, cum gravi voce pronunciatur, significat quoniam, & est conjunctio. Quando, acutô accentu est temporis adverbium.*

Idem: *Inlex, productâ sequenti syllabâ, significat*

nificat qui legi non paret, correptâ sequenti, inductorem, ab illiciendô. Plaut. Persa: Impure, inhoneste, injurie, illex, labes populi. Idem Afin. Esca est meretrix, lectus illex est, amatores aues. Et Pœn. Qui illi mala rei tanta fuimus illices.

Idem: Muscerdas primâ syllabâ (non literâ) productâ stercus murum appellant.

Idem: Quincentum, & productâ primâ syllabâ, & per C, literam usurpabant antiqui.

Diomedes lib. 1. Comperio, comperii. Comperceo, comperii. Sed accentu discernitur sensus. Acutô enim accentu profertur, quoties pro eô accipitur, quod est rescii. Comperceo verò circumflexô accentu declinatur, quoties pro eô accipitur, quod est, cum aliô perii. Comperieram enim facit.

Charisius lib. 1. Quoties de neutrô loquimur, correpta O, litera dicimus. Duo millia. In accentu longô, duo homines, ambo homines.

## DE EUPHONIA.

Euphonia seu Sonoritas est, quæ pronunciationem auribus commendare quærit, ut suavi minimèque odiosô sonô ad eas allabatur. Hujus causâ Latini literarum alias omittebant, alias inferebant, alias mutabant.

Cicero in Oratore: Inclitus dicimus primâ brevi, Insanus productâ. Consule veritatem, reprehendet: refer ad aures, probabunt, quare, cur?

cur? Ita se dicent iuvare. Voluptati autem aurium morigerari debet oratio. Pomeridianas quadrigas, quam postmeridianas, libentius dixerim.

Velius Longus: Meminerimus artis Orthæpeje esse, ut sive exili cum literâ Artibus, sive cum plenâ Artibus scripseris, enunciationis sonum temperet.

Idem: Scio sermonem decori servire & aurium voluptati. Unde fit, ut sæpe aliud scribamus, aliud enunciemus. Cum dicimus, hic est ille, unum C, scribimus, & duo audimus. Constatendum quadam aliter scribi, aliter enunciari. Nam quibusdam literis deficiamus, quas tamen sonus enunciationis arcessit, ut cum dicimus virtus, periiisse ferè ad aures primam literam invenies.

Idem: In hac præpositione DE, quam dixi plenam præponi, animadvertendum illud, quod minuitur, si quando sequens vox à literâ E incipit, ut est deerrare, deesse: quâ enunciatione sufficit ipsa productio. Virgil. Vir gregis ipse caper deerraverat, atque ego Daphnin. Lucret. Talibus in rebus communi deesse saluti.

Idem: Sequenda est nonnumquam elegantia eruditorum, quod quasdam literas lenitatis causâ omiserunt, sicut Cicero, qui Foresia & Megalesia & Hortesius sine N literâ, libenter dicebat.

Hinc judicari potest, quam parum iusti & æqui fuerint, quibus Lambinum notare libuit, tamquam Hortesium contra receptam scrip-

scripturam malô novitatis studiô approbavit.

Servius in *Æn.* 1. *Adplicat, secundum præsentem usum per D, prima syllaba: secundum antiquam autem orthographiam (qua præpositio-  
num literam consonam in vicinam mutabat) per P, secundum verò euphoniâ per A, tantum. Præpositio enim cûm ad compositionem trans-  
ierit, aut vim suam retinet, ut indico; aut mutat ultimam literam, ut sufficio; aut perdit,  
ut Coemo. Hinc discimus veteres applicat scribere, sed aplicat pronunciare solitos.*

Quintilianus lib. 1. cap. 7. *Quadam scribuntur aliter, quam enunciantur: nam & Gajus, C, litera notatur, nec Cneus eam literam in prænominis notâ accepit, quâ sonat. Sensus est: scribi Cajus & Cneus, pronunciari autem Gajus & Gneus.*

Ibidem: *An cujusvis auris est exigere literarum sonos? non hercule magis, quam nervorum.*

Igitur Romani partim pronunciabant literas, quas non scribebant & quarum characteribus deficiebantur; partim eas, quas scribebant, non pronunciabant, vel certè aliter multô, quam vel ipsi in aliis vocibus, vel in iisdem ipsis nos hodie, pronunciabant; partim accentu utebantur, quem nos, qualis fuerit, nec imaginari possumus; partim denique aliter, quam nos, literarum sonos exigebant, ut jucundum eis esset, quod nos hodie offen-

dit, sicut vicissim satis exploratum haberi debet, multa quæ nostras aures hodie minimè offendunt, vel molestissima eis futura fuisset. Itaque & imperiti & ridiculi sunt, qui ex Italii tantò cum superciliò de suauitate compositionis Latinæ sententiam ferre audent, velut is, qui vocem *plerorumque* nimis asperam iudicabat, & alter, qui negabat aures suas verbum *recreauerunt* ferre posse. Si enim in legendis optimis linguæ Latinæ auctoribus aliquantum diligentiores fuissent, effæminatam illam suam, mollem ac discinctam pronuntiandi rationem longè à masculâ altius cinctorum Romanorum consuetudine dissidere intelligerent. Qui usque eo delicati sunt, ut eos *Ipse, Rex, pax, plenus* & *Cnossius* pronunciare pigeat, atque *Isse, Res, pakes, piennus* & *Conossius* dicere malint, quis eos animum inducturos putet, ut non lapides loqui Romanos conquerantur, si eos *Stilis* pro *lis*, *Stilatus* pro *latus*, *Stritavus* pro *Tritavus* dicentes audiant? Certè nisi omnia me fallunt, Lucretium patriâ multabunt, nec Romanum magis, quàm Transalpinum perhibendum censebunt, cùm hunc ejus versum legent l. 5. *Religione refrænatus ne forè rearis.* Fortassis autem neque illud Ciceronis Verin. 5. propitiis excipient auribus: *Quem agrum si obstitum vidisses, annonæ caritatem minime verere.* Sed de Orthoepejâ Latini sermonis hætenus.

# FRIDERICI SILBURGII

DE

## Vetere Romanorum Scri- pturâ tractatio.



T de vetere Scripturâ pauca præmoncam, differt ea abrecentiore, quæ hodie in usu est, vel *quantitate*, vel *qualitate*, vel *utroque*. *Quantitas* in *additione* cernitur, vel *detractio-  
ne*. *Additio* aut *vocalis* est, aut *consonantis*. *Vocalis* additio est in diphthongis *ei* & *ou*. Sic enim *eidem*, *jous* scripsêre, pro *idem*, *jus*. Sic *leitem*, *leimites*; *meslitia*, *opeima*, *inveito*, pro, *litem*, *limites*, *militia*, *opima*, *invito*. Sic *Eito*, *deixi*, *seierit*, pro, *ito*, *dixi*, *sierit*. Item *Quei*, *sei*, *nei*, pro, *qui*, *si*, *ni* (*nei* tamen etiam pro *ne* usurpârunt interdum, & quidem non rarò.) Sic *utei*, *ubei*, *ibei*, pro, *uti*, *nbi*, *ibi*. Eandem diphthongum usurpârunt in genitivis singularibus, ut *dolei*, *malei*, pro, *doli*, *mali*. Item in nominativis pluralibus: ut *Iei*, *trevirei*, *decumanes*, pro,  
ii,



ii, *treviri*, *decumani*. Item in dativis & ablativis pluralibus: ut *leis*, *tertiis*, *recinieis*, pro, *lis*, *tertiis*, *riciniis*. Præterea in dativis singularibus tertiæ declinationis: ut *Mortei*, *clientei*, pro, *morti*, *clienti*. Item: *Alterei*, *sibei*, pro, *alteri*, *sibi*. Et frequentissimè in nominativis atque accusativis pluralibus: ut *Omneis*, *civeis*, pro, *omnes*, *cives*. O, verò ad *u* adjectæ tùm alia sunt exempla, tùm hæc: *ſous*, *jousta*, *joudicare*, pro, *jus*, *justa*, *judicare*. Item: *Souo*, *louci*, *doncito*, pro, *suo*, *luci*, *ducito*. In quibusdam utramque diphthongum conjunxerunt: ut *Soneis*, *ſoudicei*, pro, *suis*, *judici*. In nonnullis *u* geminum usurpârunt pro *ou*, seu *u*: ut *Plus*, *secus*, pro, *Plus*, *secus*. Sic *Comitatu*, *arbitratu*, pro, *comitatu*, *arbitratu*. Interdum *o* post *u*; interseruerunt: ut *Quicunque*, pro, *quicumque*. Consonantes quoque interseruerunt, ut *Quotiens*, *quotienscumque*, pro, *quoties*, *quotiescumque*. Sic *exſigunto*, *exſercere*, pro, *exigunto*, *exercere*. Item *Quips*, *aliquips*, pro, *quis*, *aliquis*. In *jouxsta* verò projuxta gemina est insertio vocalis *o* & consonantis *s*. In quibusdam integram syllabam interseruere, ut in *Postidea*, *indotestato*, pro, *postea*, *intestato*. Ejus generis etiam *Ævitas* videri alicui possit: sed habet illud legitimam ab ævo derivationem: in *Ætas* verò, quod post usurpari cœpit, facta est contractio. Quibusdam  
à fron-

à fronte consonantes adjecere: ut *Stilis*, pro, *lis*. Nonnullis in fine: ut *Ead*, *tuad*, *plebed*, *frauded*, pro, *ea*, *tua*, *plebe*, *fraude*. Sic in verbis *Datod*, *removetod*, *luitod*, *estod*, pro, *dato*, *removeto*, *luito*, *esto*. In *exsercetod* autem geminata est additio semivocalis *s*, & mutæ *d*. Sic in *Leibertated*, additio est vocalis *e*, & consonantis *d*.

*Detractio* & ipsa vocalis est, aut consonæ. Vocalis detractio est in monophthongis illis, *senus*, *femina*, pro, *fænus*, *fæmina*. Sic *heres*, quanquam eam vocem non ab *harendo*, sed ab *herô* deductam malunt eruditiores. Detractio etiam quibusdam videtur esse in verbis istis, *Adicito*, *ejicito*, *deicitor*, *conicere*, *subicere*, pro, *adjicito*, *ejicito*, *dejicitor*, *conjicere*. Quod si ita est, eadem ratione simplex *icere* contractum erit ex *jacere*. Sic certe *Dis*, contractum ex *Diis*. E consonantibus etiam, quæ nunc geminari solent, omittebant alteram, ut *Osa*, *clase*, pro, *ossa*, *classe*. Item *Aceras*, *connubia*, pro, *Acerras*, *connubia*: *pelex*, *tollito*, *poluceto*, pro, *pellex*, *tollito*, *polluceto*.

*Qualitas* in commutatione potissimum cernitur. Ea quoque vocalis est, aut consonantis. Vocalis, ut *e*, pro *i*. Sic enim *leber*, *addecito* scripsere, pro, *liber*, *addicito*. Item *u*, pro *i*. *Astumata*, pro, *astimata*. Sic *optumus*, pro, *optimus*. Eadem ratione *postumum* quoque, pro, *postimum*, seu *postremum* à veteribus dictum volunt eruditi, ut significet non  
tam

tam cum, qui post inhumatum patrem est editus, quam cum qui postremus patri, seu vivo, seu mortuo natus est. Item *u*, pro, *y*, ut *Ægyptus*, pro, *Ægyptus* quemadmodum *mus* quoque & *sus* & hujus generis alia, sunt ex Græcis *μῦς*, *σῦς*. Frequentius *o*, pro, *u*, ut *Totela*, *porporea*, pro, *tutela*, *purpurea*. Sic *Osocapitor*, pro, *usucapitor*. Item *soper*, *quomque*, pro, *super*, *quumque*. Sic in nominum finibus: *Patronos*, *servos*, pro, *patronus*, *servus*. *Vitium*, *manom*, pro, *vitium*, *manum*. Nec non in verborum finibus: *Conseront*, *moritor*, pro, *conserunt*, *moritur*. In nonnullis geminatur hæc mutatio, ut *Piacolom*, *fortom*, *foratos*, pro, *piaculum*, *furtum*, *furatus*. In quibusdam hæc cum superiore conjungitur: ut *Leberom*, pro, *liberum*. Sic *Ædebos*, *compedebos*, *noctebos*, *tibicinebos*, *soperstitebos*, pro, *Ædibus*, *compedibus*, *noctibus*, *tibicinibus*, *superstitibus*. Interdum diphthongô *oe* & *oi*, pro *u* longô usi sunt: ut *Oetier*, *Oesocapio*, *Oesorpatum*, pro, *uti*, *usucapio*, *usurpatum*. Sic *Coeratores*, pro, *curatores*. *Oi*, pro, *u* positum in *Oitier*, *Oitile* & consimilibus. Sic *Moinicipium*, pro, *municipium*. Consonantes quoque non paucas inter se commutârunt: *C*, pro, *g*, frequenti in usu fuit. Sic enim *Cenas* dixerunt pro, *genas*. Sic *Frucem*, *lece*, pro, *frugem*, *lege*. Itidemque *Lecere*, *rocato*, pro, *legere*, *rogato*. *D* pro *l* posuere, cum *Dingua* dixere, pro, *lingua*. Sic *Fedetrío*, pro, *Feretrio*.

F pro

F pro B, usurpârunt sequente *van*: ut *Af virod*, pro, *ab viro*. Q, pro c, ut *Pegunia*, pro *pecunia*. S pro r, *Asa*, *nesuo*, *casmen*, pro, *ara*, *nervo*, *carmen*. Sic in nominum flexionibus, *Majose*, *minose*, *arbofet*, *plusa*, pro, *maiore*, *minore*, *arbores*, *plura*. Sic *Fenose*, *unciasio*, pro, *fœnore*, *unciario*. Item in verborum flexionibus: *Arasit*, *vocasit*, *secuesit*, pro, *ararit*, *vocarit*, *secherit*. T, pro d, ut *Quit*, pro, *quid*. In compositis finalem præpositionis consonantem plerumque retinuerunt: ut *Conlegium*, *inprobis*, *adsignare*, *adtribuere*. Interdum tamen etiam mutârunt: ut *Opsepi-to*, *opturato*, *optinere*. In quibusdam geminata est commutatio, altera consonantis, altera vocalis, ut *Rocom*, *flacitiom*, *prodicos*, pro, *Rogum*, *flagitium*, *prodigus*. Sic *Acrom*, *ac-nom*, *ticnom*, pro, *agrum*, *agnum*, *tignum*. Item *Fidius*, pro, *filius*. *Osvagolatom*, pro, *Obvagulatam*. *Poplicom*, pro, *publicum*. *Quoi*, pro, *cui*. *Ausom*, pro, *aurum*. Sic *Capiuntor*, pro, *capiuntur*. In quibusdam duarum vocalium & unius consonantis facta mutatio, ut *Centileom*, *arvorsom*, seu *asvorsum*, *plusebos*, pro, *gentilium*, *adversum*, *pluribus*. In nonnullis gemina consonantis mutatio est, ut *arcuesit*, pro, *arguerit*.

Interdum *quantitatis* metaplasmos conjunxerunt, *additionem* scilicet & *detractionem*: ut *Jonsus*, *jousit*, pro, *jussus*, *jussit*. Sic *Poplei*, *confesei*, *demiseis*, pro, *populi*, *confessi*, *dimissis*.

*sis*. Interdum ad *quantitatis* metaplasma ad-  
junxerunt metaplasma *qualitatis*, ut cum u-  
num idemque vocabulum *additione* & *commu-  
tatione* transformârunt. Sic enim *Deicundo*,  
*adesctos* usurpata, pro, *dicendo*, *addictus*: sic  
*Maxsumo*, *proxsumos*, *fousiosos*, pro, *maximo*,  
*proximus*, *furiosus*. His adde *Endo*, *entera*,  
*supera*, *continoeis*, pro, *in*, *intra*, *supra*, *con-  
tinuis*: in quibus *commutatio* præcedit, *addi-  
tio* sequitur. *Detractionem* quoque & *commu-  
tationem* quandoque copulârunt, idque *commu-  
tatione* interdum sequente: ut *Adecito*, *poplos*,  
*prasentebos*, pro, *addicito*, *populus*, *prasentibus*.  
Interdum præcedente: ut *subicito*, pro, *subji-  
cito*. Sic *Olo*, pro, *illo*. Item *Fasis*, pro, *farris*.  
In quibusdam triplicatus est metaplasma: ut  
*Papslei*, *praseted*, pro, *pupilli*, *prasente*.

In nominum flexionibus præter superiora  
notabilem mutationem habent *Folminis*, *ipsos*,  
*im*, pro, *fulmen*, *ipse*, *eum*. Sic *Oloe*, pro, *illi*.

In verbis quoque varii præter supradictos  
metaplasmi a veteribus facti sunt: ut in ver-  
bô substantivô, *escit* & *escunt*, pro, *erit* & *erunt*.  
Itemque *siet*, *sient*, pro, *sit*, *sint*: & in futurô  
perfectô, *fnat*, pro, *fuert*. Ejusdem futuri  
perfecti magna in aliis quoque verbis est va-  
rietas, ut *Vindicit*, *verberit*, *prohsbesit*, *occisit*,  
pro, *vindicarit*, *verberarit*, *prohibuerit*, *occi-  
derit*. Item *tagit*, pro, *tetigerit*, *pacit* & *pacont*,  
pro, *pepigerit* & *pepigerint*: *faxisit*, *ruosit*, pro,  
*fecerit*, *ruperit*. *Paret*, *cepit*, pro, *pararit*,

*ceperit. Mifeit, viveit, pro miferit, vixerit. Item Duit, adduit, conduit, transduit, pro dederit, addiderit, condiderit, tradiderit. In passivâ etiam formâ turbassitur, pro turbatum fuerit: fariat-  
tor; nancitor, pro fari velit, nactus fuerit. Item darier, leibarier, pro dari, libari. Sic oetier & ditier, pro uti.*

In conjunctis vocibus facta interdum separatio: ut *En do, in do, in du*, pro *endo, indo, indu*. Sic *indo testato*, pro *intestato*. *Endo ponito*, *endo jacito*, *endo manos jactio*, pro *imponito, injicito, manus injectio*: Item *queicunomque*, pro *quicumque*, & consimilia. Contra interdum conjunguntur, quæ aliqui separari solent, ut *Statoleberom*, pro *statu liberum*.



Vetus scribendi ratio ab hodiernâ differt, vel

Quantitate in

Additione

Vocalis, ut

E. *Eidem*, pro *idem*.  
Leitem, pro *li-*  
*tem*.O. *Jous*, pro *jus*.  
Sono, pro *suo*.  
Queicunq̃ue, pro  
*quicumque*.U. *Juus*, pro *jus*.  
Arbitratuu. Lu-  
uit.N. *Quotiens*.S. *Exfigunt*. *Exfer-*  
*cere*. *Amassô*, pro  
*amasso*, & hoc pro  
*amâro*, seu *ama-*  
*vero*.Con-  
fo-  
nan-  
tis, utP. *Quips*, pro *quis*.  
ST. *Stlis*, pro *lis*.  
*Stritavus*.D. *Tuad*. *Plebed*.  
*Marid*. *Estod*.Syll. ut *Postidea*. *Indotestato*.O. *Fennus*. *Femina*.  
*Heres*.U. *Popli*, pro *po-*  
*puli*.I. *Adicito*. *Subice*. *Di-*  
*sice*. *Reice*.

Detractione

S. *Osa*; pro *ossa*.  
*Clase*, pro *classe*.  
*Jusit*, pro *jussit*.R. *Acera*, pro *acer-*  
*ra*.L. *Pelex*, pro *pel-*  
*lex*.Utrâque, ut *Jousit*, pro *jussit*. *Jou-*  
*sus*, pro *jussus*. *Poplei*, p. o. *popu-*  
*li*.

A

A

Quali-  
tate in  
com-  
muta-  
tione

Vocalis,  
ut

{ E, pro I. *Leber*, pro *liber*. *Men-  
nerva*. *Præsentebos*, pro *præ-  
sentibus*.  
O, pro E. *Vorsus*, pro *versus*,  
*Voster*, pro *vester*.  
O, pro U. *Servos*, pro *servus*.  
*Volnus*. *Dicont*. *Piacolom*.  
*Noctebos*.  
Oe, & Oi, pro U. *Cærare*,  
pro *curare*. *Oitier*, pro *utier*.  
*Oitile*, pro *utile*.  
U, pro E. *Dicundo*. *Faciundo*.  
*Ferundo*.  
U, pro I. *Optumus*. *Maxumus*.  
*Æstumare*.  
U, pro O. *Adulescens*. *Epistula*.  
U, pro Y. *Ægyptus*. *Surius*.  
*Sulla*.

Conso-  
nantis,  
ut

{ C, pro G. *Cenas*, pro *genas*.  
*Lece*, pro *lege*. *Lecio*, pro  
*legio*. *Rocom*, pro *rogum*.  
D, pro L. *Fidius*, pro *filius*.  
*Dingua*, pro *lingua*.  
D, pro R. *Fedetrius*, pro *Fe-  
retrius*.  
F, pro B. *Af virod*, pro *ab  
virô*. *Sifilus*, pro *fibilus*.  
L, pro D. *Delicat*, pro *de-  
dicat*.  
Q, pro C. *Pequnia*.  
R, pro D. *Arlabi*, pro *adla-  
bi*. *Arfinis*, pro *Adfinis*.  
S, pro R. *Afa*, pro *ara*. *Cas-  
men*, pro *carmen*. *Minose*,  
pro *minore*. *Amaso*, pro *a-  
maro*.  
T, pro D. *Alexanter*. *Cas-  
santra*. *Set*. *Quit*.

A

B



A	B	} Præpositionum finales, ut <i>In-</i> <i>lustris. Adfectus. Conlega.</i> <i>Optineo. Exfociont, pro ef-</i> <i>fugiunt.</i>
		Utriusque, ut <i>Arcuesit, pro arguerit.</i> <i>Exfociont, pro effugiunt.</i>
		Utrôque, ut <i>Adecito, pro addicito, Addeictos,</i> <i>pro addictus. Continoeis, pro continuis. Dei-</i> <i>cundo, pro dicendo. Endo, pro in. Fasis, pro</i> <i>farris. Fonsiosos, pro furiosus. Maxsumo, pro</i> <i>maximo. Oloi, pro illi. Poplos, pro populus.</i> <i>Præfeted, pro præfente. Præsentebos, pro præ-</i> <i>sentibus. Proxsumos, pro proximus. Sopera, pro</i> <i>supra. Aula, pro Olla.</i>

## Corrigenda.

Pag. 5. vers. 11 lege, *ex artis instrumentis efficiatur*  
 - - - v. 14. *Opus* possit legi *scopus*; licet aliæ  
 item editiones habeant *opus*.  
 Pag. 143. v. 5 lege, *Delphica laurus*.

F I N I S.



{ Nomen. pag. 125.

{ Idem Nomen. pag. 126.

{ Aliud Nomen,

{ Cognatum,

{ Nominativus.

{ Accusativus. pag. 126.

{ Alienum, pag. 127.

{ Solitarium,

{ Suppositi,

{ Nominis

{ regentis suppositum; i.e. Subst.

{ concordantis; i.e. Adjectiv. 129.

{ absoluti

{ apertius, pag. 130.

{ tectius, pag. 143.

{ relati, pag. 144.

{ Verbi, pag. 145.

{ finiti,

{ infiniti. pag. 146.

{ Præpositionis.

{ Appositi, pag. 147.

{ Nominis

{ recti, sive Substantivi.

{ concordantis, sive Adject. p. 148.

{ Verbi.

{ Conjunctionis. pag. 151.

{ Confociatum.

{ Verbum, pag. 157.

{ infinitum,

{ cognatum,

{ alienum, pag. 158.

{ finitum. pag. 159.

{ Præpositio. pag. 161.

{ Adverbium & Conjunctio. pag. 169.



5.6.7

00565 2587



